


Dr Schellenberg

Charles von Linn
Hauptmann E. Desor
und Ludwig Desor.

1864.



ANTONII DE HAEN
S. C. R. A. MAJESTATIS CONSILIARII
ET ARCHIATRI,

NEC NON MEDICINÆ IN HAC ALMA ET ANTIQUISSIMA
UNIVERSITATE PROFESSORIS PRIMARII,

PARS DECIMA
RATIONIS MEDENDI
IN NOSOCOMIO PRACTICO;
QUOD IN GRATIAM ET EMOLUMENTUM
MEDICINÆ STUDIOSORUM
CONDIDIT

MARIA THERESIA,
AUGUSTISSIMA ROMANORUM
IMPERATRIX
HUNG. BOHEM. &c. REGINA &c. &c.



VIENNÆ AUSTRIÆ,
SUMPTIBUS HERMANNI JOSEPHI KRÜCHTEN,
M. DCC. LXV.

305346

ELENCHUS CAPITUM.

CAPUT I.

De Colica Pictonum. Pag. 1.

CAPUT II.

Pathologica Priorum Anacephalæosis.
Pag. 77.

CAPUT III.

De Tetano. Pag. 115.

CAPUT IV.

Dissertatio de Tetano, ejusque Specie-
bus, nec non de Curandi eum Me-
thodo, a Primis Medicinæ Sæcu-
lis, in nostra usque Tempora ob-
servata. Pag. 130.

CAPUT V.

De Febre Miliari, ac Petechiali.
Pag. 194.

CAPUT VI.

Varia. Pag. 273.

EXPLICATIO TABULARUM.

TABULA I. EXPLICANS CAS. I. CAP. I.

- A. Cœcum Intestinum.
- B. Flexus ejusdem primus.
- C. Ejus sub Hepate progressus.
- D. Flexus alter prope Lienem.
- E. Ejusdem coarctatio sinistro in latere ad curvaturam pone Os Ilii usque.
- F. Flexus tertius.
- G. Insignis ejusdem dilatatio.
- H. Coarctatio ejusdem alia, multis cellulis conspicua.
- I. Abitus Coli in Rectum Intestinum.
- K. Rectum Intestinum admodum dilatatum.
- L. In medio vero angustissimum, iterumque dilatatum.
- M. Intestinum Ileum, una cum suo Mesenterio lumbis firmissime annexum, ope peculiaris membranæ.

TABULA II. PERTINENS AD CAS. II. CAP. I. FIG. I.

- A. Ingressus Intestini Ilei in Cœcum, quod hic penitus difforme apparet.
- B. Antrum ingens Cœci Intestini.
- C. Flexus Coli primus.
- D. Fle-

- D. Flexus Coli alter.
- E. Coli amplificati descensus ex regione lienari.
- F. Prima Coli arctatio.
- G. Saccus ejusdem amplius.
- H. Coarctatio altera.
- I. Saccus major, in quem Colon abivit.
- K. Coarctatio tertia ad Coli in Ilei offis regione flexum.
- L. Novus ejusdem in Saccum abitus.
- M. Coarctatio Coli quarta, cellulis pluribus inæqualis.
- N. Intestinum Rectum.
- O. Os Ventriculi finistrum.
- P. Linea punctis notata, indicans finistrum Ventriculi latus, post Coli finistrum flexum.
- Q. Ventriculi fundus.
- R. Ventriculi os dextrum punctis notatum cum pyloro, arcum dextrarum Costarum pene contingens.

FIG. II.

- S. Intestini Ilei insignis amplitudo.
 - T. Complanatum idem sub alia sui portione, sese superscandente.
 - V. Portio Intestini Ilei, aliam superscandens, eamque comprimens.
- NB. Mensenterium abscidi, ne figuram turbaret.

TABULA III.

REFERENDA AD CAS. III. CAP. I.

- A. Cæcum Intestinum.
- B. Cæcum Intestinum ex ingenti amplitudine

mox abeuns in angustum valde Canalem,
qui ad B. circumflexus, mox ante mem-
branam D. iterum vehementer latefcit.

C. Colon ampliffimum.

D. Fortis membrana quæ faccum Cœci A. &
ampliffimum Colon C. ad fe mutuo arcte
colligabat.

E. Flexus Coli primus infra Hepar.

F. Colum transversum.

G. Colum in fuo altero, eoque admodum al-
to, flexu: unde fe reflectit, & pro parte
fub ipfa fui portione decurrens, emer-
git in H.

H. Colum hic emergens, & adfcendens ad
I. ubi cartilaginem mucronatam in ante-
riora fic flexit, ut hæc, ventre adhuc
claufo, curvi hami inftar, antrorfum
promineret.

I. Colum idem ex dicto mox loco replica-
tum, & ad finiftra reflexum, fubducens
fefe fub priore fui parte, ad K.

K. Colum hic fub fua adfcendente portione
fubdens fe, in fummam anguftiam ad L.
abit.

L. Puncta notantia anguftiam, in quam abit
Colum ex K. veniens; amplitudinem-
que, in quam mox poft hanc anguftiam
dilatatur.

M. Colum mox iterum ampliffimum.

N. Idem longo tractu arctiffimum.

O. Poft flexum ad os Ilii Colum denuo abit
in dilatationem tuberofam primam.

Pp. Altera fimilis dilatatio minor.

Qq. Tertia adhuc minor.

Rr.

- Rr. Quarta, & minima.
 S. Rectum Intestinum.
 T. Duodenum hic a Pyloro incipiens: unde simul liquet hoc præternaturale Colum sic Ventriculi situm turbasse, ut hic suo dextro orificio infra Colum prodeat.
 U. Ingens antrum, in quod Duodenum abivit.
 V. Idem antrum subducens sese sub Cæco A. & sub Colo C. tegens, comprimensque angustam Coli portionem B. ideo tantum antro hic superpositam, ut conspiceretur.
 W. Duodeni in Jejunum exitus.

T A B U L A I V


PERTINENS AD CAP. III.

- A. Cæcum Intestinum.
 B. Prior Coli flexus.
 C. Descensus ejus obliquus ad umbilicum.
 D. Flexus ejusdem alter.
 E. Flexus ad cristam Ilii tertius.
 F. Angustia prima.
 G. Subita amplitudo ex hac angustia.
 H. Angustia altera.
 I. Antrum Coli ingens inter binas angustias.
 K. Angustia tertia.
 L. Intestinum rectum, ante anum abscissum, ut in omnibus figuris præcedentibus.

NB. Sola nimia repletione Intestina possunt reddi naturali dimensione longiora. Si quis, quemadmodum pluries feci, longam Intestini portionem in Plano, sive rotundo, sive anguloso, exporrigit sic, ut undique ad
Plani

Plani hujus margines vallo quodam coer-
ceatur, & a superiore parte molliter, ne
assurgere possit, tegatur; tumque, uno In-
testini extremo ligato, aërem per alterum
extremum diu, multumque inflet; videbit
Intestinum non modo inflari, sed elongari:
elongari autem productis miris versus Cen-
trum plani gyris, & flexibus; cum versus
exteriora extendi nequeat.

An non simile spectaculum alii in cor-
pore tubi exhibent nobis? Certe pluries in-
veni Ureteres, quemadmodum *Tom. I pag.*
134. descripsi, vel quod Calculus in fine
ad Vesicam hæreret, si unus; vel quod
Vesica, ad magnum Calculum contracta,
urinam vix ultra admitteret, si uterque,
urinam in Vesicam aut vix, aut nullatenus,
posset transmittere: vidi, inquam, eosdem
factos cum ab urina accumulata amplissimos,
tum Intestinorum in morem varios in flexus
& anfractus convolutos esse, ut duplam,
eaque majorem, adepti longitudinem essent;
externam Peritonæi telam cellulosam, Me-
senterii instar, secum ducentes. Unde ve-
rissimile fit, a repetitis constipata cum alvo
Colicis, ipsa Intestina & elongari, & in
mirificos flexus abire. Tamen etiam citra
morbos Intestina sic esse ab ipsa natura posse,
non est quod negem.



CAPUT I.

DE

COLICA PICTONUM.

§. I. *Colica Pictonum*, a plumbo, in septimo Paroxysmo Paralyfin inchoans, in nono adaugens; quæ Paralysis curata post hunc nonum Paroxysmum, non rediit in decimo, qui letalis fuit. Admonitio diagnostica, & semeiotica, de morborum ex sede tumoris & doloris determinatione. Adest in Colica hac vera Tympania, sed citra ventris tumorem; & cur? Aliena Splenis sedes. Pathognomicæ morbi Intestini Coli arctationes, & amplificationes stupendæ; etiam Rectum Intestinum, in medio vehementer exarctatum, Clepsydre figuram refert. Ilium intestinum prope Cæcum lumbo firmissime adnatum. Inflammatio Ventriculi, non tamen penetrans. Pia Mater aneurys-

matica, & varicosa. §. II. Alia Colica Saturnina, cujus insultus primus levis, alter post annum gravior, cum Paralyfi quidem inchoante, sed cum morbo quoque curata. Semianno post tertius Paroxysmus, gravi cum Paralyfi, curata in Nosocomio trium mensium spatio. Quartus post tres menses a plumbo renovatus gravissimus, sine Paralyfi, convulsivus, letalis. Observationes de situ viscerum, ut §. I. Problema circa colorem flavum in Ileo intestino, sinistro in latere, inventum. Coli arctationes portentosæ. De causa anxietatis & doloris Præcordiorum in hoc morbo. Dantur Coli arctationes superabiles, & insuperabiles. Ventriculus ingens. Pancreas enorme. Hepar intra Costas penitus reconditum. Lien alieno in loco. Liquor sub P. M. Rubra Pericardii vasa. Cor perfecte vacuum utrumque, licet in Pulmone inflammato plurimus sanguis esset. Pleura facile lacerabilis, inflammata tota. §. III. Colica Pictonum, forsitan etiam saturnina, crebro, brevi, levi insultu biennio priore; altero biennio crebriore, ac graviore, tandem gravissimo, post curam fallacem cito necans. De dubiis circa certam mortem, & quid in his-

bisce agendum. Coli degeneratio stupenda. Mirabile Duodeni Antrum. In hoc morbo Abdominis altitudo augetur, Thoracis minuitur. Causa subitaneæ mortis. Vacuum Cor utrumque. §. IV. Colica a plumbo, cum valido, frequenti, diuturno singultu. Gangræna in ea metus Cortice Peruv. pulsus. Curatio. §. V. Colica Pictonum a causa minus perspicua, curata. §. VI. Colica Saturnina, cujus Paralysis curata in Nosocomio. §. VII. Colica forte saturnina, una cum Nephritide calculosa, & diuturna Paralyfi, cum mirabili paralyticarum partium Degeneratione. Curatio. Num tamen in hoc homine causa proegumena perseveret? §. VIII. Colica Pictonum incertæ originis, cujus superstes Paralysis curata Remediis, Electricitate, Balneo Badensi. §. IX. Colica saturnina hominem occupans, cujus Paralysis in Nosocomio curata.

§. I. **O**pportunitatem Colicæ, quam Pictonum vocant, contemplandæ, multam quondam nactus, edidi anno 1745. de ea Dissertationem; & Rat. Med. Tomo III. Cap. 2. super

ejusdem cum natura, tum cura, differui : at vero hoc academico, quem, DEO dante, absolvimus, anno, complures ab hoc morbo ægros in Nosocomio, & alibi, nactus, prætereaque locupleti observatione anatomica in hac ipsa materia dives, nequeo quin orsum jam bis filum, bisque abruptum, tertio retexam; minime super mirabili morbo philosophaturus, dictaque sæpius recocturus, sed simplices observationes, quas tum vivi, sive reconvalescentes, sive vi morbi extincti, tum postremorum cadavera docuerint, enarraturus.

Pictor L. B. annos natus 44. die 12. Decemb. 1764. Nosocomium nostrum illatus, hanc nobis Anamnesin dabat. Multa Cerussa ad Artem suam uti solitus erat, nec pauca Cobalti copia, ad peculiare, Carpenta vernice pellucidissimo, incrustandi, artificium.

Sa-

Sanus olim, primum Colicæ Pictonum insultum, elapso abhinc septennio, perpeffus est, eodemque anno relapsus sexies, sexies restitutus; nulla Paralyfi, nullis unquam pravis symptomatibus morbo aut junctis, aut subsequutis. In singulo Paroxyfmo consueta symptomata passus erat; alvum duram, pertinacem, scybalis parvis compactis rotundis demum prodeuntem; enormes Ventris, Lumborumque cruciatus, Nauseas frequentes, Vomitus crebros, Anxietates, Noctes infomnes.

Libertatem a relapsu per integrum Sexennium conciliavit purgans, ad levissima quæque mali indicia assumptum.

Anno 1764. Martio Mense, septimum in Paroxyfimum incidit, violentum quidem eum, & quinque septimanas durantem, cum Paralyfi digiti

minimi, annularisque, utriusque manus, & nonnullo post morbum superstitite languore.

Æstate, cum sub Jove æstuante tota die pinxisset, vesperi se in lectum lassus coniecit, nocte vero ob vehemens tonitru lecto exsiliens, frigore se diu ad fenestram exposuit, dein obdormivit iterum; ex somno vero expergefactus, intolerabilem percepit utraque pedis in planta ardorem, unaque Octavum Colicæ suæ Paroxysmum. Hoc soluto brevi, ardor molestissimus pedum perseveravit integro X. septimanarum spatio, a Thermis *Badensibus* longe molestior. Tandem calido *Danubii* balneo usus, lapsus in febrem est, Venamque febris initio, nec non ejus die sexto sectus, in nonum tandem, crudelissimumque, insultum incidit, una cum Convulsionibus quidem, citra Ischuriam autem, vel Dysuriam. Contigit

tigit id circa 28. Nov. Novus advocatus Medicus propinavit emeticum, a quo mox ingens Convulsio oborta est, atque debilitas ejusmodi, ut ne jam jam exspiraret, cuncti adstantes metuerent. Paralysis eo usque accessit, ut brachia Epigastrio altiora attollere non posset. Die autem 5. aut 6. Decembris solertissimus Medicus accessit, qui hominem diuturna ægritudine egenum, adeoque ad sumptus morbi ultra ferendos ineptum, inveniens, consilium dedit, ut ventrem cataplasmate foveret, granum unum alterumque Aloës mane ac serosumeret, Butyri autem recentis insulsi, mane & vespere, partem libræ octavam cum pane comederet.

Quo equidem consilio incredibile quantum juvaretur æger! Ter enim, quaterve, alvus alias pertinax inde mota est, sedata sunt tormina, perdi-

tusque fere brachiorum motus utcunque emendatus. Sic 12. Dec. illatus in Nosocomium meum est.

Vix inibi receptus vomuit, vacillantibus cruribus aliquot passus conficere potuit, manus vero, carpo suo pendulas utrasque, neutiquam attollere. Alvum posuit Ovium aut Caprarum stercorei similem. Adfuit ingens utriusque manus in dorso tuberculum, durumque idem, & immobile.

A die 12. Dec. 1764. ad 28. Martii 1765. Nosocomii incola, Butyrum edere continuavit, nec aliis medicamentis fere ullis usus est, ut quantum inde proficisceretur in sanitatem constaret. Tantum vagos dolores in ventre, flatusque molestos, appetitum prostratum, Enemata oleosa, Rutæ infusum cum Elix. pp. compescuerunt. Hisce cum auxiliis morigera semper alvus, non raro quidem naturalis erat, sæ-

sæpius vero compactos referebat globulos. Contigit frequenter hoc tempore, ut quibus olim symptomatibus affuturas convulsiones præsenferat, eadem experiretur; Linguæ gravitatem, balbutiem, vertiginem, cephalæam, febrim; in convulsiones tamen proruperit nunquam.

Quinque septimanarum spatio hominem hoc modo tractavi, rationibus postmodum exponendis permotus. Verum cum emendatio inconstans esset, continuoque symptomata repeterent, illum denique 15. Jan. cum aliis, quos morbus detinebat idem, ad Machinam Electricam admovere cepi. Cum illis catena junctus, sustinuit vim ejusdem simplicem, sic, ut paucos primum, sensimque augendo, 50. ictus belle sustineret: interrupte tamen; siquidem sæpius renascente Vertigine, Cephalæa, aut Febricula, re-

movendus a Machina fuerit. Sic demum rediit pedetentim manuum motus: ut multum se delineando, pingendoque, exerceret; auram liberio-rem, unam alteramve horam ambu-lando, caperet; & restitutus tandem omnibus propemodum functionibus, domum suam die 28. Martii repeteret.

Intrat die Aprilis 8. uxor, nuncia-tura sanum quidem Maritum ex Noso-comio domum rediisse, sed postquam altera die vehementi ira excanduisset, gelidamque copiose hausisset, unaque, ut suspicabatur, vinum, lecto demum affigi, jamque convelli adeo vehemen-ter, ut sanguis ore perflueret: Unde enixe rogat, illum Nosocomio reci-peremus. Recipitur, convulsione eo-dem die cessante. Nauseabat, levio-re febre detinebatur, abdomine dolebat, de recuperato vero artuum motu per-diderat nihil.

Mox

Mox igitur oleosis Enematibus immixtis, scybala antiqua deposuit, vomuitque pluries. Enemate consimili crebrius iterato, admotis ventri universo Cataplasmatibus, assumptis Oleosis internis, Emulsis, Paregoricis, levioribusque Neuroticis, sedabantur utcunque symptomata; at vero ex tendinum subsultu Convulsiones præ foribus adstare monuit. Accessit Amaurosis perfecta, tum & Ischuria vera, quam Cathetere, ad duas libras urinæ educendo, solvimus. Dormientem videbamus leniter convelli, semisopitum delirare, febricitareque; bis autem terve mori visus, toties ad se redibat, Amaurosin perpetuo conquestus: tandem Aprilis 11. ad sextam in aurora horam exspiravit.

Thermometrum *Fahrenheitianum* bis die admotum illi, quantocunque tempore in Nosocomio fuit, aut naturalem 96. graduum calorem notavit,
aut

aut uno alterove duntaxat gradu majorem. Mortuo vero eidem actutum adplicatum, notavit primis V. minutis gradum 96. idemque & altero, & tertio, & quarto V. minutorum spatio; sic ut per $\frac{1}{3}$. horæ partem calor naturalis designaretur. Quinto autem spatio V. minutorum gradus 95. notabantur: sexto $94\frac{1}{2}$. gradus, & septimo 93. Conferri possunt cum hac observatione, quæ circa mortuorum calorem pluribus hujus Operis locis communicavi.

§. II. Cum homo convulsus mortuus esset, Legem cadavera ante binos dies, a morte expletos, aperire vetantem, observare debui, adeoque tunc demum aperui. Consulenda hic Tab. I.

Solo Abdomine pro more inciso, ejusdem Viscera in situ contemplabamur, & *Hippocratem* Hepar in Thorace locantem, ut sæpius, ita iterum hic,
omni-

omnino justificabamus. Plano quippe ad infima Costarum omnium elevato, Hepar intra Thoracem delituit universum, excepta portione Lobi minoris, Ventriculum in sinistro Hypochondrio obvelantis, Costarumque sinistrarum arcum præter propter contingentis.

Porro in hoc homine, quamdiu viscera sua in hoc situ gessit, si quopiam Jecoris vitio dextro in latere laborasset, nunquam id externus docuisset contactus. Præterea, si sinistro suo lobo intumuisse Jecur, an non facile pro eo aut Splenem, aut Pancreas, aut ipsum accusassemus Ventriculum?

Oggeret forte quis durum Ventriculi tumorem manifestum fieri, eo quod ille ab Ingestis fiat versus anteriora protuberantior, vomituque facto concidat; hincque saltem Ventriculum primario affici evidens esse.

Sed

Sed huic repono 1^{mo} Ventriculum vario sæpe spatio locari, nunc in latere sinistro mox sub Diaphragmate, alio in corpore magis in medio, aliquando æque dextro, quam sinistro in latere; vel sæpe detrusum sub latiore Hepate, cum elongato deorsum versus Oesophago, sic ut intra Umbilicum & Hepar emineat, quemadmodum pluries præcedentibus demonstrationibus patuit. In aliis cadaveribus Ventriculus ore sinistro attingebat quidem Diaphragma, verum sic a Colo, & Hepate, deorsum premebatur, ut orificio suo dextro vel perpendiculariter, vel oblique, versus umbilicum inveniretur. Simile quid tertium cadaver nos iterum docebit. Vel sic, ut Ventriculus ingens totam Epigastrii latitudinem explens, post tympaniticum Colon abscondatur totus, posterioraque versus compressus nullæ sui parte externo pateat contactui.

2^{do} Cadavera pluries docent Ventriculū innocuum mox a repletionē, imo sub ipsa repletionē, vel ideo vomendo se exonerare debuisse, quod aut turgidus Splen, aut tumefactum Hepar, aut monstrosum Pancreas, aut protuberans tumore Omentum, aut assurgentes ex Mesenterio tumores, aut caput magnitudine æquans Ren, Columve tympaniticum, quamcunque impediret Ventriculi expansionem. Unde liquet *ex sede tumoris, & doloris*, ægerrime sæpe determinari posse, quodnam Viscus primario affectum sit.

Notandum tamen est Jecinoris molem naturaliter in nonnullis aut multum, parum, aut nihil infra costarum eminere margines; in aliis vero, ut in hoc, sequentibusque cadaveribus, præternaturaliter, ac morbose, tam alte delitescere.

Notandum & aliud in hoc & sequentibus cadaveribus. Tympaniam refert Colon hic præprimis, referunt aliquantum & tenuia Intestina. Porro intestina tympanitica amplitudinem æque quam altitudinem Abdominis expandendo, sibi spatium conciliant, ventresque formant monstrosos. In his vero, quos Colica Piætonum sustulit, Tympanites vel ideo ventrem non expandit, eo quod symptomate pathognomico venter sic contrahatur, ut, ceu planus asser, contingat fere prominentem Vertebrarum spinam, referatque perpetuantem in hoc morbo *Tetanium*. Data itaque Tympanias causa, Hepar, Splen, Pancreas, Ventriculus, Diaphragma, in altum ferantur, necesse est.

Hepar hujus hominis valde latum, sic majorem, minoremve lobum unitum inter se habuit, ut citra vel mi-

ni.

nimum concretionis vestigium, unicus modo lobus esse videretur: plaga autem albida hic medium, ibi integrum digitum lata, zonæ instar, universum viscus a dextra parte in lævam cingebat.

Vesica fellis viciniam suam nihil omnino, transudando, tinxerat, ut bilem flavam deesse suspicarer. Et sane educta ex vesicula rubellam nobis ad candelæ lucem referebat saniem. Sed candela fefellerat, ut postera luce color vere aurantius demonstrabat.

Splen sanus, parvus, infra Costarum margines non prominulus, post Ventriculum ad dorsum adpressus erat. Frustra eum quis loco solito quæsisisset. Cum id toties visum, & in sequentibus adhuc observabitur, intelligimus *Hepatitis* aliquando dari, in qua, in consueto splenis domicilio perceptus dolor, materiæ morbificæ coctionem, & excretionem, neutiquam

designaret. Vid. *Boerhaave* Aphor. §. 923. n. 3.

Colon nunc describendum ; quod prius quam enarrata *Hypochondriorum* viscera perlustraremus, in situ, nequid turbaretur, examinavimus. Saccus *Cœci*, crista ossis ilei quatuor digitis latis altior, omnino naturalis erat. *Colon* inde adscendebat inter *Hepar* & costarum arcum ad altitudinem fere *Octavæ* costæ: flexum inde, oblique deorsum descendebat, secundum crepidinem *Jecoris*, adscendebatque iterum sub *Ventriculo* sursum ultra costam nonam sic, ut suum lienarem dictum flexum perficeret eo in spatio, quod inter *Diaphragma*, *Costas*, *Lienem*, ac *Ventriculum*, interesset. Descensurum autem inde versus *Ileum* sinistrum, medio fere itinere, ex amplo angustum admodum, & tuberosum fiebat, mox vero ex *Ileo* sinistro prodeuns in amplum

plum valde faccum digiti longitudinis dilatabatur, moxque iterum coarctabatur simili fere longitudine, ac tandem abibat in Rectum; quod ipsum Rectum Intestinum in media sui parte sic contrahebatur, ac si filo constrictum esset.

Erant autem omnes hi loci coarctati vehementer crassi, & indurati.

Considerato hac ratione Colo toto, facile colligimus *dolorem colicum communem* mentiri Hepatitidem potuisse, mentiri Splenitidem, Pleuritidemve, si ex solo loco affecto quis judicaret: Diagnosis igitur horum non formanda morborum est, nisi consultis prius singulorum symptomatis.

In Intestino *Ileo* plagæ multæ inflammatae, imo hinc inde fere gangrænosæ: quo vero loco in Cæcum intraturum erat, concreverat digiti longitudine, una cum suo Mesenterio, hinc,

& inde, ad Peritoneum in Lumbo, ope fortissimæ membranæ. An non hinc actionis Intestini insigne impedimentum? Et an non intelligitur inde causa doloris, quem in eadem plaga sæpe conquestus erat, & ob quem se frequenter in id latus incurvabat?

Ventriculus magnus, sex Libras medicas continens, parte dextra rugas villosæ tunicæ exhibens maximas, multas, solidasque: pone pylorum autem in villosa tunica inflammatio lata conspiciebatur, aliaque inflammatio amplior versus ejusdem lateris fundum. In tunica vero Ventriculi extima inflammatio dira, jam fuscopurpurea, correspondens exacte cum inflammatis tunicæ villosæ plagis. Concludebamus primo Ventriculum inflammatione, in Gangrænam abeunte, in tota sua substantia laborare: derafa tamen prudenter tunica interna vehementer nos errasse

rasse omnes intelligebamus ; nam minime inflammata, sed vere alba apparuit tunc tunica Vasculosa.

Cor parvi hominis magnum, utroque in thalamo æqualem circiter sanguinis, ejusque grumosi, copiam gerens. *Cor* dextrum flaccidius, nec in parietibus crassius; sinistrum vero solito longe & durius, & crassius.

Pulmones boni, excepto lobo dextro superiore, qui duritie scirrhosæ fuit; non connati cum pleura, nisi leviter in dorso.

Cranium crassissimum. *Dura Mater* bona. *Pia Mater* aneurysmatica & varicosa tota; magis tamen in sinistro, quam in dextro Hemisphærio. Sinus superiores admodum parum Lymphæ gerebant. Plexus choroidæi crassi, longique; pallidi vero toti.

Tubera, quæ hoc hominum genus gerere in dorso manus solent, eaque

mobilia vel immobilia, in hoc homine fuerant semper immobilia: nec mirum: non enim illa in tendinum Vagina, ut sæpe, sed in ossis Metacarpi secundi & tertii capitibus sedem habebant.

In morbi Paroxyfmo ultimo Nauseæ aderant, Vomitus, Abdominis dolor, Febricula, Sanguinis seu sputum, seu scretus, & Capitis dolor, qui, ut ipsi a septimo Paroxyfmo frequens, in hoc ultimo perquam molestus fuit. In omnibus Paroxyfms Vomitu vexatus est. In Paroxyfmo octavo primum convelli cepit; forte a præpostero dato Emetico. In Paroxyfmo septimo levis duorum digitorum Paralyfis adfuit; gravis in nono, sed medicabilis; nulla in Paroxyfmo ultimo. In ipsoque hoc ultimo vera Ischuria, & Amaurosis perpetua. In omnibus autem Paroxyfms, imo & lucidis in intervallis, alvo

alvo emissâ sunt compacta rotunda parva scybala.

§. II. L. W. quadragenarius, 20. Nov. 1764. in Nosocomium est inductus. Febri acuta ante octennium; Febre tertiana novem mensium, sponte demum fatiscente, ante decennium laboraverat. Tinctoria arte olim, ab annis autem 12. circiter Cerussam in Pollinem, Pictorum in usum, terendo, victum sibi comparaverat. Nullis in Diæta excessibus sibi nocuit, perpetuoque alvo bona gavissus est.

Biennio abhinc elapso anxietatem præcordiorum experiri cepit, idque cum maxime sub osse sterni, alvum tardiozem, ventris, lumborumque dolorem: hæc tamen omnia, Venæsectiones & Purgantia intra octiduum fugarunt.

Integra posthac sanitate annum gavissus, secundo incidit in morbum

eundem, sed multum per omnia graviorem: insultus quippe prioris symptomatibus nunc euns redeunsque Ischuria, ac brachiorum inchoans Paralysis, se junxerunt; cessante autem Paroxysmo, sinistrum genu immensam excrevit in molem. Paucis tamen assumptis medicamentis, & Creta Coloniensi in charta cerulea ad genu admota, concidit genu, & rediit sanitas, expletis octo septimanis.

Ineunte Septembri morbus ipsum tertio quidemprehendit, sed pedetentim, ita ut laborem suum utcumque adhuc prosequi posset, cum gravi praecordiorum, eaque sub sterno potissimum, anxietate. Alvus tandem penitus dies complures clausa, purgantibus, emeticis, clysteribus, frustra a Balneatore sollicitabatur. Accessit dolor, a comestu auctus, pone umbilicum, eum in modum Intestina compr-

primens, ac si inter duo veluti proela premerentur, venterque non modo non prominulus, ut antea, sed planus, durus, introrsumque retracts videretur.

Ab hoc tertio morbi insultu Paralysis se manifestavit impedito digitorum motu, impedita manuum extensione, impedita brachiorum, humerorumque, elevatione. Thermis *Badensis*, ut æger prior, ita & hic usus est incassum. Utriusque manus dorso tuberculum crassum inhæret, immobile, duritie osseum, in dextra rotundius, planius autem & angulosius in sinistra. Humerorum ac brachiorum integumenta, & muscoli flaccescunt. Pedibus insists, toto corpore tremi.

Huic homini mox ictus electricos quinque adplicui, augendo sensim primo ad 50. tandem ad 100. ictus, in Corona multorum ad machinam affi-

B 5 denti.

denti. Frictio partium paralyticarum, totiusque Spinæ dorsi, pannis laneis fumo Mastiches, Olibani, & Baccarum Junip. penetratis, bis die, toto, quo nobis affuit, tempore, instituta est; idque, ut verbo moneam, religiosissime observatum fuit in omnibus, qui hocce morbo apud nos decubuerunt. Medicamenta autem interna fuere hæc: *℞.* Sap. Ven. Gum. amm. Mass. pil. Ruffi, Terræ fol. tart. à dr. j. Therieb. q. s. M. f. pil. gr. IV. sumsit quovis trihorio illarum duas, cum aqua primum, dein cum infuso Abrotani, tandem cum Uncia hujus Misturæ. *℞.* Spir. C. C. succinati dr. ij. Ol. Still. Succini, Menthæ, Lavendulæ, cum sacchari albi dr. iij. in Elæosaccharum redacti à gtt. iij. Syrup. Enulæ Camp. unc. j. Spir. Menthæ unc. β. Aquæ still. Rorism. ℥. j. Intereaue temporis Vesicans latum impositum Nuchæ est

est aliquoties. Bisque in septimana
unc. V. Aq. Lax. Vienn. datæ.

Tandem 12. Jan. uti cepit hoc Vi-
no medicato : ℞. Limaturæ Martis
non rubig. unc. j. Cort. Magell. &
Cinam. à dr. ij. Corticis Peruviani unc. j.
Pulvis grossus spatio 24. horarum di-
geratur calide cum libris iij. vini au-
striaci albi , in phiala alta chemi-
ca. Hujus vini primo fumsit omni tri-
horio unciam mediam , deinde inte-
gram.

Manifesta jam fiebat Paralyseos
emendatio ; longe manifestior autem
postquam tertia usus hujus vini medi-
cati septimana febre 12. horarum,
cum diuturniore frigore interno, ex-
ternorumque calore, correptus esset.

Cæterum toto tempore, quo in
Nosocomio fuit, calor mane, ac vespere
semper thermometro exploratus, raro
naturalis fuit, sed sæpe gradibus bi-
nis,

nis, nec raro tribus, aut quatuor, calorem naturalem superavit.

Die 28. Martii gratia nobis acta, Artem tinctoriam resumfit, eamque exercuit inculpate, quamdiu a plumbi tritura religiose abstineret; vix vero se eidem addicebat, quin recrudescerent dolores Colici, stercora Caprarum similia laboriose redderentur, humerique cum brachiis hebescere inciperent. Uxor autem, quæ in terendo plumbo ipsi ab aliquot retro septimanis auxilio fuerat, idem cum illo malum conqueri cepit. Historia uxoris suo ordine enarrabitur.

Contingebant porro hæc Junio mense. Utrisque dabatur largum infusum Fol. Sennæ cum Manna. Probe autem inde purgatis pilulæ utrisque dabantur eæ, quibus maritus olim diu usus fuit.

Tan-

Tandem 10. Julii, qua hora undique advolantes pauperes juvare soleo, homo hic Nosocomium ingressus, interea, dum suam vicem expectat, cadit, totoque corpore convellitur, facie maxime, & pectore; cum spuma non tenaci ex ore proflua. Lecto mox impositum examinantes, deprehendimus pulsum celerem, ac ventrem durum valde, & introtractum. Cessante Convulsione potus laxans, Enemata, Epithemata, Neurotica, Paregorica, Oleosa, alvum probe solverunt, & cum eadem Ceraforum, quos devoraverat, nucleos; Vena brachii secta vehementem febrem moderata est, convulsionesque fregit, ita ut per aliquot dies spe aliqua nos lactaret; verum die 16. Julii ab hora sexta pomeridiana, in secundam noctis, convulsus perpetuo fuit, convulsus periit.

Cadaver in frigido subterraneo loco horas 54. conservatum, die 19. Julii publice aperui.

Inciso abdomine, ac late patente, nihil omnino videre præter Intestina erat. Nihil enim Hepatis, nihil Splenis, aut Ventriculi apparuit, excepta hujus portiuncula, Colo Intestino sub cartilagine ensiformi insidentis. Tenuia Intestina omnia solito ampliora, Colon dextro in latere, suoque transverso in Epigastrio itinere, longe amplissimum.

A latere Umbilici, paulo magis deorsum, *Intestini Ilei* pars ita complicata erat, ut a portionibus ejusdem Intestini, utrimque intumescantibus, Omnis ejus cavitas prorsum deleteretur. An simile quid, idque durabile, verum Ileum non generaret? Probabile admodum a causa consimili Ilei Intestini contigisse rupturam, *Rat. Med. Tom. IX. Cap. de Ileo.*

Paulo

Paulo inferius, *ejusdem Intestini portio* ex latissima expansione in subitam ejusmodi angustiam abibat, ut lagenam referret ventrosam angusticollem. Nonne a tali causa Intestini introfusceptio metuenda? Ex utraque hac observatione constat, in Pictonum Colica non Intestina crassa duntaxat, sed & tenuia degenerare, & morbosa reddi. *Vid. Tab. IV. Fig. 2.*

Distentissimæ *Vesiculæ* transsudante bile Hepar, Colon, Jejunum, ac Mesenterii portiones profunde tangebantur. Sed undenam idem aurantius color ejusdem Intestini Ilei portionis, duorum pollicum longitudine, uti & Mesenterii, versus sinistram Coxam? Nec non paulo altius in sinistro latere, longitudine 5. pollicum, paulo minore intensitate coloris? *Petrus Milo*, Henrici IV. Regis Galliarum Archiater, in simili cadavere demonstravit, præsentē

Ci.

Citesio, inter Jejuni Intestini tunicas tumorem anserini ovi magnitudine, sinceram bilem, eamque æruginosam, profundentem. An copiosa bilis convulsiones excitaret, effundendo sese in varias Intestinalium membranarum plagas? An vero potius tempore convulsionum hæc Ilei Intestini pars, convulsione distracta, pro tempore Vesiculæ bilis proxima jacuit, & a vehementer transfudante Bile sic fuit colorata?

Colon Intestinum diametri tribus pollicibus majoris, in latere sinistro supra partem Ventriculi sinistram transcendens, iter suum terminabat ad illud spatium, quod inter 5. ac 6. costam, numero a superioribus ducto, interjacet. Inde supra Lienem deorsum reflexum, in angustum abibat, moxque inde amplificatum, alteram formabat angustiam, versus cristam Ilei tertiam, ac tandem, antequam in Rectum abiret,

ret, quartam digito longiorem. Vid. Tab. 2. cum explicatione.

Numquid Coli tympanitici tam alta sedes, in his morbis pluries observata, non explicat illam hujus hominis, aliorumque hoc morbo afflictorum, perceptam ad præcordia anxietatem? frequentesque dolores?

Notavimus in hoc Cadavere hæc ipsa angusta loca Intestini, adeo dura, & incrassata non fuisse, quam quidem in præcedente, & mox subsequente; agitatione enim, ac contrectatione partium, aër copiosus, per intestina transmissus, hasce easdem angustias multum dilatabat. Nunquid in hoc homine, nisi eum convulsio peremisset, restitutio vitiatæ Intestini formæ adhuc non fuisset sperabilis?

Coecum Intestinum in diverticulum abibat, quod in quavis dimensione octo pollicum diametrum habebat.

Pars X.

C

Colo

Colo elevato, *Ventriculus* apparuit, contingens lateris sinistri costarum arcum, & sub Colo explens totam Epigastrii latitudinem, ita ut ad arcum dextrarum costarum formaret Pylorum; ut fig. 2. exhibet. Anteriore, eaque media sui parte, latitudine binorum pollicum, admodum inflammatus fuit, inflammatione tamen ad intimiores tunicas non se penetrante. In interiore autem ejus parte, prope lævum orificium, plures insulæ rubræ conspiciebantur. Pylorus angustior, & annulo duriore incompleto munitus. Symptomata Ventriculo, in hoc homine, propria, potuissent sub larva aliorum morborum imponere Medentibus, præ visceris latitudine. Pluries Ventriculos demonstravi similes.

Hepar totum sub Costis reconditum, ut digitis, oculisque, nihil ejus usurpari posset; colore pallido-rufum,

fum, & lata crepidine lividum: livor, dum præscindebatur transversim, mediæ lineæ crassitudinem habebat. Situm autem adeo dextro in latere Hepar, ut nihil ejus sinistrum Hypochondrium haberet.

Vesicula felleis, ovi gallinacei magnitudine, copiosam, eamque colore aurantiam, bilem continebat; sita autem non pro more, sed ad extremam dextram Lobi majoris oram, interne. Quippe Pylorus, sub arcu Costarum dextrarum situs, orsumque inde Duodenum, hunc vesiculæ situm omnino poscebant. Ita ut hæc minime vitiosa degeneratio fuerit, sed conditio situsque naturalis.

Pancreas octo pollices longum, quatuor altum, sed planum, pluribus in locis durius, in medio vero omnino cartilagineum.

Lien naturalis, colore, substantia, mole, post Ventriculum in latere sinistro absconditus, inferiore sua parte tribus minimum digitis ab infima Costarum margine remotus, altiorque; ut clauso abdomine nihil de eo tangi potuisset.

Itaque in hoc homine, sive hic Hepatis, Splenisque, situs fuerit naturalis, sive in repetitis morbi insultibus genitus, non potuit ex molli Hypochondriorum actu utriusque hujus visceris integritas laudari: cum utrumque vitiosum esse potuisset, modo a nobis, actu saltem, non indagando.

Renes boni, nisi quod dextro parum admodum adesset substantiæ dictæ corticalis.

Olla cranii prudentissime resecta, nulloque liquido extillante ex plaga una, alteraque *Duræ Matris*, a ferra fauciatae, vidimus *Duram Matrem* bonam,

nam, polyposum in sinu longitudinali sanguinem, & effusum hinc inde mucosum, ut videbatur, liquidum inter Cerebri sulcos: Pia Matre vero perscissa, vere limpidum apparuit. *Pia Mater* solito plus infarcta sanguine, haud copioso tamen.

In Ventriculis utrisque superioribus, in ventriculo tertio, & in quarto, ne guttula quidem aquæ. Nec liquor ullus in basi Calvariæ. Plexus Choroidæi crassi, & colorati. Substantia cerebri attactu veluti pinguior, & digitis adhærens.

Thoracis utroque in cavo paucula rubella aqua.

Nulla in *Pericardio* aqua; sed forte unica duntaxat dragma liquidi rubelli, quod an a transciso *Pericardio*? Id enim, in extima saltem tunica sua, & in hoc homine, & nuper in puero, vasa rubra nonnulla habere manifesto licuit.

Cor utrumque sic vacuum, ut ne guttulam aut grumum quidem sanguinis in suis habuisse cavis certissimum sit: primo quidem intuitu ad dextri cordis parietem, inter columnas, sub iisdemque, sanguinem subnigrum videre videbamus; at vero auferre eundem, abluereve conati, convincebamus nihil adesse sanguinis, sed mediam internam hujus thalami partem ex inflammatione jam gangrænosam esse. Grumofus sanguis in sinibus venosis. Percissa utriusque Cordis Ventriculi substantia hepatici coloris fuit.

Pulmo dexter lobo superiore adhæsit, cohæsiōne membranacea, cum Pleura; ad dorsum vero tota longitudine. Ambo facie anteriore coloris cinerei, variegati; tota vero superficie laterali, ac postica, præ intensa rubedine fere nigricantes.

Cohæſio dextri pulmonis cum dorſo, non videbatur omnino fortis eſſe, cum facili negotio ſolveretur: exemptis autem Pulmonibus patuit me in hac cohæſione ſolvenda ipſam dilaceraviſſe Pleuram, utpote hic facile dilacerabilem.

Sed hæc eadem *Pleura* rubebat, ſicut totus Thorax internus panno ſcarlatino ſuccingi videretur. Primo adſpectu Pleuram a pulmonum accretorum dilaceratione ſanguine maculatam ratus, ſanguinem ter quater ſpongia nitida abluere ſatagebam, ſed fruſtra: feliciffima enim Meningum Cerebri injectio nunquam tot vaſcula impleta exhibuit, quam inflammatio in hac Pleura, tam qua coſtas univerſas, a ſummo jugulo, ad infima quæque ſuccingit, quam qua Diaphragma.

Ruberrima hæc Pleura in cameræ ſiniſtræ inferiore ac media parte ſepa-

rata apparuit, inque bullas elata, alias pisi magnitudine, alias fabæ, unam digiti dimidii. Suspicabamur primo, ne dum Cor cum Pulmone ex Thorace solvebamus, aër inter laceratam Pleuram, Spinamque subintrasset: verum constiterat, vel antequam hæc viscera eximeremus, bullas illas jam conspicuas fuisse. Forsitan dum in dextro latere Pleuram inscius lacerabam, aer furtim subinsinuavit sese, penetransque sub facile separabili membrana bullas illas exhibuit, antequam viscera eximeremus Thoracis. Unde si de reperto ibidem aëre nihil peculiare concludere fas sit, saltem Pleura hæc & vasculosissimam esse se, contra eos, qui id negent; & vehementi inflammatione, facillimaque separatione, se admodum vitiatam esse ostendit.

§. III. *Industrius Chemicus & Pharmacopæus*, annos natus 44. a quadrien-
nio

nio affligi cepit levioribus ac brevioribus Colicæ Pictavenfis paroxyſmis; a biennio autem ſævioribus, crebrioribusque; ſic ut quovis ferme alterno menſe duobus, tribusve diebus ſævirent: tandem vero prima Aprilis hujus, quem vivimus, anni, paroxyſmo affligi cepit omnium ſæviffimo, & demum funeſto; ſic tamen ut dolores quandoque pluribus, paucioribusve diebus, vel minuerentur, vel conticeſcerent; & homo a morbi reliquis eximeretur ſymptomatibus.

Nihil detexit cauſarum Examen, niſi & vini Auſtriaci data occaſione abuſum, & Emplaſtrorum, quorum in compoſitionem Plumbum, Ceruſſa, Minium, aut ſingula, aut juncta concurrunt, copioſam ac crebram confectionem.

Graviſſima omnia fuere hic Symptomata; dolor intolerabilis, prope
C 5 um.

umbilicum potissimum, introtractio summa Abdominis, alvus ita clausa & introtracta, ut Pharmacopæus Clyisma immissurus vix podicem invenire penetrareque posset, fæces alvinæ ovillorum similes, inchoansque Crurum Paralysis. Solus deerat, qui aliis vix deest, Vomitus: deerat etiam, quæ multis deest, Ischuria; sed aderat ejus loco Dysuria. Cum soluto multum Paroxyfmo hoc graviore, curam lactis incepisset, vomuit aliquando idem colostratum, sed Sapone veneto multo, & Lap. cancr. superavit Vomitus. Pervenitque tandem Medicus methodo ei consimili, quam in prioribus observavi, ad tantam morbi emendationem, ut symptomata omnia multos dies silerent, & ut curru hinc inde exspaciaretur, quo vires pulchre redibant. Verum postea flatus hominem misere cruciarunt, & fere semper do-

lo-

lorem in epigastrio, & dorso, lumbisque, ac si perforarentur, conquestus est. In Consilium vocatus ab ejusdem præstantissimo Medico *Seredi*, suasi emuliones camphoratas & paregoricas, una cum frictionibus, & dolentis dorsifocui anodyno, enematibusque quotidianis oleosis, continuaret. Biduoque post vidi illum jam surgentem, obambulantem, flatibus commode expellentem, meliore appetitu, somno, alvoque, gaudentem. Tandem vero die 17. Aug. tam bene se omnibus functionibus habuit, ut iter quoddam cum amicis animi recreandi gratia decerneret, ad meridiem lætus mensæ cum aliis accumberet; hora autem secunda de rebus domesticis componendis multa confabulatus, Non bene, inquit, me habeo; porrigite mihi acetum: dum vero illud quærunt, moritur.

Die 19. Aug. ad secundam pomeridianam sepeliendus erat, nec vel per horam sepulturam differri, negotia illis in ædibus peragenda, sinebant. Sed hora hæc eadem erat etiam quadragesima octava a morte. Hinc legibus, quantum possibile, satisfactorius, non nisi mox ante sepulturam incidi cadaver.

Integumentis incisis ab osse pubis ad usque sternum, cum casu artus superiores moverem, mirabar in humeris, brachiis, manibus, digitisque, viventis similem flexilitatem; vultumque obvelatum revelans, stupebam veluti vivi hominis faciem, minime pallidam, extenuatamque; oculis tamen turbidis & obfuscatis. Certam autem mortem tum tempus a morte elapsum, tum irritatio incisione facta, tum oculorum conspectus, evidenter docebant. Pluries tale quid contingit in cadaveribus observare; ita, ut
haud

haud omnino universalis ea Lex fit, secundum quam quosdam Scriptores video sic certam mortem determinare, ut rigor cadaveribus proprius adsit; rigiditate nimia, nimiaque flacciditate, mortis post se relinquentibus incertitudinem.

Aperto Abdomine ilico multum in eo sanguinem effusum offendebamus: intacto tamen eo, nequid turbaremus, ad viscerum in situ examen nos accinximus.

Principio nullum *Omentum* adesse visum est, nisi supra unicum Colon. Idem tamen evolutum magis, videbatur ad 2. 3. latos digitos posse explari. Confusa nihilominus fuit omnis Omenti idea; cum, ut mox patebit, Colon intestinum variis suis flexibus Ventriculum ad dorsum adplicaret, suoque in situ turbaret sic, ut illa Omenti portio, quæ fundo Ventricu-
li

li adnascitur, distracta omnino difformisque appareret, ac nihil minus referret, quam Omentum.

Cæcum Intestinum ingens, pugni magnitudine dextro Ileo incumbibat, jamque Colon factum, abibat mox in angustam admodum formam dextrorsum; hinc autem assurgens, amplificabatur in pugni molem, ut Tab. III. docet. In ea porro sua amplificatione continebat Saccum Cæci, & membrana, fibris fortibus instructa, longaque, cum hoc Cæci Sacco colligebatur. Facile igitur capitur angustam Coli portionem ad Lit. B. compressam omnino imperviamque fuisse, quando Cæcum & Colon Materia quacunque replerentur. Et si quis consideret angustam hanc, & compressam Coli portionem, non modo sub Cæco Intestino, Coloque, verum etiam sub amplissimo mox describendo, & ad Lit. V. U.

in

in Tab. III. repræsentato, Duodeni Intestini Sacco, inventam fuisse, hanc ejus compressionem eo majorem intelliget. Debui autem hanc eandem portionem veluti supra Duodenum delineare, ut qualis fuerit, appareret.

Porro amplificatum hoc Intestinum Colon adscendebat ad marginem sinistrarum Costarum ante Hepar, nec altius conscendens in transversum se flexit; medium vero Epigastrium transgressum, adscendit oblique sursum, idque ad Costam quartam usque, numero a superiore costa ducto, in ipsum usque costæ arcum. Hic vero loci flexit se, & oblique, versus medium Epigastrium, sub priore ejus adscendente parte decurrens, assurgebat, jamque ab illa Compressione liberum abibat in dilatatum admodum, attenuatumque, ac vix ligamentosis fibris donatum, tubum; & sub Colo,
ob-

oblique sursum adscendente, se subducens, cursum suum consuetum in latere sinistro versus os Ileum instituebat. Hoc vero in itinere primo in prætenuem canalem, qui ad Lit. L. punctulis notatur, vix penna anserina ampliorem, abibat: inde vero mox in amplum sesquipollicis antrum se expandens, alteram formabat coarctationem, minimo digito non crassiorem, pedis præter propter longitudine; donec sinistro in Ileo flexisset sese, formaretque iterum dilatatum quendam Saccum; ter autem adhuc affectans talem & amplificationem, & coarctationem, in Rectum tandem abibat.

Sed ab interno latere primæ Coli amplificationis, & supra ejusdem Coli coarctationem, & compressionem ad Lit. notatam, Saccus deprehendebatur globosus admodum, ac vehementer dilatatus. Saccus hic conjun-

gebatur expansione membranacea cum prima Coli amplificatione, & arcte connatus erat ad Mesenterii fere centrum in Lumborum summitate. Expansione autem membranacea ista prudenter soluta, patuit Saccum hunc ipsum Intestinum Duodenum esse, ad sex transversos digitos dilatatum, moxque abiturum in Jejunum. Pylorum tunc, & dextram Ventriculi partem, Duodenum sponte monstrabat.

Ventriculus post degenerascentem Coli Fabricam sinistra sui parte latebat, dextra vero deprimebatur ab Hepate, & a Colo sic, ut sub transversa Coli parte descenderet, indeque emergens Pylorum formaret. Tab. III. Lit. T.

Qui hanc Anatomen non vidit, ægre capiet Pylorum tam inferne reperriri, Duodenum inde per sex latos digitos deorsum petere, & in expositum mox antrum, in eadem altitudine cum

prima Coli amplificatione, abire: quippe solita Abdominis capacitas haud bene videbitur ipsi tot admittere dimensiones.

Hunc autem rogo quam altum, longumve, hoc Abdomen fuerit, attente considerare velit. Colon enim tum amplitudine, tum longitudine, enormiter auctum, Diaphragma in altum vehementer protruserat, ut id non in arcu Costarum tantummodo, verum etiam antè in expositam ante adscenderet altitudinem. Quin & idem Colon, ab arcu costarum sinistrarum, ad duos digitos latos in dextram Epigastrii partem reflexum, indeque assurgendo se convertens in latus lævum, Hepar valde compressisse, unaque cum Diaphragmate sursum trusisse; eademque de causa mucronatam Cartilaginem in anteriora admodum incurvari debuisse; evidens est.

His

His ordine examinatis, licebat de-
mum in causam inquirere, quæ eam
nobis effusi cruoris copiam exhibebat,
ut facile omnem fere vitalem cruorem,
sive grumofum ad superficiem & latera
molis intestinalis, sive coagulatum
versus lumbos, hæere existimarem.
Diu prudenterque cuncta rimati, dete-
ximus tandem ingentem in vena Cava,
mox sub Diaphragmate hiatum; ex
quo dum Venam Cavam premebamus,
paucus in eadem residuus sanguis ex-
primebatur: digitus postmodum in
corde dextro inductus in Cavam, per
idem foramen, seu hiatum, suo apice
prodibat.

Sed quid hanc Venam dilacerave-
rat? Cum hæc adeo firmiter cohæreat
postico Hepati magnarum Venarum
ope; cumque id ipsum Hepar exposi-
tis de causis in altum fuerit vehemen-
ter elatum; eoque magis, quo Colon

ab origine sua, usque ad suam primam coarctationem, copiosioribus facibus, ac flatibus turgeret; facile intelligimus Venam Cavam, loco ferme immobili hærentem, continuata illa violenta Jecoris protrusione in altum, sensim extendi, elongari, debilitari, extenuarique debuisse, & tandem omnino dilacerari, subitamque, effuso vitali cruore, mortem inferre.

Cor externum pingue valde: internum utroque Cavo vacuum. Liberi pulmones: sinister ad dorsum tantum nexus.

Cranii aperturam instans mox sepultura vetabat.

§. IV. *Eva W.* annorum 60. vidua hominis, cujus historiam §. II. dedi, quamque una cum Marito Colica Piætonum nuperrime affligi ceptam innui, domi suæ hoc morbo tam graviter ægrotavit, ut illi, veluti morti pro-

ximæ, omnia Sacra administrarentur. Hæc tandem 19. Julii gestatorio in Nosocomium illata, hanc nobis anamnesin fecit.

Variolas & morbillos in infantia perpeffa, adolescentiam suam sana transegit; maturius gavisa, maturiusque privata suis, omni cæterum nota bonis, Catameniis. Bis nupsit, primo matrimonio gemina beata prole, altero nulla. Elapsis 15. abhinc annis, febre intermittente, spatio fere trimestri, in Hungaria laboravit. Nulla cæterum incommoda patiebatur, nisi quæ adventanti adscriberet senectuti, vires quippe minores, artuum tremores vagos, cephalæam.

Duodecim ultimos annos familiam honestius sustentasse se asserit, Ossa ovilia sicca cremando, redigendoque in pollicem, quo Vasis, Vestimentisque argenteis, priscum nitorem reddere solent.

Hyeme autem elapsa cepit marito in plumbo terendo auxilio esse, brevi autem exinde colicos experiri dolores & miram quandam Ventriculi, ut ait, vacuitatem. Haustu Spiritus Vini, nec non externa cum eodem facta frictione, obvolvendoque abdomen pannis laneis fumo cumini imbutis, atque regulis calefactis, subvenire his incommodis sæpe solebat. Alvum segnem, durisque & exiguis Scybalis refertam, reddere consuevit.

Quo tempore ultima Mariti defuncti recidiva incepit, quatuordecim circiter abhinc elapsis diebus, cepit & ægrotare ipsa, deperdito appetitu, debilitate majore, ventre dolente, alvo tardissima. Eo 14. dierum spatio bis sibi injectum oleosum clyisma, absque ullo effectu; fuitque vena, Medico jubente, secta. Quæ dum secabatur, clysmata prodierunt sine ullis
fæ-

fæcibus, meraca. Paucus fuit, tempore illo toto, somnus. Lecto vero necdum sese addixerat. Die vero 12. Julii enarratis symptomatibus jam multo auxioribus, brachii Venam sibi tundi curat, auctoque postmodum morbo cubare coacta est. Accessit tunc Vomitus, clausa Alvus, Stranguria, Icterus, Venter introtractus, durusque sic, ut mulier asseveret, suis sese digitis percepisse intestina sua, veluti totidem funes, contracta atque tensa in ventre esse: dolore interim omnium maximo perseverante in Hypochondrio dextro. Arcessitus tunc Medicus pilulas 20. præscripsit, duabus sumendas dosibus, unde alvum non habuit, sed vomuit. Die 17. mensis absque ullo effectu sennæ infusum bibit.

Hoc deplorando in statu, die 19. Julii ad nos, ut monui, ducta est, bis

in via animo linquens. Debilis admodum erat, grave Caput, & obtuse dolens; venter ponderosus, & in Hypochondrio sinistro potissimum dolens, magisque ad attactum; lingua humida partim albaque, partim crusta crassiore & fusca obsita. Icterus valde flavus. Singultus septies, octies, repetens; quem singula semihora, horæve quadrante, iterantem, toto morbi tempore, habuerat. Urina rara, ac paucissima, & stranguriosa; defectu non excretionis, sed, quod pejus, secretionis, quemadmodum immissus catheter docuit. Profecto ne maritum pressio pede sequeretur, magnus metus adfuit.

Pulsus blandiri potuisset, quod cæteris signis pravis non conveniret; sed bono cum pulsu, modice tantum celeri, perierat Maritus. Blandiri potuisset & alvus, ab admotis Medi-

camentis liquida, morigera continuo; venterque non ultra durus, introtractusque, verum mollis omnino & naturalis: sed cum alvo bona ac facili, cum excrementis consistentiæ pulmenti, cum ventre præterea molli ac naturali, Convulsiones sustulerant maritum. Attamen, quid hic sub Divinis Auspiciis ars medica valeret, experiundum erat.

Quamdiu in Nosocomio erat, venter quamvis externo habitu, tactuque naturalis, perpetuo tamen plus minus doluit, ultimos dies paucos si exceperis. Lingua semper fusca fuit. Ictericus cutis color perseveravit. Urinæ, quo momento mingebantur, semper ita fuscae erant, ut e longinquo adspicienti subnigræ viderentur.

Quin & morigera tunc alvus mox iterum, dum Nosocomio excepta erat, sistebatur, ut toties in his morbis fit.

Unde Aquæ Laxat. Vienn. unc. iij. ipsi quovis trihorio dabantur; quas cum vomitu redderet, multumque inde debilitaretur, secutus sum *Hippocratis* consilium, jubentis *Libro de Locis in homine Foës. pag. 419.* si vomitu affectus, debilis a vomitu fuerit, ὕπνῳ φάρμακον, somniferum remedium, exhibere: id quod postea *Sydenhamo* lex perpetua fuit, post omnem fere sursum, deorsumque, institutam evacuationem. Sedato vomitu, ejusdem *Sydenhami* in cura *Ilei* morbi monitu, repetivi dosin laxantis, idque alternatim toties, donec a purgante alvus probe moveretur. Clysmata emollientia, & oleosa, interea lubricabant caprinis similia excrementa. Ventrem autem ad facilem alvum, leniendosque dolores, cataplasmata disponebant. Jus autem carnis, sive purum, sive cum oleo amygdalino mistum, parva ac

re-

repetita frequenter copia, alimento fuit. Emplastrum de Labdano cum granis Opii duodecim, totidemque Camphoræ, ventriculi regioni, quo vomitus citius compesceretur, admotum fuit. Emulsa sitim extinxerunt.

Hisce omnibus auxiliis tanta post triduum animadversa emendatio est, ut Paroxysmus solutus omnino videretur. Metum tamen nobis incutiebat crescens in diem cum debilitas corporis, tum immanis tenuium excrementorum fœtor; testes utique ambo, aut prodromi saltem, Gangrænæ. Quapropter a 22. Julii ad 3. Augusti, unciam pulveris corticis peruviani quotidie sumsit, deinde per aliquot dies ejusdem corticis dragmas sex.

Morofitas demum ægræ corticem omnino respuentis, nausææ perpetuæ, & maxime alvus jam pultis instar, &

naturalis fœtoris, ufui corticis superfedere fuadebant; & tentatis nonnullis, quæ gluten, quod copiosum cum alvo, vomituque prodibat, inciderent, eliminarentque, tandem sequens formula adeo profuit, ut & diu continuaverit eandem, & alia ultra non indiguerit. R. Sap. Venet. Gum. amm. Terræ fol. tart. Massæ pil. Ruffi à dr. j. Balsam. peruv. q. s. m. f. pil. gr. IV. quarum omni trihorio tres sumant. Paulatim exinde Icterus & symptomata morbi disparuerunt, & somnus, appetitus, respiratio, alvus, nitida lingua, urina vix ultra fusca, nisi diu stetisset, futuram propediem sanitatem augurabantur. Ipsaque mulier die 19. Aug. Nosocomio egressa est, me invito, frustra que hortante, ut potius per unam, alteramve septimanam suam obfirmaret sanitatem, ne domi, bono regimine carens, recidivam pateretur.

§. V. Famulum aulicum Colica Pictonum, cum alvo pertinacissime clausa, vomituque non compescendo, anno 1763. corripuerat, & Ileus morbus tunc audiens, ut talis curata erat. Anno 1764. adorta eundem secundo est. In tertiam Septimanam æger periculoso cum morbo luctatus, me vocat. Enemata oleosa frequenter, purgantia, & opiata, alternatim data, Epithemata & Cataplasmata, quæ Ventrem integrum, universosque Lumbos, involverent, Emplastrum opiatum ad ventriculi regionem, dataque in potum Emulsa, hominem intra octiduum, citra Paralyfin, reddidere sanitati: cura postmodum religiose habita, ut in cunctis ab hoc morbo resurgentibus habenda est, ut quopiam remedio, v. g. casus prioris pilulis, alvus perpetuo libera fervetur, ne malum cito recrudescat; & ut plu-

rimo lactis usu exsuccæ partes renu-
triantur, & rigidæ humectentur.

§. VI. Adam G. annorum 18.
patre tinctorum genitus, etiam a sexen-
nio tinctoriæ arti addictus, pigmen-
torum cum plumbo confectiōni sæpe
assistens, sanus hucusque, nec multis
ab annis lecto addictus, nisi ob crus
ante triennium ab equo calcitrante
commolitur; cepit tandem elapso
abhinc anni spatio crudeli hoc morbo
affligi, tertioque obstinatæ alvi die, ex
datis sibi a Chirurgo militari pilulis
quatuor, vehementer sursum deor-
sumque purgatus est; exinde autem
dextræ manus extensorum musculo-
rum Paralyſis, deinde & humeri, cum
crescente in diem hujus artus marco-
re, secuta est. Interea temporis levis
aliquando recidiva adfuit, sensimque
brachium sinistrum eodem, quo dex-
trum, malo affici cepit. Quindecies

Ther-

Thermis *Badensibus* citra levamen usus est. Quin & Hydropis minæ, qui morbus quandoque Colicam hanc excipit, illum sex abhinc septimanis elapsis tenuerant, dolentibus, tumentibusque lumbis, Carpo utroque, utroque genu; hunc tamen tumorem pepulerunt frictiones assiduæ.

Die 23. Nov. Nosocomium intra-
vit, manu utraque suo de Carpo pen-
dula, carne singuli brachii flaccidiore,
præsertim dextri. Urinæ ejus sæpe
habuerunt pelliculam splendens,
splendentemque in fundo materiem.
Virtus electrica in corona multorum
simili morbo laborantium, principio
ictibus quinque, dein auctis sensim
ad 100. numerum, adplicata; pilulæ
duæ ex Saponis veneti unc. j. Gum.
amm. Massæ pil. Ruffi à dr. ij. paratæ,
omni bihorio sumtæ; Frictio bis die
cum pannis laneis, fumo aromatico
im-

imbutis, adhibita ad Spinam Colli, Dorſi, Lumborum, ad Ventrem, Artusque ſupernos, Juvenem hunc ita reſtituerunt, ut 12. Dec. lares paternos repeteret, reverſus tamen primum quotidie, dein aliquoties adhuc, ad Machinam electricam. Paralyſis ſic fugata omnis eſt.

Calor quotidie bis thermometro exploratus, paſſim 100. graduum fuit, adeoque calorem naturalem 3. aut 4. gradibus ſuperior.

§. VII. Joannes V... annum vitæ 42. agens, in longis itineribus olim multus, poſtremis annis fere ſedentarius, Cephalææ a juvene obnoxius, cætera ſemper ſanus fuit. Jam a 15. annis Cephalæam, quotieſcumque ſe adoriebatur; adoriebatur autem frequenter; frigidis crurum balneis ſe fugaffe narrat. Conſuetudinem Venam ſecandi, corpusque purgandi, nunquam habuit:
nun-

nunquam fuit Hæmorrhoidarius, nunquam Podagricus, Scorbuticus, Rheumaticus, Nephriticus, nec, ut asserit, lue venerea affectus: Gonorrhœam in juventute unicam passus, ab eaque lente curatus.

Finiente anno 1763. inter aptandos pedibus calceos tussi subita correptus, dolorem validum ad Ilium dextrum experiebatur, quem cataplasma continuo adhibitum spatio octidui fugavit. Hyeme adultiore corpus ceptum est languescere, imminui appetitus, alvus fieri segnis. Lagenam vini Burgundiaci, (adulterati forsitan) quotidie tunc, idque longo tempore, solebat ad vesperras bibere, ut corpus suum, quod alimentis nutrire prostratus vetabat appetitus, hoc vino roboraret.

Languore in Majum mensem sensim crescente, subito, eoque vehe-

menti dolore Ventris, duobus, tribusve pollicibus infra umbilicum, dextrorsum, tum & crurum gravitate amborum, ignarus a qua causa, corripitur. Subsequitur febris quotidiana, a Cortice peruviano, per integros 12 dies, præmissis præmittendis, dato, vix mitigata.

Urinam suam inspexerat nunquam; jam vero in febre illam asservere a Medico jussus, & rubram esse vidit, & arenosam: idemque cum sæpius ipse, tum deinde in Nosocomio nos, observavimus. Nunquam tamen in eadem reddenda doluit, aut incommode habuit; tantum experitur eam a copiosiore sabulo tardiore, & mictum arenosum, prægressa urina pallidiore, præfagire novit.

Mense Junio iterato in Ventre dolens, evomuit purgantia, & vomitu dein continuo, ac febre laboravit.

Vena

Vena tunc tusa est. Triduo post V. S. tertius, isque omnium ferocissimus, Colicæ Pictaviensis Paroxysmus eumprehendit, cum manifesta dolentis in ventre plagæ pulsatione, cum crurum gravitate, cum articulorum genu, & malleoli, dolore. Eodemque tempore artus superiores graves factæ, dolentesque, a cubitu autem ad extremos usque digitos paralytici, cum Deltoidum emarcescentia, & tanta omnium musculorum humeri, ac brachii utriusque flacciditate, ut nullo modo carnem, sed mollem potius pulpam, referrent.

Elapsis inde diebus novem, cruribus iterum potuit integris uti, brachiis neutiquam; sanitate corporis sensim redeunte. Præstantissimi Medici multa interna, externaque auxilia, ipsi admoverunt, eorumque consilio *Thermas Badenses* adivit; quorum

usu principio levare visus, brevi pejorari cepit, Jæteroque corripit, quem secum, licet debiliorem, in Nosocomium tulit. Ex eo tempore, qui nullus fuerat appetitus, aliquoties, ac veluti per saltus, ivit, rediitque, & quinquies parvum calculum cum urina, citra vel minimum dolorem, minxit.

Die 5. Nov. intulerunt hominem in Nosocomium meum. Morbus manifesto Colica Pictonum erat; Nephritis calculosa alius morbus nihil cum Colica illa commune habebat. Indicabatur Colicæ ablatio, mente ad Nephritidem attenta, utrum hæc sub cura illius mitigaretur, an vero curam sui peculiarem posceret.

Indicata hic eadem erant, quæ prioribus ægris contulerant, eaque etiam in hoc homine adhibita tanti fuere usus, ut symptomata Nephritica fere
omni-

omnino conticuerint, & ut Colica Pictonum cum sua Paralyfi fere evanuerit. Ergo nec Nephritico Machina electrica obfuit; quandoquidem usque ad 17. Junii, quo die Nosocomio exivit, vix minimam perceperit Nephritidis calculosæ admonitionem; quamvis a principio ad finem usque, spatio scilicet octo fere mensium, paucos dies si exceperis, ad Machinam fuerit admotus. Cæterum ad Paralyfin vis electrica optime conduxit, una cum frictione cum pannis laneis, aromatico fumo penetratis, bis die facta, corporis quidem universi, potissimum vero Spinæ Vertebrarum totius, & Ventris. Profuit ad Colicæ reliquias, ejusdemque aliquot rariores levioresque recidivas, panis comestus cum copioso nostro recenti, insulsoque butyro, jentaculi more semper, nonnunquam & eo merendarum, assumto.

Porro has leviores, quas dixi, Recidivas, animadvertimus semper cum alvo retardante, & parvis, durisque scybalis referta, contigisse: eodemque tempore conquerebatur lumborum, crurumque dolores, & præsertim dolorem quendam plus, minusve acutum, nonnunquam molestum, modo & anxium, in Hypogastrio dextro, versus inguen, cristam Ilei, & lumbi dextri principium. Ex hoc dolore præfagire solebat colicæ pictonicæ recidivam: & dum Colica hæc, a datis remediis, per alvum scybalosam solvenda esset, experiebatur dicto mox loco, ac si obstaculum quoddam impetuoso sibilo referretur. An fabricæ intestinalis degeneratio quædam in hoc homine, ut semper in se gerat causam morbi progumenam? an vero ex iis est, quibus Intestinum, soluto Paroxysmo, non ultra contractum manet?

Cum

Cum jam dudum esset a Paroxysmo liber, cepit ad vires restaurandas, ac Paralyfin efficacius emendandam, in Conserva Menthæ unciam mediam Peruviani corticis fumere, cui deinde dragma addebatur ferri limaturæ.

Mense Junio ineunte, cum gluten primarum viarum abundaret, optimo cum effectu sumsit quovis trihorio pilulas quatuor, singulas granorum quatuor, compositas ex dr. iij. Sap. Ven. & dr. j. Gummi Styracis Calamitæ, Tartari vitriolati, Massæ pilul. Ruffi. Contulit etiam dubio procul ad restaurandam brachiorum, manuum, digitorumque motum, Serræ ad ligna molliora dividenda usus, quo bis die tum ille, tum alii cum illo paralytici, primo lenissime, tandem strenue, sese debuerunt exercere, ubi remediis prioribus motum quendam paralyticæ partes recuperaverant. Thermometrum

notavit ejus calorem paulo majorem naturali.

Exivit itaque die 17. Junii ex Nosocomio, de restituta valetudine lætus, robustus, torosus, carne brachiorum, ac humerorum firma gaudens, motum brachiorum exercens expeditissime, in extendenda duntaxat manu nonnihil difficultatis ad carpum expertus. Tubercula exigua, mobilia, manuum dorso adhuc aliquatenus infidebant.

Furor tunc *Viennenses*, præprimis *Nobiles*, invaserat, ut ad morbos quoscunque sive curandos, sive averruncandos, affatim haurirent aquam, quam Ecclesiasticus quispiam Agyrta, cum Croco Metallorum, & Borace Venetorum, uti postea rescivimus, paraverat. Nobilium multorum exemplo insaniente tandem & Plebecula, homo noster quoque usus hac aqua est. Audio eum Augusto mense male admodum se inde

de habere; quemadmodum multi alii vel pessime se ab hac aqua habuerunt, vel jam Reverendi Agyrtæ manibus perierunt.

§. VIII. Monachus *Linzensis* 42. annorum, convenit me die 16. Julii proxime elapsi, qui ante elapsum abhinc triennium, ignarus, ut ait, a qua causa, in Colicam hanc inciderat, alvo nonnisi post diem quartum moveri cepta; iterumque ante annum: utraque autem vice absque ullo pravo symptomate a paroxysmo superstita. Tertium autem paroxysmum adulta ætate anni 1764. priori, alteroque, multo graviolem, perpeffus erat. In nullo horum Paroxysmorum Dysuria, vel Ischuria affuerat. Mitescenle ultimo insultu, jussus erat uti *Danubii* balneo tepido: quorum sub usu adverterat artus superiores nonnunquam convelli, fierique paralyticos. Emendatio por-

ro paralyseos, cum se mihi primum exhiberet, talis erat, ut hæc solas manus, æque in flexoribus, quam in extensoribus, perfecte occuparet.

Præscripsi ipsi hæc remedia : R. Sap. Ven. dr. vj. Gum. Styracis dr. j. β. Castorei dr. β. Terr. fol. Tart. Mass. Pil. Ruffi à dr. j. Thereb. q. s. ut f. pil. gr. IV. & R. Tinct. Myrr. Succin. à dr. vj. Olei still. Menthæ, Pulegii, Rutæ, Carui, à. gtt. ij. Redigantur cum iij. dragmis sacchari albi in Elæosacharum, cui adde Syrupi Menthæ unc. j. Aquæ Rutæ & Rorismarini à unc. vj. Ut quovis trihorio fumeret pilulas tres cum uncia Misturæ. Dein frictio ipsi adhibita est bis die ad Spinam Vertebrarum universam, ad humeros, ad brachia, manus, ventremque, cum pannis laneis, imbutis fumo parato ex Mastiches, Succini flavi, Gummi styracis

à part. j. & Baccarum Juniperi partibus tribus.

Ab ipso autem die, quo his medicamentis uti inchoavit, simul quoque ictus electricus expertus est, principio tres quotidie, sensim ad 50. auctos.

Octiduo ab inchoata cura elapso, digitorum cepit edere motum: elapsis tribus septimanis, manum cepit belle claudere & aperire, extendereque carpum, & digitos. Semel contigit, ut & appetitu destitueretur, & doloris antiqui perciperet admonitionem: unciae autem quinque Aquæ Laxativæ Viennensis hæc incommoda unico die abstulerunt. Cepitque brevi post scribere posse. Tunc aliorum suasu voluit Thermas adire *Badenses*. Equidem necdum curatos his Thermis Colica Pictonum affectos videram: frustra enim ægri §. 1. 2. 6. & 7. iis usi fuerant: at vero, cum hi curam debitam
non

non experti has Thermas adiissent, nec vero curam probe expertus esset, pertinax obistere nolui, visurus num forsakem conferrent? Adiit itaque ad Thermas, iisque mensis spatio usus, rediit fere integre curatus. Gratias mihi acturus tandem accessit, meque hortante spopondit, se cum interna remedia, cum frictiones, semianni spatio Linzii continuaturum.

§. IX. *Adamus D. figulus*, a XV. abhinc annis primum Colicæ Pictonum paroxysmum expertus est, eumque adhuc ter postea spatio VII. annorum. Hoc elapso incidit in quintum, qui vehementissimus, paralyfin brachiorum post se reliquit pertinacem. Tandem & hanc iteratis purgantibus, aliisque remediis, eousque superavit, ut insequente septennio laborem suum utcumque potuerit profequi. At vero Mense Septembri 1764. paroxysmo

valido correptus, brachiorum amisit motum. Unde 15. Martii 1765. ad Machinam nostram accessit, triumque mensium spatio ejus virtute, ut & frictione, ac pilulis Sap. Ven. & Gum. amm. cum infuso Rorismarini, suis iterum laboribus aptus factus est.

CAPUT II.

PATHOLOGICA PRIORUM ANACEPHALÆOSIS.

§. I. *Ex novem nostris Ægris Colica hac afflicta, septem eam a plumbo habuerunt. Estque hæc causa frequens: 1^{mo} quia tot sunt hujus Metallii Fossores, 2^{do} tot, qui eo utuntur Artifices, 3^{tio} tot Pharmacopæi, qui cum Plumbo emplastrum parant. 4^{to} quia Vina saturninis adulterantur. 5^{to} quia saturninorum usus multiplex in Arthritide, in Gonorrhœa, Pollutione, Phibisi, Hæmoptoë, Diarrhœa, Sudore nimio. Ratio, cur saturnina plus deglutita noceant, quam*
in-

inspirata? §. II. Prognosis Colicæ Pictorum ex ipsa natura causæ suæ proximæ incerta esse demonstratur. Ignoramus an prava conformatio partium, quam morbus genuit, invincibilis jam sit, ut sæpe est; an vincibilis? Cæcum, Colon, Rectum, Ileum, Duodenum, male conformari in hoc morbo, Anatome docet. Cur ovillorum instar excrementa? Et cur qui curati talia excernunt, supponantur invincibilem eousque habere malam Coli conformationem, adeoque morbi remotam causam? Tumorum in Metacarpo Diagnosis & Prognosis incerta. Nonnulla in quorundam jactantiam. §. III. Morbi Symptomatum miranda varietas. Paralysis & in morbi principio, & in decursu, & in fine, imo eodem diu curato, invadit, nec ipsa in singulis eadem, nec Critica: eademque omnino affirmanda, ac neganda de Ictero, Ischuria, Hydrope, Aphonia, Amaurosi, in hoc morbo observatis. Plura Phenomena morbi inexplicabilia. §. IV. Post Opium, & purgantia, opus Oleosa absolvunt. §. V. Electricitatis in Paralyti, ab hoc morbo superstite curanda, laudes eximiae. Proficua tamen magis illa cum, vel sine, cæteris auxiliis Artis. Non omnes

omnes quidem curat; sed id neque præstantissima Artis auxilia præstant. Nec laudi ejus deperit quid, si vel nonnulli ultimam electricitatis potentiam irisi eventu temerarie, casuve, experti sint; vel si alii majores ipsi, quam possideat, vires adscripserint. Et si homo post admotam vim electricam moveretur, hæc ideo non magis vituperanda esset, quam aut Venæ sectio, aut remedium purgans, diaphoreticum, paregoricum, emolliens, refrigerans, vituperandum foret, si homo post tale quid assumptum, fato suo occumberet. §. VI. Necessitas Anatomæ ad dignoscendas morborum causas. §. VII. Problema circa effectus Arsenici.

§. I. **D**edi priore capite numero Novem hominum, Colica Pictaveni afflictorum, historiam, quorum tres curati quidem visi sunt, & nihilominus perierunt; sex vero bucusque apparent curati. Addidique trium ipsorum, qui perierint, exactam Anatomem. Facile quisque cernit,

nit, hæc omnia nobis multam suppetitare differendi copiam. Ordine progressurus, examinabo primum quænam potissimum causa dirum hunc morbum, in horum singulis, genuerit.

Plumbum accusavit Cap. I. §. I. Picetor, §. II. Tinctor, §. III. Pharmacopæus, §. IV. Uxor Tinctoris, §. VI. Tinctor alter. Etiam Joannes V... §. VII. & Figulus §. IX. ex Plumbo sibi morbum contraxisse videntur. Quod autem ex novem hominibus septem morbum suum Plumbo debeant, confirmat abunde id, quod olim super hac Colicæ Picetorum causa in *peculiari Tractatu*, & in *Tom. I. Rat. Med. Cap. IX.* & *Tom. III. Cap. II.* fusius differui: si autem latum, ac crebrum, plumbi apud mortales usum, penitus introspicimus, causam hujus morbi frequenter etiam plumbo adscribemus, quamvis id ab ægris, medicisve, minus accusetur.

Est

Est quippe *primo* innumera hominum multitudo, qui nostris in Regnis atque Provinciis Plumbi mineram efodiunt, tractant, igneque transmittunt. Endemicam autem Colicam hinc nasci *Tomo I. & III.* luculento exemplo patuit.

Secundo est quoque ingens Opificum numerus, qui saturnina varia parent, commisceantque aliis cum rebus; unde eorum halitibus, seu vaporibus, frequenter exponuntur: quales Pictor erat, Infector, Infectoris uxor, Infector alter, & Figulus. Cujusmodi & Figuli erant, quos sæpius ad Machinam electricam a paralyfi curatos superioribus Tomis hujus Operis retuli: vasis quippe terreis, amalgamate saturnino incrustandis, operam dant.

Tertio Saturnino Vaporis Pharmacopæos fréquenter exponi contingit, occupatos scilicet sæpe diu in terren-

do plumbo, eodemque cum oleis coquendo, ad multas Emplastrorum species conficiendas, quarum *Viennense Dispensatorium* solum tres & viginti numerat. Huic causæ etiam Pharmacopæus §. III. suum imputabat infortunium.

Quarto fatalis ars, olim in Germania frequens, Vina levia, acidaque, plumbi ope gratiora, ac prætiosiora reddendi, prorsum extincta necdum videtur. Quam frequenter inde hæc Colica orta sit, optimus *Boerhaave* in *Lectiõibus suis de Morbis nervorum*, (quas solers & industrius Vir, clarissimus *Van Heems*, ex suis, aliorumque Viri immortalis auditorum scriptis, edidit) docuisse, expertusque esse, legitur. Probe novi necdum extinctum hoc artificium esse; adeoque nequeo, quin ex *Actorum Haarlemensium* Tomo primo, anno 1754. edito, hic quid in-

ter-

terferam , quod fraudem possit detegere.

In his actis celeberrimus, nec sine reverentia unquam nominandus *Gaubius*, candide exponit causas, ob quas varii Viri clari & eruditi crederent, a lustris propemodum quinque, Colicam Piætonum adeo apud suos populares invaluisse: quarum causarum majorem minoremve valorem in præsentiarum minime moratus, id neutiquam saltem asserit negare se posse, quod Vini aut Rhenani aut Mosellani, facta cum varia plumbi præparatione Adulteratio, multam huc symbolam contulerit: equidem ejusmodi ægros novisse se, qui quamvis vinis hisce non usi, quamvis sobrii, imo abstemii, in hunc morbum nihilofecius incidissent; alios e contrario, qui quavis ejusmodi vinis essent intemperanter usi, viverent tamen ab eodem mor-

bo immunes : nihilominus id a nemine inficias iri posse , quod Colica pictonica ab ejusmodi vino nascatur : posse se inde testatissima exempla proferre : vina quoque hoc modo adulterata prostare venalia , se propria experientia nosse. Transit Vir Celeb. inde ad variorum fucum hunc detegendi conamina , multusque est in demonstranda incertitudine , ac vanitate , tentamenti facti cum Spiritu salis , cum Oleo Vitrioli rectificato , cum Alcalinis salibus &c. laudatque demum , approbat , & commendat, *Atramentum Sympatheticum*, five liquorem Vini probatorium dictum nonnullis, a Neumanno descriptum, cujus en compositionem :
℞. Auripigmenti unc. j. Calcis vivæ unc. ij. seorsim singulum tere in pulverem, misce, affunde illi in Phiala Chemica unc. xij. aq. pluvialis puræ : obturato Phialæ collo , digere 24. hor.

hor. spat. calore moderato, Phialam quovis bihorio agitando. Refrigeretur, & ubi subsederit, decanta, probe autem obturata lagena conserva. Qui loco diuturnioris digestionis coctionem dimidiæ horæ præfert, liquorem obtinebit eundem. Si hujus guttulas aliquot Aceto plumbi seu lithargyrii affuderis, moxque nigrescat id, & turbetur; liquoris tui præstantiam habes. Necesse porro esse ait lagenam probe obtures, nec crebro aperias, ne vis debilitetur liquoris: præstare proinde in parvis admodum lagenis conservetur, ne vilescat totum. Vinum porro exploraturus, instillet aliquot guttulas in purum vitrum vino semiplenum: si vinum mox coloris fiat ex flavo rubri, fusci, nigrescentisve, unaque turbetur; pro majore, minoreve ejusmodi mutatione, major erit, minorve facta saturno adulteratio; cum

vinum minime adulteratum pallide duntaxat turbetur. Cum aliquot elapsis abhinc annis Butyrum, quod in *Belgio* non quotidie recens, sed magnis in doliis, cum sale asservatum, venale prostat, præ terribili Boum mortalitate cari admodum pretii esset, eique Cerussam, quo pondus augeretur, rustici nonnulli admiscuissent, Clarissimus Vir liquore suo eidem admisto videbat fuscum id, & subnigrum, ac veluti cœnosum fieri; interea dum liquor idem, Butyro non adulterato additus, nullam conciliaret coloris mutationem.

Quinto Usus Saturninorum internus, turbam hac Colica affectorum immane quantum possit debeatque augere! Est enim internus horum longe frequentior usus, quam vulgo creditur. Videatur modo quæ *Schröderus* in *Thesauro Pharmacologico* de Saccharo

Sa-

Saturni, ejusque Magisterio, de Spiritu Saturni, de Nitro Saturnino, de Sale plumbi volatili, deque variæ ex hoc Metallo compositionis Tincturis, referat, laudetque. Empiricus apud *Fernelium Cap. 7. de L. V. Arthriticos* Saccharo Saturni curare se posse gloriatus, Arthritico id dedit: ille vero primum in Dysenteriam, postmodum in immanem Colicam, in Alvum obstructam, in Icterus tandem, incidit. Ecquis non horret detestandam Gonorrhœas quascunque plumbo curandi methodum? Antiqua Methodus est, eamque *Dispensatorium Viennense* anno 1729. editum adoptavit, in pilularum ad Gonorrhœam compositione; Dosi quidem parca; sed quam Medici & Chirurgi pro lubitu augent. Vidi formulam eorum compositam ex Saccharo Saturni Scrup. j. Cerussa dr. j. Aquæ unc. vj. qua unica mistura, co-

chleatim sumpta, homo ab inveterata Gonorrhœa liber quidem fuit, sed brevi post dirissima, ac pene letali Colica Pictonum, una cum excrementorum vomitu, miserrime confictatus est, morbike illius reliquias tristissimas etiamnum, in tertium annum, experitur, & lugeat.

Sed & ad alia, quam ad Gonorrhœam, adhibetur. In eodem nostro *Dispensatorio* pag. 264. Sacchari Saturni usus internus laudatur, quia *refrigerat, & exsiccat, semen extinguit, & Venerem flaccescentem inducit.* Præsens in Consilio fui, apud Religiosum Juvenem, quem pollutiones nocturnæ in tabem dorsalem conjicere ceptæ erant, audivique Medicum, dum viveret, famosum, Saccharum Saturni, veluti unicum, quod superesset, remedium, audacter, acriterque propugnantem, & suas admirandas hoc reme-

medio patratas curas vehementer gloriantem. Fugiebat fane Virum hunc lugubris apud *Hoffmannum* in *Diss. de pass. iliaca* historia Juvenis, qui, ad sistendas crebriores Pollutiones, Saturni Saccharo usus, alvo corriperetur quatuordecim dies sic obstipata, ut ne prodire quidem flatus possent, ac tandem miserrime periret. Fugiebat, inquam, ipsum hæc historia: sin minus, & si revera plumbo suo tot homines a pollutione curasset, vel floccificet eorundem ex plumbo natas calamitates; vel has easdem non a plumbo, sed fortuito, aliundeve ortas esse, stulte credidit.

Profecto dum video quantæ autoritatis apud plurimos Medicos ii commentarii, vel notæ sint, quas in dispensatorio nostro formulis adjectas legimus; dum ipsam multorum praxin intueor; digito forte causam tango,

cur Monasteriorum felices incolæ diro hoc morbo nonnunquam impetantur.

Et quid demum dicam de Tinctura nostri Dispensatorii Antiphthifica, quam uncia una & dimidia salis Saturni, uncia una Vitrioli Martis, dragma una Terræ fol. Tart. cum Spiritus Vini & Aceti à libra dimidia, componunt? utique si legant Medicaſtri in Nota ad hanc Tincturam, *Eam ſperato cum ſucceſſu adhiberi, in Phthiſi, Hæmoptyſi, Diarrhæa & conſimilibus affectibus, ut & in ſudore nimio; Colicam Pictonum proſecto vehementer propagare debent, cum hiſce mox recensitis morbis turba hominum innumèrabilis laboret.*

Antequam hunc articulum relinquam, respondebo quæſtioni, quam in ſcriptis proponi video, cur nempe halitus ſeu Vapor plumbi vias primas afficiat, non vero Pulmonem? Dico ipſos etiam Pulmones inde affectos mul-

multis exemplis probari. Quid enim aliud docet Vox in multis meorum perpetuo rauca? Quid in aliis aphonia? Quid tussis, glutinisque frequens excretio, aliud docent, quam haud inculpate inspirari venenum? Fatendum tamen est, idem nocere potentius, dum cum Saliva deglutitum, acido forte primarum viarum, eodemque cibi potusque more ingesto, solvitur, & tunc potissimum constringendo solida, fluidaque inspissando, nervos præterea incomprehensibili modo afficiendo, hunc morbum generat.

§. II. Prognosis incertam esse, Anatomie docet. Licet enim multi integrè curentur, nemo tamen, cessante penitus paroxysmo, ita morbum sublatum esse affirmare potest, ut ea non sit facta partium depravatio, quæ causam morbi proëgumenam, eamque perennem, faciat. Revocemus nobis in mentem

cau-

causam morbi proximam! Compressio-
nem scilicet Intestinorum internam, &
externam, qua & suo in cavo vehemen-
ter arctentur, & validissimo musculorum
abdominalium *Tetano* arctissime inter se-
se comprimantur; interea dum Antipe-
ristalticus motus cuncta fursum pellat
sic, ut medicamenta, ut alimenta,
ut gluten, bilis, succus pancreaticus,
entericus, gastricus, imo nonnun-
quam ipsa excrementa, ore reddantur.
Hoc ultimum si contingat, vel in ipso
Ileo intestino stercora generari, haud
liquida modo, sed & compacta, quod
pluries in Nosocomio demonstravi,
concludimus; sin minus, tunc *Bauhi-
ni* Valvulae vim superatam esse; quod
salva quidem vita tolerari ab homine
posse, periculosum tamen esse, prio-
ribus hujus Operis partibus evici.

Jam non unum, sed omnia inte-
stina posse in hoc morbo depravari, &
for-

forma sua degenerare; abunde docuere Cadavera. Vidimus enormem Duodeni degenerationem, in alio Ilei, in omnibus Coli, in multis Cœci, in uno etiam Intestini Recti. In degeneri hac fabrica animadvertimus amplificationes, & coarctationes miras, in eodem Intestino, unde contenta in eorum cavo mire retardentur oportet, colicamque resuscitent: quin & in eadem coli contracta parte ligamenta peculiariter sic contrahi, ut intestinum cellulas quasdam formet, in quibus moram trahentes fæces, demum non prodeant, nisi ovillorum, aut caprarum similes.

Hunc nunc Tetanum, hanc Intestinorum contractionem, novimus posse penitus solvi, ut curati ab hoc morbo, in eundem recidant nunquam, ni novam ponant ejusdem causam. Sed novimus quoque manere quando-

doque perpetuo has contractiones, Tetani in modum, in vita hominum; a morte autem vel solvi, ut aliis in Tetanis vidimus, & ut in Tinctore §. II. Cap. I. patuit; vel pertinaciter permanere, ut alias biduo, triduoque a morte, plus semel observavimus: tandem novimus non modo Tetani perseverantis more Intestina contracta manere, verum etiam mutatione naturalis fabricæ suæ, in ligamentosam cartilagineamque naturam, nulla amplius arte mutabilem, degenerare; quemadmodum in Pictore §. I. & Pharmacopæo §. III.

Manifestum inde fit eos, qui postquam ab hoc morbo curati sint, crebroque in colicos dolores leviores incidentes, parvos ejusmodi globulos fæcales deponant, nos aut de perseverante, aut de facile redintegrante Coli Intestini contractione, cum cer-

tio-

iores reddere, tum in prognosi cautos; hos vero quibus, consequentibus deinde annis, naturalem maxime in modum, fæces alvinæ figuratæ dependantur, spem dare maximam fore ut talis causa proëgumena superstes in illis non sit.

At vero quid in dorso manuum, ante Carpum, tubercula illa ad Prognosin? Id mihi ab annis propemodum triginta constitit, ut, licet dentur, qui citra hunc morbum confamilia tubercula gerant, attamen illa cunctis, quos Colica hæc affligit, oboriantur, recidivamque, ni cum paroxysmo dispareant, minentur. Cum sedem habeant immobilem, mobilemve, prout vel in cellulositate, vel in vagina unius Extensorum Digitorum tendinis, vel in Periosteo, ipsove Ossis in corpore locentur; certum est mobilitatem præstare præ immobilitate,

te, præstare quoque si post paroxysmum sensim dispareant, quam si perseverent. Dixi *si sensim dispareant*: observatio enim a Clarissimo Massuet in *Rat. Med. Tom. III. Cap. II.* communicata, subitum tuberculorum recessum funestissimum esse probavit. Sed quam ista habent cum morbo relationem? Cur omnibus Colica pictonum laborantibus, saltem quos ego vidi numerosos, hæc adsunt? Et cur non eadem in omnibus sede? An diuturna mora eam contrahat eorundem materia malignitatem, ut subito re-
sorpta interimat hominem?

Si nostram prognosin Observata indubitata, tot ac tanta, difficilem incertamque reddant, quid demum de eorum assertione cogitandum, qui drasticis suis remediis hunc morbum se sic curare gloriantur, ut spatio 23. annorum, ex 1200. ægris paulo tantum plus,

plus, quam 20., scilicet ex quinquaginta vix unus, perierint? Suspicor vel morbum, multis phænomenis consimilem, pro Colica Pictonum tractatum esse; vel paroxysmo in hominibus robustioribus methodo illa sublato, postliminio vero redeunte, ægros, priori Methodo diffisos, aliis se curandos tradidisse; horum autem periisse complures, quorum calculum Medici priores inire, adeoque mortuorum ab hoc morbo numerum determinare, non potuerint.

§. III. Mire variant morbi symptomata. Convelluntur multi, unde *Colica Convulsiva* Autoribus quibusdam audit: & si Tetanum ventris, cum umbilici, podicisque introtractione, ut commune morbi symptoma, consideremus, profecto morbus ad convulsivos referri facile potest, licet convulsiones alternæ non adessent: Plures

autem hoc ultimum convulsionis genus non experiuntur. *Paralysis*, ut ex enarratis historiis patet, nonnullis non adfuit primo, altero, imo ne sexto quidem paroxysmo, adfuit demum septimo, ferioreve. Quin & quibusdam a paroxysmi primordio contingit, cum vehementiore morbi incremento; ut male quidam eandem veluti Crisin morbi salutarint. Vidi quicum morbo non quidem augescente, sed diu durante, eunteque & redeunte, & paralyfin haberent, & in graviolem inciderent. Vidi alios, quibus paralysis, declinante Colica; alios, quibus jam prorsum Colica cessante, subnasceretur. Observavi quibus emendata jam multum paralysis, ad levissimam Colicæ brevissimamque admonitionem, mox gravior fieret; alios e contrario, quos semel curata paralysis, etiam novo oborto

Co-

Colicæ Paroxyfmo , haud ultra invaferit. Sic Piëtor, & Tinëtor, Cap. I. §. I. & II. in graviffimo paroxyfmo, eoque ante mortem jam mitefciente, nihil in motu partium perdiderunt, fed convulfi funt : materia venenata, quæ aliàs nervos motorios reddiderat inertes, nunc eosdem, numeroque longe plures, invito alternanteque motu afficiente. Contigit mihi anno 1743. ut homo Martio mense finiente me vocaret, quem mense Januario a Colicæ hujus paroxyfmo perfecte curaveram , quemque jam & paralyticum fieri, & gravi deinceps paralyfi magis affici, magisque vidi , citra Colicæ paroxyfimum : qui enim fubinde levior in ventre perceptus dolor erat, adeo levem fuiſſe afferebat, ut niſi ſe inquietaffent paralyſeos inchoamenta, nullatenus me vocaſſet.

Paralyſis porro hæc phænomenis miris , vixque explicandis , adoritur ægros. Vidi , ac demonſtravi in Noſocomio, Deltoidis utroque in latere ſic evanuiſſe carnem , ut ejus loco nihil , niſi membranaceum quid , tactu perciperetur ; dum interea omnes humeri , cubitique muſculi , haud quidem periſſe viderentur , ſed in ejusmodi potius mutati ſubſtantiam , idque una cum adipe , & cute , ut ſæpe eis , qui circumſtarent , Medicis , & Medicinæ ſtudioſis , faſſus fuerim , valdopere me hæſere ancipitem , quo demum nomine eandem appellarem. Ad oſſa enim uſque non aliud quid percipere erat , quam mollis ſaccus æquabili pulmento plenus , ac ſi moles tota carnis muſculofæ , tendinum , aponeuroſeon , nervorumque , in ejusmodi pulſtem colliquefacta eſſet. Sed & eodem tempore ceteri , qui hoc morbo laboran-

rantes in Nosocomio erant, brachiorumque patiebantur paralyfin, hi minus, illi parum admodum, flaccidam carnem habebant; juvenemque mirabundi conspiciebamus, qui paralyfi simili motoriorum brachii nervorum, ex apoplexia nata, laborabat, cum torosa omnium musculorum firmitudine.

Ex dictis itaque patet, Incompletam esse hanc Paralyfin, ita ut sensus superfit, & in plerisque motus obscurior musculorum flexorum, in paucis omnis omnino motus privatio. Calor quoque, & arteriarum superest pulsus.

Icterus in multis vidi, eumque in vigore, in incremento morbi, natum; videtur, systemate bilioso, una cum reliquo ventre vehementer contracto, bilis in sanguinem retrofluere. Nunquam autem, quod alii asserunt, *icterus* vidi hujus morbi criticum. Sal-

tem in femina §. IV. Cap. I. & in viro §. VII. talis non fuit.

Ischuriam olim non adverti, in hoc morbo, quamobrem in Tractatu, 20. abhinc annis edito, nullam feci ejusdem mentionem, Ex illo vero tempore eandem in nonnullis observavi, haud tamen quovis in paroxysmo: eamque his veram, illis spuriam, ut Catheter docuit. Contractio Tetanoidea universi abdominis causam utriusque Ischuriæ facit intellectu facilem; ut miremur potius abesse, quam adesse eandem.

Nondum in *Hydropem* nisi inchoantem, levique opera dispellendum, lapsos ab hoc morbo vidi. Solidorum debilitas & inertia fluidorum, a Colica Piætonum ortæ, in *Hydropem* facile possunt disponere corpus. In plerisque Methodo nostra illum prævenisse nos reor: *Amaurosin* Piætor, Infe-
ctor

Etor *Amblyopiam*, ultimo, eoque letali in paroxyfmo, paſſi ſunt. Magni *Winslowi* annofæ de origine Nervi intercoſtalis demonſtrationes, quas Tom. III. cap. II. ut explicationis meæ baſin aſſumſi, explicant phænomeni hujus cauſam.

Vocem raucam, ſæpe vix intelligibilem, haud raro adverti. Ad Num. primum hujus capitis expoſui cauſam.

Atque ita mirabilis morbi mirabilia quædam phænomena utcumque explicantur. Pluraque in iis, quæ ſuper hoc morbo publici juris feci, exponere conatus ſum: ſed quam ibidem plurima explicandi difficultatem ſaſſus ſum, eandem hac occaſione ingemino. Qui enim Paralyſin explicem hominis §. VII.? Si quis pultis craſſioris & æquabilis ſimilitudinem in carne, in tendonibus, in adipe, in cute ipſa, a denegato nervorum influ-

xu, actioneque, intelligere se opinetur, explicet simul, cur in juvene ab apoplexia paralytico, adesset similis humeri, brachii, manus, digitorumque Paralysis, cum artus totius solidissima torositate? Si quis sanguinis arteriosi influxum desiderari autumet, calor profecto partis, naturali ad Thermometron auctior potius, quam imminutior, pulsusque arteriæ axillaris & Carpi plenus, fortis, æqualis, defectum non innuunt arteriosi cruoris. Et tandem muscoli in hoc homine *Flexores*, cur eadem cum flacciditate motus reliquias possident? exercent? Si quisquam forte non Nervum, non Arteriam, sed ipsarum Musculi, Tendinisque, fibrarum atoniam accuset, ob quam licet Nervus & Arteria sua præstarent, inertes tamen hæ fibræ ab iisdem animari non possent; cur tunc muscoli flexores, qui inertiae ejusdem

dem

dem sunt, non, æque quam erectiores, ad agendum inepti sunt? Fateamur potius ingenui, in tota Oeconomia animali nimis multa nos latere; nimisque arbitrarium, atque defectuosum, quodcunque Nervorum actionis explicandæ systema esse, quam ut & ejusmodi, & centenorum aliorum Phænomenon, tolerabilem proferamus explicationem.

§. IV. Quantum ad morbi curam spectat, arbitror me in Opusculis meis prioribus sufficientia experimenta attulisse, ut quam nunc secutus Methodum fuerim, eam omnium aptissimam esse judicem. Vel enim restitutos inde vidimus nonnullos, qui hucusque & a morbo liberati videntur, & ab ejusdem sequelis; vel Colicam cum ejus sequelis abstulimus, sanitate temporaria succedente: quos eosdem aut iterata morbi causa, aut degener facta

a prioribus insultibus corporis fabrica vita privavit. Oleum autem, & quidquid oleosum vocatur, post Opium, & Purgantia, primas agere partes, effectus demonstrant. Crispas vias primas relaxat, involvit Toxicum, ne noceat; insinuandoque sese sua, quam aqua majorem habet, penetrabilitate, inter Intestina, & coactos globulos faecales, eosdem solvit, redditque ad exeundum mobiles. Butyrum, quod primo PiCTOR, deinde reliqui ægri mane ac fero copiosum sumserunt, eundem cum oleo præstitit effectum, præcavitque, ne denuo similes colligerentur faeces. Monui jam antea *P. Milonem* desperatam alias Matronam Oleo, Butyroque solis, diu continuatis, ab hoc morbo curasse. Jamque ad Prophylaxin eo nihil præstantius esse, demonstravit exemplum *fodinae Styriensis* Tom. I. cap. VIII. Numquid

quid Empyricus ille, hujus salutaris consilii Autor, vidisset in *Agricola* effigiem hominis, qui ne sibi, in separando plumbo de argento, vapor noceret, butyrum comedit? Aut apud *Stockhusium* lardi hoc in casu legisset encomium? Est utique consilium, quod cunctis Piëtoribus, Tinctoribus, Figulis, componentibus saturnina Emplastra Pharmacopæis, Deauratoribus, soleo inculcare, ne Plumbi, ne Mercurii, ne aliorum Metallorum, aut Semimetallorum vapor, ipsis detrimento sit.

§. V. Electricitatem omnibus admotam esse, quos in Colica Piëtonum Paralysis invasisset, docuit cujusque historia. Et olim in *Hollandia*, & jam in XII. annum *Viennæ*, ejusmodi morbos, haud exiguo sane cum successu, ad Machinam electricam admovi. Habet equidem Ars medica auxilia multa,

ta, eaque egregia, atque efficacia, ad curandam Paralyfin quamcunque; præfertimque ad eam, quam aut Saturnus genuit, aut Mercurius: at vero comparato numero eorum, qui sine Electricitate a Paralyfi convaluerint, cum illorum numero, quibus simul Electrica vis adhibita fuerit; utique hic illum longe superat. Ea de re multos hujus urbis Medicos convictos esse vel inde colligo, quod illos Paralyticos, quos deprehenderint curatu difficiles, ad Machinam meam mittant; quorum haud paucos aut integre curatos, aut multum sublevatos, læti recipiunt. Sicque responsum illorum objectioni est, qui cæteris potius artis auxiliis, quam vi electricæ una adhibitæ, has curas adscribant. Si enim inito calculo constat plures cum Machina electrica curari, quam absque eadem, sponte objectio ruit. Sed

cur

cur non tentemus vi Machinæ unica Paralyticos curare? Evidentior enim ejus potentia redderetur. Tentatum & hoc: Calculo autem iterato subducto evictum est, virtutem Electricam cum cæteris artis præfidiis, quæ solida, fluidaque ad eandem aptent, paralyfin expeditius curare, quam absque illis.

Haud tamen vel sola, vel juncta cæteris suppetiis Electricitate, curari omnes, imo potius incurabiles hucusque non paucos esse, ultro fateor: sed quod in aliis morbis artis præstantissima auxilia haud omnes ex æquo curent, id laudi ipsorum minime detrahit, adeoque idem nihil Electricitatis detrahit laudibus. Et cunctarum gentium experimentis id evidens fit, ut si multos non juvet, iisdem saltem non noceat. Loquor autem perpetuo, ut ex ægrorum historiis patet,

de

de Electricitate simplici, in corona multorum sibi mutuo, sine substrato pavimento resinoso, assidentium applicata: nunquam enim vi fortiore, nunquam ictu *Musschenbroeckiano*, similibusve, utimur. Hanc dico simplicem electricitatem nullo unquam exemplo cuiquam nocuisse.

Si itaque, eo quod a temeraria Electricitatis applicatione, coactisve nimium ejusdem viribus, unus, alterve male haberet, imo etiam periret, Medicus forsan existeret, qui ob id ipsum Electricitatem e foro medico præscribendam censeret; an hunc eo sapientiores existimares, qui vellet societatem humanam igne penitus privare, eo quod multa incendia producat, perimatque homines? quod si quis Electricitatem ideo ex Medicina exulem esse juberet, quod viri nonnulli, maxime *Itali*, vires eidem, quas
non

non possidet, adscripsissent; nonne hunc rogaremus, totam *Materiem Medicam* in ignem conjiceret, eoquod plures Medicamentis vires tribuat, quam quibus revera polleant? Certe *dum vitant Stulti vitia in contraria ruunt.*

Possibilis tamen res est, hominem post adplicitam Electricitatem mori; quæ tamen eadem res ideo non docet, eundem esse ab illa enectum. Revo-
cemus nobis in mentem, quam tradi-
didi historiam *Rat. Med. Tom. IV. pag. 168.* hominis, qui ad Paralyfin ex mœrore, terrore, ira, natam, annum integrum quotidie ad Machinam nostram admotus, demum subitanea Apoplexia periit: causis chronicæ Paralyseos & acutissimæ Apoplexiæ, abunde in Cadavere detectis. Si quis hunc dicat vi electrica periisse, nullum profecto artis auxilium datur, cui similem non inuras infamiam. Ecquis
Pra-

Prætorum est, qui cum omni prudentia aut Vena secta, aut admoto Vesicante, aut injecto Enemate, aut datis vel Emetico, vel Purgante, vel Hidragogo, vel Diuretico, vel Expectorante; hominem quandoque brevi non viderit pereuntem, absque eo tamen, quod mortis præ foris adstantis præfagia aut notasset, aut notare potuisset? Utique subdolæ, latibuloque absconditæ Leti causæ, ex improvviso, ac veluti proditorie, hominem insiliunt quandoque, & conficiunt. Sed an ob idipsum omnia mox enarrata Artis præsidia proscripserit quis? Profecto vel nulla unquam Medicina juxta *Mortagniana* principia facienda est; vel ejusmodi infortunatis in casibus auxilia artis suum sibi debitum servabunt honorem, morsque non illis, sed immutabili hominis fato, adscribunda erit.

§. VI. In recensendis illis, quæ nos docuit Anatome, non immorabor: suo enim loco & ea, quæ præfertim ad Colicam Piætonum pertinent, & quæ ad universam Pathologiam, Capite I. enarravi: dein attuli præcipua paulo ante, de Prognosi verba faciens: denique explicatio Tabulis singulis adjungenda, hæc omnia enucleatius dabit. Hoc unice hic notaverim, quod sectio anatomica hominum, hoc morbo denatorum, talem degenerem partium fabricam nobis exhibeat, ut parem sibi ingenio fingere nemo mortalium posset; quodque eandem ob causam impossibile sit tolerabilem utcunque morbi ideam citra Anatomicen formare. Cum igitur hujus morbi rara admodum Anatome describatur, mirarine oportet Autores plerosque, qui penetrare in morbi naturam moliti sint, adeo inter sese di-

versa, adeo contraria, adeo aliquoties absfona, & intolerabilia congefisse, & effutiisse?

§. VII. Notare juvat Pictorem Cap. I. §. I. Crurum ac pedum ardorem, pruritumque intolerabilem, spatium decem septimanarum passum fuisse, eumque a *Badensi* balneo auctiorem: quem utique reliqui, qui Colica eadem laborantes hic exhibentur, experti non sunt. An Cobalto, Arsenicæ mineræ, quo usum illum sua in arte Anamnesis refert, hoc symptomata adscribendum? Forte. Mulier enim *Rat. Med. Tom. 9. pag. 252.* quæ Arsenicum sumferat, intolerabilem quoque crurum, pedumque pruritum, longo tempore, sine levamine, conquesta est.

CAPUT III. DE TETANO.

§. I. *Historia Tetani hominem perimentis, qui Colica Saturnina quondam laboraverat, & in Tetano morbo symptomata hujus Colicæ gravia passus est; Ventris nempe contractionem tetanoidæam; excrementa ovillarum instar; urinæ tam Incontinentiam, quam Impotentiam; Amaurosin; & qui a morte etiam malam Coli Intestini conformationem ostendit. Tetanus hic febrem sociam habuit, fuitque Maxillæ primum, tum Dorsi, dein Ventris, & tandem Crurum; brachiis perpetuo immunibus. Libræ 12. sanguinis semper inflammatissimè detractæ, pulsus moderari non potuere. Sudor perpetuus. Urinæ fere bonæ, plerumque arenam ruffam, nonnunquam spicula splendentia, habuerunt. Mors 26. die. Rigor non Cadaveris, sed convulsivus. Quid in dubia morte agendum? Serum probabiliter inter P. M. & Cerebrum collectum. Repetitur admonitio cautelæ in collocanda sede tumoris ac doloris, ne imaginario viscerum situ fallamur. Quædam de Intesti-*

norum Susceptione. Cor utroque in Thalamo perfecte vacuum, onustis iterum sanguine pulmonibus. §. II. Historiæ duæ Tetani, multis phænomenis nostro consimilis.

§. I. **A**ger, qui nobis de Tetano agendi occasionem suppeditavit, in Capite I. de Colica Pictonum referendus fuisset: verum quia Tabula IV., adjectæque eidem notæ, ea, quæ ad Colicam illam pertineant, explicabunt abunde; & præterea letalis hominis Tetanus magis, quam Colica, scenam ultimam clausit; malui tristem casum titulo *Tetani* recensere.

Egi de Tetano pluribus *Tom. VI. Probl. IX.* Cum autem dies diem doceat, pluraque ex eo tempore observaverim, quibus priora mea emendari, perficique queant, notabilem hic dabo ejusdem historiam.

Simon M. annos 30. natus, figulino labore victum quondam quæritans, Colica
lica

lica pictonum, abeunte, ac redeunte, adeo misere conflictabatur, ut operi huic demum valediceret, & a triennio Fornacum Cæmentarium ceperit agere.

Die 28. Aprilis hujus anni frequentem ac molestantem experiebatur Oscitationem, vagumque sinistri maxillæ articuli dolorem: Die sequenti sacram Peregrinationem cum uxore suscepturus, in Templo quodam Tetano correptus est. Venamque ilico sectus, ingressu difficiliore domum reversus est.

Die 2. Maii, adeoque die 6. morbi, in Nosocomio me inter pauperes convenit, cum Maxillæ Tetano, ejusdemque leviori dolore, dorsi præterea inchoante rigiditate, ac deglutatione incommoda; pulsu interim magno, æquali, parum febrili; alvo deficiente.

Suasi Clyfma ilico injicerent, secarent in pede Venam, Cataplasma

calentis fumi equini Maxillæ, Genis, Temporibusque obvolverent, & uteretur Emulso camphorato paregorico.

Die 3. Maii, morbi septima, melius sibi esse ajebat, nos vero id haud ita deprehendebamus. Suasi ipsi in Nosocomio maneret, cum is ejus morbus non esset, qui itum, reditumque, in Nosocomium admitteret. Mansit. Animus fuisset autoritate & exemplo Doctissimi Viri *Watson*, in *Epist. ad Soc. Reg. Angl.*, electricas experiri virtutes: verum morbi mutata facies aliud agendum jussit, quinque Electricitatis ictibus tantum adplicitis.

Febris enim maxima finiente die septima se Tetano adjunxit, &, post dorsi enormes dolores, Opistotonos. Exinde usque ad completos viginti morbi dies, hominem hunc ceu *Circes* incantamentis, in rigidam statuam mutatum vidimus, dolentem, inquietum,

se-

seque vel continuo agitantem, vel ab aliis moveri, centies lecto eximi, in eumque remitti, flagitantem. Frequentissime percipiebat primo in infimo Ventre, deinde in Ventre superiore, tandem in Dorso, ceu unico de puncto, dolorem oriri; qui actutum corporis cum inferiorem, cum superiorem partem, in ligneam duritiem, dolentissimo cum subsultu, tenderet. Deglutitio toto illo tempore raro impossibilis, plerumque plus minus difficilis. Per omnem fere morbum pulsus plenus, vibrans fortiter, durus plerumque, ac celer; post 12. Libras sanguinis semper inflammatissimi, in octo V. S. detractas, vix unquam moderatior. Alvus ipsi sæpe globulosa, ovillorum stercoreum instar, sæpius tamen pulmento similis. Venter quoque asseris instar durus, rigidus, & introtractus. Perque to-

tam ægritudinem fere sudor, paucior, profusiorque, perpetuus, sub mortem viscidus. Urinæ nunquam respondentes, aut inflammatoriis morbis, aut spasmodicis; erant enim semper coloris aut flavi, aut fusci, cum bono passim enæoremate, & plerumque cum arenulis sive in fundo, sive in pellicula supernatante, sive ad vitri latera, sive aliquando ubique. Arenula hæc haud quidem ab initio conspicua fuit, verum ubi 3. 4. 6. 10., & sub finem vitæ, ubi 20., & ultra, horas conquieverant urinæ; copiosior ac citior die morbi 14.; postmodum præter arenulam spiculas multas, splendidasque lotium gessit, cum levi hypostasi: pridieque mortis urina, qua æger aut sola, aut fæcibus mista, se se, lectumque conspurcaverat, jam denuo in vitrum micta, arenas trihorio post ostendere cepit. In morbo toto somnus

nus paucus, isque a paregorico tantum, sæpius tamen ne cum illo quidem. Respiratio non valde mala, post 15. diem autem admodum anhelosa, quando simul subdelirium incepit, deinde delirium, primum inconstans, deinde perpetuum, furibundumque aliquando. Sæpius etiam contigit, ut in deliramento anhelosius respirans, mox blandius respiraret, si ipsi aut loqueremur, aut aliquid ingerere tentarem: ita ut phantasia terrifico occupari objecto videretur, quod non sic, si parum resipisceret. Convulsiones clonicas seu *alternantes*, passus nunquam est, neque sub mortem; sed validum, universumque, tendinum subsultum. Horis 26. ante mortem oculi fixi, pupillæ dilatatæ, & ne ad admotam quidem candelam vel minimum se contrahentes. Calor a die septimo, quo in Nosocomium venit, ad mor-

tem usque, 101. 102. 103. grad. Remedia externa, internaque, fere ea omnia fuere, quæ mox in recensenda omnium Sæculorum in hoc morbo medicina, enarrabuntur. Obiit morbi completis 20. diebus.

Totus fuit a morte rigidus, etiam brachiis: quæ tamen sola fere semper servaverant flexilitatem: non rigiditate cadaveris, sed inflexilitate omnino insuperabili. Verane ergo mors nondum adesset? Cum nuperrime in *Siciliæ* Regno de certa morte, ob summam hanc rigiditatem, dubitatum sit; utpote minus morti, quam convulsioni tribuendam; multa tentavimus spirituum, pulverumque acrium, in nares inflatione; continua frictione; Electricitatis applicatione; thoracis palpatione, ut ejus inde figura mutaretur; Venæ sectione; aëris per os insufflatione; Clysterum, eorumque etiam ex fumo

fumo tabaci paratorum, immiffione; uno verbo ea, quæ Magni Viri *Morgagni* & *Sanctorini* in dubia feminæ morte instituerant, imo his plura, ordine instituimus: cumque sexta a morte hora eadem rigiditas infuperabilis perfisteret, Cadaver in loco admodum frigido horas 48. fervavimus.

Tunc demum Cadaver aperui. Rigor jam multo minor, nec eo multorum Cadaverum superior, dorsum si excipias: maxilla autem diduci, sine plurima vi vectis, non potuit.

Olla Cranii resecta, & sanguinis effluxit tantillum, & una alteraque uncia aquæ. Dura mater bona. Pia Mater supra lobum Cerebri posteriorem utrumque quidem, magis vero supra sinistrum, infarcta sanguine sic, ut purpurasceret universa. Sub Pia Matre humor effusus, qui lentus, albidus.

bidusque, videbatur, idque ad lobos utrosque ubique; eadem vero percissa, tenui fero similis liquor apparuit. An serum id, quod in Olla Cranii auferenda effluxit, sub Pia Matre quoque hæserat? Certe inter utramque Meningem hæsisse nulla vestigia docebant, neque signa aderant, id cranium inter ac duram locatam fuisse meningem: hæc enim adeo fortiter quovis in puncto cum Cranio cohæsit, ut cranium majori cum vi nunquam viderim avelli: & imprudentia aliqua Serra utramque Membranam propinqua in plaga vulneraverat, ut liquor inde facile elabi potuerit. Certius hoc affirmare potuissem, si in Chartis meis, in quibus vel mox a sectione, vel & sub eadem, visa reperiata noto, invenirem notatam a me Piæ Matris a Cortice Cerebri separationem, in qua copiosior Lympha potuif-

tuisset locari : cum autem id ibidem non inveniam notatum, nec memoria suggerit, hanc quæstionem in medio relinquo.

Ventriculi Cerebri superiores vacui omnino ; processus Choroidæi pallidi , posteriore parte hydatici. Ventriculus tertius, & quartus, pariter vacui. In Occipite sub Cerebello cochleare plenum feri rubelli.

In abdomine lente ac prudenter aperto, situs Viscerum nostram attentionem primam fixit. *Omentum* bonum, medium Ventrem tegens, adeoque ineptum ad Epiplocelen. *Hepar* dextro in latere situm sic, ut lobus ejusdem minor vix digiti lati spatium in sinistro latere occuparet. Idem vero sinister lobus sub cartilagine scuti-formi trium fere pollicum altitudine ac latitudine conspicuus erat : dexter autem lobus sub Costarum marginibus pror-

prorsum delituit. Id quod iterum adnotandum, pro morbis ex viscerum situ dignoscendis, commendabam Auditoribus; ne quis semper quærat dextris sub costis eminens Hepar, inque medio Epigastrio sub Sterno Ventriculum: maxime cum hæc iterum sic visa fuerint, clauso thorace, quando viscera abdominis acoercente Peritonæo liberata, descendendi nanciscuntur occasionem.

Ventriculus, pedis præter propter magnitudine, exacte sinistrum Hypochondrium explebat.

Lienis situs post Ventriculum, plus in dorso, quam in latere, parvusque idem, & infra octavam Costam vix eminens; sic, ut, in suspitione morbi splenici, frustra quis eum sinistris sub costis quæsvisset. Cæterum & ipse, & Hepar, sanum utrumque. *Vesicula* gerebat Bilem non multam, non spissam, colore flavam.

Cæci Intestini faccus in pelvi erat, ad digitum latum ab inguine dextro. *Colon* adscendens inde recondebat se post *Costas*, pergens usque ad *Costam nonam*; unde paulum reflexum juxta crepidinem *Jecinoris*, mox in sinistro latere quinque latorum digitorum profunditate descendebat, anguloque ibidem facto, adscendebat oblique ad altitudinem octavæ *Costæ*; flexu autem ibidem facto, descendit tam profunde in *Ileum*, ut inguini incumbens facile veram *Coli herniam*, data occasione, generare potuisset: porro vergens inde ad mediam pelvim, reflexit se digiti longitudine valde amplificatum, atque ilico plurimum angustatum: reflexum iterum inde versus pelvis medium, in amplum valde antrum abibat, denuoque angustatum denuum *Rectum* formabat. Vid. Tab. 4.

In medio abdomine invenimus Intestini Ilei *Introsusceptionem*, longitudine geometrici pollicis, superiore parte ab inferiore suscepta, cujus signa in vita nunquam affuerant. Frequenter introsusceptiones observamus ejusmodi, convulsione forsitan ante mortem natas, quandoque numero plures, leves, facileque explicabiles; sed etiam nonnunquam fortes adeo, ut vix videantur subita convulsione nasci: cujusmodi unam descripsi, *Tom. I. pag. 139.* Absconam non judico eorum sententiam esse, qui inveteratas ejusmodi, indissolubilesque Introsusceptiones, salva vita tolerari posse credant; licet semper causæ proegumenæ sint Ilei morbi.

Ren sinister dextro triplo major, durus admodum in substantia dicta corticali; dexter autem mollis.

Cor bonum, utroque thalamo perfecte vacuum.

In Cavo *Thoracis* sinistro aquæ rubellæ unciaë duæ, in dextro unciaë quatuor.

Pulmones anteriore ac laterali superficie obscure grisei, ac variegati, qua autem Dorso, ac Diaphragmati accumbebant, lividi toti; intus vero plurimo sanguine rubicundi, & turgidi; accreti nullibi.

§. II. Historiam Tetani, in quo sudor perennis; aquæ aliquot unciaë in Cavo *Thoracis*; pulmo uterque multo sanguine refertus, præsertim ad dorsum; feri copia pauca in Encephalo, adeoque nostræ historiæ in multis similem, *Valsalva* notaverat, referente Cl. *Morgagno* Ep. X. Miles quoque, qui, quod ebrius integram noctem humi cubasset, Opisthotono affectus moreretur, inventus a Bontio

Pars X. I fuit,

fuit, *Observat. I. Tract. ult.* cum vitalibus ac naturalibus Visceribus integris, habere in Cerebri Ventriculis viscidam materiem, glutinosam, luteam, vitello ovorum perquam similem, sed admodum foetidam; Meningum quoque vasa valde turgida sanguine bilioso.

CAPUT IV.

DISSERTATIO DE TETANO,
EJUSQUE SPECIEBUS, NEC NON
DE CURANDI EUM METHODO, A
PRIMIS MEDICINÆ SÆCULIS, IN
NOSTRA USQUE TEMPORA,
OBSERVATA.

§. I. *Præcipuorum Scriptorum, qui de Tetano egerunt, Catalogus.* §. II. *Genus & species ejus.* §. III. *Multiplices ejus causæ.* §. IV. *Symptomata morbi numerosa, cum continui, tum remittentis, tum intermittentis.* §. V. *Prognosis mala, primo ex Hippocrate, deinde ex reliquis Autoribus.* §. VI. *Sedecim articulis enarratur curatio,*

& Hippocratica, & reliquorum Autorum.
 In horum septima cura Hippocratis, per
 aquæ frigidæ affusionem, explicatur. In
 articulo undecimo expenduntur Opii in Te-
 tano vires. In decimo quarto quæritur, an
 Tetani curam liceat exsuscitata febre tenta-
 re? & in sequenti, an sudoribus? Tandem
 articulo post decimum sexto, occasione Quæ-
 stionis, Num Tetanus aliquando urina ju-
 dicetur? differitur primo de vera mente
 Hippocratis circa urinam genituræ simi-
 lem, ostenditurque, illum, hac appellatio-
 ne utentem, genitalem liquorem neutiquam
 intellexisse: differitur deinde de Arenosa
 urina, tam in Tetano, quam in omnibus
 morbis Acutis, diversisque Chronicis. Sal-
 tus sanguinis ex sauciata Arteria profilien-
 tis, conspicitur aliquando in eo, qui ex
 secta tantummodo vena, jactu violento, pro-
 fluit. §. VII. Subjunguntur Historiæ septem
 propriæ Observationis.

§. I. **M**Orbus hic inter summe
 periculosos numerandus,
 a primis Medicinæ temporibus exer-
 cuit multum; torsitque Medentium

animos, tam in intellectu pathologico, quam in suscipienda curatione.

Exorsi namque ab *Hippocrate*, invenimus eum morbum graphice descripsisse variis operum suorum locis. Libro de *Viēt. Acut.* pag. apud *Foesium* 402. 403. Libro de *Morbis* primo, pag. 449. Libro de *Morbis* tertio, pag. 491. Libro de *Internis affectibus*, pag. 561. Libro de *diebus Judicatoriis*, pag. 57. *Coacarum* n. 361. 362. *Aphorism.* Sect. 5. n. 6. qui Textus recensetur quoque Libro de *Crisibus*: & sect. 5. n. 17. 20. 21. 22. *Epidem.* 5. pag. 1159. *Epidem.* 7. pag. 1220.

Deinde *Galenus* in variis horum *Hippocratis* textuum *Commentariis* plura adjecit.

Aretæus Cappadox, de *Caus. & Sign. Acut.* Lib. I. Cap. 6. & de *Curat. Acut.* Lib. I. Cap. 6.

Cælius Aurelianus, lib. de *Acut.* Lib. III, Cap. 6. 7. 8. Pe-

DISSERTATIO DE TETANO. 133

Petrus Forestus Lib. 10. Obs. 111.
112. 113. una cum Scholiis.

Hollerius in Coac. n. 361. 362. in
eisdemque textus *Jacotius*.

Duretus in Enarr. super Cap. 2.
Holl. de Morb. intern. *Prosper Alpinus*,
Med. Method. Lib. 10. cap. 8. *Schen-*
ckius referens observata *Mathiæ Cornacis*,
Viennensis ante 220. abhinc annos
Medicinæ Professoris, *Fernelii*, *Bene-*
dicti, *Cardani*, *Jacchini*, *Avincennæ*, *Be-*
nivenii, *Valeriolæ*, & tandem sua pro-
pria. *Heurnius* in Aphor. Sect. 6. n. 39.
& Sect. 2. n. 26. *Paræus* Lib. 9. cap. 8.
Capivaccius Prax. Med. pag. 219. *H.*
Cardanus de adm. cur. n. 15. & de sub-
til. lib. 2. *Bontius* de Met. Med. in
Ind. Orient. *Hildanus* Cent. 5. n. 9.
Riverius lib. I. Cap. 6. de Conv. *Helmontius*
Libr. de flatibus pag. 401. & de Febr.
pag. 129. *Stalpart van der Wiel* Tom. 2.
obs. 27. *Wepferus* Libr. de aff. Cap.

pag. 497. 537. *Petrus Bayrus* Pract. Libr. 2. Cap. 20. *Paulus Sorbait* Prax. I. pag. 222. *Joannes Chr. Langius* Tom. 2. pag. 140. *Heysterus* Obs. 372. In *Burneti* Thesauro, *Puerarius* part. I. pag. 332. *Sennertus* Libr. 1. part. 2. cap. 28. *Morgagni* Epist. Anat. n. 10. Ill. *Præses* L. B. *van Swieten* Comm. Tom. I. §. 230. 234. Tom. 2. §. 704. 712. 787. 817.

Augere in immensum Catalogum possem, omnes Autores, qui super hoc morbo scripserint, referendo: sed cum animus sit, recensere duntaxat eos, qui ad Morbi causas, ad Phænomena, ad Prognosin, & ad Curationem, aliquid præ cæteris attulerint; cumque, qui id præstiterint, plures, quam nunc recensui, me hucusque lateant; ulteriori Autorum recensione non immorabor.

§. II. Consultis omnibus his Autoribus, *Tetanus* primo est nomen

mor-

morbi generale, quod cunctas complectatur species. Deinde est nomen, quo species morbi prima appellatur, in qua corpus recta convellitur, seu tenditur, indurescitque. Altera morbi species *Emprostotonos* est, si in priora; & tertia species est *Opisthotonos*, si in posteriora flectitur corpus. Datur & *Pleurothotonos* quarta species, quam quidem *Mercurialis*, & *Sorbaitius* negarunt, *Valsalva* vidit, utrum in latus non notans, meusque æger aliquoties sinistrum in latus contractus fuit: jamque Nosocomium meum mulierem habet, quæ a violenta colli contorsione *obstipo capite* laborans, per intervalla in lævum latus sic incurvatur, ut Romanam Litteram C. referat. Homo quoque apud *Fernelium* Lib. 5. cap. 3. *Pleurothotonicus* fuit.

Differt *Tetanus* a convulsione, quod *Tetanus* sit contractio perseverans

rans; convulsio autem Tetanus duntaxat fulmineus, minusque fortis, ita ut a partium naturalium sive vi, sive pondere, superetur: unde haud immerito hanc *Clonicam* vocant a κλόνεω, κλονέομαι, concutio, agito; illam vero a τένω, tendo, constringo, *Tonicam*.

Describitur hic Tetanus ut universi corporis, vel ejusdem tantummodo partium: Maxillæ inferioris, ejusque sive alterutro in latere, sive in utroque; Brachii, Pedis, Oculi, an Strabismi species? Penis, an Satyriasis? Linguae.

§. III. Causas ejus describunt a Repletionione, Evacuatione, Exsiccatione, Acrimonia: præterea a Capite dum febres supervenerint; a Vulneribus, Contusionibus, Ulceribus, in loco tendinoso, nervoso, musculofo; ex Abortu; a Cervicis vehementi ictu, a contorsione, contusione, & percussione

sione tendinum ejusdem; a graviore onere Colli tendinibus diutius imposito; a jugi tendinum decubitu super durum stratum; ab asperrimo frigore; a potu meraco; a decubitu sub Jove post vini, spirituumve, usum copiosum; a vino copioso tempore vulnerum sumto; a gelidæ aquæ potu, eo tempore quo vulnera mundari, consolidarique videntur; ab ichore intus retento; a febre; a puncto in Venæ sectione nervo; a vomitu valido; a nimia alvo; a suppresso febrili sudore; a lue Celtica; a carie antri Hignori; ab abundante Pituita; a punctura Dragonis marini, *Piterman* dicti, piscis; ab Utero; ab affecto ore Ventriculi biliosa & æruginosa materia; a Fungis; a materia latitante Podagrica; ab Angina Cynanche, Synanche, Parasy-nanche; a sanguine pituitoso, bilioso; a monstroso Verme *Schenckius* proprii

filiu tetanum describit: a Vermibus Duodeni, ac sinistri Ventriculi orificii, numerosis, teretibus, magnis, *Hysterus* Ancillæ cujusdam Tetanum vidit: *Riverius* a vermibus communibus: a Tuberculo in gena dextra mulieris, furunculi instar, dimidii ovi magnitudine, per scalpellum ablato, &c.

Harum causarum nonnullas prædisponentes considerant, alias excitantes, plures denique ad causam morbi proximam constituendam per sese sufficientes. Causam autem proximam, vel acre statuunt, vel irritans quoddam, Nervis, sive in origine, sive in itinere, adplicatum.

§. IV. Symptomata morbi ordine sequente recensent. In principio Oscitatio adest, quam solum *Cælius Aurelianus* notare reperio, quamque noster æger crebram, molestamque, passus est. Maxilla inferior ad superiorem

rem constringitur, his alterutro in latere, illis in utroque: *Trifinium* vocant: & quidem in nonnullis cum musculorum Gelasinorum una ex parte, quem *Spasmus Cynicum*; in aliis utraque ex parte, quem *Risum* appellitant *Sardonium*; ceteris vero nihil hujus. Quibusdam a principio febris adest, aliis in decursu morbi, major, minor, nonnunquam prægrandis, pluribus vero nulla. Oculi lacrymantur multis, rotantur, contrahuntur. Dorsum, Collum, Artusve, flectere nequeunt. Vox difficilis, Aphonia quibusdam. Dolor dorsi sæpe tantus, ut ægri ejulent amare. Suntque nonnunquam ejusmodi Convulsiones momentaneæ, seu subsultus potius, in rigido corpore, ut ni ægri detinerentur, lecto exfiliarent. Deglutitio difficilis est, & aliquando impossibilis, fitque tunc deglutiendorum per nares reditus. Re-

mit.

mittente quandoque per horas tetano, adfunt intolerabiles præ dolore *Crampi*. Vigiliæ ad Opiata passim rebelles, & si dormitur, somni sunt pauci, breves, terrifici, cum rigidorum tendinum subsultu. Sudores multi, fortes, in multis continui fere. Quibusdam ab initio, aliis ad finem, delirium mite, aut ferox, multis nullum. Aliis urina rite fluit, alii ejusdem aut incontinentiam patiuntur, aut stimulum perpetuum, aut suppressionem. Miri, vagi, inguina quandoque quasi dilacerantes, variosque in corpus affectus edentes, dolores in ventre percipiuntur.

Porro non omnes eodem modo hæc symptomata affligunt. Nonnullos enim, ut jam monitum est, in principio invadunt, alios in decursu morbi, alios ad finem; multaque sunt, quæ non eundem hominem impetunt,

tunt; multa, quæ non sæviunt furore continuo. Sæpius in nostro homine dolor mitis, maxillæ relaxatio ad duarum linearum hiatum, deglutitio longe expeditior, vox intelligibilior, tetanus mitior. Imo quibusdam constanti lege Maxillæ tetanus ut vigili pertinax, sic dormienti resolvitur. Quandoque symptomata tetani remittunt penitus, ægro exinde aut sanescente, aut moriente.

Aut moriente inquam. Est enim Tetanus Morbus continuus vel continuo remittens, vel plane intermittens. Vidit *Hippocrates* tetanum sic euntem, redeuntemque, ut æger intermedio tempore obambulare, resque perageret suas. Observavit *Fernelius* paroxysmum Opisthotoni, bis, ter, quotidie invadentis, idque non æstate, sed hyeme; non unica hyeme, sed quotannis. *Wepferus* in Sanctimoniali

notavit quinque Paroxyſmos, quinque horarum ſingulos. Et alius ille *Wepferi* Tetanus trium menſium; iſque integri anni *Valisnerii*, ad non ad hanc claſſem referendi ſunt? Imo *Aretæus*, & *Foreſtus*, adeo chronicos Tetanos referunt, ut per totam ægrorum vitam non curentur.

§. V. Prognofin dedit *Hippocrates* in Aphor. Sect. 5. n. 6. & Libro de Criſibus, ſic ut quarto die mors adſit, utque hunc diem effugientes, ſaneſcant. Quam ſolam *Hippocratis* prædictionem, alias ita accuratus *Ceſus*, hoc loco negligenter recenſet, ac ſi aliam non dediffet *Hippocrates*. Etenim Libro III. de morbis, tetano affectos perire ait 3. aut 5. aut 7. aut 14. die, quos ſi effugerint, ſaneſcunt. Epid. 5. & 7. *Telephanus* die 3., & magnæ navis Præfectus die 13. aut 14. obiit. Libro autem de internis affectibus ait hos ægros

ægros longissime ad 40. diem vitam trahere.

Obiter hic notemus iterum, quod alibi notavi toties, doctrinam *Hippocratis* omnium imperfectissime sæpe tradi in Aphorismis; in cæteris vero ejus scriptis exponi, limari, limitari, extendi. An evidentius exemplum datur hoc de Tetano Aphorismo? Ut profecto manibus, pedibusque, eorum in sententiam abeam, qui censeant Aphorismos, saltem multos, ex magni Viri pugillaribus desumptos esse, in quibus, quæ obiter hinc inde vidisset, ne mente exciderent, scripto mandaverit, per otium, ulterioresque observationes recudenda, & explicanda. Sed ad rem.

Benivenius, Forestus, Bontius, Heysterus, Morgagni, aliique notaverunt cum *Hippocrate*, sanitate aut morte intra diem quartum Tetanum terminari.

nari, id est, intra horas paucas, diemque unum, alterum, tertium, quartumque: sed & cum illo observarunt quovis die aut mori, aut convalescere ægros hos, usque ad 20. 30. 40. diem. Homo, cujus historiam *Tom. 6. probl. 9.* dedi, obiit die nono. Hic noster die 20. & femina apud *Ill. Præsidem* non diu post 30. morbi totius, 24. autem Tetani diem, convaluisse videtur.

Sed neque cum ultima *Hippocratis*, multorumque Autorum, diei quadragessimæ observatione, vitæ, mortisque ultima meta terminatur. Monuerat *Hippocrates*, artem longam esse, vitamque brevem: unde quæ necdum illi visa sunt, visa sunt deinceps aliis. *Puerarius* pluribus mensibus affectum & perdurantem vidit, & curavit. *Valisnerius* apud *Celeb. Morgagni* hominem demum post annum sanavit. *Wepferus* Tetanum ultra 63. dies perseverantem

cu-

curasse legitur. Imo rariores dari Tetanos, qui nec perimant, nec tota hominis vita curentur, *Aretæus* & *Forestus* scripto reliquerunt. Atque hæc de Prognosi quoad tempus.

Morbum semper admodum periculosum esse, five sine ulla remissione aut intermissione decurrat, five cum illis, uno omnes ore Autores fatentur. De prioræ quæstio non est; de posteriore exempla innumera prostant. *Foresti* puerperæ tetanus remisit sic, ut Medicus immisso digito fauces posset explorare; attamen periit. Ipse *Hippocrates*, experientia edoctus, intermittentem Tetanum minus quidem continuò periculosum pronuntiavit, minime tamen periculo expertem. Et noster, cum aliqua Tetani maxillæ inferioris remissione, ac notabiliore adhuc totius corporis, Vocisque ac Deglutionis integra fere restitutione,

mortuus est. Imo rem ab ipso Medico teneo, qui præsens præsentem vidit hominem, qui Tetano universo affectus, dum e balneo aquæ calidæ educeretur, Balneum omnem pepulisse morbum exclamaret; sic quidem ut integram curationem adstantibus demonstraturus, per cubile incedere, progredique inciperet: qui tamen vix momento elapso humi procumberet, ac moreretur. Febris præsens, absensve, prognosin Tetani non mutat. *Hippocrates* Aph. Sect. 4. n. 57. discrete notat febrim non esse de natura Tetani, sed illi epigenomenam. Notanturque in Scriptis Medicorum pluri-
mi sine febre Tetani: unde multos morbi curam febre artificiosa institue-
re voluisse mox in curatione tradenda patebit.

§. VI. *Curatio* hæc ex iisdem Autoribus ordine nunc tradenda est.

In-

Indicans omnibus idem, scilicet Tetanus. Eadem cunctis *Indicatio*; auferendus enim morbus est. *Indicata* vero multis eadem sunt, multis iterum diversa, & opposita.

Ac 1^{mo} quidem ab ipso *Hippocrate*, in nostra usque tempora, fere omnes venam fecant, idque iterato; quoties cum vis morbi id peteret, tum vitæ concederent vires.

2. Nec differunt multum in frequenti usu Enematum emolliencium, imo mere oleosorum; usuque laxantium per alvum, stimulantiumque, & suppositoriorum.

3. Multi eo scopo purgantia laudarunt, ut a capite, collo, artubusque, revelleretur materies.

4. Solemnius autem apud plerosque nihil inunctione rigidarum partium cum oleo, oleo rosaceo, laurino; oleo Castorei, Macis, Caryo-

phyllorum aromaticorum, Anethi, Therebinthinæ; cum Spiritu vini aut Tincturis, Spiritibusque medicatis, cum unguento Martiato, Althææ, Agrippæ; cum unguentis & linimentis paratis pinguedine Vulpium, Canum, Felium, Daxarum, Cervorum, Ursorum, Luporum, Leonum, quæ pinguedines essent inferendæ Anseri, Anserque tunc veru torrendus, ac diffluens inde pinguedo in usum foret asservanda: sic tamen, ut primam pinguedinem abjicerent, ultimamque in vas aceto semiplenum exciperent, & cum hoc ita comparato corpus fricarent.

5. Vesicantia, & Sinapismi, nonnullis laudantur.

6. Balnea aquæ calidæ, etiam integra; integra olei balnea, curarunt multos. *Celsus* jam commendaverat. *Guilandinus* apud *Heurnium* ad 26. Aphor. Sect.

Sect. 2. Virum Tetano affectum curavit, immergendo in cadum olei totum. *Albertinus* vocatus ad Chemicum, nefarium hominem, qui fracta infortunato lagena, in qua diuturnos post labores venenum præsentissimum perficiebat, vidit illum convulsione tonica instar serpentis contorquere se, oculis & lingua protrusis: cum pleraque auxilia nihil opitularentur, *Albertinus* dimisit hominem totum in tepidum oleum, eo cum successu, ut cessaret Tetanus. Fomenta oleosa, quæ hominem integrum involverent, multi laudarunt. Et olei Embroche *Bayrus* Sereniss. *Pedemonti* Principem cito ab Opisthotono liberavit.

7. Frigida Balnea, Gelidæ aquæ affusionem, multi laudarunt, autore *Hippocrate* Aphor. sect. 5. n. 21. & Libr. III. de morbis.

Curam ejusmodi aggrediebatur nunquam, nisi debitis cum cautelis: ut nempe Tetanus ab ulcere non oriretur; ut juvenem bene carnosum morbus invaserit, mediaque æstas sit. Nec universalis fuit ipsi Methodus curandi. Cæteris enim operum suorum locis jubet ægrum calefacere balneo, foco, linimentis, fomentis, utere aut vesica contentis, actu, potentiave, calidis, Vino &c. imo post *calidæ aquæ affusionem* homines obvolvere linteo, obvolutosque in lecto detinere. Itaque apparet evidenter magnum Virum distinxisse accurate & ægrorum naturam, & diversam morbi cum materiam, tum symptomata; curamque ex oppositis remediis præscripsisse sapienter. Unde *Cælius Aurelianus*, *Paulus Ægineta*, multique sequentium sæculorum Medici, *Hippocratem* injuste criminati sunt, Aphorismi doctrinam

nam per reliqua ejusdem opera non explicando.

Cæterum hanc ipsam Gelidæ affusionem debito in casu factam, sapientes practici laudarunt. *Schenckius* refert *Avincennam* scripsisse : „ Ex his, „ quæ juvant habentem Spasmodum „ communem, qui nominatur Tetanus, & Tensio, facta a materia frigida, est ut subito in aqua demergatur frigida, secundum quod dixit „ *Hippocrates*. Nam corporis exteriora inspissantur, & innatus calor interioribus quasi confortatur, & resolvitur materies. Non enim tamen „ omne corpus tolerans hoc, a timore tutum, sed corpus forte, juvenile, carnosum, quod ulcera non „ habet, & in æstate. Plures enim per „ hoc jam evaserunt. „

Valescus de Taranta Lib. I. Cap. 21. De Morb. Cerebri. „ Isto modo cu-

„ ravi juvenem 20. annorum, de quo
„ desperabatur in *Morlanis*, quamvis
„ non multum erat carnosus. Habui
„ fere 24. urceos plenos aquæ, &
„ quatuor viri ipsum ægrum erectum
„ tenuerunt. Ego autem omnes ur-
„ ceos evacuavi supra colla, & omnia
„ inferiora membra ejus, & statim
„ posui eum ante ignem, & post ho-
„ ram unam & dimidiam unxi ipsum
„ a collo usque ad postremum spon-
„ dilem, ac tibiae & brachia, cum
„ *Dialthæa*, & *Martiato*, & *Agrippæ*,
„ cum oleo *Castorei*, & dedi sibi bro-
„ dium pullæ, & fere nihil amplius
„ feci, & in eadem nocte curatus fuit,
„ cum Dei auxilio. Alium curavi in
„ *Burdigalis*, qui erat Anglicus, sed
„ iste fuit corpulentus, per modum
„ superius dictum. „

Sennertus Lib. 1. part. 2. Cap. 28.
ad quæstionem, an aquæ frigidæ affu-
sio?

fio? „ Ita ex *Hippocrate*, & *Galeno*,
 „ inquit, debitis conditionibus. Ita
 „ enim calor natus, clausis poris
 „ cutis intus cogitur, & per accidens
 „ absumitur morbi materies, seu a
 „ subita aquæ frigidæ affusione corpus
 „ frigore concutitur, & materis ner-
 „ vis adhærens excutitur. Etsi vero
 „ *P. Æginetæ* hoc remedium impro-
 „ batum esse scribit a posteris, quod
 „ & ipse rejecit, tamen reperti sunt,
 „ qui post eum id usurparunt; inter
 „ quos est *Valescus*. „

8. *Cucurbitæ* tam siccae, quam sca-
 rificatae, a multis medicis eventu sæpe
 fortunato adhibitæ sunt; at vero cum
 id, quod avellendorum humorum gra-
 tia fit, nonnunquam tenfos nimium
 nervos irritare queat, eventum ali-
 quando finistram fortitæ sunt.

9. *Medicamenta acria, aromatica, ac
 maxime virosa*, ab ipso *Hippocrate*, &

Aretæo, in nostra usque tempora, Auctores adhibuerunt tantum non omnes; quæ ore assumenda, Clystere injicienda, naribus aut insufflanda, aut attrahenda, ulceribus, quo reforberentur, affricanda, cuti tandem admovenda essent. „ Castoreum, ait *Aretæus*, „ trium obolorum pondere assidue „ bibere expedit. . . Cæterum si ægri „ nihil deglutiant, Castoreum cum „ oleo in anum immittendum est. „ Multi post Arabes Castoreum ore assumendum dederunt a dosi scrupulorum duorum, ad dragmas duas, in Melicrato, vel Aqua nervina. Castoreum intus & extus dare jubet *Prosper Alpinus*: *Hollerius*, & *Dnretus* confirmant. Curam suam fortunatam Viri Patricii, ad 40. diem cum Opisthotono conflictati, *Benedictus* præsertim Castoreo acceptam refert; a quo tunc lacteus humor cum urina prodibat.

10. Oleum multi bibendum dederunt summo cum effectu. *Valisnerius*, loco coenæ oleo amygdalino dato, an-
nosum Viri patricii tetanum vicit. Multi Autores oleo ore & ano immisso corpus totum perluendum jubent; imo ore, & gutture, placide continere, quo stric-
tæ fauces laxarentur.

11. Ad Opium & Narcotica multi confugerunt. *Hippocrates* fomenta parabat ex Semine Hyosciami cocto cum oleo, eique tunc addito Vino. *Aretæus* oleo Crocino partes rigidas involvebat. *Schenckius* Theriacam, *Mithridatium* *Cardanus*, ore data laudaverunt. Memorabilis *Bontii* textus est, quem ne quid contrahendo perdat, exscribam totum; ex *Libello 2. de Method. med. qua in Indiis Oriental. uti oportet.* Cap. de Spasmo „ Inprimis vero ha-
„ benda est ratio, inquit, sævissimi
„ Symptomatis, doloris nimirum,
„ cui,

„ cui, omiffa tantisper caufa princi-
„ cipali, sæpe cogimur occurrere.
„ Quod commode fiet *Laudano Querce-*
„ *tani*, *Philonio*, five *Euphorbio*, fed
„ præcipue *extracto Croci*, quod infra
„ describemus. Fortaffe Sciolus quis-
„ piam negabit his remediis, propter
„ vim ftupefactivam, ac narcoticam,
„ nervisque inimicam, effe utendum.
„ Speciofa quidem hæc prima fronte
„ videntur, fed tamen vana funt:
„ nam præterquam quod calidiffima
„ hujus climatis temperies hoc requi-
„ rat, certiffimum eft in tali neceffitate sine
„ his ægrum evadere non poffe. „ Me-
retur certe Medicus hic fidem haud
modicam, eo quod majorem forte
experientiam hujus morbi, quam Eu-
ropæus quisque Medicus unquam ha-
bere poffit, ipfe habuerit: videte mo-
do, quomodo hoc caput inchoet.
„ Qui apud nos in *Hollandia* rarus eft
Spaf-

„ Spasmus, hic in Indiis tam familia-
„ ris est affectus, ut merito inter En-
„ demios, ac Populares morbos, nu-
„ meretur. „

12. *Fimus equinus* partibus tetano affectis summopere laudatus *Ambrosio Paræo* fuit. Ter cum illo adhibito felix, ut postmodum enarrabo, nihil fere in hoc homine, de quo agitur, lucratus sum.

13. Ex *Hipp. Libr. de intern. affect.* videmus Tetano oriri a suppuratione *κυνάγχης*, vel *σαφύλης*, vel *ἀντιβραγχίων*, vel etiam (Libro de Diebus judic.) *ἀπὸ συνάγχης*. *Forestus* historiam refert, eandemque observatione veterani cujusdam Medici, haud omnino raram in praxi esse ostendit. *Valsalva* & talem Tetanum vidit, egoque in me ipso, ut deinceps narrabo, expertus fui. In hoc genere Tetani *Forestus* damnavit *Trochleæ* usum ad os diducendum,

autoritate forte *Cæli Aureliani*, qui tamen *Trochleam* aut simile Instrumentum repudiando, de *Tetano* ex *Angina* nato non egit. Laudarunt *Trochleam* hanc, adhibueruntque cum successu *Pareus*, & *Hildanus*. *Trochlea* hæc me in hoc morbo mox summo periculo eripuit.

14. Curam excitata febre moliti nonnulli sunt, id sibi ab *Hippocrate* præceptum esse arbitrati in *Aphorismo* 70. *Sect.* 5. „ A quartanis correpti, „ convulsione non admodum corripuntur, si vero prius corripiantur, & postea quartana supervenerit, liberantur. Et *Sect.* 2. ne 26. *Febrim* convulsioni supervenire melius „ est, quam convulsionem *Febri*. „ Et maxime *Sect.* 4. No 57. „ A convulsione, & *Tetano* detento, febris „ superveniens solvit morbum „ *Hierophylum* & *Asclepiadem* febre excitata

Tetanium curandum esse voluisse, Cælius Aurelianus accusat: invehiturque acriter in Hippocratem, veluti idem diserte præcipientem in his Aphorismis; a qua sententia se esse alienissimum profiteatur. Profecto si sedato animo Hippocratem pervolvimus, pluribus Operum suorum locis de Tetano agentem, non est, quod idem prorsus negemus. Quid enim aliud ex textu Libri de viſſ. acut. colligemus? Si enim a natura febris non excitetur, somnusque, atque urinæ concoctæ, sudoresque judicatorii non contigerint, Vinum creticum vinosum, una cum internis, externisque emollientibus, & calidæ aquæ affusione, exhibendum esse docet: et Libro de intern. aff. Absinthium, Lauri folia, Hyosciamum, Thus, in vino albo cocta, admisto oleo valde calefacta, corpori & capiti adhiberi; postea vero disponere in lecto

cto ægrum ut sudet vehementer. Igitur videtur deficiente febre, febrem excitare voluisse. Convenitque idem cum ejusdem monitis sapientissimis, quibus præcepit nobis attentionem ad ea, quæ natura quandoque per se facit in morborum curatione, ne hujus ignari eandem suo in opere turbemus, neve defectu attentionis illam imitari negligamus. Eodem profecto modo, quo febrem in Apoplexia producendam esse Schola Medica jubet, quia Natura spontanea febre Apoplexiam curasse observata est. Fatendum tamen est, similia præcepta quandoque hoc principio solummodo inniti, ut *extremis in morbis extrema tententur auxilia*, ut habet Aphor. 6. sect. 1.

Ut enim extrema auxilia prodesse aliquando apparent mirifice, sic quoque eadem nocere non ignoramus. Et ejusdem Scholæ doctrina, qua febrim

brim nonnunquam excitare jubemur, discimus etiam humores lentos hominem occidere, si in vehementiores excitentur motus. Imo enarrandorum ad finem hujus Capitis casuum alter, Tetanum, superveniente valida febre, letalem redditum docebit. Hinc hanc sententiam cum Schola Arabica moderari conatus *Avincenna*, *Ephemera* duntaxat febrem producere suadet. Sed quis febrem producturus, adeo arbiter rerum, versatusque in arte est, ut non plus febris generet, quam voluerit? Quotidie animadvertimus eodem anni tempore, ab iisdem omnino causis, alios tertiana febre corripiri, alios ephemera, alios acuta, vel etiam inflammatoria; prout vis adplicatæ causæ in peculiarem cujusque Diathesin agere possit. Novimus, si candide loquamur, nos tantos in Tetano, & Apoplexia, moderatores

non esse ; præterquam quod etiam moderata febris possit nocere. Nonne levi febre , a natura genita , Apoplecticum *Numeni* filium periisse candidus tradiderit *Hippocrates*? Ea itaque omnia, quæ, ni juvent, occidunt, nunquam temere , sed & circumspecte , & si possibile, nunquam nisi convocato Sapientium Virorum consilio, bene perpensa, & trutinata, admoveantur.

15. Sudoribus curandi Methodum laudarunt hi, illi condemnarunt. Dixerat *Hipp.* Lib. de Viët. acut. de Tetano agens , ut supra vidimus : „ Huic „ nisi febris accesserit, & somnus, & „ quæ consequuntur urinæ coctæ, sudoresque judicatorii &c., & paulo post deficiente natura , ægrum sic a Medico disponi jubet, ut exsudet vehementer. Bontius sudores cum maxime hic laudavit : hæc ab una parte: sed ab altera veridicus ubique *Hippocrates* nar-

narrat *Magnæ navis Præfectum* in *Opisthotonum*, tertio a contusione die, incidisse cum sudoribus, obiisse tamen sexto ab illinc die. Scripsit *Coacar*. N. 361. Funestum est etiam sudare in *Opisthotono*. Imo *Aretæus* jussit cohibere sudores: *Cælius* abstergere eosdem, ne noceant frigefacti.

Numquid igitur ad *Problematis* explanationem facit id, quod habet magnus *Morgagni* *Epist. anat. med.* N. X. §. 3., ubi scilicet, postquam retulisset *Valsalvæ* Juvenem die Tetani quinto obiisse cum sudore plurimo, toto morbo profluente, hæc judiciose subjunxit: „ Porro multus sudor, qui „ perpetuo perfluxit in eo juvene, „ num id levaminis attulit, ut manus, pedesque, nonnihil movere ceperint? Sane *Bontius* . . . inter cætera commendat, quæ sudorem moveant. Sed hic fortasse utilior est,

„ cum affectio frigori successit, cui
 „ temere calefactum corpus exposi-
 „ tum fuerit. „

Hinc intelligeremus saltem ab Hippocrate, & laudatos sudores, & damnatos fuisse, prout Tetani causa eosdem aut posceret, aut repudiaret; eandemque ob causam *Aretæum*, ac *Cælium*, eo modo scripsisse. Sane noster homo, qui a refrigerato corpore prius calefacto in Tetanum non incidit, cum perpetuis sudoribus mortuus est.

16. *Urinarum excretiones* Medicorum plures in Tetano consuluerunt, præeunte *Hippocrate* Coac text. 362. πυρετώδεα ὀπισθοτονώδεα γονώδεες εἰρήσεις λύσσι. *Opisthotonum*, si ad eum febris accesserit, urinæ genitales, urinæ genituræ similes, solvunt. Nondum in Medicina definitum est, quid significet τὸ γονώειδες *Hippocratis* in urinis.

DISSERTATIO DE TETANO. 165

nis. Ad hoc nihil aptius, ac convenientius erit, quam ipsum Autorem cunctis consulere in locis, in quibus de hac urina verba fecit.

Epid. Lib. 3. pag. 1066. Qui in Dealcis horto decumbebat, priusquam redderet urinas turbatas, reddidit urinam, quæ habebat ἐναιώρημα οἷον κρίμνα γονοειδέα. Hic nonnisi 40. die post multas ærumnas judicatus est. *Foësius* reddidit totum textum sic. „Urinæ tenues, in quibus varia inerant suspensa quædam, in medio innatantia, hordei tosti, non exacte moliti, crassioribus frustulis, fere similia, genitaleque semen referentia. An ergo in hac urina enæorema, & quid simile genitali semini habebat, & quid crassius moliti hordei tosti simile? hic notemus τὸ γονοειδὲς enæorema fuisse.

Philistis Epid. Lib. 3. pag. 1070. die secundo habet ἔρα λεπτά, διαφανέα

ἔιχεν ἐναιώρημα γονοειδές: die 5. moritur.
Est iterum hic, genituræ simile illud,
enæorema.

Epid. 6. pag. 1170. in Perintho
τὸ γονοειδές, τὸ τοιάτον ὅτι κρίσιμον. „In Pe-
„rintho genitale idipsum quia criticum.,,
Hic hypostasim formasse videtur, quia
judicatorium dixit.

Theodori conjugī die quinto ἔρα
εὐρυφνὰ, ὀποείδεα, ἔρησε τῇ ἑκτῇ ἐν νυκτὶ,
ὀλίγον. τὸ ἐρέμενον τῷ κάρφει εἰλκετο,
γλίσχρον, γονοειδές. „Die quinto urinæ
„acerbæ, succo herbarum similes. Se-
„xto die minxit paucum in nocte, in
„quo quid, quod dum festuca trahe-
„batur, glutinosum, & genitali simile
„erat.,, Ergo τὸ γονοειδές in urinis Hip-
pocrati fuit vel enæorema, vel fedi-
men, quod festuca ex urina elevatum,
mucosum quid & genituræ simile, re-
ferret: in Philisco & Theodori conjugē,
non laudabile, nam ambo mortui sunt:
in

in eo, qui in *Dealcis* horto decumbebat laborioso & diuturno cum iudicio fuit: in *Perintho* criticum. Semen autem ipsum genitale non fuit; nam & in urina *Conjugis Theodori* erat.

Consulamur Commentatores, antequam pergamus ultra. *Hollerius* in hunc textum: „Tales urinæ genituriæ similes, albam, tenacem substantiam referentes, in febre Arden- te cum Convulsione, malas esse, quod ab eliquatione fiant: sed si a copia pituitæ crassæ ac viscidæ convulsio, cum febre, materia illa pituitosa coqui potest, excernique. „

Et *Jacotius* τὸ ἔρρον γονοειδές ait ab *Erotiano* intellectum esse τὸ ἔρρον λεύκον, καὶ παχὺ, urinam albam & crassam. Videatur *Erotianus* ad Litteram T. Laudat autem ille hunc textum *Hippocratis*, ac si eundem legisset in Libro de locis in homine, qui hoc tempore in illo

non legitur. Periissetne igitur quid de hoc libro post *Erotiani* tempora? An vero lapsus *Erotiani* memoriæ est? Textum autem *Jacotius* explicat sic.

„ Consentaneum est ergo Opisthoto-
 „ non, cujus causa est frigida, crassa,
 „ lentaque pituita, nervos implens,
 „ urinis ejusmodi, quæ repente, &
 „ affatim funduntur, aliquando solvi,
 „ humore per calorem febrilem atte-
 „ nuato, & ad renes atque ureteres
 „ converfo. „

Atque hæc de eo, quod genituræ simile in sola urina: verum descripsit *Hippocrates* idem quoque in materia alvo excreta. Sic saltem colligendum est ex Textu *Coac.* 186. τὸ γονοειδὲς διελθόν: porro διελθόν de urina dici apud *Hippocratem* non solet, sed de alvo. Evidentissime autem *Coac.* n. 455. κοιλίῃ ταραχώδης, διαδίδουσα σμικρά, γονώδεα, μυξώδεα. „ Alvus turbata, exhibens
 „ pau-

„ pauca genituræ similia, mucosa. „
 Quæ *Duretus* ibi explicat de „ Colli-
 „ quamento tenuium Intestinorum,
 „ quorum adeps liquitur, ac dejectio-
 „ nes edit veluti opimas, id est, albas
 „ & leves. Liquitur autem adeps a
 „ vi tabifica, tum ardoris Hepatici, tum
 „ Bilis, abradendo Intestinis molesta. „

Foësius in hunc textum commen-
 tando, sic cum exponit, ut hac appella-
 tione designetur materies alba, pi-
 tuitosa, albuminea, sive per alvum,
 sive per urinas, excreta. Imo *Hippo-*
crates *Prorrh.* pag. 35. apud *Foësi*um
 (non in textu, nam in eo *Foësius* cum
Charterio legit τόνω είκολον, in sua vero
 œconomia Hippocratica γόνω είκολον.)
Hippocrates, inquam, γόνω είκολον vo-
 cat flatus crebros, qui simul mucosam
 educerent materiem. *Galenus* textum
 hunc per τόνω & γονω, utraque scilicet
 lectione, explicuit.

Tandem & vomitu reddita materies a Filiolo *Hegesipolis* Epid. 7. pag. 1225. hac appellatione describitur. ἐτελεύτησεν, ἐμέσας μικρὸν, βραχὺ, Φλεγματῶδες, ὥς ἐ δόξει οἶον γονήν. „ Moriebatur, postquam vomuisset materiem paucam, brevem, pituitosam, genituræ similem. „

Patere igitur videtur voce hac antiquorum intelligi materiem albam, mucosam, crassam, adeoque semini genitali similem, sive urinis, sive alvi depositione, sive molestis cum flatibus, sive etiam vomitu, emissam: in urinis vero eam peculiariter designare vel enæorema, vel hypostasim, albam, mucosam, crassam, quæ, ut cæteræ urinæ bonæ, cum aliis bonis signis, salutem; sine iisdem nihil boni, nihil nisi κρισιμὸν μὴ κρινὸν significet. Adeoque haud incongruum *Erotiani*, *Hollerii*, *Jacotii* sententiam esse, de tali alba,

ba, mucosa, atque Tetanum solvente urina, id exponentium: de genitura autem admista ne cogitandum quidem esse, cum quod *Hippocrates* id æque Feminarum, quam Virorum in urinis observaverit, tum quod idem non minus in alvo, vomituque, excretis, quam in urinis, sæpius adnotaverit. Numquid viri Patricii apud *Benedictum* urina alba lactea, qua judicatus videtur, huc referenda? Vide supra ad No. 10.

Tetanodeus noster homo nunquam in urinis hoc album, mucosum, crassum, sive enæorematis, sive hypostaseos in modum, exhibuit, adeoque neque inde spem nobis fallacem dedit: arenosam vero ejus urinam, supra descriptam, me non leviter decepisse ultro fateor. Dudum quippe erat quod advertissem, monente *Boneti* sepulcreto, arenulas eorum sæpe urinas

gerere: quos aut Calculi aut Nephritidis calculosæ signa, nunquam comitata essent; sæpiusque ejusmodi arenulas bono sane omine sive febribus jam absolutis, sive eisdem declinantibus, sive etiam vigentibus, comparuisse notassem.

Ex quo *Viennam* appuli, attentionem meam ad hoc Phænomenon excitabat *Præses illustrissimus*, occasione cujusdam numerosæ familiæ, in qua constans idem observaretur; salutemque præ foribus adstare, ex tali urinarum arena, mihi certus prædiceret.

Elapso abhinc quadriennio, cum lucem videret immortalis *Morgagni* immortale Opus, vidi demum observationibus ejusdem clinicis hanc observationibus statuminari sic, ut in regulam practicam converti debeat. Etenim in *Epist. Anat. Med. VIII. §. 10* ægri cujusquam morbum referens

„ Eo

„ Eo res, inquit, intra quinque, haud
„ amplius dies, deducta erat, ut lo-
„ quendi etiam facultate amissa, pro
„ deposito, & jam jam morituro, ab
„ omnibus haberetur. Mihi vero,
„ quantulumcunque in præcipiti casu
„ liceret, neque antea, neque tunc
„ omittenti, urinarum quæ fluere
„ pergebant copia aliquid speculæ
„ relinquebat: quam mox nonnihil
„ auxere animadversæ perminutæ quasi
„ arenulæ, quæ confertissimæ uni-
„ versa vitrearum matularum interna
„ latera propemodum operiebant: hoc
„ enim mihi in ægris pluribus adno-
„ tatum felicitis morborum solutionis
„ indicium, nunquam fallax *ad id tem-*
„ *pus deprehenderam.* Et sane æger
„ paulo minus malè habere, & jam
„ loqui &c., Epistola autem XLIX.
§. 21. asseverat clarus ille Autor, ne in
unica quidem febre, cujuscumque de-
mum

mum Classis, generis, aut speciei esset, ne in ullo quidem sexu, aut ætate; quin præterea nec in capitis doloribus acerbis, & apoplecticis quibusdam affectibus, nonnunquam etiam senilibus, Prognosticum unquam fefellisse, nisi forsan semel; quando vel in fine morbi, vel in declinatione, vel etiam vigore, adparerent in lotio, præclara luce conspecto, arenulæ tenues, vitreæ matulæ lateribus adhærentes, nonnunquam tamen in urinæ superficie natantes, subruffæ ut plurimum, subalbæ perraro, quales semel in juvene conspexerat.

Porro æger noster arenulas subruffas vel ad vasis latera, vel ad urinæ superficiem, vel ad fundum, sæpe etiam in omnibus his locis simul, in una, duabus, tribus, pluribusve de die emissis urinis, hoc ordine mixxit; die 6. quo mansit in Nosocomio, uri.

urina unica rufas arenulas ad latera vasis vitrei deposuit. Die 7. quatuor vasa urinaria adhibita hodie, habent leve albumque sedimen, & arenulas rufas, in pellicula splendida supernatante. Die 8. urinæ omnes colore, odore, copia, bonæ; leve quoddam sedimen paucas intra horas ponentes, & ad latera vasis arenam rufam, inque fundo, gerentes. Die 9. urinæ per omnia naturales, singulæ & sediminis quidquam, & tenuem arenam multam habent. Die 10. ipsissimæ quæ heri, urinæ. Die 11. urinæ depositæ sexies, solito paulo coloratiores; prior, & altera, paucissimas gerunt arenulas; reliquæ omnes leve, atque subalbidum, sedimen habent ad fundum: attamen & hæc 24. horis servatæ, arenulas ceperunt hinc inde formare. Die 12. semel sciens comminxit sese; vespere,

spere, & bis nocte, minxit in vitrum. Hæ tres urinæ coloratiores leve enæorema ad fundum dimittunt, arenasque gerunt rufas, prioribus crassiores. Die 13. ut pridie: enæorema versus fundum gerunt, & arenæ quid habent omnes: arenam autem non monstrant, nisi hæ 15., illæ 20. horas, conquieverint. Die 14. urinæ omni dote bonæ, omnes brevi enæorema formant, deponunt; jamque intra tres quatuorve horas copiosiore, quam unquam, arenam, & ad fundum, & ad parietes vitri, demittunt. Die 15. omnes quatuor urinæ hodiernæ boni odoris, & coloris, cum enæoremate, quod & album, & spiculis splendidissimis, plenissimum erat. Etiam ad vitri latera talia spicula: inest autem multa cunctis arena. Nocturnæ ut diurnæ. Die 16. colore, odore, copia, bonæ urinæ omnes, multum & arenosæ, & splen-

splendidæ, & leviter hypostaticæ. Die 17. omnia eadem. Die 18. comminxit se nocte. Die 19. in excipulum urinam una cum alvo emisit; sed ad 4. pomeridianam libram mediam urinæ reddidit, quæ trihorio post jam arenam exhibebat; sequentes pariter. Die 20. suo letali urinas in lectum dimisit.

Quandoquidem itaque arenularum copiam, per omnem propemodum morbum constantiorem, observaveram nunquam, spei nonnihil, fateor, mecum tacitus alebam: quamvis secundum regulas artis ex urina, alvoque laudabilibus, nihil unquam augurari meis Auditoribus soleam, cæteris signis cum illis non correspondentibus, imo funesta quæque prænunciantibus. Eventus quoque docuit hujus ultimæ observationis veritatem. Quapropter mortuo homine, qui nulla calculo.

ſæ , aut arenofæ Diatheſios veſtigia in cadavere monſtrando , ſpem ſalutis ex ſua urina , conſtanter , & abunde arenofa , facere potuiſſet , Auditores ſerio monui hunc caſum bene adnotarent , utpote nullam dari , citra exceptionem , regulam , aperte docentem .

Nec eſt , quod quis vel ideo hanc urinam arenofam , minoris faciendam in noſtro ægro fuiſſe , exiſtimet , quia ſpicula ſplendida ſalina ſæpius in eadem comparuere : etenim hæc ſpicula in urinis acute laborantium , quocunque in morbi ſtadio , non illaudabilia eſſe , conſtanti obſervatione experimur .

Absolvi ſic omnia , quæ de cura Tetani omnium Medicinæ ſæculorum promiferam ; ſuper eſt , ut quænam noſtro in ægro inſtituta fuerit , paucis enarrem . Proſecto horum enarratorum plurima ipſi adplicavimus . Ve-

nam

nam ipsi secuimus octies, summa semper urgente necessitate; & ultimo quidem 12. morbi die; sanguine semper inflammatissimo, semel iterumque tanto jactus subsultu, ut non venam, sed arteriam pertusam esse, quis suspicatus fuisset, qui ad arteriam immediate venæ subiectam, impetuoseque pulsantem, non attendisset. Ultimo morbi octiduo, licet celer adhuc esset, magnusque pulsus, cruorem ultra emittere non ausus, reliquis artis auxiliis usus sum. Aquæ frigidæ affundendæ casus non extabat, quoniam nec valde carnosus erat, nec media æstas, sed frigore, varietateque, Martio similis, Majus: quin nec casus erat, in quo ipse, si adfuisset, *Hippocrates*, frigidam affudisset, ut paulo ante vidimus. Præterea auxiliis ad febrim generandam, proliciendumque sudorem, in febre perpetua, per-

petuoque sudore, opus non fuit. Cæterum Castoreum, Moschus, Camphora, Opium, Oleum copiosum ore assumptum, & in anum injectum; Fimus equinus; Cataplasmata ex rebus emollientissimis, adjecta copia multa flor. Chamom. parata; Aqua calida forma balnei crurum integrorum, forma fomentorum Ventri, dorso, collo, maxillis, admota perpetuo; Potus subacidi, blandaque emulsa; Vesicantia, & Epispastica; Peruviani corticis vires in nervos explorandi tentamen, adhibita sunt.

Si similem ægrum Nosocomium deinceps fusciperet, an Vena, si id indicaretur, secta, ac corpore emollientibus cujuscumque generis involuto; tuta cura tentari non posset plurimo Castoreo, usu Opii prudente, Cortice peruviano multo; ut scilicet motu humorum moderato, ut mitigatis dolori-

loribus, ut humectatis emollicisque undique nervis, Cortex peruvianus, quo facilius in Nervos, atque Tendines ageret, aptaretur? Neque enim lubenter iis concederem, qui in casu, quo cuncta emollienda sunt, vim corticis peruviani indicationi adversam crederent: ignota nobis ea illius vis est, atque facultas, qua & in rigidis fibris & in flaccidis, & in humore spissiore, & in tenuiore, inordinatos nervorum in febribus motus, & tensionem relaxet, compescat, hominemque reddat sanitati.

Cætera, quæ ad Anatomen spectant, Tabula 4. exponet, unaque docebit ex degeneri Coli fabrica, cum historia anamnestica collata, hominem hunc vera Piætonum Colica quondam laborasse.

§. VII. Subjungam nunc , quas promiseram , proprias meas Tetani observationes.

1^{mo} Annos 20. natus , anginam passus sum , quæ neglecta in suppurationem abivit , cum perfecto maxillæ Tetano. Cum summas angustias ad 14. diem sufferrem , alius Medicus advocabatur , qui illico largam venæ sectionem instituit ; deinde , eo jubente , Chirurgus , Trochlea tenui inducta , maxillam magno cum labore sensim diduxit , donec tandem strepitum in faucibus perciperem , rumpereturque abscessus , unde copia ingens puris putridissimi ore profiliit , & nonnihil quoque in gulam illapsum est. Purgante iterato dato , intra paucos dies convalui. Hic ipse ille ab *Hippocrate* supra notatus casus est.

2^{do} Anno 1741. die 9. Aprilis , femina innupta , quadragenaria , me

ac.

accessit, narrans multis ab annis in lævo latere infra costas se acerbe dolentem; anxietates præterea, flatus, borborygmosque continuos expertam; cum undique solatium frustra quæssisset, sese curæ tradidisse Agyrtæ: qui vehementer omnia sursum, deorsumque evacuando, dolorem quidem mitigasset, verum debilitatem magnam, spasmos, & Catameniorum cessationem, ipsi produxerat. Trimestri spatio ab hac crudeli cura elapso, spasmusprehendit maxillam talis, ut nihil ore assumere, nisi unius olim elapsi dentis foramine, posset. Spiritu vini fovebat, fricabatque maxillam; tertio Tetani die me convenit. Pulsus debilissimus, ac tardus erat, licet horæ|quadrantis iter, ut ad me veniret, conficere debuerit. Durities musculorum Maxillæ magna non fuit. Externe oleosa penetranti-

bus mista applicui, Vesicans ad Nucham latum admovi, & præscripsi Neuroticam misturam.

Altero die lecto affixa me vocat. Video Tetanum maxillæ rigidissimum, faciem & oculos rubros, pulsum fortem, celerrimum, vehementem itaque febrem, lumborum dolores, jumentosam urinam, deglutitionem adeo impossibilem, ut per nares exeant deglutienda. Hic sane febris supervenerat Convulsioni die quarto, & nihilo fecius in pejus ruebant omnia.

Venam secui, & enemate laxante rite operato, Clysmata nutrientia omni quadrihorio curavi injici. Cataplasmata emollientia oleosa tensis circumdedi partibus. Trihorio post Venæ sectionem febris, rubor, calor, remittunt multum. Sanguis nec inflammatus fuit, nec aut tenuis, aut dis-

fo-

DISSERTATIO DE TETANO. 185

solutus. Quæque jumentosa apparuerat urina, eadem jam sedimen album, flocculentum tamen, dabat. Pulsus nunc æquabilis, bonus, plenior longe, fortiorque, quam pridie in ædibus meis fuerat.

Sed cum tanta rerum emendatione Tetanus idem, eademque deglutitorum per nares reversio. Amicissimus *Velse* curam, me hortante, suscepit mecum. Medicinam internam, externamque, in magis neuroticam mutavimus.

Die 11. Aprilis post insomnem pene noctem, summo cum labore deglutivit quædam. 12. Aprilis Nox insomnis. Deglutitio fere impossibilis, Pulsus æquabilis, sed debilior. Enemata nutrientia absorbentur tota, sæpiusque repetuntur.

Aprilis 13. clonicæ convulsiones per noctem frequentes, quibus durantibus maxilla relaxata cum magno oris

hiatu fuit; clonica vero convulsione cessante, rediit mox tonica colli, dorsique. Pulsus debilis jam & inæqualis. Frigus extremorum. Mentis jugis præsentia. Ad horam 10. diei suæ 8. mente præsens expiravit ore sponte aperto; ita enim quotquot morti affuerant, nobis testati sunt. Negabatur nobis Anatome. Vidimus in cadavere, octo a morte horis elapsis, sic clausam maxillam, ut aperire illam, nisi summa cum vi, nequiremus. Ore sic vi aperto, mali nihil adspeximus in faucibus. Lingua tumebat. Exterius ad Cartilaginem scutiformem & ad os yoidis comparebat tumor. Sed ultra examinare vetabamur.

3. Faber lignarius 22. annorum, procerus admodum juvenis, mense Decembri 1741. me vocabat, Tetano corporis universali afflictus. Narrabat febre tertiana pertinacior laborantem,

cor-

cortice peruviano se ab ea, elapsis paucis abinde septimanis, liberatum esse. Continua febre se nunc, validaque Diarrhœa, & universo torqueri tetano. Epidemica Diarrhœa illo tempore cum febre grassabatur, quæ postulabat Emeticum. Frustra id ipsi dedi. Diarrhœam nec involventia, nec opiata, nec adstringentia, compescuere. Tetanus quoque universalis neque Balneis Aquæ calidæ, ejusdemque fomentis, neque emollientissimis unguentis, & cataplasmatibus, ulla tenus cessit. Febris autem indies augebatur. Cum nihil juvaret, ob summam primarum viarum putrilaginem præscripsi ipsi hanc misturam: Rob Ribesiorum unc. ij. Spir. Sulph. per Campanam gtt. xv. Aquæ Cort. Citrei unc. vj. Laudani liquidi Sydenhami gtt. xx. Laudanum addebam, ne acida augerent Diarrhœam. Quovis
bi-

bihorio quartam misturæ partem assumfit; evacuata illa, renovabatur.

Altero die melius habuit, & unicam tantummodo alvum putridam deposuit. Die 3. levamen majus. Die 4. Tetanus ita emendatus, ut lecto movere, ex eodem surgere, cum difficultate incedere, imo in proxime inferiorem Contegnationem laboriose descendere posset. Putrida alvo utcumque pergente, misturam continuavi, quotidie minuendo, usque ad 10. usûs illius diem.

Sanus abinde vixit usque in Junium Mensেম 1742. Incidit tunc eandem in febrem, Diarrhœam, Tetanum; ignarus a qua causa ajebat. Vivebat intemperanter. Priorum memor dedi illico eandem misturam; die altero omnia symptomata cessabant. Sub ejusdem anni finem tertio rediit idem, sed levior, morbus; unica mistura
ces-

cessans. Formulæ copiam tunc sum-
sit, ut ilico, redeunte morbo, ea ute-
retur. Cauponarius inde factus, ac
Vino, Cerevisia, Vinique spiritu ab-
usus, nunquam in similem morbum
relapsus est totis postea annis, quibus
ejus uxori ac liberis medicinam feci.

In recensendis Tetani causis, vi-
dimus illum ab Autoribus putrilagini
hærenti ad præcordia, aut in intesti-
nis, adscribi. Præsens historia hoc con-
firmat.

4. Anno 1756. susceperam in No-
focomium juvenem, gallico morbo sic
laborantem, ut pessima ulcera in cor-
pore, potissimum vero in Capite, pro-
starent. Haud diu cum in cura Mer-
curii sublimati habueram, quin ab
acri materia nervos, tendinesque, in
ulceribus rodente, in completum ma-
xillæ tetanum incideret. Dabam
emulsum cum Opio & Camphora; de
quo

quo tamen multum sumere, in principio saltem, deglutitio fere impossibilis vetuit. Maxillas autem & tempora fimo equino calente, sæpe renovato, involvi. Die altera deglutitio melior, die tertia tetanus curatus. Mercurio eodem posthac curatus est.

5. Anno 1757. mense Novembri, suscepi in Nosocomium juvenculam 28. annorum, quæ a duobus cum dimidio annis cariem patiebatur Antri *Higmoni*, quæ sane multum nobis facessit negotii. Cum variis auxiliis internis, externisque, totum hunc sinum depurassemus, ac patiens belle haberet, incepit anni 1758. die 8. Martii, denuo in eodem dolere; die autem sequenti adeo vehementer, ut perfectus maxillæ Tetanus nasceretur, sic ut neque loqui, nec deglutire vel minimum posset. Cataplasma emolliens adplicabatur ea vespere. Decimo vero

Mar-

Martii, cum Tetanus 28. horis jam persisteret, finum equinum circumposui. Opium lubenter a principio cum Castoreo dedissem; deglutiendi autem impotentia id vetuit. Opio tamen agendum ratus, elutis primo communi Clystere Intestinis, injici cum unciis sex juris carnium grana Opii duo curavi. Obdormivit inde, evigilanti autem rigor musculorum paulo remissior erat, nonnihilque cepit deglutire posse. Tertio die enemate repetito solvebatur Tetanus. Opiône an fimo? An auxilio alterum alteri fuit?

Ex illo tempore finum maxillarem magis depuravimus, magisque, Cariem autem ejus metuendam Corticis peruviani copioso, diuturnoque usu, sive abegimus, sive averruncavimus. Dolorum recrudescentiam opium interea sedabat. Tandem crassa, &
obe-

obesa facta, exivit 1758. die Julii nona. Rescivimus diu post ipsam rusticano labore se egregie exercere.

6. Anno 1757. die 7. Decembris, vespere, in plena sanitate, deprehendor subita vertigine, cum momentanea mentis absentia, momento post iterum sanissimus, nisi quod ad præcordia nauseosum quid observarem, levioresque ventris dolores. Venam mihi tundi curavi, & cubitum petens purgans sumsi, quod sequenti die egregie operabatur. Die hac, nempe 8. Decembris, multis Convivis gaudens, sobrie tamen comedi & bibi. Nocte vero insequente incido in Dyfenteriam crudelem, sanguineo-mucosam, cum universi corporis Tetano. Convenit summo mane die 9. Decembr. optimus, dum viveret, Medicus *Erndl*, qui gravem valde morbum ratus, mox *Ill. Præsidem* adiit. Hic autem brevi
post

post sua visitatione me honorans, una cum Claro Viro *Erndl*, suspicabatur an non forte podagrica aliqua materies; Podagra enim leviori aliquoties decubueram; vertiginem oberrando excitasset, eademque purgante irritata, Dysenteriam, Tetanumque generasset? Sin minus; an primis in viis hærens corrupta materies ejus abundantia esset, ut post actionem purgantis multa adhuc superstes, atque mota, hunc morbum generasset? Porro tetanus erat non maxillæ, sed colli, dorsi que rigidissimus, lumborum paulo minus rigidus; sic ut aliquid alimenti, aut medicamenti assumpturus, statua instar, erigendus essem, lumbis non-nihil se flecti patientibus.

Utrique suspicioni satisfaciebant (purgans enim prægressum erat) primo acrioribus ad pedes, & crura, ad-motis Epispasticis; quæ eo versus, si

qua podagrica materies oberraret, illam allicerent. Secundo Decoctis & Emulsis oblinientibus, atque involventibus, tum ore, tum enematum ope, assumtis; quæ cum adhibito prudenter Opio, dolores sopirent, tensa laxarent, acria involverent, nervosque ab acrium irritatione defenderent. D. O. M. his conatibus opitulante, Tetanus 12. horarum spatio cessavit, & intra septem dies, citra ullam Podagram, perfecte convalui.

7. Casum notabilem gravissimi Tetani in Nosocomio visum, retuli Tomo VI. probl. 9.

CAPUT V.

DE

FEBRE MILIARI, AC PETECHIALI.

§. I. Pro more iterum non vidimus hoc anno Petechias aut Miliaria. Idem & alii Medici testan-

tur Viennæ, in Hungaria, in Silesia. Ex sententia ill. Trallesii Milliaria & multum factitia sunt, & nunquam critica. Idem evincunt Clarissimi Kölderer observata. §. II. No. 1. in Exanthematum materie Cl. Pringle nimis sero me aggreditur. Enarratio rerum, quæ putatitiam hanc Crisim mihi primo dubiam, tandem falsam esse, demonstrarunt. No. 2. Morbi Carcerum, & Nosocomiorum, cum morbis Exanthematicis malignis, maxime cum malignis Milliaribus, plurimum conveniunt; iidem tamen minime sunt. No. 3. Exanthemata non semper evitari possunt, quia impurus, infectusque aër, non semper potest evitari. No. 4. Laus Tractatus Cl. Pringlei de Morbis Castrensis. No. 5. Male Cl. Pringle intellexit, quæ Wratislavienses, egoque, de Camphora novaveramus. No. 6. Petechiarum sedem in sola Epidermide me collocasse injuste accusor. No. 7. Vindiciæ manuum Diemerbroeckii. Gangræna nonnunquam citra separationem sanescit. Diemerbroeckiana confirmantur Trallesianis. No. 8. Argumenta quinque adversus Clarissimi Pringle systema, de differentia Petechiarum ab omni alio morbo exanthemati.

co. No. 9. *Non disputandi prurium, sed inevitabili praxeos docendæ necessitate, a Cl. Viri opinione recessi. Demonstratur diversitatem, in morbis observatam, non morborum Naturæ, sed diverso Methodo, deberi. Ostenditur hæc diversitas, eaque occasione illud Turgere Hippocratis examinatur, quod tantam in praxi diversitatem non induxisset, si a solo Hippocrate legitimus hujus significationis sensus petitus fuisset: sensu quippe Hippocratico raro turget materies; non Hippocratico, turget semper. Vomitoria Acutorum principio dari Hippocraticum non est; & frustra quidam id ex ejus operibus probare nituntur. Solum Studium Hippocraticum aptum est, quod in viam devios reducat.*

§. I. **T**ransiit cum Bono DEO iterum, pro more, Annus academicus sine Miliaribus, aut Petechiis; cum in Nosocomio, tum in urbe, & suburbiis; apud ægros, qui mihi, ad consilia vocato, obtemperarunt in toto regimine, in abstinencia

a Medicina, *Cl. Trallesio* pulverulenta dicta, & præsertim in quotidiana læti refectione. Vidi quidem Pulicum morsus, quos Petechias; vidi sudamina, quæ Miliare pustulas; sive Collegæ expertissimi, sive Medicinæ Tirones, salutarunt: tales autem minime fuisse, nisi in regimine, vel in medicamentis peccaretur, rerum eventum intellexerunt.

Igitur hæc medicæ artis prudentia effecit, ut id, quod a tot retro annis cum scripsi, tum publice docui, undique confirmaretur, ac demonstraretur abunde: Utque me, ægros sic gubernantem, propria experientia de hisce Exanthematibus *ultra* scribere vetat; ita & mecum Medici complures, eandem Methodum secuti, eorundem in morbis Exanthematum, aut sua in praxi raritatem testantur, aut omnimodam absentiam. Nominare

in hac urbe medicos possum , qui in multa , eaque honestiore , praxi verantes , ne semel quidem suis acutis in morbis hæc Exanthemata viderint.

In Hungaria si ullibi , hæc Exanthemata famosa sunt , & quidem sic , ut multa praxi exercitati Medici candidè mihi fassi sint ad illa promovenda se cogi : siquidem eos officio defuisse suo plebs clamitet , ægro ex acuta ægritudine citra efflorescentias pereunte ; Petechias , ac Miliaria , ut salutaria naturæ molimina ad vindicandum a morte ægrum , arbitrata. Interim clarissimi in Hungaria Viri , qui Hippocratice edocti , magnam praxin , sprete vulgi opinione exercent , testantur mihi æque raras sese suis in agris hasce efflorescentias observare , quam ego eas observo in meis. Cum evictum sit Mortalium millenos ab acutis morbis quotannis perire , qui
pri-

primario morbo sustinendo apti, secundario illi perferendo inepti sint; Medici profecto illi, de quibus loquor, Medicinam in Beato illo Regno sic facientes, subditos quotannis milenos, alioqui perituros, AUGUSTISSIMÆ IMPERATRICI REGINÆ conservabunt.

Sed & Potentissimus Borussorum Rex, quod hac de causa gaudeat, habebit. En quæ Perillustris, & in Medicina practica versatissimus *Tralles*, ad me nuper scripserit 14. Aug. „ Tringinta jam anni elapsi sunt, cum *Hirselbergæ*, urbe *Silesiæ*, amoena, & montana, sita ad Bohemiæ confinia, morarer, uno omnes ore mihi asseverarunt Miliaria in urbe, ejusque confiniis, Endemicum morbum esse, quotannis sternentem, & perimentem magnam hominum catervam. Hujus sane causam tunc temporis in

„ Medicos referre non ausus , eam
„ potius refudi in propinquam urbi
„ paludem , potissimum *Lancisii de no-*
„ *xiis Paludis effluviis* scribentis , auto-
„ ritate. Verumtamen aliquot dein-
„ ceps annis symbolam huc Medicos
„ conferre suspicari cepi ; quippe
„ certior factus , quod urbis illius
„ Medici medicamenta calida ægris
„ offerent ; quod ægrorum , ut su-
„ dores prolicerentur , calefacerent
„ conclavia , eumque in finem ægros
„ altero super alterum pulvinari con-
„ tegerent , quod demum iisdem non
„ propinarent alios , quam calefacien-
„ tes potus. Causam igitur prædis-
„ ponentem credidi quidem Paludis
„ effluvia esse ; calidam autem Me-
„ thodum excitantis causæ vice fungi.
„ Ast vero haud ita pridem eadem in
„ urbe degenti mihi , asseruerunt
„ egregii duo ibidem Medici , Anti-
phlo-

„ phlogisticæ Methodi Patroni, Lud-
 „ wig, & Hausleutner, Miliarem mor-
 „ bum, quo toto tempore praxin ibi-
 „ dem exercuissent, sibi penitus esse igno-
 „ tum : suos proinde Prædecessores
 „ morbi Miliaris veros artifices, fa-
 „ brosque fuisse, plusquam demonstra-
 „ tum esse. „

Sed audiamus magnum *Trallesium*
 in *Traçtatu in Quarto de Terreis re-*
mediis, quem quinquennio abhinc
 edidit, pag. 356. & seq. „ Quid,
 „ quod fatis paradoxon multis lectu-
 „ rorum videbitur, sine omni hæsi-
 „ tantia, contra vulgares, & ad hunc
 „ diem valentes medendi regulas,
 „ præfracte assero, postulare boni Me-
 „ dici officium, ut, quantum fieri
 „ possit, prudenter exanthematum ge-
 „ nesin arte sua caveat, aut si id fieri
 „ salvis ægrorum rebus nequit, ut
 „ quam parcissimam saltem eorum

„ efflorescentiam sagaci auxilio redde-
„ re allaboret. Quod assertum pu-
„ gnans cum plerorumque Medentum
„ praxi, ut verum esse nihilominus
„ clarissime perspiciatur, pragmaticam
„ quæstionem injicere liceat, *an exan-*
„ *themata in ulla febre sint salutifera?*
„ Clamant omnes, audio, *utique sæpe!*
„ cum iis exclusis tot ægri reddantur
„ sanitati pristinæ. Sed pace rogata,
„ & paucis obstrepentium, inque me
„ hæreticum debacchantium silentio
„ impetrato, adhuc semel quæro:
„ An cruoris inspissationes, an vaso-
„ rum obstructions, an capillarium
„ canaliculorum inflammationes, an
„ sanguinis putrilaginosæ corruptio-
„ nes, an tenuissimorum vasculorum
„ erosiones, & disruptiones, ulla in
„ febre salutiferæ? . . Insto igitur
„ porro: si obstructions, inflamma-
„ tiones canalium &c. in febribus
„ non

„ non salutiferæ, etiam id de exanthe-
„ matibus non poterit prædicari,
„ cum semper ea obstructiones in-
„ flammationes &c. supponant: ac-
„ que quando Medici quidam minus
„ recte asserunt, *Multos mori cum fe-*
„ *bre, neminem a febre; ego rectissi-*
„ *me affirmaturus sum, multos equidem*
„ *salvari cum Exanthematibus, neminem*
„ *ab Exanthematibus.*„

Si Austria, si Hungaria, si Silesia,
unde gaudeant, habent; habebunt
etiam aliæ Romani Imperii Provinciæ.
Tomo IX. pag. 98. 99. 100. cum pu-
blico communicavi testimonium viri
eruditi & clarissimi Kölderer, Memmin-
gæ in Suevia Physici senioris, & Con-
sistorialis, quo patuit & miliaria nun-
quam critica ipsi visa esse, & bona
Methodo evitari. Beavit me idem di-
gnissimus Vir Epistola, Dissertationis
in formam, data anni, quem viximus,

II. Maji, digna profecto, quam, ni in longius devolutum opus me brevem esse juberet, hic infererem totam. Exordio miratus ille, pravæ doctrinæ, methodique, tot inveniri Patrones, quos *Viennæ*, nonnisi inter Barbitonfores aut expectasset, aut quæsisset, in hæc demum verba erumpit:

„ Profecto in tam clara luce magis
„ mirari quorundam Medicorum cæ-
„ citatem, quam sanare eandem præ-
„ stare; ni mentis æquitas sperare
„ juberet falsam Theoriam, ejusque
„ Culpam, non tam pertinaciæ, sed
„ incuriæ potius, & commisso erro-
„ ri in dignoscendis morborum cau-
„ sis, ortum debere suum. „ Lon-
gus ideo est in certo quopiam Milia-
rium genere describundo, quod vel
morbum auferendo criticum nuncu-
pari debeat, vel quod morbo dudum
devicto demum efflorescat; verum
idem

idem hoc genus totum ad Miliaria vera non esse referendum, multis demonstrat exemplis: præcipue cum nullam febrem comitem sibi habeat, adeoque tertium veluti genus morbi constituat, quod vel, neque Criticum, neque Symptomaticum sit, vel si sic velis, ut Cl. *Hoffmannus* docuit, Criticum in quopiam Chronico duntaxat morbo. Dolet autem vehementer Clarus Vir hoc ultimum genus a nonnullis Medicis ad vera Miliaria transferri, quæ *ipsi* regimine, aut metho- do, aut utrisque pravis, in morbis acutis, inflammatoriisque, generant. Describit mihi quoque plures historias Miliarium ejusmodi, quæ ego pluribus hujus Operis Tomis olim ostendi, dudum sanato acuto morbo prodeuntia, veluti suscepti olim, aut domi, aut in aliis Nosocomiis, contagii reliquias

quias esse; ille vero cuidam Lymphæ stagnationi adscribit.

„ Sed quis, inquit, nunc Medicus
„ hæc Exanthemata, silente etiam ex-
„ perientia, diceret *Critica*? sanæ
„ nullus mentis compos. Quis porro
„ Petechias inprimis, quæ non raro
„ Peripneumonix, & Pleuritidi, aliis-
„ que apertis inflammatoriis morbis,
„ junguntur? Quis Miliaria puerpe-
„ rarum alba, ubi febrem adesse in-
„ flammatoriam omnia docent sym-
„ ptomata, & ubi quo copiosiora, &
„ faciliora exanthemata prorumpunt,
„ eo proximiores Leto sunt ægræ?
„ Aphthæ infantum apud nos morbus
„ est endemius, multos in tenerrima
„ ætate perimens: hunc semper multo
„ deteriorem sum expertus, si simul,
„ quod sæpius contingit (idemque
„ sæpius in Anglia contingere *Huxba-*
„ *mus* fidem facit) Miliaria apparent.

„ Quis

„ Quis ergo & hæc? Et quale tandem
„ in omnibus recensitis his morbis in-
„ flammatoriis venenatum Miasma,
„ quod expellere debemus, accusan-
„ dum venit, si, ut experientia do-
„ cet, Miliaria & Petechiæ perpetui
„ inflammationis sint comites, hæcque
„ eo peior fiat, quo largior eorum
„ numerus? Et cur non eadem omni-
„ bus istis febribus ratio, quæ tam
„ frequenter *æque* exanthematibus (si
„ morbus sinistra; aut plane omissa
„ cura, in pejus ruit) ac reliquis sym-
„ ptomatibus, inflammationibus pro-
„ priis stipatæ sunt? Nonne satis
„ apud eos constat, a soluto partium
„ sanguinis nexu & serosa ejus parte
„ a ceteris inde segregata, suam hæc
„ exanthemata trahere originem?
„ Quid aliud nisi hoc sibi vult Diabe-
„ tes, tam sæpe in his morbis infausto
„ omine accidens? Fugitne quosdam
„ his

„ his morbis, præcipue Puerperarum
„ Miliaribus, demum ab eo tempore
„ nostros comprehendi cæpisse homi-
„ nes, quo lautiores vivunt, & diæta
„ calidior utuntur? Qui ergo ista
„ regimine calido, tanquam salutife-
„ ra, expellere satagunt, quid hi aliud
„ faciunt, nisi ut studio dissolvant ne-
„ xum sanguinis partium; inflamma-
„ tiones pessimas creent; oleum in-
„ fundant igni, & sic morbum neces-
„ sario adaugeant? Tandem me in
adversis consolatus, „ Nova quævis
„ doctrina „ inquit (quam hujus
Epistolæ initio justo nomine *Nov-anti-*
quam appellat) „ omni ævo adversa-
„ rios habuit comites: at fortem *Har-*
„ *væi* mallet tamen ego experiri,
„ quam cum cæcis per omnem vitam
„ cœcutire, famæ enim mendacia de-
„ risit semper conscia mens recti, ve-
„ ritasque triumphavit hucusque.

§. II.

§. II. Sufficerent hæc omnia ad demonstrandam, quam clamo a tot annis, propugnoque, veritatem, adeoque ad hoc ipsum caput terminandum, nisi adversus eandem Clarissimum *Pringle*, Virum, quem magni semper & feci, & facio, dudum insurrexisse intellexissem; & ad cujus Animadversiones dudum respondi, nisi ille, more inter eruditos repudiando, vernacula scilicet lingua sua, in altera, & tertia editione sui, a me sæpius laudati Operis *de Morbis Castrensibus*, contra me scripsisset: jam vero cum Vir quispiam doctissimus, ipsius, meusque amicus, hæc mihi ex Anglico sermone gallica fecerit, respondebo illi hoc Capite, siquidem præcipua ejus contra me gravamina circa Miliaria versantur.

Ac primum quidem cum Viri, in Arte tanti, venia id mihi asserere li-

ceat, quod in hac disceptatione nimis fero me adgrediatur: utpote qui & ad hanc materiem, & ad illa, quæ præterea hac occasione mihi objicit, in singulo fere novem *de Rat. Med. Tomorum*, in antecessum, satis respondi, abundeque. Multo sane labori pepercisset hos omnes Tomos pervolvendo, non patrio, sed latino, ut inter Eruditos decet, sermone laxatos; quorum suspicor nullum post *Tertium* ipsum legisse, neque etiam præter *Theses de Febris*, alia Opusculorum meorum, in quibus tamen omnibus ea dudum refutavi, quæcunque ipse contra me postlimio edidit, & repetivit.

Dignetur itaque Vir dignissimus id attendere præprimis, quod quæcunque ille, ex consuetudine recentiore suæ patriæ, de Miliaribus atque Petechiis, censet, nullo modo queant id falsum
red-

reddere, id negare, id quominus centies visum sit efficere, quod Medici *Hippocratis*, *Sydenhami*, *Boerhaavii* principiis imbuti, in *Austria*, in *Hungaria*, in *Silesia*, in *Imperio*, in *Italia*, hæc exanthemata aut nihil omnino, aut vix saltem, observent. Neque quod credat ipse Miliaria fere critica esse, id meam assertionem, qua primo vix, deinde nullos, in Nosocomio ægros, cum iisdem Exanthematibus, habuisse me testatus sum, ullo modo infirmare, ullo modo non veram, non existentem, reddere potest. Acta refero, Facta enarro, quorum multis ab annis millenos testes numero, eosque inter nonnullos *Anglos*, quos ipse de hisce, si lubeat, percunctetur: Acta, inquam, quæ nullius contraria infirmet opinio, quæ nullius contraria obscuret observatio; contra quæ nulla Scholarum commenta, nulla

Patriæ præjudicia, præscribent unquam.

Hæc igitur, cum ita se habeant, Vir clarus id male interpretari non potest, quod ita de veritate earum, quas narro, rerum convictus, ut esse convictior nequeam, cum ipsum, tum quotquot cum ipso sentiant, minus recte opinari credam. Quod autem alii minus recte opinentur, ut ego saltem credo, aliunde proficisci non arbitror, quam quod, quæ in Scholis principia hauserunt, nondum ad severas artis regulas, seu ad Lapidem lydium, probaverint. Profecto sola Observationum frequentia primam mihi suspicionem formavit, ne res sic, ut credebatur, se haberet. Suspicio hæc reddidit me propriæ opinioni diffidentem: diffidentia ad maturius compulit examen. Videbam quippe, idque in Civitate magis, quam in No-

comio, die quopiam Critico Miliaria oriri, morbum levare, & hæc eadem Miliaria die vere critico cum febris cessatione sicari, sanitatemque hinc consequi perfectam. Sed 2^{do}. videbam hæc exanthemata sæpius die non critico, quam critico nasci, & nihilominus alio bono die critico morbum cum exsiccatione exanthematis perfecte judicari: id quod intellectu mihi paulo difficilius videbatur; non ideo quod plane insolitum esset, verum eo, quod nonnihil cum consuetis observationibus repugnaret. Videbam 3^{tio} idque frequentius, sive die bona, sive mala, exortum exanthema cum morbi, eoque benigni, incremento tanto, ut æger vel summopere periclitaretur, vel ad plures abiret. Saltem tunc excretionem Miliarium, ut ut salubrem aliquando mihi creditam, & criticam, longe crebrius vidi sympto-

maticam fieri, ac letiferam; idque frequenter in iis, qui morbum primum ad usque excretionem Exanthematis sic tulissent, ut spem perfrendi, emergendique, probabilem facerent. Itaque ad omnia attentior, inque cæteras morbi excretiones animum advertens, vehementer dubitare cepi, utrum iis in morbis, quos eo usque Miliaribus judicari credideram, iudicium Miliaribus, an aliis evacuationibus, adscriberem. Quippe semper in ejusmodi Crisi, aut urina hypostatica erat, aut erat flava, ac pultisimilis alvus, aut hæmorrhagia quælibet, aut perspicuus observabatur sudor, aut plura horum simul. Sin vero minus; aut recidiva erat febris, novæ Criseos indiga, aut peribat æger.

His ita observatis, & cum frequenti morte ægrorum, quam Miliaria

ria

ria illa, quæ omnium ore symptomatica erant, inducebant, collatis, in eam sententiam facile abivi, quod consuetæ Evacuationes criticæ, non vero Miliaria, morbum solverent; quodque, si non perpetuo, passim saltem Miliaria symptomatica essent, tum in illis, qui servarentur, tum præsertim in his, qui perirent. Confirmavere autem hanc sententiam observata confertissima.

Verum me aliud torquebat. *Vien-*
nam appuleram, de horum exanthematum frequentia persuasus; nec me opinio fefellerat, siquidem in quovis fere acuto morbo aut adesse exanthemata viderem, aut a Medicis expectari: meque etiam utpote Climatis ignarum, de hac critica excretionem endemica, ad quam promovendam, nutriendamque quivis Medicus intendere animum deberet, Medici perhu-

maniter commonefaciebant. Interim ego ægros acutos in Nosocomio publico tractare orsus, haud inveniebam hanc crisin ita endemiam esse, quandoquidem inter centum priores ægros unus modo afficiebatur. Miliaribus, qui per imprudentiam meam eadem cum duobus aliis ægris communicabat. Quo nunc acutos morbos in Nosocomio frequentiores demonstrabam, eo pauciores, quibus exanthemata prorumperent, observabam; & si quandoque uni, alterive prorumpabant, (quos Regimen, & Medendi methodus, antea ad illa disposuerant, hi nullam in observatione mutationem inferebant. Quid porro inde concluderem? Nisi, cum alibi tot homines, apud me vix ulli, exanthemata acquirerent, Regiminis ac Medicamentorum tam aliorum, quam meorum, exactam inter sese comparandam esse rationem.

Con-

Constitit tunc luce clarius, bonos complures, imo optimos Medicos, patria opinione abreptos, regimen, ac medicamenta sic dirigere, ut ægri Acutorum exordio in sudorem, ejusque opera in exanthema prorumperent; alios vero, quibus meliora finxerat præcordia Titan, haud ita numerosa, numerosiora tamen, quam apud me, in suis acute laborantibus exanthemata habere. Sollicite & hujus causam rimatus, detexi 1^{mo} contra Medicorum mentem, imo clam illis, ægros ex præjudicata opinione operose cooperiri; id quod & mihi in ægris urbanis, inexpectato quandoque intranti, observare contigit. 2^{do} Pulverum testaceorum creberrimum usum, methodo antiphlogistica præponi. 3^{tio} *Viennæ* nullatenus laudabilem obtinere morem ægros quotidie, semel saltem, vel reponendi in lecti-

cam, lecto sic admotam, ut ægri debiliores videantur tantummodo in eodem lecto loco moveri; vel, si id vires ferant, in sedili collocandi; & fordida indusia nitidis tepesactisque aliquoties permutandi: quæ profecto omnia ad exanthemata averruncanda inevitabilis esse necessitatis, certa experientia affirmo. Tandem 4^{to} Petechias & Miliaria, quandoque contagiosa reperta, posse cum ægris, nolente ea Medico, communicari ab advenientibus ad se amicis, Necessariis, Confessariis, Medicis; dum ab his, qui pravo exanthematum genere laborant redeunt, ægros alios necdum affectos conveniant. Adeoque quamdiu nostra Methodus non fiet ea cunctorum, mirari minime oportere aut me, aut alios, exanthemata nonnunquam in ægris observare: præterquam quod in Regione, quæ iisdem

dem ita scater, ægri illi, in quibus jam magna adest humorum corruptio, in Petechias, vel Miliaria, facile incidere ante mortem possint.

Atque hæc sufficiant, ut Dignissimus *Pringle* cur ita scripserim, ac scribere debuerim, clare intelligat. Transferat animo sese *Londino Viennam*, cogitetque attentionem in res meam, totque annorum experientiam, cum propriam, tum eorum qui, quo ego modo, medicinam faciunt: an non clare perspicit rem illius mihi evidentiæ esse, ut asserere intrepidus ausim, errare eos, qui Petechias, qui Miliaria, & inevitabilia, & critica esse, statutiment? Errare proinde quoque, qui cum ipsis sentiat, Cl. *Pringle*? Animadvertat Vir sincerus non levem, non hesternam, non precario assumtam, quam tuear, sententiam esse; sed potius talem, quæ opposi-

tio-

tionem non metuat ; cogitet quantæ
evidentiæ hæc mihi debuerit sententia
esse, quod primum contra omnes so-
lus, quod unicus, quod homo iner-
mis, promere eandem ausus fuerim ;
egregiorum Medicorum oppositiones,
ineruditorum calumnias, ingratorum
discipulorum deliramenta, omnium-
que tardiores, ac meæ, ad senium
jam vergentis, vitæ tempore vix spe-
rabilem convictionem, animo præfago
bene auguratus : concludat potius sa-
lutem populi, quam tueri, promove-
reque munus id, quod *Augustissima*
nostra incomparabilis mihi imponere,
quodque me honorare dignata est, &
mentem veri consciam, eo me impu-
lisse : quo profecto modo non cum in
publicum prodire posse per se novit,
qui *vaga opinionum commenta*, quæ dies
deleat ; qui *Cerebella hominum* & *poten-*
tes nugæ, quas Veritas vix exor-
tas

tas dispellat ; mundo obtrudere fatageret.

Respondere præterea debeo ad peculiare quasdam Viri Clarissimi ejusdem accusationes. Primo inducit me veluti *Anglos* suspicantem in aëre puro, sereno, renovato, suis ægris conciliando, incurios. Profecto nec scripsi talia, nec cogitavi. Provoco Virum Celeberrimum, ut mihi vel Verbulum, quo id insinuassem, monstret: si vero quæ de prava *Germaniæ* consuetudine notavi, hæc veluti de *Anglia* dicta ipse putet, proprio id tribuat, non meo errori.

2^{do} Accusat me Vir doctissimus, quod *Miliaria & Morbos* dictos *Carcerales*, Morbos ex ipsius sententia maxime a se mutuo dissimiles, turpe confuderim. Negare profecto ipse non potest morbos carcerales, ab hominum multitudine angusto in carcere, diutur-

turno in tempore , in sua spurcite, inclusa natos , multam cum illis Pettechiis & Miliaribus gerere similitudinem , quæ ab aëre non renovato, multorum hominum, arctiore spatio inclusorum , propria transpiratione fere pestifero, gignuntur: neque ego paritatem produxi ultra. Quod vero eundem esse morbum hunc utrumque non credam , potuerat ex *Traçtatu de Febribus* , ex *Ratione medendi* , ex *Vindiciis meis adversus Ill. Halleri Apologiam* , intelligere ; utpote qui ibidem Miliarium in Europa nativitatis Epocham sive ad medium, sive paulo ante medium XVII. Sæculum fixerim ; Epocham utique longe posteriorem, tempore illo, a quo Cl. *Pringle* suam morbi carceralis historiam orditus est.

3. Dum Cl. Vir hæc Exanthemata negat impuro ab aëre apud *Anglos* Medicos nasci, non satis attendit ad im-

pu-

puritatis aëris frequentem inevitabilitatem, tam in Nosocomiis, quam in Castris; quando numerosissimi ægri, malignis morbis affecti, una decumbunt; nec advertit ad ea, quæ scripserit ipsemet, narrando quo casu peruviani Corticis in Gangræna detexerit efficaciam; scilicet dedisse se corticem 39. Militibus maligne decumbentibus, quorum 35. aëre prius depurato servasset; aëre vero non depurato, numero duplo minores homines seduntaxat potuisse servare. Ergo etiam Medici *Angli*, velint, nolint, debent quandoque exanthemata suis in ægris ab hac causa videre, quemadmodum nos illa, ab eadem causa, videre nonnunquam cogimur.

4. Minus æquum de me iudicium fert Vir Clarissimus, dum me fugillat, veluti de ipsius Libro de *Morbis Castrensibus* inique iudicantem. Ni tertium

tium Tomum meum ab ipso lectum esse ex ipsius scriptis certo scirem, minime lectum esse assererem; nunc, non bene lectum, sed extremis modo labris delibatum esse, conqueri debeo. Scribendo enim ibidem pag. 42. Doctissimus Pringle Febres Castrenses nervose describens: & pag. 19. Merito ergo clari in arte Viri, tot nominibus laudandi, Huxham & Pringle apud Anglos . . . qui Methodum suam cum publico communicarunt, debitasque ob id gratias eis referimus: an sic, inquam, scribendo, veluti de ipso, ipsiusque opere, minus æque judicasse fugillandus fui? Vel ne fugillarer, oportuissetne me in omnia ejus verba jurasse? Quantumcumque Hippocratem veneramur, Veritas tamen, & producta magis experientia, jubent nos ab eodem recedere quandoque: ideo ne iniquum de ejusdem operibus judicium ferimus?

5. Stomachari in me Vir egregius videtur ob verba mea pag. 15. ejusdem *tertii Tomi* : „ Quantisne „ effertur laudibus in Malignis Camphora , veluti collapsas vires blande „ restaurans , & somnum ipso opiotutius adducens ? Consulite modo „ egregios Viros *Huxham* , & *Pringle*. Aliud tamen experti in Epidemia anni 1699. eruditi Medici „ *Vratislavienses* „ acsi illum vel erroris incusassem , vel alienam affricassem doctrinam. Profecto horum me neutrum intendisse , ex ipso eodem contextu palam fit.

Primo enim si Clariss. *Pringleum* laudassem unicum , possem videri tale quid ipsi affricasse ; sed cum & ipsum laudarem , & *Cl. Huxhamum* , quorum hic postremum de Camphora , ille primum docuerit , profecto debuisset duntaxat ex textu meo arripuisse id,

quod suum esset, quodque esset *Huxhami*, *Huxhamo* relinquere.

Sed secundo, Camphoram hac virtute pollere, & eruditus *Pringle*, & clarus *Huxham*, & ego cum illis, & nobiscum ipsi *Breslavienses* Medici supra laudati, firmiter, nisi me animus fallit, credunt omnes. Quapropter quando Medici *Breslavienses* in sua grassante Malignitate plus a Camphora detrimenti, quam emolumenti, observassent, me profecto alio fine hasce eorum quærelas non attulisse, quam stupendæ malignorum morborum varietatis ostendendæ gratia, omnes æqui lectores judicabunt, qui ibidem pag. 19. & 20. vident me suas Camphoræ vindicasse laudes, adscriptasque eidem tum a *Pringleo*, tum ab *Huxhamo*, nec non a me, cunctisque per orbem Medicis, vires blande restaurantes, atque pacantes, malignis
in

in morbis; qui maligni morbi ab illis *Vratislaviensium* indicati anni 1699. omnino differrent: æque atque ibidem vindico Venæ sectionem frequentem in ea Pleuritide, quæ omnino ab illa differret, quam anno 1676. *Sydenhamus* observaverat: æque ac eodem loco Hæmorrhagias varias laudo in morbis illis, qui essent ab iis dissimiles, in quibus *Tolosates*, & *Lugdunenses*, eadem essent experti letales. Itaque non Camphoræ laudibus quid detrahendi, non eos, qui eadem in Malignitate uterentur, vituperandi, animus mihi aut fuit, aut esse potuit; sed unice id demonstrandi, quod morbi sic nonnunquam variant, ut quibus remediis aliàs obtemperarant, jam iisdem potius exasperarentur. An Viri Clarissimi sententia alia a mea est? Cur ergo ob eandem me male habet?

6. Est quoque novæ accusationi respondendum : „ Nec sola macularum (Petechialium) scribit vir cl. *sedes cuticula est* , ait *Haenius* , nihil ad cutim adtendens , acsi cutis non esset , sed cuticula , vera Petechiarum sedes : miror id vehementer : quandoquidem nec cellulis , nec vasculis , quod sciam , cuticula gaudens , rubicunda ab inflammatione reddi nequit : neque potest effusus hanc inter cutemque cruor has maculas gignere , quibus epidermis eleve- tur , id , quod in hac eruptionis specie videre mihi contigit nunquam. „

Raptim nimis mea Virum Cl. legisse est quod doleam. Si sic scripsissem „ Nec sola macularum sedes cuticula est. *Pontius* , *Fernelius* , *Morrellus* , sedem quoque in cute , in adipe , & carnibus , imo in ipso de-

„ detexere Periosteo ; „ si, inquam, sic scripsissem , jure meritissimo me carpere debuisset , sedem morbi nonnunquam in sola Epidermide statuentem : verum cum , nulla cutis in sequentibus mentione facta , sic pergo : „ Nec sola macularum sedes cuticula „ est. Pontius, Fernelius, Morellus, sedem quoque in adipe, & carnibus, „ imo in ipso detexere Periosteo ; „ utique Vir egregius concludere debuisset, me cutem cum cuticula intellexisse , cum deinceps nullam amplius cutis mentionem faciam , quam ceteroquin inevitabiliter facere debuissem. Cum sententia itaque mea clara est , genuina est , eademque cum ea Cl. Viri est , an gravem adeo Virum decuit, ob unicam forte grammaticam, quæ irrepsisset, mendam, mihi seriam adeo litem intendere ?

7. Non approbat Vir Cl. quod iis
adstipulem Scriptoribus, qui sedem
Petecharum in adipe quoque ac carne
quærant; quodque alienus non videar
a *Diemberbroeckii* sententia, qui sibi ima-
ginatus esset, easdem usque ad Perio-
steum profequi se posse, atque a Pe-
riosteum, seu de basi lata, illas paulatim
versus cutem extenuari: „ Si itaque
„ *Diemberbroeckius* viderit, inquit doctif-
„ simus *Pringle*, hasce substantias
„ pyramidales, sic gangrænofas; quan-
„ tane earundem gangræna ad basim
„ fuerit necesse est, dum earum api-
„ ces integram fere cutem contegant!
„ Quid, quod etiam tunc æger fa-
„ nescere potest? Neque hoc modo,
„ verum etiam fanescere citra gangræ-
„ nosarum partium separationem, id
„ quod tamen in gangræna fieri con-
„ suevit? Evidens igitur est, aut er-
„ rasse *Diemberbroeckium*, aut discrepasse

Pe-

„ Petechias ejus tum a meis , tum ab
„ *Haemianis*. „

Respondeo primo, quamquam cadaverum Petechiis mortuorum anatomicum, veluti utcunque forsitan temerariam, nunquam instituerim, me nihilominus cum supra laudatis Scriptoribus, tum praesertim *Diemerbroeckio*, Anatomico sane audacissimo, plenam semper fidem adhibuisse: maxime cum hic rei licet apprime gnarus, in gratiam tamen increduli Chirurgi nova instituta demonstratione, convicerit Chirurgum. Nulla itaque ratio exigebat Claro huic cum Anatomico, tum Practico, imaginationem hac in re, erroremve, adscribere. Si enim ea quæ vel nos latent, vel captu difficilia censemus, ob id ipsum, sine contrariis experimentis, aliorum imaginationi, aut errori, tribuamus; de Auctoritate in Medicina actum est, for-

temque propriis nostris demonstrationibus expectemus eandem.

Secundo dico, ni cavillare velimus, eousque saltem geometram fuisse *Diemberbroeckium*, ut si in quovis cutis puncto Petechiæ extarent, saltem ab earundem singula, seu ab apice, singula pyramis duci non posset, cujus insideret Periosteum basis: adeoque observationem hanc sæpius ab eo factam fuisse videri in Petechiis, quæ in cute rariores, quæ a se mutuo comparabant remotiores.

■ Tertio ajo Petechias adeo profundas a *Diemberbroeckio* nonnisi in Cadaveribus esse observatas, ideoque inde concludi id non posse, quod etiam in reconvalescentibus tantæ fuerint profunditatis: ut proinde illa, circa defectum separationis gangrænæ facta difficultas, sponte cadat.

Sed

Sed Quarto & in reconvalescentibus Gangrænam adesse posse notabilem, & citra ejusdem separationem posse curari, expertus affirmo. Ex multis, quibus id edoctus sim, unicum memorabor exemplum. Sclopeto manu vulnerata, & gangrænosa, digitisque hinc inde semipendulis, homo in meum Nosocomium ducebatur, a viro clarissimo *Jaus*, Chirurgiæ, dum viveret, Professore dexterrimo; qui mecum curam constanter ad finem prosequutus est. Epoto decocto Corticis peruviani, sistebatur pars gangrænæ præcipua. Sumtibus Nosocomii parciturus, Corticis pulverem dedi; ast brevi, quæ antea sanæ comparuerant, purpurascebant nunc partes, livebantque. Aucta pulverum dosi, crevit livor, gangræna proferpsit. Reddito decocto Corticis, intra triduum livor disparuit omnis,

cute , adipe , carne , fanis. Repeto tamen experimentum cum magna copia Extracti corticis , ac vero livor mox varia vulnera defcædabat, proferpebatque confestim: Decocto reddito, Gangræna stabat , ac sine separatione mutabantur lividæ partes, etiam quædam a vulneribus remotiores , in sanam consistentiam & colorem. Ter, quater, spatio sex septimanarum hoc experimento repetito, eventus idem semper fuit. Igitur præterquam quod inde discamus, solo experientiæ tentamine modum corticis variis ægris exhibendi constare; abunde patet homines, ut a lividis , purpureisve in cute Petechiis, aliquando citra cutis separationem , epidermide forsan in squamas hinc inde fatifcente, perfecte sanantur; ita pariter a Petechiis ejusmodi profundioribus, citra partium gangrænosarum separationem, sanitati reddi

di posse. Puto similia hisce observata in 3. & 7. Tomo hujus operis, circa desperatum Ileum morbum me communicasse.

Denique Quinto si egregius *Pringle* dignetur lectu dignissimum opus *de terreis Medicamentis* Clarissimi *Tralles* consulere, arbitror ex factis ibidem demonstrationibus, minus eum alienum fore a Petechiis, præter cutem etiam in intimioribus corporis partibus, copiose reperiundis, ac *Diemerbroeckiana* egregie confirmantibus.

8. Clarissimi Viri *Pringle* sententia est, quemadmodum Variolæ, Morbilli, Scarlatinæ, Erysipelas, & Milia; utpote omnia generis inflammatorii, animosiore humorum circulo pulcrius prodeunt, extantque, versus mortem autem magis concidunt; Petechias e contrario, ut putrefactionis prolem, lentiore ac debiliore circula-
tio-

tione erumpere foras ; hincque haud raro easdem sub mortem , imo post mortem , prorumpere : nec unquam vidisse se a regimine calido, datisque sudatoriis, petechias communibus in acutis prorupisse ; Petechias ergo a Miliaribus *essentialiter* differre : eandemque ob causam se Sydenhamo adstipulari non posse, qui Petechias *sponte sua* raro efflorescentes, in Peste tamen & Variolis confluentibus, ex vehementissima sanguinis inflammatione prodeuntes descripsit.

Multa hic respondenda habeo. Primo quod Vir Cl. *solas* excipiat Petechias, ut quæ calido regimine & medela in acutis non prodirent, an hinc saltem tacite cum Sydenhamo non concedat plerasque Miliarium eruptiones, posito tali regimine, contingere?

Secundo, vidit Autor existumatissimus supra, testimonio Viri Cl. Köl-
de.

derer, Miliaria eo copiosiora prorumpere, quo major adsit in corpore putrefactio, quo homo interitui proximior. Quod hic Vir ille expertissimus testatur in *Suevia* fieri, id in *Austria* frequentissimum fit. Ergo neque hinc a Petechiis differunt Miliaria.

Tertio nihil in *Germania*, in *Austria*, nihil *Viennæ* crebrius, quam hominem utraque hac eruptione, eodem tempore ipsum invadente, in summo periculo versari, morique: ita ut, si nonnulli inde convalescant, plebs, ac præcipue Matronæ, illos Medicos *Æsculapio* pares clament, qui exanthema utrumque generando, promovendoque, malignum quodcunque de corpore eliminarint: sin vero moriantur, Medicos nihilominus culpa quavis absolvant; utpote qui & unam & alteram excretionem promovendo,
nihil

nihil eorum, quæ ad salutem potuissent conferre, intentatum reliquerint.

Quid, quod *Huxhamo* teste, uno, eodemque Epidemiæ tempore, & Petechiæ malignæ, & maligna *Miliaria*, & malignæ *Aphthæ*, una quandoque prodeant? Imo eodem in homine, sicut Petechiis *Miliaria* succedant? *Huxhami* profecto observationibus junctis cum iis, quæ in *Germania* observari mox dixi, non diversissimam Petechiarum, *Miliarumque* naturam esse, sed idem corruptionis, idem circulationis vitium, aperte evincitur.

Et quid aliud evincunt Eruditissimorum Virorum *Donckers*, *Glass*, & *Allioni* experimenta; quibus hic *Miliaria*, illi Petechias, purgantibus præverti & posse, & deberi, demonstrarint? Sane nullus video, hoc Cl. *Pringlei*, de essentiali horum binorum exanthematum differentia systema de-

fen-

fendi posse, eo saltem modo, quo ipse defendere id, atque propugnare, satagit.

Hucusque tacite præterii ea, quæ Cl. *Pringle*, & alii eruditi Viri, de sanguine putride dissoluto in morbis malignis, deque eodem in Inflammatoriis phlogistice spisso, differuerint: verum hæc experientiæ refragari docuerunt experimenta numerosa, quæ retuli Tomo I. a pag. 101. ad 109. Tomo II. Capite toto de Puogenia. Tomo III. Capite toto tertio. Tomo IV. Cap. VI. pag. 202. Tomo V. Cap. I. pag. 3. 4. 5. Tomo IX. a pag. 68. ad 78.

Inde scilicet constitit in Febris malignis, in Petechiis, in Miliaribus, in malignissimis Variolis, in Ægris, qui uno eodemque tempore & Petechias haberent, & Miliaria, sæpius sanguinem de Vena secta prodiisse sive concretum, sive inflammatorium; &
ali-

aliquando inflammatorium quidem sic, ut crustæ moles eam rubræ insulæ aut æquaret, aut superaret: constitit præterea, per eadem experimenta, sanguinem eodem in morbo nunc dissolutum prodire, nunc inflammatorium; imo eadem in Venæ sectione illum uno in vasculo dissolutum, phlogisticum in alio, conspici: Epidemias præterea dari, in quibus ægri non prius febre liberentur, quam, ubi post densum antea sanguinem, demum is dissolutus prodeat; ut testis oculatus vidi: imo in Angina, Peripneumonia, Rheumatismo, inflammatoriis, qui morbi anno 1747. & 1748. grassarentur, sanguinem in quacumque ejusdem Missionis pelliculam tenuem habuisse, mollemque eandem, & subalbidam, pellucidam fere, & gelatinosam, sub qua puls atro-rubra, non cohærens, serum vix ullum a sese separans, in-

ven-

lenta five Sanguis talis in multis stil-
labat de vena potius, quam fluebat:
in non paucis tamen bono jactu ex-
filiens, nihilominus sub tenui illa pelli-
cula dissolutus erat; haud raro tamen
alio atque alio in vase dissolutior.

Si dignetur Cl. *Pringle* ad hæc omnia
adjungere Clarissimorum *Valsalvæ*, &
Morgagni Observationes in *Epist. anat.*
med. 49. videbit ea, quæ a 12. fere
annis *Viennæ* docui, & demonstravi, a
magnorum illorum Virorum observatis
confirmari.

Constat enim ex iis omnibus 1^{mo}
Sanguinem crassum & phlogisticum sæ-
pe esse in febribus malignis; in mali-
gnis adeo Variolis, ut maculæ rubræ,
ut sputum sanguinis, ut mictus cruen-
tus, sese iisdem jungant; denique æque
in Petechiis, quam in Miliaribus.

2^{do}. In febribus epidemicis, cum
vehementi viscerum inflammatione,

sanguinem a principio ad finem dissolutum apparuisse.

3^{to}. In morbis omnium consensu inflammatoriis, sanguinem uno die inflammatoriam spissitudinem exhibuisse; paucis autem horis, dieve, elapsis, summam dissolutionem: inflammatione interim crescente.

4^{to}. Imo morbos acutos dari, qui non judicentur, nisi sanguis in ultima V. S. dissolutus appareat.

5^{to}. Miliaria & Petechias eodem tempore corpus obsidere, adeoque non ex diversa sanguinis conditione oriri.

6^{to}. Æque putridis, quam inflammatoriis in morbis, in eadem Venæ sectione, sanguinem æquali vi exeuntem, in vasa ejusdem formæ, & capacitatis exceptum, uno in vase vere pleuriticum, in alio penitus prodire solutum; idemque phænomenon in plu-

pluribus V. S. eodem in morbo sensim augefcente factis, observari.

7^{mo} Homines sanos bene multos esse, quibus sanguis ex consuetudine quotannis missus, crassitiem phlogisticam perpetuo referat; pluribusque gravidis, Venam ex prophylaxi sectis, apparere similem.

Quæ si ita se habeant, ecquis demum est, qui, ex soluto, denseve cruore, aut morbi naturam definiat, aut methodum condant medendi? Numquid *Hippocrates* hanc de sanguine judicandi incertitudinem subolfecisset? Miramur saltem eum in Urinæ, in Alvi, in Sudoris varietate notanda, adeo accuratum, & scrupulosum, tam alium circa Varietatem sanguinis observare silentium.

Sunt profecto pulchra nonnulla, quæ Physiologi, & Pathologi, de nostro vitali liquore commentati sint;

expeditque ejusdem in morbis naturam, variationemque contemplari, an forsitan aut ex multorum Medicorum observatione annosiore, eaque chartis, ne memoria excidat, mandata, ad Diagnosin, Prognosin, & Curam, certius quidquam adornari; aut saltem an ab erroneis principiis avocari Medicina posset? Postremum hoc mihi hucusque videtur priore sperabilius. Ex quo enim memorata experimenta publici juris feci, fateri non erubescome, indies quamvis ad omnia attentionem, vix tamen in iisdem quidquam profecisse, &, ut unquam proficiscar, vereri; eoquod clare videam naturam humoris, quem nosse gestio, ab omnibus notis in rerum natura liquidis alienissimum, eundemque in omni, cui a tot annis infudavi, examine, potius quid non esset, quam quid esset, mihi indicantem: examine tandem
Che.

Chemico, in quo maximi Viri exercuerint se toties, liquorem nostram vitalem sic inverti, mutarique, ut id, quod fuerit, evanescat; id vero, quod nunquam fuerit, aut esse potuerit, substituat. Et quid liquidum memorem? Admirandæ Machinæ, hoc ipsum liquidum ex rebus alienissimis faciuntis, conservantis, reparantis, natura nos latet, structura intima nos fugit, idque unice nobis, si aures audiendi habeamus, occlamat, OMNIPOTENTEM ARTIFICEM, arcana & imperscrutabili lege, sic Machinam nostram, solidis, fluidisque constantem, condidisse, ut talis sit, qualem ipse velit, solusque intelligat; haud vero talis, qualem limitatissimum ingenium humanum ex paucis, iisque imperfectis, principiis sibi conetur fabricare, & in fabricando suam fateatur, velit, nolit, imbecillitatem.

Quarto etiam Generalis nimium sententia illa Viri Cl. est, quam hac occasione de necessitate circulationis majoris ad Variolarum eruptionem necessaria, protulit. Profecto & Sydenham, & Boerhaave, & omnes mecum Practici, observarunt, vel ob id ipsum non prodire Variolas, quod circulus humorum sat moderatus non esset. Deinde vidisse me homines a Variolis mortuos, papulis pulcerrime extantibus, *Rat. Med. Tom. II. cap. I.* testatus sum; *Viennæ* & Miliaria a morte pulcre extantia plus simplici vice vidi. Unde etiam sponte concidit, quod de modo generationis Petechiarum, ab eo Variolarum, & Miliarium diverso, inde conatur concludere.

Quinto Sydenhami sententia, quam amplecti se posse eruditus *Pringle* negat, videtur tamen cum ab ipso Sydenhamo sufficienter adstructa esse, tum
omni-

omnibus, quæ hic scripsi, confirmari: Nasci scilicet Petechias, quando expulsi crudo in morbo sudoribus, sanguis inspissatur, Febris vim auget, sensimque demum corrumpitur; ut etiam hinc petechias majori cruoris inflammatione generari evincatur: quod autem ea in parte ultra *Sydenhamum* se progredi dicat, ne in Peste quidem Petechias *Criticas* esse credendo, eadem sane in parte, si tamen constet petechias in Peste *vere* criticas *Sydenhamo* visas esse, ab ipso *Pringlæo* dissentire vix ausim: censeoque si, relicta in Peste altera *Sydenhami* methodo, alteram abundantissimæ Venæ sectionis sequeremur, atque in summa ejusdem malignitate Corticis *Peruviani* locupletem usum faceremus, nos in Pestis curatione, DEO dante, fore fortunatiores.

Sexto. Longus Vir Doctissimus est in proferenda Methodo, quam in Petechiis, Miliaribus, Febribus malignis, communibus Febribus, observat, ejusdemque egregios effectus laudat. Inde vero concludere ipsi placuit, quæ adversus ipsius methodum protulissem ego, sive simplicem Theoriam, sive coactam aliis cum febribus, quæ tota natura inter se differunt, Analogiam, sive præcepta tantum quædam generalia, tum *Hippocratis*, tum *Sydenhami*; hæc omnia aptiora esse ad Scholarum disputationes formandas, quam ad Medicinæ Tyrones in praxi erudiendos.

Cum Viri præclari venia respondeo primo, ex illis, qui æque, atque ille, tum in castris, tum in urbibus obsessis, medicinam in Nosocomio fecissent, me convenientiam inter sese magnam morborum Nosocomiorum, com-

communiumque malignorum, didicisse: deinde eam horum differentiam, quam *Pringlæus* ita urget, haud ita *Huxhamo* visam esse: Tandem Petechias & Miliaria plurima inter sese consimilia habere, nec in multis ab his ad malignitatem conversis, differre morbos Carcerum, Navium magnarum, Nosocomiorum, supra satis, abundeque probatum. Similitudo hæc aut probata, aut negata, Methodum in omnibus aut consimilem rogat, aut absimilem. Ergo quæ contra Viri doctissimi peculiarem de tanta horum morborum differentia sententiam attuli, non tricas, non Scholarum disputationes sæpiunt, sed ad Medicinæ Tirones in praxi erudiendos faciunt summo opere.

Verum acrior hæc in me animadversio clariorem responsionem urget, ad quam adornandam Operæ precium

erit, nostram utriusque praxin intueri; & inquirere, an demum inventa in eadem diversitas, in Morborum quoque Phænomenis aliquam inducat forte diversitatem?

Ut itaque, quæ animo cogito, libere proferam, certissimum esse iudico, Regiones esse, quæ pravis hisce exanthematibus plus minus perpetuo scatebunt; quasdam rarius; alias rarissime: quamdiu certa morbos acutos tractandi Methodus, singulis in Regionibus aut consueta, aut cum effectu nunc inducta, obtinebit principatum. A magno meo præceptore Boerhaavio studium *Hippocraticum* & *Sydenhamianum* edoctus sum; edocti eodem tempore mecum idem studium Beatarum *Britanniæ* Insularum medici numerosi sunt. Horum multi acriter, laudabiliterque, hoc studium prosequuti, cum iis tamen, quæ in Schola

Boer-

Boerhaaviana didicerant, patrium mendendi morem, quem in *Mortono*, *Leystero*, aliisque, non approbaverat *Sydenhamus*; rectene, an secus, postea constabit; plurimum comiscuerunt. Hoc qui fecerint, forsitan inde alia observant febrium phænomena, quam puri puti *Boerhaaviani*. *Boerhaavium* prescise secutus ego in praxi, *Sydenhamum* legi perpetuo, consuluique, præprimis vero *Hippocratem*. Ea, quæ ad aërem tum purum, tum tepidulum; ea, quæ spectant ad intermissam nunquam lectorum refectionem, quam ex præcipuis causis esse censeo, cum morbos malignos raro videam; ea, quæ ad abstinentiam a medicina testacea, & pulverulenta, cujus inanitatem, & damnum, sole meridiano clarius demonstravit illustris *Tralles*; ea tandem, quæ ad abstinentiam ferme perpetuam ab Emeticis acutorum principio, nisi

ge-

genius morbi peculiaris id juberet, pertinent; puto ex tribus, quos mox laudavi, Medicinæ totius principibus Viris, me hausisse, causamque præcipuam esse, cur minus infelix in praxi fuerim, morbosque malignos, atque exanthematicos viderim rariores. Felicitatem meæ in Acutis praxeos nuperrimus Autor *Anglicus* Melli, Aceto, simpliciorumque, aut herbarum, aut cerealium Decoctis, quibus *Hippocratis* ad exemplum impense utor, adscripsit.

Itaque quæ *Tomo I. Rad. Med.* publice testabar, idem constanter hucusque observavi; observare autem effectuum præstantia debui. Unde ejusmodi pulveres nunquam ægri mei assumunt, nisi rariore exemplo sic orta ab acido febris, & nisi infantum, gravidarum, ac quarundam puerperarum morbi, poscant eosdem.

De-

Deinde ab *Hippocrate* edoctus sum, Emetica raro, imo rarissime, quocunque Acutorum in genere, indicari, imo prohiberi ab Eodem, cum exemplo proprio, tum doctrina toties repetita in *Aphorismorum* Sectione I. No. 22. & 24. Sect. 4. No. 17. & præcipue in genuini ejusdem libri fragmento *de purgantibus*. Edoctus idem sum a *Sydenhamo*, qui licet hac in re patrio mori paulo indulgentior, emetica in acutis minus parce, quam *Hippocrates* dedit, attamen propria, eademque tristi, experientia monitus, nos quoque serio monuit ad Morborum naturam attendere, eosque Acutos, qui emetica ferant, studiose indagare, & internoscere ab iis, qui eadem minime tolerent. Edoctus a *Boerhaavio* sum, nunquam Emetica in febribus Acutis, nisi urgente quapiam necessitate, præscribere, sic quidem, ut necessitatem illa dandi

clare exposuerit, *Cap. de Vom. febr.* §. 658. & 659. eadem cæterum dare vetuerit *Cap. eodem a §. 653. ad 657.* & absolute prohibita declaraverit in omni sive febre, sive inflammatione, licet etiam os foetidum & amarum; licet ructus, nausea, morsusque Ventriculi adessent, *Inst. Med. §. 1202. N. I. & seq.* Ab hoc, inquam, Venerabilissimo Triumviratu talia edoctus, talia in praxi observavi, & in *Hollandia* casus rarissimos, *Viennæ* necdum ullos habui, necessitatem in Acutatorum principio indicantes Emetici.

Opposuerunt aliquando mihi Viri *Anglici* clari summam suæ carnivoræ gentis Voracitatem, strenuorumque vinorum ac cerevisiarum ingluviem; sed in hisce *Anglicam* gentem, *Austriaca*, Nobilioribus quoad potum exceptis, si non exsuperet, an saltem non æquat? Attamen Medici qui secundum horum

Virorum Principia Medicinam in Germania exercent, casum emetica porrigendi perraro offendunt.

Conantur, fateor, Emetica in ple-
risque hisce morbis dandi necessitatem
Hippocratis firmare Autoritate; hosque
inter egregius *Thomas Glass* in Libro,
cujus titulus: *Commentarii duodecim de Fe-*
bribus ad Hippocratis disciplinam accomo-
dati, prolixum suum septimum Com-
mentarium huic materiei discutiendæ
integrum dicans. Laudo summopere
eruditi & experti hujus Autoris, ut
Commentarios omnes, sic & hunc
septimum; omniaque adopto, quæ
omnium fere *Hippocratis* operum quam
plurima, *Galen*i multa, *Celsi* selectiora,
Sydenhami, *Borelli*, *Ballonii*, *Hoffmanni*,
Donkersii, & *Huxhami* egregia, in u-
nam veluti tabellam congeffit, ut to-
tum cum Veterum tum Recentiorum
doctrinæ conspectum, unico nobis in-
tuitu

tuitu daret. Simile quidpiam & ego quondam molitus sum *Cap. I. Tom. III.* hujus operis.

Utrique ergo, eodem scopo, nostros labores exposuimus publici iudicio, haud tamen idem exacte utrique conclusimus. Cum itaque nobis ambobus doctrina *Hippocratis* fundamentum struat, utrique etiam nostrum magna clarorum Virorum adstipuletur caterva, omnino necesse erit in causam inquirere tam differentis conclusionis.

Qui sententias *Hippocratis*, ejusque sequacium, a Cl. *Glass* collectas consulit, mox detegit illum Virum clarissimum in omnibus morbis, sive inflammatoriis, sive exanthematicis, sive communibus febribus, sive acutis illis febribus lentis, quas alii nervosas, alii malignas, alii mesentericas, nominibusque iterum aliis alii insigniunt, illud turgere materiem τὸ ἔργον *Hippocratis*,

tis, fere universale reddidisse; interea dum ego in mea Autoritatum recensione *Tomo tertio perrarum* idem statuas. Numquid forsitan extrema arripuimus singuli, interea dum medium tenere beati? Id autem credere vetat numerosa utriusque experientia, qua æque hujus turgescentiæ raritas, quam crebritas, luculenter confirmari videtur. Quæ igitur tam portentosæ causa discrepantiæ?

Est certe Methodi medendi varietas. *Hippocrates in Libro de Purgantibus* scribebat §. 19. *Qui validis febribus decumbunt, his non ante febris remissionem pharmaca dare oportet.* §. 20. *Sin minus cunctandum saltem ne citra 14. diem.* §. 26. *Quare per validas febres de pharmacis purgantibus vereri oportet.* §. 27. *Sed tamen ubi res alvi subductionem postulat, Enema-
tum usus, quotiescunque visum fuerit, tuto initur magis.* Hæc ille ibi: jam Apho-

rismorum Sect. 1. No. 24. In acutis affectionibus raro, & in principiis, purgante utendum, atque hoc (si tamen faciendum est) diligenti prius adhibita cautione faciendum. Est equidem Aph. 4. No. 10. purgandum in valde acutis, si turgeat materia, eadem die; morari enim in talibus malum est. Verumtamen Aph. I. No. 22. Concocta purgare & movere oportet, non cruda, neque in principiis, nisi turgeant. Exceptionem itaque in lege de crudis non movendis fecit, si nempe turgerent.

Hanc nunc exceptionem an frequentem, an ipsa lege ordinaria crebriorem, credidit Hippocrates? Neutiquam: tunc enim convertendo omnia, exceptionem in legem generalem mutare debuisset, legemque in exceptionem. Quod autem secundum generalem legem crediderit evacuantia non esse in Acutis, eorumque principiis, danda; clare exposuit ultimis
lau-

laudati mox Aphorismi verbis, plurima vero non turgent.

Quare, dum Aph. 4. No. 17. emeticum petentia symptomata describit, ut appetitum dejectum, oris Ventriculi morsum, tenebricosam vertiginem, & os amarescens, diserte tamen vetat, ne emeticum demus præsentibus licet hisce, emeticum alias poscentibus, symptomatibus, si febre laboret, sed Ἀπορέτω ἔσονται.

Dum Heurnius, qui quantæ experientiæ Vir, quantique in praxi nominis fuerit, neminem latet, in Hippocratis fragmentum de Purgantibus commentatur, Scripsit, inquit, Hippocrates raro initio purgandum esse; nam raro orgasmo concita fertur materies morbifica: & in hæc verba Hippocratis: „ Quare „ per validas febres de pharmacis pur- „ gantibus vereri oportet. „ Nondum coctionis signis apparentibus, ait, ut tensus hypochondriis, flammea urina ac tenui,

contumaci in obstructione, aut Viscerum in Phlegmone, in essentialibus etiam febribus, dum æstus adhuc plena sunt omnia: ne rapidi potentia pharmaci conflagrancia Viscera Phlegmonem concipiant, partesque sanæ colliquescant. Quanti autem Clysmata ab Hippocrate, vetitis pharmacis, commendata Heurnius fecerit; Clysmata videlicet ex malacticis & leniter subducen-
tibus, sic testatur. Ita enim subducitur fuliginibus ex Intestinis focus, & squalor alvinus madescit, & consequio succorum ἰσχυρὸς redditur æger, bonis suis rebus: nam a mole alvina premi solebat Diaphragma.

Quando nunc in Hippocratica Methodo considero a Venæ sectione ardorem, copiam, vimque sanguinis minui; totum corpus emollientibus, refrigerantibus, solventibus, ut puta, melle, aceto, hordei decocto, intus perfundi, ac penetrari; dolores, anxietates, Ventres tumidos, emolliente

epi-

epithemate aut cataplasmate calente, large appposito, mitescere, ac confidere; excrementa & impuritates primarum viarum, quæ tumefaciendo Intestina Thoracem arctaverant, vitalemque interturbaverant functionem, ac præterea humorum circulum per Aortam, Venam cavam, innumeraque oriunda ex istis vasa, impediverant comprimendo; hæc, inquam, excrementa, impuritatesque, datis melle, aceto, decoctis, emendari, solvi, reddique mobilia, & aut sponte sua copiose satis ac quotidie, aut enematum ope, de corpore eliminari: si tunc ad hæc omnia Medicorum omnium Sæculorum numerosa testimonia, experientiamque; si quæ a *Boerhaavio*, nec non a Magnis mei temporis Medicis fieri vidi; si denique quæ propria 30. annorum experientia didici, adjungam; convincor penitus, methodum

medendi dari, qua materies casu duntaxat perraro in Acutis turgcat; imo qua sicubi turgere videtur cepta, brevi haud ultra turgcat.

Quid, quod sæpissime observaverim, materiem veluti turgentem iis in ægris, qui vel in aliis Nosocomiis, vel propriis in ædibus suis, bis, ter, sive emeticum, sive purgans, sive utrumque, assumssent, antequam in meum Nosocomium inducerentur? Hancque tamen turgescentiam ab Hippocratica Methodo continuo ad moderamen, & brevi ad integram quietem perducere? Crudam profecto materiem, necdum, aut vix, turgentem, violentia evacuantium turgidam reddi, ex *Hippocrate* & *Heurnio* mox evictum est. Alii ægri post assumtum Emeticum, quod, ut Emeticorum fere omnium natura est, æque per inferiora, quam per superiora egit, dum in nostrum Nosocomium

mium inferuntur, conqueruntur nihilofecius appetitum prostratum, vertigines, nauseas, os amarum, flatus, & borborygmos. Et plerumque plus de hisce conqueruntur, quam qui, nec Emetico, nec purgante assumpto, in Nosocomium inferuntur: utrique tamen hi ad normam Hippocraticam tractati, ab his incommodis, ni aliquando morbus sit natura superior, brevi liberantur.

Simplicem hanc Medicinam continuamus ad Crisin usque, imo aliquantum adhuc post eandem. Notarunt toties Medici & Medicinæ Studiosi, ægros nostros acutos, præter Missiones sanguinis, & Enemata; præter Epispastica & pediluvia; præter Mel, Acetum, Nitrum, hordeique decoctum; assumpsisse nihil nisi Misturam, quæ quotidie renovabatur, compositam ex unc. ij. Rob. Sambuci, Dragma

Nitri, & unc. vj. Aquæ Sambuci. Ad-
verterunt hisce omnibus auxiliis ur-
gentia primum symptomata deleri,
vires insurgere, appetitum redire, ob-
repere somnos, corpus molli transpi-
ratione humescere, signa utique omnia
coctionis, Crisimque blandam, sæpius
sine, quam cum, notabili perturbatio-
ne, contingere. Dedita opera for-
mulam, quamvis plurima variatione
eandem, eidemque Indicationi satisfac-
cientem, mutare possim, minime
muto, ne Auditores mei suspicarentur
mutationem a necessitate indicari. Post
Crisin autem bis, ter, purgans blan-
dum, alterno, tertiove die, datum,
eum paregorico singula purgationis
die, omnem paginam absolvit. Ne
autem quid Tyronibus quondam de-
sit, dum apud ejusmodi ægros facturi
Medicinam sint, qui ob hanc simpli-
citatem & Artem, & Artificem! floe-

cifacerent ; soleo iis innumeras distitare formulas, quas, data oportunitate eidem indicationi aptatas, nunquam vero pulverulentas, præscribere queant.

Porro repeto materiæ turgescens, in morbis inchoantibus acutis, Raritatem talem apud nos observari, qualem *Hippocrates*, meo saltem iudicio, suis in ægris observavit, descripsit.

Objiciet mihi quispiam ab ipso *Hippocrate* Epid. 7. pag. 1238. emeticum in principio Acutissimi morbi datum fuisse; præterea in Libris Epidemiorum ab ipso morbos conscribi complures, qui hanc turgentis materiæ raritatem negent, qui ejusdem frequentiam palam clamitent: quæ cum ita se habent, textus *Hippocratis* priores esse secundum *Epidemiorum* observata explicandos, non vero hæc secundum illos.

Respondeo primo Historiam ex 7. *Epid.* Pueri *Epicharmi* hic nihil demonstrare: sic enim scribitur: „ *Epicharmi* puero ex deambulatione & potu „ cruditas, ἀπεψία, contigit. Posttri- „ die autem mane, suborta anxietate, „ epota aqua cum aceto & sale, pitui- „ tam vomuit, posteaque rigor pre- „ hendit, in febre lavit, pectus do- „ luit. Tercio die sub ipsum crepu- „ sculum sopor exiguo tempore deti- „ nebat, delirabat, & febre acuta ve- „ xabatur, morbum gravate ferebat. „ Quarto pervigil mortuus est. „ Dico hanc historiam nihil demonstrare; vel aqua cum aceto & sale data fuit, ut Medicamentum ad corrigendam putridam ad præcordia materiem; vel ut emeticum. Si prius, nihil ad rem nostram facit; si vero posterius, constat & blanda quoque emetica Veteres dedisse, contra id, quod plerumque cre-

creditur ; & emeticum tale *ante febris invasionem* propinatum fuisse: qui legit attente historiam, id clare cernit. Probatur itaque inde nihil.

Respondeo secundo, me quoque similes Epidemicorum morborum rationes, spatio 30. annorum observasse, inque chartulas coniecisse meas; minime tamen me inde dictorum concludere subversionem. Dudum in *Tomo* hujus operis *tertio*, a Veneranda Antiquitate, Medicisque celebrioribus subsequenter, & modernis, Regulam mutuatus eram, secundum quam in hisce se gerere deberent Medentes: sic quidem, ut consuetæ observationes quasi cessarent, novas subministrante recens nata Epidemia; novæ tamen hæ, cessante Epidemia, cederent antiquis, consuetisque. Sic quidem, ut æque male, æque magno ægrotantium damno, & hi agerent, qui, juxta no-

va recentis Epidemiæ observata , omnes deinceps febres communes tractandas esse autumarent , quam ii , qui more febrium communium , quamcunque novam Epidemiam gubernandam esse statuerent. Ingenuus , ac candidus *Sydenham* , exemplo sui Emetici , Matronam occidentis , mutationem necessariam Methodi , epidemia aut cessante , aut mutata , manifesto docuit.

Poterunt itaque ex universa cunctorum sæculorum Medicina volumina crassa componi , quæ morborum multorum , in quibus turgida materia fuerit , densum referant agmen. Latent hæc neminem. Sed nemo rerum gnarus , ex hisce ullam contra consuetas naturæ leges , contra consuetam tractandorum morborum Methodum , concludet præscriptionem.

Proinde si Regulæ Exceptionis demum Regulæ omnium tractandarum

ægri-

ægritudinum fiunt, universa praxis
fusque deque vertitur; Natura turba-
tur; simplices morbi redduntur com-
positi, alieni, errabundi, confusi;
symptomata subnascuntur, quæ mor-
bus alias ignorasset; & medicatio red-
ditur æque onerosa Medentibus, quam
Ægrotantibus damnosa.

Animo profecto moveor, quoties-
cunque mihi, ingentem *Baglivium* per-
volventi, hæc ejus nota occurrit: *Prax.*
Med. Libr. 1. „ Quando ego solus,
„ inquit, ægrorum meorum curam
„ suscipio, raro tales malignas febres
„ observo: sed incepta ab aliis cura-
„ tione, neque secundum oracula
„ Naturæ, neque divini Senis præce-
„ pta; mille differentiæ, & gravia
„ accidentia occurrunt, quæ frequen-
„ ter soboles sunt methodi depravatæ,
„ non vero Naturæ morbi, licet hæc
„ passim, ac quotidie, in praxi succedant.

Dum

Dum proinde aliis in Regionibus *Hippocraticæ* medendi simplicitati supponi videam, quovis acuto in morbo, remedia longe alia, & fortiora; Emetica, Cathartes, Pulveres omnis generis testaceorum, Contrajervam, Serpentinam Virginianam, Myrrham, Camphoram, Crocum, Spiritum Cornu Cervi, Spiritum Mindereri, Theriacam Andromachi, &c. dum sub horum exhibitione notem catervam Symptomatum, quæ Hippocratica Methodus deprehendit longe rarissima; materiem frequenter ibidem turgere, cum in principio, tum in morbi decursu, quam raro nos cum *Hippocrate* turgentem observamus: dum ibidem quoque tristis intueor Naturam ipsam a tali agendi ratione coactam, cum in coctione, tum in crisi, violentia quadam agitari, turbarique; sic ut morbi acuti quicumque ingentem mor-

mortalium turbam orco semper immolent; interea dum Morbi iidem hic *Hippocratica* methodo tractati, & longe pacatiores transigantur, & numero longe pauciores necent; abesse nequeo, quin causam hujus in morbis differentiae in Methodi differentiam conjiciam.

Hinc quamvis *Anglorum*, Nationumque aliarum, medendi consuetudinem directe non damnem, nemo tamen mihi in malam partem vertere potest, quod cum *Baglivio* Divina Senis praecepta consuetudini illorum praeferam. Nec quis vitio mihi vertet, si, quod toties feci, vel ideo doleam Medicinæ sortem, quod *Hippocratem* aut male interpretando, aut turpiter negligendo, tantopere a vero Naturæ tramite recesserit, quantopere ad illam, tanto sub Magistro, accessisset. Tandem nemo mortalium jure
me

me reprehendet, concludentem hoc simplex *Hippocraticum* Studium unice aptum esse, quod, unde turpe recesseramus, ad id nos feliciter reducat, efficiatque ut salutarem artem, qualem ab *Hippocrate*, & germanis ejus sequacibus, accepimus, novis posteriorum sæculorum inventis, perficere, ditare, ornare, valeamus.

Supereſt in animadverſione Cl. *Pringle* contra me Conamen refutationis eorum, quæ *Tom. I. Rat. Med.* de variis Alcalium, cum Urina & ſanguine commiſtorum, effectibus diſſerueram; addiditque Clarus Vir cauſam, cur ab ipſo diſſentiam, ſitam in errore quopiam ſe deprehendere, quem contra chemica præcepta commiſiſſem. Profecto multoties errare me fateor: attamen ab hoc erudito Viro non expectaſſem, ut ex ſcrupuloſa mea in experimentis meis capiundis, edendisque attentio-

ne,

ne, quam adhibere soleo, si quem forsan errorem commisisse me crederet, hunc causæ adeo crassæ attribuisset. Verum grandescente hoc Volumine nimium, non respondebo ad novam hanc quæstionem, quæ præterea a materie, quam nunc tractamus, aliena prorsum est; alia data opportunitate ad eandem responsurus, & simul demonstraturus, ni fallor, haud ita tutum Alcalinorum in Acutis usum esse, quam quidem Clarissimi Viri experimenta id innuere videantur.

CAPUT VI.

VARIA.

§. I. *Recensio Scriptorum, qui uno, alterove abhinc anno, de Uva ursina scribere ceperunt, multisque in casibus ejus virtutes mecum laudarunt. De modo, quo hoc Medicamentum agat.* §. II. *Nova experimenta, quæ Systema Irritabilitatis & Sen-*
Pars X. S tibi-

fibilitatis, penitus subvertant. *Inconstantia* hujus generis experimentorum. *Cordis thalamus* uterque vacuus baud raro invenitur, sive a defectu sanguinis, sive cum ejusdem abundantia. *Ruberrima Pleura* universa se esse vasculosissimam, adeoque *Inflammationi* aptissimam, ostendit. *Nova Clar. van Doeveren* in hanc rem experimenta. §. III. *Laus Collyrii ex Liquore Hepatico Mustellæ fluviatilis.* §. IV. *Kermes minerale, & Antimonium Diaphoreticum non ablutum, crudam in pectore materiem ad coctionem disponere, coctamque expellere, neque cum acidis emetica fieri; probatur ex Boerhaavio, Scriptoribus Vienneis, & observatione propria frequentissima.* §. V. *Laus Gelidæ aquæ in Hæmorrhagiis. Regulæ in Hæmorrhagiis observandæ. De sputo sanguinis Hepatico.* §. VI. *De Viperarum cura.* §. VII. *De Inoculatione.*

§. I. **U**Va ursi multis experimentis dedit occasionem, pluresque ut aliquid conscriberent, excitavit. In *Novellis dictis Salutaribus* annuntiatum anno proxime elapso *Tra-*
cta-

Etatulum vidi, in quo Autor experimenti infelicitatem conquestus, *Vaccinium Buxi foliis Uvæ ursinæ* præfert. Certe si hac planta illam præstantiorem expertus sit, ipsius erit experimenta pandere, ut universum genus humanum debitas ipsi gratias rependat.

Vir Clarissimus, improbo labore suo ad amplificandam Medicinam natus, *Michaël Girardi*, Patavinus Medicinæ Professor, edidit finiente anno 1764. Opusculum, cui Titulus: *De Uva ursina, ejusque, & Aquæ calcis, vi Lithontriptica, Novæ Animadversiones, Experimenta, Observationes.* Historiam Botanicam præmittit, deinde Analysin Chemicam, cum liquoris ab hac planta parati, in immisos Calculos efficaciam, denique vires ejus in corpore humano enarrat. Extat ibidem Epistola C. Viri Praxeos Medicæ in Schola Patavina Professoris, *Jacobi de Scovolo*, quæ

duos casus; & Autoris ipsius Observationes, quæ casus sex referunt: in quibus Uva ursi nonnullis multum, aliquibus plurimum, profuisse demonstratur.

Doctissimus Göttingensis Professor *Murray* dissertationem in quarto edidit, cui titulus: *Commentatio de Arbutto, Uva ursi, exhibens descriptionem ejus Botanicam, analysin Chemicam, ejusque in Medicina, & in Oeconomia, varium usum.* Ad usum medicum refert primo aliquot experimenta Viri, in arte præstantissimi, universis Medicis acceptissimi, *Werlhoff*, nec non Cl. Virorum, *Vogel*, *Tauber*, *Pallas*, quorum alii insigniores, alii debiliores, subinde nullos, observarunt effectus: deinde duo propria experimenta habet, notabilis efficaciam.

Literas varias ex variis Regionibus excepi, quarum aliæ nullum reme-

medii effectum notant, quamvis diu, constanterque usurpatum esset; aliæ vero præstantissimum.

Tribus hominibus idem hoc anno incassum dedi, duobus autem effectui insigni.

Frequens nunc hujus Arbuti usus per omnem Europam dabit brevi exactam ejusdem, determinatamque historiam. Viribus enim planta iisdem ubique pollet, sive fuerit in *Styria* collecta, unde primam habui, sive in *Austria*, in *Suecia*, in *Italia*, in *Gallia*.

Occupantur nunc, ut video, animi multorum, inquirendo, qua demum facultate *Uva ursi* ferat opem? Examen Chemicum ad id laudabile admodum est, modo attendamus I^{mo} partium vegetabilium naturam operationibus chemicis sæpe ita mutari, invertique, ut id, quod tunc referant, a Chemia potius, quam a Natura,

possidere videantur. 2^{do} Carere Chemiam admiranda, neque ullo modo imitanda, tali Machina, qualis corpus animale est; adeoque effectum medicamenti cum hujus, tum alius cujuscunque, Analyfi chemica vix leviter adumbrari. Si in liquore quocunque Calculus intabescat, ac dissolvatur, Spiritus Nitri dudum docuit menstrua dari, quæ Calculum solventia, ab humano corpore, non nisi diluta, ferantur; diluta vero ut ferantur a corpore humano, vix in Calculum agant: præterquamquod etiam sic a corpore ferri possent, ut sunt, dum Calculum solvunt, tamen humoribus nostris ita diluantur, & immutentur, ut vix eundem referant liquorem. Qui tandem ex sapore, odore, analogia, ratiocinando, vires simplicium determinare ausint; ut præter propter succedunt conjecturando in non-

nonnullis, ita in aliis, ut in Cortice peruviano, v.g. oleum, operamque & perdidere, & perdent perpetuo. Equidem si causam caperemus, quæ efficiat, ut homines complures, quibus calculus certo certius in Vesica est, nonnunquam per plures intermedios annos, sæpe ne per omnem quidem vitam, eosdem præsentis percipiant; ut Historia medica, per Anatomen confirmata, toties docuit; forte virium Uvæ ursinæ faciliteretur explicatio. Sed & prius, & posterius, nos æternum, opinor, latebunt.

Neque hucusque constat cur aliæ, præ aliis Regiones, aut careant fere, aut scateant, hominibus in urinoso Systemate calculosis. *Austria* sane iisdem abundat. *Italia* minus. Peragranti quippe mihi, ab elapso retro quinquennio, amoenam illam Regionem, conquerebatur celeberrimus Lithoto-

mus nullam invenire se posse, & ne *Mediolani* quidem, populosa urbe, in quo suam exerceret artem: affirmantibus itidem Medicis hujus morbi ibidem raritatem. *Venetorum* potentissimam Rempublicam eadem felicitate gaudere, ex *Epist. Anat. Med.* 42. *Clariss. Morgagni* evincitur. Et *Poloniæ* Regno insolitum morbum esse testabatur mihi haud ita pridem Dexterrimus magni Regis *Poloniæ* Chirurgus primarius; causamque, rectene an secus? esse rebatur, quod uvæ ursi baccae frequentissimo in usu essent, a Rusticis quotidie venales in Foro expositæ. *Hanoveriana* Ditio videtur beatitudine eadem perfrui. *Clarissimus Haller* inter 230. cadavera, quæ in *Göttingensi* Theatro secuit, duo modo narrat se invenisse, quorum systema urinarium calculos referret; addendo tamen systematis biliosi sibi tanto frequentiores

apparuisse. Nec minus *Schafbusianus* ager ab illo malo immunis in N. C. Eph. Dec. I. anno 2. Obs. 39. notatur.

Vina, aqua, lac, caseus, præprimis inter causas numerantur. Et certum est Vina alia aliis prona magis esse ad dolia, quibus conservantur, crasse incrustanda; Aquas fluviatiles ob id ad cibum potumque præstare, præ fontanis, ac putealibus; cum illa vix, plurimum hæ crustas lapideas ahenis, in quibus frequenter bulliant, affigant; Caseum quoque edulium esse, Calculosorum tormentis excitandis, augendisque, aptum: ac nihilo fecius suppeditat nobis historia Medica exempla bene multa hominum, maxime infantum, qui citra ullum Vini usum calculo laborent; variarumque bestiarum, quæ sola aqua usæ, urinosos tamen calculos gesserint. Quantum ad Aquas, certum quidem est,

ejusmodi dari puteales, ac fontanas, quæ ahenum incrustent crassissime; id quod *Viennensium* ahena testantur, ad fabros, qui crustam vi depellant, toties mittenda; at vero haud minus certum est, teste laudato supra *Murray*, & ahenis *Göttingæ*, aquæ decoquendæ dicatis, enormes innasce crustas, ut fabri ferrarii crebro debeant eas malleis excutere suis, & morbum ibidem rarissimum esse. Caseum adamant omnes Nationes: Lacte Mortalium plerique, ex quo in lucem prodierint, utuntur, Matris, Nutricis, Animalium: cur tamen integræ Nationes, aut Civitates, adeo præ cæteris fortunatæ?

§. II. Plura hoc anno Nosocomium observanda dedit, quæ ad *Irritabilitatis*, & *Sensibilitatis* quæstionem pertineant. In Spina ventosa tecta plurium puerorum, similiter affectorum, alii vehementer doluere, alii minus, alii nihil

om.

omnino , licet multum contrectares partem : argumento incertitudinis experimentorum , quæ in animali , ad partium sensibilitatem explorandam , instituuntur.

Vidimus Cap. I. §. I. Cordis thalamum utrumque grumoso sanguine æqualiter fere repletum. §. II. Cordis dextro in ventriculo gangrænosi, utrumque Ventriculum sanguine vacuum sic, ut ne guttula quidem, grumusve , inveniendus esset : copioso tamen sanguine in illius sinibus venosis, in pulmonibus, & alibi, præsentem. §. III. Cor utrumque post Hæmorrhagiam vacuum. Cap. III. §. I. Cordis ventriculus perfecte vacuus uterque fuit , pulmonibus plurimo sanguine scatentibus. Hoc anno unicum modo Canem vivum aperui , ejusque morientis attente sum phænomena contemplatus : iterum in hoc cane,

ne, quod toties antea, clare vidi, sanguine haud ultra per pulmonem transeunte, cor tamen sinistrum multo sanguine repletum. Undenam, quæso, pulmone penitus ad mortem obstructo, copiosus sinistro in corde sanguis? Et cur tanta causa irritante præsentē, quievit tamen? Pulcra *Prosperi Martiani* observatio hic addenda est. Reverendus Juvenis Dominicanus, curatus a *Prospero* ab Hæmoptoë spumofissimi sanguinis, postmodum incidit, suscepto frigore, in Peripneumoniam, die 20. letalem. En hujus anatomen. „ Pulmo totus sanguine „ repletus, mirum in modum tumidus apparuit, ita ut non vasa tantummodo turgerent, sed per totam „ substantiam sanguis conglobatus „ Scirrhi duritiem æmularetur, Nulla „ alia tamen læsio in eo adparebat. „ Cor, & circumsitæ Venæ, sanguine

„ ne mirum in modum repletæ in-
„ ventæ sunt , & in latitudinem im-
„ modicam distentæ, imo & sinister cor-
„ dis *Ventriculus sanguine repletus erat.*
„ Turgebant pariter venæ omnes, quæ
„ per Costas disseminantur; & in summa
„ totum malum in sanguinis plenitu-
„ dine consistere videbatur. In *Señt. V.*
Aph. n. 12. pag. 458. Edit. Rom. 1626.

En iterum pulmonem, cætera sanum,
cruore autem replente induratum,
adeoque transmittentem nihil, & ni-
hilominus cor sinistrum sanguine adeo
repletum. Undenam , rogo iterum,
adeo repletum id ? Et cur irritatione
præsente tanta quiescere potuisset, si
ea vera forent, quæ *Cl Haller* suis ex-
perimentis evicisse se scribit ? scilicet
„ sinistram auriculam , & cor fini-
„ strum , ideo citius mori , quod
„ pulmonibus nihil ultra sanguinis
„ transferentibus , haud amplius a
fan-

„ sanguine irritentur. Deinde sensim
„ Ventriculum dextrum, novissime-
„ que dextram auriculam, quoque
„ quiescere, eoquod non acciperent
„ ultra a cavis venis, quo irritarentur,
„ sanguinem. Econtrario si Venas
„ cavas, Aortamque ligasset, deinde
„ vulnere lato aperuisset pulmonalem
„ Arteriam, tunc Cor sinistrum, utpote
„ irritatum sanguine, qui ex Auricu-
„ la in Ventriculum, & ex Ventricu-
„ lo in Auriculam moveretur, diu-
„ tius, imo per horas, in mortuo ani-
„ mali vivere: interea, dum cor de-
„ xtrum, ejusque Auricula, desineret
„ vivere, expulso omni sanguine per
„ pulmonarem apertam arteriem, nec
„ novo per ligatas affluente Cavas.
„ Oportere autem Ventriculum de-
„ xtrum integre esse evacuatum, si,
„ ne se ultra moveat, velis: tantam
„ enim esse irritabilitatem Cordis, ut
re-

„ relictum in eo vel pauculum sanguinis non sinat Ventriculum quiescere. „ Profecto subvertitur enarratis supra observationibus omnis per irritabilitatem tentata Vitæ, Mortisque, explicatio. Phænomena in vivis animalibus apertis conspicua, factaque in cadaveribus observata, circa Vitalium Viscerum, sive impletionem, sive vacuitatem, adeo inconstantia sunt, ut nulla Physiologiæ superstruendæ fundamenta inde peti possint.

Vidimus Cap. I. §. II. Pleuram totam quantam, utroque Thoracis in cavo, a summo jugulo ad Diaphragma, etiamque tota sua, qua Diaphragma succingit parte, instar ruberrimi panni rubram, a costis facile avellendam: ut hi, qui vasa aut multa, aut ulla, Pleuræ adesse negent, præsentibus, quo de contrario convincerentur, optassem: quam

quamquam anno præterito, ut suo loco monui, simile quid in Nosocomio demonstratum sit. Est sane hæc Historia adjungenda ad 4. *Caput Tom. IX.* in quo de Sensibilitate Pleuræ ex professo egi, iisque in antecessum respondi, qui ex hac recenti observatione Pleuræ inflammatissimæ, Pleuritis tamen signa in vita non testatæ, sensibilitatem eidem negarent, tribuerentque Pulmoni. Etenim ex hujus Cadaveris Anatome patuit, ambos quoque Pulmones & a lateribus, & ad integrum dorsum, inflammatos fuisse sic, ut præ rubedinis intensitate inciperent nigricare. Cum igitur neque Peripneumonix signa, sed fugacis tantum sub finem Asthmatis, citraque dolorem, affuerint, sensibilitas æque Pulmoni, quam Pleuræ, negabitur. Sensibilitatem porro ex ejusmodi Phænomenis nullatenus posse aut affirmare

mari, aut negari, eodem *Capite Tom. IX.* argumentis ab *Aretæo Cappadoce* ad nostra usque tempora petitis, satis abundeque probavi.

Sed quid de hac re plura? Certamen hoc, quod solius veritatis studio animatus inivi, facile nunc aliis cedere possum, qui eodem ducti principio, idem inire ceperunt. Prodierrunt in *Diario Eruditorum anni 1752.* quod tantum nuperrime rescivi, experimenta *Cel. Viri Grandclas*, & ibidem 1756. & 1757. ea *Clariss. Lorry.* De eadem quæstione sub idem tempus scripserat *Clariss. Van Delli*, Medicus *Patavinus* in *Epist. I. Anno 1756.* in *II. & in III. anno 1758.* Insurrexit anno 1764. in novum systema Experimentis suis contrariis Medicus *Pariensis* tractatu peculiari.

Hoc vero ipso, quem vivimus, anno, prodiit Opus in Quarto omnis

Pars X.

T

ge-

generis doctrinae medicae præstantissimæ plenissimum, gravissimum, Autore suo, pulcherrima *de Vermibus* dissertatione præclare noto, dignissimum, hoc titulo: *Gualtheri van Doeveren Specimen Observationum academicarum*. Caput XIV. autor dicavit experimentorum suorum, de hac quæstione editorum, Historiæ. Sane ancipites hæremus, quid in eadem impensius miremur; an accuratam attentionem ad omnia, quæ experimentum minus fidum reddere possint? An diffidentiam ubique sui? An in experimentorum difficultate patientiam? An in his, quæ pluries suis oculis viderat, quæ multum cum ipso clare conspexerant, enutiantis scrupulositatem? An denique generosum animum ad experimenta eadem, hæud laboriosa non minus, quam tædiofa, ad undecimam usque vicem repetenda? Etenim *quater* Lugduni Batavo-

tavorum, semel *Parisiis*, semel *Trajecti ad Rhenum*; *Groningæ* autem, in cujus alma Academia Professoris munus & occupat, & ornat, quinquies. Undecies itaque repetita ab illo experimenta eadem, luce meridiana clarius vindicarunt Irritabilitatem iis omnibus partibus, quas vel cum Ill. *Hallero* ab omni sæculo omnes Medici irritabiles esse agnovere; vel Ill. *Haller* aut dubitanter illam tantum asseruit, ut *Vesiculæ felleæ*; aut negavit, ut *Hepati: Cordi* scilicet, experimentis novem; *Diaphragmati*, septem; *Musculis rubris*, tribus; *Oesophago*, uno; *Ventriculo*, quinque; *Intestinis*, tredecim; *Vesiculæ felleæ*, duobus; *Vesicæ urinariæ*, tribus; *Venæ cavæ inferiori & superiori*, duobus; *Hepati*, unico; *Pulmonibus*, duobus; *Cuti* quoque, duobus. Vindicarunt autem eadem experimenta sentiendi facultatem *Duræ Matris* vici-

bus decies & septies; *Tendinum*, ipsorumque *Aponeuroseon*, bis in homine, in Brutis vero trigesies & nonies; *Pericranii*, quater; *Pleuræ*, bis; *Hepatis* evidentissime semel.

Sic denique hæc Chimæra, quæ, quod vix feri nepotes credent, millenorum Medicorum animos permovit, pellexit, fascinavit; quæ eo profecta erat, ut fundamentum Physiologiæ, ac Medicinæ firmum, inconcussum, immutabile, atque æternum, struere crederetur; quæ prolixioris illustris *Halleri* Operis totam basin facit; hæc, inquam, more demum omnium hucusque fictorum ingenio systematum, fatiscit in auras, & pudore stupendæ sui animi levitatis suos asseclas confundit, mæstitudineque vel ideo explet, quod cunctos hosce labores & irrevocabiles annos, *Hippocratico* Naturæ studio, cujus unica cultura artem salu-

lu-

lutarem promovere, augere, ornareque potuissent, inconsideranter suffurati sint.

§. III. Quæ anno proxime præterito notavi, de admiranda virtute Liquoris Hepatis piscis, quem *Mustellam fluviatilem* vocant, in oculorum maculis, & albugine; ea experimentis, admodum repetitis, hoc anno confirmare gavisi sumus. Unde abesse nequeo, quin hoc præclarum remedium etiam atque etiam commendem.

§. IV. In morbis pulmonicis multis maxime autem in inflammatoriis, experimenta cum *Kermes minerali*, & cum *Stibio diaphoretico non abluto*, vicibus innumeris instituta, Nosocomium felicissima experitur, in duodecimum jam annum. Qui clinices ignari, in suis Musæis, aut apud Furnos suos, vires Chemicorum præparato-

rum arroganter determinant, hæc præparata chemica, ob majorem vim irritantem, in cruditate Acutorum noxia, ob vim emeticam quoque suspecta, habent.

Magnus Boerhaave, qui, ut de viribus cæterorum Chemiæ præparatorum, ita quoque de horum efficacia, certo, tutoque scribere poterat, eo quod sententiam non pronunciaret, nisi effectibus eorum in humano corpore bene exploratis; de hisce medicamentis alia profecto cogitavit, & promulgavit. Chem. part. ult. Process. 116. sic scripsit de Antimonio Diaph. non abl. *Materies hæc si ita rite parata, semidragmæ copia hausta; vix aliquid sensibilis mutationis adfert, nisi quod respectu Nitri fixantis, adhærescentis, moderate aperit, hinc in acutis boni quid præstat. Et paulo post: Non facit anxietates, nauseas, vel vomitus, sed benignam stimulationem: plus mali a calce abluta.*

Sal-

Saltem, ajunt, nocet, si vel acidum in ventriculo est, vel acida una deglutiuntur: tunc enim emeticum fit, acidis Regulum denudantibus, eumque a sulphure liberantibus.

Consulamur præter Censores hos theoreticos, iterum practicoatum *Boerhaavium*. En formulam ejus in anxietate, periculosissime suppressis sputis peripneumonicorum orta. R. Laudani puri gr. ij. Flor. Sulph. Sperm. ceti, Stib. Diaph. non abl. à dr. j. M. f. pulv. tenuis, dividendus in xij. partes æqual. Capiat æger omni trihorio unum, cum unc. i. ij. misturæ acidæ mox describendæ.

Facile prævideo fore, qui suspicentur Opium, ne vomitum excitet, Stibio a *Boerhaavio* additum esse: sed legant, quam ille priori mox subdiderit, formulam, *Vel* R. Flor. Sulph. dr. ij. Olibani Scrup. j. Sperm. cet. dr. semis.

Stib. Diaph. non abl. dr. j. M. f. pulv. divid. in XII. doses. sumat unum omni hora cum unc. j. hujus Misturæ: R. Oxym: simpl. unc. iij. Syr. V. rad. aper. unc. ij. Decocti Hederæ terr. unc. x. Nitri puri dr. j. M. Assumta fere tota mistura erit cum ultima pulverum formula; sic ut æger ad dr. j. stibii diaph. non abl. dragmas decem assumat Aceti, & unc. j. cum dr. vj. mellis acescentis: qui autem pulveres stibio adduntur, ii sane illud ab aceti actione non defendent.

Ergo videmus a magno hoc, & in practicis versatissimo Viro, Stibium diaphoreticum non ablutum in Acutis morbis laudari, & neutiquam emeticum prædicari, idque ne tunc quidem, quando cum acido mistum assumitur.

Confirmarunt *Boerhaavii* experientiam Medici illi, qui hac in urbe Nosocomiorum suorum clinicam Historiam

riam publici juris fecerunt: omnes enim hoc ipsum remedium una cum acidis & præscripserunt, & laudaverunt.

Sed quid plura? Anno 1762., Aprili mense peracuta Pleuroperipneumonia tali decubui, ut, præ indomabili morbi cruditate, die morbi sexto spes esset intercisa omnis, egoque sputorum defectu jam jam viderer suffocandus. In hac rerum angustia *Illustrissimus Præses*, qui amore plusquam fraterno mei curam gerebat; & expertissimus *Schreibers*, qui observantia plus quam filiali, mihi diu notuque assistebat, præscripsere mihi has formulas: Oxym. squill. unc. ij. Stibii diaphoretici non abluti dr. j. Aq. Hyssopi unc. vj. Misce. R. Kermes mineralis gr. xij. Sacchari albi dr. ij. Misce. F. inde pulv. N. xij. Quorum quovis bihorio unum sumsi cum uncia

misturæ. Nec tantum dabant mihi Kermes minerale, Stibiumque non ablutum, cum acida mistura, sed cum potu dicto *Limonada*, cuius v. vi. Libras hausi quotidie, & cum jure carniæ, plurimo Citrei succo saturato, quo nutriebar. Absque ulla intermissione hisce remediis usus sum quinque dierum spatio, ac deinde paulatim imminutis, per octiduum. Simulque Vesicans dolenti lateri admotum est. Effectus horum omnium fuit, ut nunquam nausearem, aut vomerem, ut sputorum maturorum ejectione, alvo & urina criticis, somno, appetituque sensim restituis, die undecimo perfecte judicaretur. Omnibus hisce toties institutis, & confirmatis experimentis, evincitur, tum Kermes minerale, tum Antim Diaph. non ablutum, & crudam materiem ad coctionem disponere, & expellere coctam:

vomi-

vomitum autem aut nauseas, si rite parata fuerint, excitare nunquam, etiam si cum acidis misceantur, imo potius salutarem eorum vim ab acidis adjunctis animari & augeri. Nœrisui se exhibent, qui experientia practica destituti, de medicamentorum viribus sententiam ferant, eosque, qui ex praxi meliora norint, publice condemnare ausint. Utinam Chemici imitarentur exemplum Clarissimi R. Laugier, Viri inter Principes Chemiæ & Botanices nostri ævi facile numerandi, qui quantumcunque Vegetabilium, Fossiliumque effectus, in corpore humano, eminenti sua scientia sæpius determinare possit, id nihilominus moris habeat, ut rerum multarum aut efficaciam, aut inertiam, aut etiam nocumentum, a sedulis, attentisque practicis, inquirendum esse, suos moneat Auditores!

§. V. Curam Hæmorrhagiæ Pulmonis & Ventriculi, Gelida aqua egregie promoveri, hac hyeme Auditoribus demonstravi; utriusque hujus exemplum uno, eodemque tempore, Nosocomio præbente.

Joannes N. . . a cantu validiore Hæmoptoen puer passus, nunc trigennarius in eandem relabitur. Quæ cum bis jam vena secta non cessaret, ægrum quarto die in Nosocomium suscepimus. Mox tertio venam tudi, & brevi post, sanguine copiosius profluente, quarto; simulque dedi frigida aquæ libram, brevique post alteram hauriendam: frigidum præterea emulsum, frigidam misturam, quæ composita erat ex Boli Armeniæ dr. ij. Sang. Drac. dr. j. Syrup. Ros. rubrarum unc. j. Laudani puri gr. ij. Aq. Plantag. unc. vj. cujus cochleare sumsit quavis dimidia hora. Octies vena ipsi tunsa fuit,

fuit, minus ob hæmorrhagiam, quam ut ægrum ab omni calore, ardore, tussi, titillatione gutturis, ac febre præservando, phthisin pulmonalem, alioquin hic metuendam, averruncaremus: id quod etiam, dante DEO, feliciter successit. Sanguinem Vena eductum primo crassum, deinde semper vehementer inflammatum, reperimus: Urinas autem principio rubras, ac fere subjugales, ultimis diebus perpetuo hypostaticas. Ita ut, cum sanguine, & urina acuti febrilis morbi, nunquam, nisi forte momento ante Venæ sectionem, febricitaverit.

Maria Anna, Custos ægrarum, Vidua quinquaginta & aliquot annorum, macilentissima, a 20. ad 30. Januarii doloribus ad præcordia cum diarrhœa cruenta vexata, incidit morbi die undecimo in subitum trium librarum sanguinis vomitum. In lectum deposita,
quæ

quæ pallida semper, nunc erat pallidissima, extremis frigida, pulsu debilissima. Nulla proinde Venæ sectio hic facta est, sed intra pauca minuta duæ gelidæ Libræ datæ, Medicamenta etiam eadem, quæ viro Hæmoptoico, & potus, & omnia frigida, præscripta sunt. Enemate bis mediam Libram sanguinis non multum concreti, alvo eduximus. Hæmorrhagia hisce factis non rediit; debilitas, frigus, vertigo, a nimia jactura humorum orta, intra 14. dies cessaverunt.

Igitur imo in Hæmoptoico Venæ secta octies est, in femina ne semel quidem: quot enim hanc in illo signa indicabant, tot in ista vetabant eandem. Neque solum sputum sanguinis nos ad Venæ sectionem determinabat, verum metus tum futuri sputi, tum febris; qua præsentē, Phthisis semper metuenda est; qua absente

in-

integra speratur sanitas, quam & noster adeptus est. Esse tamen haud raro ex Hæmoptoë in Phthisin dispositionem plane insuperabilem ultro fate-mur.

2^{do}. Hæmoptoico alvum non movimus unquam, feminæ autem pluries. In vomitu quippe sanguinis corruptio, ac pessima febris, metuen-da est a sanguine eo, qui ex Ventri-culo ad Intestina delatus, moram in illis trahit: in Hæmoptoe autem nulla ejusmodi ratio occurrit. Est præterea alvi deponendæ conatus Pulmoni, quam Ventriculo, hoc in casu peri-culosior, ut leges Physiologicæ do-cent. Quin in Hæmoptoë raram non nocere alvum, tam ex Diæta, cunctis-que assumtis, vix stercora generanti-bus, colligimus, quam ex iis, qui crura fracti, aut Aneurismatis opera-tio-

tionem passi, alvi depositione integras
haud indigent septimanas, animad-
vertimus.

3^{tio}. In hoc genere morborum, in
quo motus nocet omnis, facile quis-
que videt, quotidianam lecti refe-
ctionem, quam pag. 217. tantopere
necessariam esse ad exanthemata præ-
cavenda, monui, locum habere non
posse: sed & metum exanthematis
morbus, febris expers, non facit; si
vero febris invincibilis, Hæmoptoës co-
mes, generaret Miliaria, augeret qui-
dem periculum, sed ad periculum
majus, ægrum intempestive movendo,
incurrendum, nos permovere non de-
bet. Unica vero hic timenda a decu-
bitu perpetuo esset ad Nates, & ad
Os Coxygis, excoriatio; nisi hæc ignota
plane nobis esset, has partes in omni-
bus ægris unguento, ex albumine ovi,
cum spiritu vini parato, quotidie se-
mel

mel bisve adversus excoriationem muni-
nentibus.

4^{to}. Utrisque aqua gelida data fuit,
utrisque Medicamenta eadem, eadem-
que Alimenta; sed omnia frigida: so-
lum jus carnum tepidum, ac fere fri-
gidum. Viro lac frigidum dabatur
cum gelida aqua mistum; feminæ au-
tem ob acidum Ventriculi non daba-
tur. Utrisque humeros ac femora sol-
licite ligavimus sic, ut sanguine in ar-
tuum arterias intrare valente, per ve-
nas autem redire impedito, minor
fieret ad apertas arterias humorum im-
pulsus. Aëre subtepidulo fruebantur
utrique. Viro omnia quæ assumere
debebat, majori copia dabantur ad sin-
gulas vices, quam Feminæ; erat enim
in hacce cavenda omnis Ventriculi fau-
ciati expansio, ne trumbi, ad vaso-
rum extrema nati, solverentur, a quo
metu in Viro liberi eramus: sic nihi-

lominus ut in eo caveremus, ne nimium nutrimenti una vice in sanguinem admissum, pulmoni oneri esset.

Rogabit forte quisquam, an a gelido, eoque copioso potu, metus inflammationis non adsit; siquidem a gelido potu Pleuritis, Peripneumonia, Gastritis &c. toties natæ observentur; præcipue vero quando sanguis, quod in Hæmoptiæe frequenter ad inflammationem dispositus, actuve inflammatus est?

Respondeo morbos inflammatorios recensitos haud contingere a gelido haustu, nisi quando cursu, cantu, ira, vino, humores valide moti, ac condensati sunt; unde eadem aqua gelida non nocebit multis, qui citra validum humorum motum, momento antea excitatum, sanguinem spuunt, vomuntve: sed & Venæ sectiones, motum humorum refrænantes, in

cau-

causa erunt, cur frigidus potus minus noceat; præterquam quod ipsa Hæmorrhagia motum humorum nimium jam in nimis debilem, ut in femina nostra, commutaverit. Multis etiam Hæmoptoicorum sanguis per se tenuior, condensatione quadam emendaretur, & ad continuandum sputum redderetur ineptior. *Multis Hæmoptoicorum* dico: nam Viro non propterquam spissus erat sanguis.

Atque hæc de metu inflammationis; si quis autem metueret, ne saltem gelidæ actione polypofus sanguis fieret, adeoque polypos ad vitalia loca, letalesque alibi generaret obstructions; hic non videretur attendere ad Adstringentia, quorum sane effectus idem præstaret. Hæc enim, quamvis theoretice difficulter in sanguinem intrare admittentes, præctice autem certo certius intrare concedentes, omnes uno

ore in Hæmorrhagiis laudamus, & præscribimus, absque eo, quod ejusmodi nocumenta inde adnotemus. Videtur gelida primo, universo corpori horrore incusso, vasa omnia corporis constringere, apertaue claudere; id quod Gelida omnia, in quavis Hæmorrhagia, sive interne, sive externe, applicata sint; præstare solent: sed secundo, eadem frigida aqua, Ventriculum refrigerando, suum frigus communicat cum Diaphragmate, cum subjecta Aorta, & Cava vena, cum Corde, ac Pulmone, motumque proinde sanguinis moderari, &, quominus qua data porta exilire posset, salubriter condensare videtur.

Sexennium & plus est, quod hocce experimentum in Hæmoptoë, aliisque Hæmorrhagiis, incitantibus ad id me Medicis Italis, laudare frequenter debuerim: cujus, qui historiam integram

gram nosse avet, adeat *Ill. L. B. van Swieten*
Comm. Tom. IV. a pag. 38. ad 42.

Haud abs re erit animadvertisse, feminam nostram spatio plus quam undecim annorum, quo *Ægrarum* mearum Custos fuit, acutis, imo inflammatoriis morbis, *septies* in Nosophorio decubuisse: ab acuto autem morbo, quem abhinc quadriennio passa esset, perpetuum pondus, levio-remque in Hepatis Regione dolorem esse conquestam; hac vero *Hæ-* morrhagia, a Ventriculi & dolore, & pondere, penitus liberatam esse.

Hippocrates sputum sanguinis, & a Pulmone deduxit, & ab Hepate. *Coac. No. 408. & 450.* In hanc rem meretur legi *Prosper Martianus* pag. 457. 458. & *Ballonius* Epid. j. pag. 41. Si Hepatitis salubriter *Hæ-* morrhagia naris dextræ judicetur, insalubriter ea naris lævæ, non video, cur etiam Hepar

non posset se Pulmone, aut Ventriculo exonerare. Est equidem difficilior, simulque periculosior, exitus morbi, ita ut *Hippocrates* priore textu dicat: *Quicumque spumofum sanguinem, spuunt dextrum hypochondrium dolentes de Hepate spuunt, & multi pereunt; in altero vero textu absolute mori testetur; attamen & tales evadere experimenta practica docent, magis autem si Ventriculo sese Hepar exoneret, quam si Pulmone. Saltem custos nostra ab antiqua Hepatis labe per Vomitus sanguinis trium Librarum, Libramque quartam alvo egressam, penitus liberata est.*

§. VI. *Curæ Viperarum, proxime præterito anno, memini, ejusque numerosiora promissi experimenta, in Morbis cutaneis pertinacissimis, inque summa Debilitate. Plurima equidem hoc anno experimenta feci, sed, de-*
fe.

fectu copiosarum Viperarum, non tot, quot volui, ac debui. In nonnullis minime profui, in aliis ad stuporem usque. Curabo in annum sequentem copiam Viperarum tantam ex *Italia* adferri, ut curam hanc magis elucidare queam.

§. VII. De Variolarum insitione, ejusque incertitudine, atque periculo, sat superque Tomo IX. egisse videor; nec forte scriptis ultra opus erit, cum exempla jam loquantur ubique. Eo jam devenum est, ut Viri in arte graves, ac venerandi, inoculationem non amplius profusis, ut quondam, encomiis, propagare nitantur; sed potius ipsius incertitudinem, & infortunia palliando, mitigandoque, a præcipiti ruina præservare, si fas sit, studeant. Qua sane in re candore ipsis innato, candore ubique scriptorum suorum resplendente,

Hi-

Historias bene multas, minimeque suspectas, infelicioris inficionis cum publico communicant. Inter alia Typis prodiit nuperrimo mense Aprili scriptum, Autore integerrimo, honestissimo, atque ad augendam Medicinam nato, confirmans *Roterodamensem* Historiam nobilis Angli *Manson* (errore scripsi in Tomo IX. *Anderson*) qui cum duos suos Filios veneno varioloso, ab eruditissimo, atque inoculandi expertissimo Medico, infic curasset, juniorem pessimis variolis, pessimisque earundem symptomatis, die 14. ab infitione, & 7. aut 8. ab incepto morbo, lugubri morte amisit; nullo interim in Cadavere ab Anatomes Professore vitio partium invento, præter nonnulla, (& quænam illa?) vermium indicia. Relatum & ibidem video id, quod Medicus ingenuus, testis observaverit autoptes, Puero scilicet

cet quadrienni ab ipsa peracta infectione pejus solito fuisse, brachium ab ipso suppurationis exordio incredibiliter doluisse, idemque ab inflammatione tumuisse insigniter, ac vehementi cum dolore gelatinosi humoris magnam exsudasse copiam, dolores exinde minores quidem fuisse, attamen per integras perseverasse hebdomadas; quamvis hoc in brachio nihil esset, quod non in altero, factum. Pari ingenuitate refricatur nobis ibidem memoria quinque filiarum Viri clarissimi *Schuster*, quæ ab infectionis peritissimo *Roederer* inoculatæ, singulæ deinceps variolis naturalibus laborarunt.

Afferuntur, fateor, quibus inoculationis infamia utcumque veluti tegatur, ratiunculæ: verum in quantum horum Virorum mihi perspicua sinceritas est, judicare debeo eosdem

haud ultra velle inoculationem inde propugnare, sed ad tetras has Historias id omne adhuc adferre, quod vel præoccupatissimus animo homo ad causam desperatam defendendam proferre posset. Id, quo firmitus credam, Epistola me cogit ab egregio Viro, inoculationis recentissimo, simul ac candidissimo Propugnatore, ad me his diebus data; in qua ingenuus fatetur se lapsu temporum erga inoculationem minus fieri præoccupatum, lubenterque eandem inutilem totam esse habiturum, si Variolas naturales tractandi Methodus ea, quæ in præsentiarum obtineat, inveniretur fortunatior. Quis autem clarum Virum non miretur, quis illum sibi, quod in litigiosis imitetur, exemplo non proponat, dum ipse ad feliciorum Methodum obtinendam viam pandere studeat, attentionem poscendo ad id, quod

quod sibi a clarissimo Professore *Petro-*
politano scriptum esset; nimirum *Petro-*
poli, inter 116000. cives Russos, anno
1764. decem modo homines a Variolis
periisse, eo quod Balneo vaporis, cu-
tem mollissimam & transpirabilem, red-
dente, in variolis utantur quotidie;
Balneum autem sic parari, ut fornaci
ingenti, ad determinatos gradus fer-
venti, gelida aqua adspargatur co-
piofa, quæ in vaporet confestim resol-
vitur: Variolas hac arte & commode
erumpere, & feliciter maturescere:
cæteris vero aliarum nationum civibus
urbis, qui ejusmodi balneo non utan-
tur, observari variolarum eandem,
quam alibi lugeant, mortalitatem.

Gratiis ipsi de communicata adeo
memorabili observatione actis, rogo
ut Dissertationem legat *Jenæ* anno
1745. a Doctissimo Viro *Daniele a Raas-*
veld editam, in qua pag. 34. hæc ver-

ba leguntur: „ Ipso hoc anno decur-
„ rente *Clariss. D. Daniel Fischerus, Hun-*
„ *garus, Ill. ac Rev. D. Nicolai Comit*
„ *Episcopi Csaky de Kereftzech Archia-*
„ *ter, & Ac. N. C. Collega &c. elegan-*
„ *tem edidit commentationem, Er-*
„ *fordiæ Thuringorum impressam, de*
„ *remedio rusticano, Variolas per bal-*
„ *neum primo aquæ dulcis, post vero*
„ *feri lactis, feliciter curandi, in co-*
„ *mitatu Arvensi, Hungariæ superio-*
„ *ris, cum optimo successu adhibito.*
„ In hac commentatione Doctissimus
„ Autor pag. 11. recenset, qua ratio-
„ ne variolosos tractaverit ad imita-
„ tionem incolarum comitatus *Arven-*
„ *sis, anno 1727. & 1728. Scribit:*
„ Grassabantur quoque apud *Seepusien-*
„ *ses variolæ epidemicè, cumque &*
„ *tenuioris fortis homines auxilium*
„ *sæpe domesticum, ut hic loqui*
„ *amant, expeterent, autor illis fui,*

„ ut

„ ut variolosos suos balneo tractarent,
„ & quidem statim quam primum
„ ægrotare inciperent, cum stricto
„ observato regimine mox describen-
„ do, & cautelis sequentibus, donec
„ vigori pristino variolosi restitueren-
„ tur. Regimen quod penes usum
„ balnei observabant, erat tempera-
„ tum, idque nec calidum nimis, nec
„ frigidum, uti *Thomas Sydenhamus*
„ postulat *Obs. med. circa morb. acut.*
„ *Hist. & Cur. acut. Sect. 3.*

Videt itaque Vir humanissimus ex
praxi civica *Petropolitana*, & rusticana
Hungarica, certicrem, tutioremque
Methodum Variolas naturales curandi
inventam esse; adeoque non defectu
ejusdem existentiae, sed applicationis,
plures mortalium a naturalibus Va-
riolis occidi, qui alias servarentur.

Præterlabi hic nequeo occasionem
monendi eos, qui Methodum *Tomo II.*

Rat. Med. Cap. 2. traditam, aut difficulter admiserint, aut suspectæ habuerint fidei, ut attendant, an Balnea crurum, manuumque, aquæ calidæ, aut aquæ calidæ cum lacte, bis die, ab ipso exordio febris variolosæ, ad usque variolosarum papularum exsiccationem; quibus etiam balneis tota humescat Conclavis Athmosphæra, interea dum corpus tepido aut calente, sed diluente maxime potu, in perpetua ad transpirationem dispositione servatur; cura interea religiose habita ne præ calidiore athmosphæra, loco materiæ transpirabilis, sudores, qui corpora exsiccent, ob idque transpirationem inhibeant, proliciantur: videant, inquam, illi, an nostra Methodus ob id ipsum etiam non potuerit, debueritque esse felix, ob quod ea *Hungarorum & Petropolitanorum* felicissima habeatur? Et an cura eadem, cu-

ræ cuicumque alii prælata, eandem cæteris Nationibus non pareret felicitatem, quam calidiore in climate *Hungaris*, & in frigidiore *Russis*? Sperandum est fore, ut *Galliæ* Regnum, quod Infitionis incertitudinem, ac pericula, iteratis exemplis experitur, ad ejusmodi methodum stabiliendam, animum serio advortat. *Batavis* dudum hæc res & cordi fuit, & successit; maxime cum inoculationis incertæ, infidæ, homicidæque, plura apud se exempla luxerint: sic quidem ut Amplissimus Senatus *Haganus*, hoc ipso elapso vere, Inoculationem, cui ea in urbe nonnullæ exteræ familiæ suam prolem submittere decreverant, publico Edicto vetuerit. *Amstælodami* pauci admodum inoculati hoc anno sunt, quos inter puella nobilissima, quæ, nulla Variola ad infitionem rite, si qua unquam, peractum suc-

ce-

cedente , se per omnem vitam fore
ab hoc morbo liberam certo certius
credere iussa erat , attamen in natu-
rales variolas demum incidit. At-
que hæc de hac materia
fatis.




ERRATA.

Pag. Lin.


- | | | | |
|------|-----------|--------------|--------------------|
| 64. | 4. | restituerunt | lege restituit. |
| . | 12. | superior | - superavit. |
| 67. | 9. | factæ | - facti |
| 71. | 5. | corticis | - corticis quo- |
| 79. | 3. | fi | - si (tidie |
| 158. | 16. | ne | - n ^o . |
| 169. | 10. | cum | - eum |
| 203. | ult. | viximus | - vivimus |
| 222. | 1. | spurcité | - spurcitie |
| 241. | 1. | lenta | - venta |
| 249. | 17. | sæpiunt | - sapiunt |
| 254. | 13. | Acutatorum | - Acutorum |
| 278. | 14. & 15. | etiam sic | - etiam si |
| 313. | 13. | Vir- | - Viri |
| 315. | 11. | vapores | - vapores |


ATA 5511














ANTONII DE HAEN

S. C. R. A. MAJESTATIS CONSILIARII
ET ARCHIATRI,

NEC NON MEDICINÆ IN HAC ALMA ET ANTIQUISSIMA
UNIVERSITATE PROFESSORIS PRIMARI,

PARS UNDECIMA
RATIONIS MEDENDI

IN NOSOCOMIO PRACTICO;
QUOD IN GRATIAM ET EMOLUMENTUM
MEDICINÆ STUDIOSORUM

CONDIDIT

MARIA THERESIA,

AUGUSTISSIMA ROMANORUM

IMPERATRIX,

HUNG. BOHEM. &c. REGINA &c. &c.



VIENNÆ AUSTRIÆ,

SUMPTIBUS HERMANNI JOSEPHI KRÜCHTEN.

M. DCC. LXVII.

WILLIAM WOTKIN

of the County of Middlesex

Esquire

WILLIAM WOTKIN

of the County of Middlesex

Esquire

WILLIAM WOTKIN

of the County of Middlesex

Esquire

WILLIAM WOTKIN

of the County of Middlesex

Esquire

WILLIAM WOTKIN

of the County of Middlesex

Esquire

ELENCHUS CAPITUM.

CAPUT I.

De Febribus intermittentibus pag. 1.

CAPUT II.

De Morbis acutis. pag. 90.

CAPUT III.

De Ileo Morbo. pag. 126.

CAPUT IV.

De Vario Hydrope. pag. 206.

CAPUT V.

Anatomica quædam , & Tabularum
explicatio. pag. 339.

CA-

RENECHER MOTIVATION

CHAPTER 1

THE HISTORY OF MOTIVATION

1.1 INTRODUCTION

1.1.1 THE HISTORY OF MOTIVATION

1.1.2 THE HISTORY OF MOTIVATION

1.1.3 THE HISTORY OF MOTIVATION

1.1.4 THE HISTORY OF MOTIVATION

1.1.5 THE HISTORY OF MOTIVATION

1.1.6 THE HISTORY OF MOTIVATION

1.1.7 THE HISTORY OF MOTIVATION


1.1.8 THE HISTORY OF MOTIVATION

1.1.9 THE HISTORY OF MOTIVATION

1.1.10 THE HISTORY OF MOTIVATION

1.1.11 THE HISTORY OF MOTIVATION

1.1.12 THE HISTORY OF MOTIVATION



CAPUT I.

DE FEBRIBUS INTERMITTENTIBUS.

§. I. II. III. *Febres Intermittentes tres pertinaces, quarum prima, alteraque, quodam Decocto curatæ, sine Cortice Kina; tertia partim eodem, partim Cortice. De triplice tumorum genere, quos febres intermittentes generare solent. De abusu evacuantium remediorum in genere tertio tumorum horum. Duæ Crises indurationis in Hypochondrio sinistro, per naris sinistræ Hæmorrhagiam; imperfectiores tamen, & cum alia crisi metastatica junctæ. Trium harum febrium posterior, tertiana primum fuit, dein quotidiana, ad tertiam usque vi-*
Pars XI. A ceni

cem recidiva. Quædam de incertitudine determinandi naturam febris, a priore ejusdem paroxysmo. Calor naturali calore major in frigore febrili, cum algore, & universi corporis concussione. Intermittentium quandoque æstus major, quam Acutorum. Suspecta Crisis, quæ per extrema manuum pedumque fit. Kina nonnunquam parva dosi rebellem febrem curat, referatque certo sensu Obstructiones. §. IV. Omnes notæ februm intermittantium Methodi recensentur, omniaque auxilia, quæ, ab omni ævo, a Medicis, Empiricisque, ad nostra usque tempora, ad febris hujus curam adbibita sunt. Si qua forte remedia desint, hæc postea facile suas erunt ad classes, hic expositas, referenda. Epicrisis ad singulam Methodum.

§. I. **M**ultiplices adeo sunt, quas Nosocomium, quasque nonnunquam quidam extra Nosocomium casus suppeditant, observationes, ut quid seligam ex illis, quid ordine prius, quid posterius referam, hæream

an-

anceps. Exordium tandem hoc anno a Febris intermittentibus capere visum fuit, 1.^{mo} quia hæ Febres multam sibi vendicant praxeos partem. 2.^{do} quia præcedentibus hujus operis tomis rarius egi de illis. 3.^{tio} quia difficilis sæpe earum Medicina est. Tandem 4.^{to} quia video juniores Medicos, quantiscunque meritis lauream apollineam adeptos, sæpe vacillantes; & an ne forsitan Vulgi Febrifuga, Agyrtarumque Arcana, Methodicæ curæ, quam in schola Medica didicerant, præferenda non forent, anxia mente perquirentes. His universis de causis primum nonnullas Intermittentes Febres pertinaciores, Symptomatibusve graviores, enarrabo; & adjuncta, quam singulis adhibui, methodo medendi, cunctas deinceps medendi methodos ad suas quasque classes referam, & exponam.

Vir quadragenarius, hortulanus, anno 1765. febre intermittente autumnali laboravit; a primo in alterum paroxysmum quartana, deinceps vero per mediam hyemem usque tertiana. Die 23. Jan. 1766. me convenit, adhuc tertianarius. Molestum patiebatur a febre aurium susurrum, ventris superioris pondus, viriumque defectum. Tempus febrim abigendi ratus, corticem peruvianum non dedi protinus, sed decoctum admodum solvens, quo & febrim, & febris tollere effectus possem. Formulam adscribam, cum postmodum sæpius ejusdem mentio habenda sit. Rad. Gram. Taraxaci ā. Lib. jβ. minutissime conscissa, & diu tusa, coque aqua pura bihorio: Colaturæ prælo fortiter expressæ Libr. iij. adde: Oxymell. simpl. Libr. β. sal. polychr. dr. vj. Unciam sumat quovis bihorio.

Siluit ad hæc febris. At vero tintus aurium continuabat, tumor sinistri Hypochondrii dolebat, tussisque matutina vexabat. Iteravi decoctum, jussique bis die ventrem, maxime quadrum, fricaret ante fornacem, unguento composito ex *Ung. martiato* & *Oleo laurin.* ā. unc. j.

Elapsis abinde quinque diebus, antiquas quærelas renovavit, febre omnino liber. Indicationi relicte morbificæ in corpore materiæ satisfactorius, repetivi eadem remedia : sed tormina ventris accesserant molesta. Suspecta hæc sæpe hic. *Citesius*, *Cabagnesius*, *Sennertus*, ex intermittentibus sic natam viderunt Colicam *Pictonum*. Consilio *Baglivii* diuturno florum *Chamomillæ* infuso hæc divici,

Continuatis sedulo his omnibus, materia febrilis a sede, quam in Hypochondrio sinistro occupaverat, & ex

Ventre, quem universum torminibus vexaverat, subduxit sese, Collumque undique deturpavit tuberculis. Sponte hæc evanuerunt. Mox vero furunculi varias obsident corporis plagas.

Sed aliud quid contigerat notabile. Tumor sinistri hypochondrii remissus quidem, collo sensim tumente; at simul larga admodum *naris sinistrae* hæmorrhagia accessit.

An descripta hæc sæpius ab *Hippocrate* crisis Splenis infarcti? Videtur; sed multiplex hic morbi universi crisis; & quidem Splenis, Hæmorrhagia sinistrae naris; totius autem materiae morbificæ, tumoribus colli, & furunculis.

Triplicis generis tumorum, febre intermittente oriundorum, naturam distinguimus. Primum genus eorum, qui in Ventre, nec raro in Hypochondrio lævo, nascuntur: nullius illi discriminis; imo ejus generis potius, ut
eos-

eosdem exoptaret Sydenham. Sic enim
agens de Febr. interm. Ann. 1661. . . .
1664. „ Observatu non indignum est,
„ inquit, quod cum febres autumnæ
„ læt teneram ætatem diu cruciarint nul-
„ la spes sit easdem abigendi, donec
„ Abdominis regio, circa Lienem præ-
„ cipue, indurari atque tumefieri oc-
„ ceperit: iisdem enim gradibus, qui-
„ bus hoc symptoma supervenerit, Fe-
„ bris etiam fugam meditatur. Ne-
„ que ex meliore aliquo Prognostico
„ morbum hunc brevi abiturum dixe-
„ ris, quam si sedula animadversione
„ suboriri hoc symptoma perspexeris.
„ Idem porro in Crurum tumoribus obtinet:
„ qui in Adultis aliquando spectantur.

Hoc sic se habere, ut Sydenham mo-
nuit, quivis experiuntur Practici; quod-
que de tenera ætate, quoad ventris
tumorem scribit, & adulta habet ætas;
sed crurum oedema frequentius. Vix

curamus hæc; utpote aut sponte ad reditum virium, aut levi frictione, disparentia.

Alterum tumorum genus est, quo vir noster laborabat; quippe quod viscera vel thoracis, vel ventris, altis infarcit obstructionibus: quibus debellandis multo sæpe labore, multoque est opus tempore: præcipue quando Icterus, quando Hydrops, quando Rachitis, adjunxerit sese. Huc mirifice eam curam, quæ viro huic adhibita est, conferre, experientia plurima constat. Quod si oppilatione viscerum maximam partem soluta, superstes ægrum debilitas tenet, Aquæ Martis divites, Mars ipse, ejusque varia præparata, Cortex Cascariglias, Peruvianus, Tamariscus, & quæcunque alia ex ditissima *Boerhaviana* classe secundi generis cardiacorum petuntur, hanc debilitatem emendant: potissimum si
aër,

aër, si regimen, si corporis motus, si frictiones, eundem collineant in scopum.

Tertium tumorum ejusmodi genus illud est, quod neglectis in principio febribus, natisve a febre obstructionibus, materiem irresolubilem, tam alte infixam in visceribus habet, ut in scirrhus hæc canculosque abeant; ut Icterus niger, isque irresolubilis, nascatur; ut Hydrops sive simpliciter Ascites, sive Cysticus, adjungat se: unde demum ab intermittente febre via ad lentam sternitur, calamitosamque sæpe mortem.

Hoc in statu nihil vitam, tolerabiliorem alias, diuturnioremque, reddere calamitosiorem, breviorioremque consuevit, quam multus evacuantium usus. Vel enim nihil, vel parum, vel multum, operabuntur. Si multum, vires prorsum demunt, quandoque in

indomabilem causam non agunt; interea dum humores minus pravos, qui vitam sustentassent, attenuando corrumpant. Si vix, aut nihil, hæc remedia evacuent, dissolvunt humores tamen, causamque hydropis adaugent. Cap. 2. luculento exemplo hoc confirmabitur.

§. II. Anni 1765. Dec. 3. juvenem 18. ann. suscepimus intra Nosocomium, cujus en historiam. Improbo labore dimidii anni, victu autem miserrimo, incidit demum in febrim quotidianam, cujus id singulare, quod frigus 12. ferme horas duraret, tumque demum ardor subsequeretur & cephalalgia.

Hanc febrim octiduo passus, narrat se septies sursum, quaterque deorsum, ab assumpto Emetico, multa ejecisse, nono morbi die venam sectam esse, nariumque subsecutam hæmor-

morrhagiam ; omnia autem citra vel minimum morbi levamen.

Die 15. morbi Libra fefquialtera vini, aqua commifti, pota, frigus febrile domari conatus, incidit mox in Dyfenteriam quatuor dierum : qua Rhabarbaro ceffante, æftum immoderatum frigoris loco experiebatur.

Sufcepto in Noſocomio valida febris advertebatur, pulſus durus, anxium pectus, cephalalgia vehemens, calor 103. graduum in Thermometro *Fabrenreitano*. Unde ſanguinis unciaë X. de brachio dextro eductæ ſunt. Moxque denſam cruſtam ſanguis utroque formavit in vaſculo. Febris vere Paracmaſtica, quarto exinde die, ſine ſpectabili aut perturbatione critica, aut evacuatione, ſic ceſſavit, ut diu poſt levis febricula ſuper'eſſet, dolorque in lævo Hypochondrio multum vexaret.

An-

Antiphlogistica Methodo Febris acuta cesserat.

Ab 8. Dec. ad 11. admodum vibrans in pulsu motus observatur, cum Hæmorrhagia unciarum duarum, naris quidem utriusque, sed sinistræ potissimum, mane; vespere denuo solius naris sinistræ, sesquiunciæ. Pulsus Dicrotus, *Solano* narium hæmorrhagiæ index, observabatur nunquam; sed, ut monui, pulsus mire vibrans, nunc utroque in carpo, nunc in alterutro magis, integro biduo fere.

Critica igitur solutio, ut in priore ægro, ita & in hocce, animadversa est, ast imperfecta: cessavit namque lateris sinistri dolor post hæmorrhagiam narium, potissimumque sinistræ; at vero ex hoc tempore quærelæ perpetuæ exaudiuntur doloris in Hypochondrio dextro, qui ad noctem ingravesceret, junctumque sibi molestum

ha-

haberet ardorem. Dolor porro iste, ardorque, ad finem mensis usque, regularem paroxysmum 3. 4. horarum quavis nocte observarunt.

Remedia hoc tempore mutari sæpius oportuit. Antacida quandoque danda erant, quod manifestum Venterculus testaretur acorem: nonnunquam antihelminthica, quod vermium præsentiam cum pessimus juvenis victus, tum præsentia quædam Vermium Symptomata, innuerent. Nulli tamen prodierunt.

Nec dolorem ardoremque varii generis Epithemata, Cataplasmata, Unguenta, Emplastra, vel hilum temperarunt. Bilis autem defectum, obstructionemve, quam alba atque argillacea excrementa indicabant, Sapo venetus cum Aloës tantillo, paucorum spatiorum emendavit.

Anno 1766. a 1. Jan. ad 13. usque, cepit pomeridiano tempore frigere, horæ, bihorii, ultraque spatio, rarissime notabili aliquo subsequente calore. Sicut ob paroxysmum mediam post noctem, huncque pomeridianum, Febris esset quotidiana duplicata. Cortex necessario nunc indicatus, appetitum restituit quidem, diurnumque paroxysmum fregit, at vero nocturnum minime; qui constanter frigore bihorii, calore, ardore, dolore dextri hypochondrii, per aliud bihorium vexabat. Fracto quinimo diurno per corticem peruvianum insultu, lenta febricula, magna cum inquietudine, successit.

Interim quam demum morbi sedem figeremus, ancipites fluctuabamur. Hepar affectum esse, cum indicare locus, tum alba argillacea excrementa innuere poterant; at bilis restituta functione, nihil eo in loco mutatum fuit.

fuit. Venter acore affectus videri poterat, vermibusque venter; sed idonea ad hæc remedia incassum data erant. Et ut Symptomata nos de sede naturaque morbi certiores non fecerant, multo adhuc minus Viscerum situs: quem adeo varium, adeo sæpe alterum pro altero collocatum, olim deprehenderamus, ut convicti essemus, nos in vivo homine situm viscerum sæpius non, nisi conjecturando, assequi. Id saltem patebat, juvenem duram suam, ac miserabilem vitam, impune non gessisse; gravemque atque pertinacem in eo latere, quæ miram hanc febrem aleret, ingeminaretque, adesse originem.

Quapropter die 16. Jan. cepi ipsi dare Decoctum saturatissimum graminis, &c. ut ægro priori; Epigastriumque bis die inungi, ac fricari curavi, unguento quod ex ung. Arthanitæ & Martiato à unc. j. Gummi ammon. acet-

to

to soluti dr. iij. compositum erat. Quod unicum remedium internum externumque, diutissime autem continuatum, frigus nocturnum alterna primum nocte, tandem integrum, superavit; paulatimque primo dolorem, postmodum ardorem, fugavit. Sub hac cura rediit adhuc album atque argillaceum excrementum; continuato tamen remedio brevi evanidum; cum alvo tandem ter-na quaternaue singulo die, torminosa sæpe, nunc liquidiore, nunc compactiore, semper autem flava, pulcre curatus est; sic ut 15. Febr. ædes maternas repeteret, Decoctoque ibidem per Mens-
sem adhuc usus, firma atque robusta valetudine frueretur.

§. III. Rusticus 18. annorum, gracilis, temperamenti biliosi, in pueritia tussi convulsiva, diuturna admodum, male habuerat; exinde vero sanissimus, corpus jam ante ætatem obfirmatum,

at-

atque induratum, rustico, labore, habebat. Medio Junio proximè elapso, febre tertiana sic corripiceperat, ut priores tres paroxysmos hora 9. matutina experiretur, reliquos quinque ad 3. in aurora. Frigus 3. aut 4. imo semel 6. horas, cum sensu interni externique algoris, universique corporis concussione durabat; calor molestus, haud vehemens tamen, simile fere temporis spatium emetiebatur. Unicum vero symptoma, toto tempore febris, valida scilicet ac sicca tussis, frigoris æque quam caloris tempore, vexabat ægrum: cæterum nulla unquam cephalalgia, nullæ nausæ, vomitusque, non Ventris tormina, nec ullum consuetum februm intermittentium Symptoma, affuerunt. Febris vero paroxysmo absoluto, Cephalalgia oboritur, quam in noctem usque patitur, si lecto inhæreat; brevi vero amittit, si exsur-

gat. Absoluto paroxyfmo, mox fa-
mes adest, & urget; totoque die inter-
calari faniffimus, fummo cum appeti-
tu comedit, digerit, & naturaliter quo-
tidie egerit.

Rogatus nullisne effet medicamen-
tis ufus, respondit pulverem a Chirur-
go datum in primo paroxyfmo fuiffe,
qui nihil operaretur: die autem post
primum paroxyfimum libero Electua-
rium fumfiffe, quod bis vomitum,
bis moviffet alvum. Tandem, sexto
paroxyfmo ingruente, a vetula fpiri-
tus vini haustum, multo cum pipere,
propinatum effe, cum ea tantum mu-
tatione, ut frigus pro more adeffet,
eique folito intensior calor fuccederet,
feptimus autem & octavus paroxyf-
mus more folito pergerent.

Sanus autem, fi quis unquam, fe
nobis ftitit altera ab octavo infultu
die, petiturus auxilium. Ipfo autem
hoc

hoc die hora matutina nona, ea scilicet hora, qua tres priores paroxysmi adorti erant, febris rediit; ab eodemque die, eadem præter propter hora, quotidie adfuit: sic ut 9. Julii, dum suo de pago rediisset, eundem in ipso *nono* quotidianæ febris insultu videremus. Insultus porro hi nullo modo differrebant ab iis tertianæ; tussis in utrisque molesta, cum absentia quorumvis aliorum febris symptomatum, cum Cephalalgia post absolutam febrim, quæ pro more jacenti diu persistabat, surgenti vero exulabat brevi; cum appetitu mox a febre valido. Unica tamen hæc observata disparitas, quod licet in utraque fere æquale esset caloris frigorisque tempus, tempus tamen durationis universi paroxysmi febris quotidianæ dimidium tantum esset ejus, quod Tertianæ expleverat paroxysmus. His bene consideratis,

febrim in quotidiana æque diuturnam patiebatur, sed jam in duas divisam: in tertiana octo horarum, horarum quatuor in quotidiana.

Hic attente omnia considerata sunt. Quæret forte quispiam an, a datis ad Tertianam remediis, Tertiana in Quotidianam transierit? Sciat autem is Quotidianæ Paroxysmum jam adfuisse, antequam misturam diluentem, atque attenuantem quam ad Tertianam dederam, degustasset. Hanc ille posthac in Quotidiana, post paroxysmum, sine ulla morbi mutatione assumpsit.

De industria noto quosvis hujus quotidianæ Febris Paroxysmos eorum simillimos fuisse, qui Febrim Tertianam constituissent; eo quod Medici nimis universaliter videantur differentias, ut vocant, essentielles, inter utriusque hujus intermittentis febris paroxysmos,

ag-

agnoscere. Notavi pariter horas invasionis singuli paroxyfmi utraque in febre; quia etiam justo generalior est eorum assertio, qua ab ipsius primi paroxyfmi invasionis hora, dieique tempore, internosci doceant, cujusnam generis intermittentis futura hæc febris sit. At vero nos & in hoc juvene, & in innumeris aliis, talem observavimus horum signorum inconstantiam, ut lex firma ex ejusmodi observatis condi nequeat: sed de hac quæstione postea latius.

Juvenem tunc in Nosocomio detinui, usque ad Augusti finem: sic ut quæ nunc enarrabuntur, sub nostro contingerint conspectu.

Quotidiana hæc febris novem consuetos paroxyfmos absolvit; in decimo vix levem percepit admonitionem æger.

Observavimus *momento* ante paroxyfimum nonum, & levem illum deci-

mum, juvenem cum pulsu lento, pleno, forti, pancratice valentem: Frigoris invadentis momento eundem concuti, deque Viscerum suorum conquerentem algore. Solus apex nasi, non lobi aurium, nec frons, nec genæ, nullaque pars externa universi corporis, frigebant attactu, quantumvis de eorundem frigore vehementer conquere retur. Ipsumque Thermometrum Fahrenheitianum gradum 101, scilicet 4.5. 6. gradus caloris supra naturalem, signabat. Pulsus interea æqualis, fortis, naturali ejus modice tantum celerior. Vix læsa Respiratio.

In termino illo, qui finis frigoris est, principiumque caloris, calor thermometri idem fuit. Respiratio tunc celerior fortiorque.

In æstu febrili notabat Thermometron 104. gradus, qui in multis acutis nec major esse, nec diu tantus persta-

re solet. Pulsus jam vix eo celerior, qui in frigore febrili, sed paulo fortior.

An frigus unice a minore attritu? Unde ergo tanti frigoris perceptio, tremor, concussio, quando calor, thermometro exploratus, aliquot gradibus calorem transcenderet naturalem?

Medicamenta autem data ipsi hæc fuere. In frigore febrili bibit singula hora calidum vasculum decocti *Avenæ*, cujus binis in libris manipulus florum *Sambuci* infusus, ac Mellis puri unciae duæ commistæ erant; idemque in subsequente æstu continuavit: Paroxysmo autem absoluto, evacuavit quotidie Libras duas *Aquæ avenæ*, mistas cum unciis duabus *Rob. Sambuci*, & dragma *Nitri puri*. Continuavit hoc ultimum remedium diu a cessante jam febre, eo quod levior Ventris durties, quæ sub febre

quotidiana percipi ceperat, hujus sub usu disparere deprehenderetur.

Liber itaque a febre Rusticus, integra videbatur frui sanitate; id unice alienum a sanitate habens, quod pro læte rubicundo colore, qui, ipso, ejusque fratre, testibus, vultum in sanitate ornaverat, color nunc conspiceretur ferme ictericus, quamvis cæterum nulla signa Icteri adessent, jamque omnino mollesceret Venter.

Cessante febre hac, mox arena copiosa, & in urina, & ad vasis latera, observari cepta, multoties posthac in urinis comparuit, flava aliquando, potissimum autem subrubra.

Contigit autem, quotidiana febre penitus cessante, ut juvenis perciperet dolorem in parte pulposa pollicis pedis sinistri, nec nisi tertio die eandem indicaret nobis. Parvum tumorem tunc vidimus, suppurantem. Crisin
for-

forte naturam huc versus molientem
 suspicati, cataplasmate emolliivimus
 eum, biduoque post aperuimus. Ef-
 fluente vix semicochlearis quantitate
 puris, totum mox consolidatum fuit.
 Unde accidens quidem illud, criticum
 autem minime fuit: ἔθεν γὰρ ὀλίγον κρι-
 σιμὸν Galenus dixerat; & quæ sequun-
 tur, id confirmant.

Si tamen criticum naturæ molimen
 fuisset, suspecta hæc crisis fuisset. Co-
 acarum No. 68. damnaverat Hippocra-
 tes critica ad extremas manus pedes-
 que conamina. Τὰ, ἐν χερσὶ, καὶ ποσὶν
 ἐρυθρήματα ὀλέθρια Et Epid. 2. apud
 Foësiūm 1003. „ Quemadmodum
 „ Timenei sorori, ex valido morbo
 „ quid ad digitum abscedebat : ἔχ
 „ ἱκανὸν δὲ δέξαθαι τὴν νῆσον; sed quia di-
 „ gitus non erat locus aptus ad exci-
 „ piendam materiam morbificam, re-
 „ cidivam femina passa est, & periit.

„ Et *Epid.* 4. pag. 1131. „ Undeci-
„ mo die, bono, critico, ad dextræ
„ manus digitum majorem inflamma-
„ tio, septimoque post abscessum die
„ mors. „ Miserrime morientem vi-
dit *Ill. Præses* hominem, cui Pleuriticus
dolor tertia morbi die in extremis pe-
dibus resedisset. Nunquid loca hæc
nimis cum tendinosa, tum nervosa,
quam ut acrem morbi ferant mate-
riem? An defectu cellulositatis suffi-
cientis non possunt hæ partes morbi co-
piosam locare, transmittereque mate-
riem? Quæcunque sit hujus observati
causa, observatio facta confirmataque
sufficit nobis. Sin tamen exempla pro-
stent hominum, post similes crises fa-
natorum, admittimus ea libenter; cum
vel sub ejusmodi critico molimine, Na-
tura viis aliis eliminaverit tunc id, ad
quod eliminandum extremitates digi-
torum ineptæ fuissent; vel casus rarif-
simus

simus existat, qualem *Ill. Præses cap. de Pleurit.* describit. Sed rarissima exempla non destruunt Naturæ & Hippocratis leges, quæ, id, quod ὡς ἐπὶ τὸ πολὺ contingit, continent.

Interim nos dolentem juvenis pedem ad maturationem, seu potius ad exitum materiæ disponentes, nemo condemnet. Nostri enim officii est, si v. g. ad Coxam, ad Oculum, aliave inidonea loca, morbi materies copiosa jam adest, suaque turgescencia immanes creat dolores, exitum ipsi parare quantocytus, ne moram trahendo destruat, quas obsidet, partes.

Sed e diverticulo in viam. Consolidato brevi hoc ulcusculo, color mansit fusco-flavus. Inquietus de illo, exploravi, quid solvens nostrum Decoctum, quod priori & alteri ægro profuisse supra constitit, hic efficeret, media ejus uncia singulis horis data.

In-

Interim die nono ab ultimo paroxysmo elapso, inopinato contigit, ut juvenis noster, mox a levi ac frugali prandio, quod ad undecimam antemeridianam in Nosocomio datur, frigore per horam, perque alteram horam calore, corriperetur; consueta Cephalalgia subsequente.

In frigore febrili thermometron gradum caloris naturalis præter propter notavit, gradum scilicet 95. Orto vero calore febrili 101. gradum, summoque in æstu gradum 105. Pulsus in frigore celer, vix fortis; in calore non celerior, sed fortior.

Finito toto intra bihorium paroxysmo, dolor capitis duas adfuit cum dimidia horas. Postquam appetitus rediit, cum cæteris optimæ sanitatis signis.

Altero die ad meridiem brevior leviorque paroxysmus. Porro utitur,
ut

ut olim, in frigore febrili infuso suo
florum Sambuci, & extra Paroxysmum
Decocto solvente, nudius tertius præ-
scripto.

Tertio die insultus gravior. In fef-
qui alterius horæ frigore thermome-
trum notavit gradum 101. in calore
autem vix integræ horæ gradus 106.

Ad eandem circiter horam febris
quotidie rediit, corpus in apyrexia sa-
num relinquens, usque ad Paroxys-
mum xviii. Eo autem absoluto, æger
nocte vix dormivit, anxius fuit, sapo-
remque veluti putridorum piscium con-
questus est. Unde ad 8. matutinam
sumsit unc. iiß. *Aquæ Laxativæ Viennen-*
sis, pariterque ad horam 9. Hora 11.
inde alvus compacta copiosa, & hora
dimidia post laxa alvus, in frigore fe-
brili adhuc ter, bisque post febrim.
Frigus sub actione purgantis trium tan-
tum-

tummodo horæ quadrantum, vix ullus calor.

Sequenti die vix observata febris: nulla febris die tertio, quarto, quinto, sexto. Recidiva igitur quotidiana febris cessasse videbatur perturbatione purgantis.

Sed color ictericus interim perseverabat. Prosequebatur ob id accurate Decoctum in 22. diem.

Septimo autem apyrexiae die febris quotidiana tertio rediit, trihorio post prandium, atque ita ad eandem fere horam quatuor sibi subsequenter diebus: ea tamen cum differentia, ut solum frigus, vix ullus calor, adesset; quæ quo demum pacto cessaverit, mox patebit; præmissis aliquot observationibus.

In omnibus octodecim Paroxysmis Recidiva primæ quotidianæ thermometrum semel, ut monui, gradum 95. notavit, cæterum vero semper 99. aut
100.

100. aut 101. Igitur ægro algorem internum, corporisque moleſtam a frigore concuſſionem, amare conquerente, calor fere ſemper 4. 5. gradibus fuit naturali major. In ſummo calore thermometer gradum 104. 105. 106. 107. 108. ſignabat; quales gradus vix unquam, niſi paucis admodum horis, febres acutæ, peracutæ, acutiſſimæque, notare conſueverunt. Patet inde intermittentes febres magnam in ſolidis, fluidisque, inducere mutationem, lentos humores coquere quidem, ac vaſa, certo modo inertia, ſtimulando animare, debitumque in motum ſæpe excitare poſſe; verum quoque humores aut nimis diſſolvere, aut diſſatis ſubtilioribus, inſpiſſare; fibrisque, quæ, quo agant, non ſtimulo, ſed reſtaurante cardiaco indigeant, ſummam flacciditatem, invincibilemque atoniam facile conciliare. Cum id tot exempla

pla confirment, limitato sane sensu vis intelligenda proverbii est : *De intermittente, ac præsertim de Quartana, non sonat Campana.* Unde & regula petenda est, intermittentem febrim aut linquendi sibi, aut abigendi ; ut mox patebit.

Sitis in paroxysmis his, frigoris tempore maxime, intensa sic, ut bi-horii spatio Libras 4. 5. 6. infusi sui evacuaret.

Notavi superius Paroxysmos tres priores Tertianæ febris hujus juvenis ad 9. matutinam, quinque posteriores ad tertiam in aurora invasisse. Quotidianam primam exacte servasse horam nonam matutinam, quæ non ultimorum, sed priorum Tertianæ Paroxysmorum erat hora invasionis. Quotidianæ vero Recidivam priorem adortam juvenem ad meridiem esse, primo quidem mox ubi pransus esset, reliquis autem diebus sine prægresso prandio.

Tan-

Tandem constitit Quotidianæ Recidivam alteram bihorio trihoriove serius invasisse. Confirmant hæc, quæ supra monui, de incertitudine genium febris, naturamque determinandi, ex tempore primæ invasionis.

In hac demum altera Quotidianæ recidiva, seu intermittente febre quarta, lassitudo perpetua animadvertatur, virium notabile appetitusque decrementum, nocturni sudores, insomnia, inquietudines tantæ, ut, ne tandem hæc febris cum corpori noxia foret, tum morbos inferret alios, justam nobis incusserit formidinem. Sistendam ergo arbitrati, dedimus ægro dragmam Corticis Peruviani ad 6. vespertinam; alteram dragmam ad 10., tertiam sequenti mane ad 6., & ultimam ad horam primam pomeridianam. Febris nec eo die, nec sequentibus,

ad assumtam quotidie mediam Chinæ unciam, unquam rediit.

Stupenda autem erat, quam a primo die assumti Corticis observabamus, mutatio. Mox enim vires exsurgabant, redibat appetitus, animus erigebatur, bona alvus, bonæ urinæ, eæque nonnunquam pulcre hypostaticæ, comparebant; &, quod maxime notabile, pertinax subictericus color sensim disparebat, intraque decem dies plane aberat. Sic ineunte Septembri perfecte sanus Nosocomio exivit, corticem per unam, alteramve septimanam adhuc sumpturus. Domi suæ continua sanitate fruitur hucusque.

Numquid Cortex Chinæ, febrim virtute febrifuga tollens, simul sua restaurante facultate Systema biliosum emendavit, ut remediis solventibus æger postmodum non habuerit opus? Videntur ejusmodi existere casus: sed ne nos
iidem

iisdem iusto audaciores reddant, caveamus. Omnino enim credibile videtur Decocto resolventissimo, quatuor prope septimanas usurpato, Viscerum ac potissimum Jecinoris, multum resecatas obstructions fuisse, ut demum superveniens virtus chinæ roborans, opus reliquum absolverit. Febris enim Tertiana, Quotidiana deinde bis recidiva, & cutim pertinaciter defœdans subictericus color, non merum, non simplicem, non causa materiali carentem, febrilem motum notabant, sed vitium quoddam jecorarii Systematis, quod primo virtute solventis remedii multum emendatum, demum penitus vi restaurante Corticis devictum est.

§ IV. Plures profecto ejusmodi historias elapsus proxime annus Academicus suppeditavit: verum cum earum relatio fastidiosa forsan prolixitate displiceret, sermonem abrumpo, meque

ad necessaria quædam Corollaria convertito; quæ suggessit varia methodus febres intermittentes curandi, & ab aliis, antequam ægri ad nos venirent; & a me, postquam curæ meæ traditi essent; adhibita.

Methodos has varias, divisas in hæc, quæ fieri in paroxysmo oporteat, & in illa quibus extra paroxysmum opus sit, optimus Boerhaave compendiose recenset *cap. de febr. interm.*

In frigore febrili vult ut aperientibus, salinis, alcalicis, mineralibus, diluentibus, oleosis, blandis, calore, motu, fotu, frictione, utamur; hunc in finem dedimus ægris nostris infusionem calide potandam florum Sambuci in aqua Avenæ, cum melle & nitro; in calore autem Aquosa, calida actu, commendat, cum subacidis aperientibus nitrosisque permistis, vel & Cichoraceis, similibusque blandis aperientibus, quiete. Tandem sudoris tempore

pore prodest *Ptisana vinosæ*, *jusculis car-*
nium, *decoctis temperatis*, *sudori urinæque*
reddere materiem; sicque hæc non vi calo-
ris, *medelæ*, *stragulorum*, *exprimere*, sed
copiâ auctâ promovere, quam blandissime
 Et diu. Quæ æger noster ultimus in
 frigore febrili sumferat, cum in bre-
 vioribus ejus paroxysmis quoque pro-
 desſent, caloris, ac sudoris tempore,
 continuavit eadem. Mutamus hæc in
 aliis, prout ægri mutatione opus ha-
 bere videntur.

Quæ autem extra febrilem insultum
 facienda sunt, sic enarrat: Primo qui-
 dem Emeticum dandum: Quin abundan-
 ti colluviei in primis viis . . . vomitorium
 sæpe prodest tollendæ, dando ante Paro-
 xysmum eo spatio, quo ante hunc effectum
 præſtet. Id faciendum cognoscitur ex victu,
 morbis, symptomatibusque prægressis, nau-
 ſea, vomitu, ructu, tumore, halitu, sordibus
 linguæ, gutturis, palati; anorexia, amaro-

re oris, vertigine tenebricosa : & absoluta operatione dato opiato sedatus ante febrim tumultus sit.

2. Purgans; quod vir magnus iisdem cum indicationibus, tum caute-
lis, quam Emeticum, dandum cenfet.

3. Suadet utrumque hoc remedium minus evacuandi, quam stimulandi, scopo. Ut & prodest idem dum stimuli instar movet utrumque. Utrumque autem repudiat, deficientibus his binis indicationibus. *Aliter nocet, inquit, dum debilitat, liquidissima elicit, digestiones hic imprimis necessarias, turbat, sicque diuturnitatem morbi, vel & mortem producit. Dura, sed vera, in eos sententia, qui emetico, & purgante, vel alterutro, omnem intermittentem febrem aggrediuntur !*

4to. Sudorifera. Frigus & febris sudorifero hic tollitur sæpe, dum aliquot ante tempus cognitum futuri paroxysmi horis,
li-

liquido aperiente, diluente, leviter narcotico, repletur corpus ægri: deinde una hora ante malum excitatur sudor, & continuatur, donec binæ ultra tempus initii paroxysmi elapsæ sint horæ.

5to Venæ sectionem; quam non nisi casu prodesse statuit.

6to Tenuem, exactamque diætam, casu tamen unice proficuum.

7mo Corticem Peruvianum: Si autem febris autumnalis vehemens, corpus ex ægritudine debile, morbus jam aliquo tempore duravit; neque adsint signa internæ inflammationis, neque collecti alicubi puris, neque obstructi admodum hujus illiusve visceris, cortice peruviano abigetur.

8. Epithemata, & Epicarpia.

9. Inunctiones spinæ dorsi.

10. Adstringentia epota.

Commentari hæc decem curationis capita animus neutiquam est, cum existent consummatissimi Illustrissimi Præ-

fidis in hæc commentarii: lubet autem universam praxim percurrendo, examinare in quavis five Methodo, five Empeiria, quid boni, quod imitere, insit; quid mali, quod evites; quid ineptum, quod abjicias; quid demum periculofum, quod damnes. Recensitionem hanc junioribus medicis, quibus hæc scribo, utilem fore puto.

Ordinem inverto, inchoaturus ab Articulo sexto, qui de tenui exactaque Diæta agit. In quavis enim indicatione ea, quam vitalem vocant, perpetuo obtinet principem locum.

Igitur *Primo*, ad febrim intermittentem curandam, Authores quosdam Diætam exquisitam atque tenuem commendasse meminit *Boerhaavius*. *Celso* referente *Heraclides Tarentinus* hanc diætam vehementer commendaverat; ipseque *Celsus*, licet *Heraclidi* hac in re non assen-

assentitur, videtur primis 14. diebus, tentasse eandem.

Hippocratem hujus sententiæ non fuisse, prima Aphorismorum sectio fidem facit: *Tulpius* Quartanariis funestam fuisse exemplis evicit: *Boerhaavius* casu tantummodo profuisse narrat.

Illud interim verum ab altera parte est, pleniore Diæta homines non raro impetus febriles augere, ipsamque perpetuare febrim; nec facile curari eos, qui suos liberos a febre dies epulando, commessandoque, transigunt: regula ergo statuenda est, ne in alterutrum inclinando quis peccet.

In omni seu acuto, seu chronico morbo, indicatio vitalis cæteris prævalet indicationibus. Si vires vel copiosiore nutrimento, quam digerere subigereque queant, opprimantur; vel si debiti defectu nutrimenti fatiscant; merito veremur, ne morbus na-

turæ prævaleat, succumbatque ægrotus. Quamobrem, si bene appetat ille, si bene digerit, egeritque, Victu utatur eo, qui ad has facultates conservandas requiritur. Viribus sic manebit aptus, qui crudam morbi materiem concoquat, expellatque concoctam. Sanus si laute, si multum, comedere consueverat, plura utique illi erunt, quam isti, qui tenuius, concedenda. Qui bis ter comedere, dum valebant, soliti, etiam his ob consuetudinem consulendum: plus hyeme, ob maiorem voracitatem, quam æstate: plus hominibus nationis voracioris, quam illis, qui frugalioris sunt. Et quibus semel, aut bis, & plura vel pauciora, & per partes, (offerri conducatur) videndum. Concedendum autem aliquid & consuetudini, & tempestati, & regioni, & ætati. Aph. Sect. i. n. 17. Ipsaque tota hæc sectio pulcherrimas regulas

gulas continet, quas secuti Practici, ordinata recte Diæta morbi curationem promovebunt.

Peccant itaque adversus has *Hippocratis* leges, morbosque peiores periculofioresque reddunt, qui nihil nisi tenuem diætam crepent, ne ægri morbum, ut ajunt, nutriant. *Hippocratis* præcepto, & exemplo, ægris nostris, febre intermittente laborantibus, alimenta damus talia, tanta, totiesque, quam & consuetudo, & facilis eorum tolerantia, concedunt. Sin vero pluribus assuetis jam præ vi morbi viscera iisdem ferendis non sint, nos, & præparatione tenuiore, & parciore quidem, sed frequentiore exhibitione, id reparare ac supplere conamur. Ægris, qualis noster juvenis erat, carnes teneriores, olera, levia farinacea, quibus a puero assueverunt, vinique modicum, quo vix carere nostrates queunt.

unt , concedimus , quamdiu viscera hæc commode ferunt. Contrario autem modo in Nosocomio fit , si homines paucioribus , tenuioribusque assueti sint , ne majore solito copia Viscera onerentur. Ceterum hac elapsa adhuc æstate Medicinæ Auditores viderunt languentem , acuto in morbo, Coctionem, cauta plenioris victus concessione sic emendatam , ut brevi morbus ad Crisin aptaretur ; qua instante, ad ejusdem aureas *Hippocratis* leges , nonnihil iterum de hoc victu pleniore detrahebatur. Cæteroquin id quod *Tulpius* , ut supra memoravimus , idem quivis advertere Practici , exquisitiore Diæta ægrorum vires sic minui , collabique , ut coctioni impares in morbum cum pejorem incidant , tum protractiorem.

Secundo *Emetica* laudantur. Eaque alii exhibent remoto admodum a futuro

turo paroxyfmo tempore, ut diu compositus fit, qui corpori inde concitatus fuerat, motus: alii, ut hic monet Celeberr. Boerhaavius, paucis ante Paroxyfimum horis; quo morbi materiam turbent sic, ut exquisitam intermittentem febrim pertinaciter non perpetuet.

Hippocrati fane ignotum consilium non fuit. Libro de *Affectiōibus* pag. apud *Föesium* 520. Si autem *quartana* prehenderit, inquit, ἢν μὲν ἀνάθρατος ἦ, siquidem impurus fuerit, primum quidem caput purgandum, & tribus aut quatuor interjectis diebus Φάρμακον δίδοναι ἄνω, κατὰ αὐτὴν τὴν λήψιν, medicamentum fursum evacuans exhibendum est sub ipsam febris accessionem. *Celsus*, & apud *Celsum Asclepias*, idem suadent.

Salubre *Hippocratis* consilium imitati quivis sapientes Practici sunt, ubi impurus æger erat. Est duplex hic nota-

tan-

tanda impuritas : altera est ea , in qua jam ante morbum viæ primæ fordibus scatent ; altera quando , etiam citra has prægressas fordes , ea febris epidemicæ intermittentis constitutio est , ut fere semper quid corruptæ bilis ad præcordia colligatur , qualem *Sydenham* Sect. 1. cap. 3. descripsit. Ast vero tertio præter ejusmodi impuritates *Boerhaave* emeticum laudat , quatenus stimulando moveat materiam febrilem , turbet eandem , confundatque ; quo , fracto febris impetu , exquisita ipsa , diuturnaue , desinat esse.

Triplex hæc Emeticorum indicatio Medicos movit permultos , ut fere nunquam curam febris intermittentis , nisi ab Emetico , inchoarent , & bis , ter , pluriesque repeterent , suamque in curandis intermittentibus febribus ubique jactarent felicitatem. Et ut Expertissimus *Thomson* in Tomo 4. Act. Edimb.

Edimb. fortunatam suam 20. annorum Praxin laudat, qua Emeticum det eo frigoris febrilis momento, quo æger primas nauseas experitur; aut si non in frigore, saltem mox ad nausæ in calore principium; ita innumeri alii hanc methodum, tanquam præstantissimam, commendant, laudant, observant.

Hæc tamen *Hippocratis* consuetudo non fuit, non fuit animus. Cur enim monuisset adeo circumspicere non esse dandum, nisi hominis id posceret impuritas, Emeticum? Nec veretur *Sydenhamus* inter febris protractæ, imo lethalis causas, Vomitoria referre. Ipseque *Boerhaavius* datum Vomitorium præter tres datas indicationes nocere ait, dum debilitat, liquidissima elicit, digestionem hic imprimis necessarias, turbat, sicque diuturnitatem morbi, vel & mortem producit. Hinc toties *Practicorum Libri*;

bri ; hinc toties nos, hujus Methodi universalitatem lugemus.

Ubi vero id dandi vera indicatio est, ut detur brevi ante Paroxysmum, Votorum pluralitas est. Sub ipsam accessionem ab *Hippocrate* datum jam vidimus. *Amatus Lusitanus*, qui multas eo modo feliciter patratas a se curas jactat, hujus Evacuationis, inquit, die paroxysmi ratio assignatur talis, quia commotione agitata materia, facilior ad expulsionem redditur: quam divinus *Senex* contemplatus in *Quartana*, die paroxysmi, phar-macon dare mandat. Adstipulatur *Forestus* quoque *Libr. 3. de Febris*, Quidam, ait, in initio hujus febris vomitum provocant, & ante paroxysmum, vel initio paroxysmi: hujus remedii tanta vis est, modo recte instituatur, ut multi hoc unico praesidio convaluerint. Dabat *Thomson*, ut vidimus, illud quoque in frigore, aut calore, ad primas nauseas: *Sydenham* vero

vero & *Boerhaave*, videntur in suæ quisque nationis dispositione id notasse, ut si dandum emeticum esset, illud daretur adeo mature ante futurum insultum, ut turbatio corpori inde nata sedari paregorico posset, priusquam adesset accessio. Hinc nulla regula generalis est. Observatio regionis, tempestatis, temperiëi, ætatis, sexusque, adeo ab *Hippocrate* commendata, regulam determinat.

Tertio *Purgantia* laudantur. *Hippocrates* ea conditione, ut supra, Vomitorii, ita & hic *Purgantis*, extitit laudator. Et primo quidem in eodem *Quartanario*, cui ob impuritatem docuerat emeticum dandum esse, rursus, inquit, aliquo intervallo interjecto, aliud Medicamentum deorsum purgans, ἐν αὐτῇ τῇ λήψει, in ipsa accessione, dandum erit.

Subjungit autem mox hæc de Tertianæ febre; in qua nullum emeticum fuasit; cum febris tertiana detinuerit, si impurus tibi æger videatur, quarto die medicamentum purgans dandum est. Φάσμακον hic simpliciter dixit, non addendo ἄνω vel κάτω; unde quidem Emeticum æque, quam purgans, quis forte intelligeret; verum cum, notante Galeno pluribus in locis, Hippocrates nihil ad Φάσμακον vel ad Φάσμακόντιν addendo, Purgans alvinum intelligat; cumque Foesius diserte notet, hanc ejus significationem in confesso esse apud omnes, qui vel minimam habent ejus dictionis notitiam; certo videtur hic de alvina purgatione Cois locutus. Repetitque idem de Tertianæ præceptum iisdem pene verbis *Libr. 2. de morbis.*

Intentione itaque Hippocratis in Emetico, & Purgante dandis, eadem existente, condemnantur consequenter omnes,

omnes, qui quacunque intermittente in febre Purgante opus esse contendunt. Sydenham & Boerhaave limitarunt cum Hippocrate usum purgantis; ultra citraque hos limites utrique condemnarunt idem. Equidem Sydenham in intermittente autumnali, cum æger a datis quadrihorio ante paroxysmum remediis sudatoriis jam sudaret, dabat scrupulos duos, *Pil. coch. Maj.* in Mixture spirituosâ; ut sudare pergeret; non autem proprie sic egit purgandi scopo, verum ut binis illis contrariis sudandi & dejiciendi motibus, eodem tempore excitatis, paroxysmi processum confunderet, atque interturbaret: de qua methodo postea pluribus. Unde demonstratum est Sydenhamum, non minus quam Boerhaavium, purgantia in intermittente febre condemnasse, nisi quando corpora omnino impura essent; quo unico in casu Hippocratem purgantia lau-

dasse, citatis ejusdem textibus constit.

Confirmatur hoc ex eo, quod cum docuisset impura corpora purganda esse, deinceps ostendat quid agendum sit Médico, si pharmaco opus esse ipsi non appareat: Hic nulla five Emetici, five Purgantis, ultra mentio fit.

Juvenis noster a prima quotidianæ febris recidiva visus est purgante, ante accessum dato, curatus. Sed & vera hic aderat indicatio id dandi.

Hoc demum, & non alio, sensu, intelligimus fortunatas per purgantia curas, quas tot laudibus cumulant Auctores; v. g. *Monavius* in Epist 37. Libr. 2. Epist. *Cratonis*, aliorumque. Hoc unico sensu suæ *Agarico*, ut febrifugo, laudes manent, dum Veteres ad dragmam i. ii. illum brevi ante febrilem porrigerent accessum; ut apud

Do-

Dodonæum, & in adjectis ad *Dodonæum* notis, videre est.

Quarto laudatur *Venæ sectio*, & merito quidem. Est enim aliquando metus, ne in plethoricis, a valido febrili motu, humor copiosior circumductus, noceat stagnando, obstruendo, inflammando, repagulaque diffringendo sua. Sed ait *Boerhaavius* *Venæ sectionem* prodesse casu duntaxat; haud vero ex *Botalli*, ejusque sequacium sententia, veluti ad intermittentem febrim curandam per se opportunam. Quapropter illam *Sydenhamus* jure rejicit, veluti infidum auxilium, quod ni febrim illico confodit, ejus curam procrastinat, imo cum cæteris male adplicatis letum accelerat.

Quando igitur suam fortunatam praxin laudabat *D. Chomel*, ex dato, hora ante paroxysmum, largo *Chamomillæ* cum cremore tartari deco-

to, institutaque mox inde Venæ sectione ; eum Plethoricós maxime in cura habuisse credibile fit. An *Gallis* tamen, centenís sæpe Venæ sectionibus assuetis, Venæ sectio in febribus minus nocuisset ? Præcipue cum *Riverrius* in Cent. 4. similem curam exemplis, & quidem uno in septimestri gravida, confirmet ? Sed credibilius potius profuisse Missionem sanguinis ob Plethoram. *Forestus* v. g. qui Venæ sectioni assuetus non erat, dum ipsi post tertium Quartanæ paroxysmum Vena ad incipiens animi deliquium solveretur, nec quartum paroxysmum inde haberet, videtur præ plenitudine soluta tantum tulisse a vena secta præsidium.

Aliter vero cum Hæmorrhoidum evacuatione res se habet. Quamvis enim multum absit, ut cum priscis Medicinæ patribus unicam Quartanæ febris

bris ab atra bile duceremus originem, inficias tamen nemo ibit etiam ab atra bile gigni Quartanam. Bilis autem atræ per hæmorrhoidas evacuatione, causa febrigena immediate, atque directe evacuatur, ut sic demum febris cesset. Notabile quod in rem *Forestus* notat Libr. 3. Obs. 41. Hominem Quartanarium, quem cæcis hæmorrhoidibus laborare intellexerat, bono esse animo iussit: nam hæmorrhoidibus apertis a Quartana facile liberari posset, cum & Præceptor meus **BENEDICTUS FAVENTINUS**, in tollendo Quartanam; præcedentibus universalibus remediis, pro indubitato experimento habebat, ut venæ hæmorrhoides secarentur. Secundo refert quoque **GUARNERIUS** se vidisse Præceptorem suum **JACOBVM FOROLIVIENSEM DELLA TURRA**, nobilem quendam curasse solis remediis, quæ hæmorrhoides provocabant.

Verum hic V. S. commode in ano fieri non potuit, cum Venæ hæmorrhoidales potius exulceratæ essent, & ob hoc ingentes dolores inferebant. Quare accito Chirurgus, qui ulcera curabat aptis remediis appositis: unde tandem hæmorrhoides apertæ sunt, & fluere ceperunt, multam virulentiam effundentes: ita, ut a febre quartana hoc modo liberatus fuerit.

Itaque hæmorrhoidum fluxus primo prodesse casu potest, in universo vasorum systemate abundantibus humoribus, ut de Venæ sectione dictum: secundo prodesse potest Quartanæ auferendo proximam causam, infarctum nempe systematis Venæ portarum, ab atra bile. Minimeque inhærentes systemati Veterum, qui Quartanas semper, Tertianas nunquam, ab atra bile oriundas statuebant, fatemur Tertianas æque quam Quartanas, si forte atra bilis in iis peccat, hæmorrhoidum

dum fluxu , aut levare insigniter , aut penitus curari posse.

Quinto recensentur *Sudorifera*. Varia intentione , modoque , dabantur. Ac primo quidem , quemadmodum ex *Sydenhamo* , ac *Boerhaavio* supra dictum est , ut corpus in apyrexia repleretur liquido aperiente ; horaque deinde aut bihorio ante invasionem excitaretur sudor , promovereturque eo usque , donec bihorium a tempore quo febris adesse debuisset , præterlapsus esset. Huc porro bene multa auxilia facere credidere Veteres , ut mox patebit. Secundo , sine peculiari sudoris ante paroxysmum provocatione , calidis , aromaticisque medicamentis , & attenuantibus , corpora toto apyrexias tempore , replebant , ut attenuatis sic probe humoribus , frigus febrile , tandemque febris ipsa , præcaveretur. Huic scopo legitur *Myr-*

rha adeo profuisse, ut in febre intermittente curanda de palma cum Cortice peruviano decertaret. Vulgus Gentiana, Galanga, Absinthio, Centaurio minore, Marrhubio, Helenio, Imperatorio, Schordio &c. tota in apyrexia copiose datis, frigus febrile corripit, sistit, ac febrem feliciter sæpe curat. Galenus Salsamenta commendabat, & Sinapi, suumque Diatrion piperion. Nunquid Muiscio laudata sat larga Salis ammoniaci dosis, huc non referenda?

Tandem 3.^{tio} mos multorum erat hæc sudorifera non dandi, nisi 1. 2. 3. 4. horis ante expectatam febris invasionem, corpore simul ad sudores calidiore aëre, integumentisque, disposito. Sic Juvenis noster magnam piperis quantitatem cum Spiritu Vini sumferat. Antiqua sane, celebratissimaque Methodus! Celsus ante accessionem Albium comedere jubet, aut piper cum aqua

qua calida bibere. Hoc Bartholinus Cent. 5. n^o. 48. oris septentrionalibus familiare præsidium notat, eoque Zelandiæ Episcopum se curasse feliciter. Cyathus Vini Hippocratici, quo Varandæus ante Paroxysmum utebatur; Haustus Spiritus vini cum Aqua Rosarum; aut Vini haustus, cui Agrimonia, cui Millefolium aut Verbena, aut Absinthium, &c. infusa, multorum autorum: Raji in Catalogo Plant. Angl. haustus Vini generosi, cui Viscus, Oxyacantho innatum, infusum sit: Pulvis magno Heurnio commendatissimus, qui ex Nucis moschatæ ustæ, nucleis Persicorum, & Amygd. amararum, à scrupulo, compositus, cum vino ante paroxysmum exhibebatur: Specificum Hartmanni in sua pr. chimiatr. Spiritus salis ammoniaci in Aqua Centaur min., vel Cichorei, ante paroxysmum exhibiti, donec homo sudoribus diffunderet: Rulandi & Riverii Methodus, ope Spiritus sul-

sulphuris, aut *Spiritus vitrioli*, sudores ante paroxysmum eliciendi: *Fonsecae* secretum, pulveris *Betonicae* dragmas duas in Ovo dandi, quadrihorio ante accessum: *Riverii* exhibitio *salis Absinthii*, cum succo *Citrei*, sudores cum regimine ante paroxysmum eliciens: *Aegyptiorum* mos dandi dragmam pulveris *Chamaedryos*, calido in jure, brevi ante paroxysmum: *Pulvis Pannonicus*, *Specificum Michaelis*, *Præparata Bezoardica* multorum Autorum, *Theriaca Andromachi*, *Diascordium Fracastorei & Sylvii*, *Philonium Mesue*, *Requies Nicolai*, *Orvietanum*; quæ omnia cum Vino, brevi ante Paroxysmum, corpore ad sudorem disposito, exhibentur: hæc, & similia, Autoribus commendata, & laudibus sæpe in cælum elata, ad hanc sudatorium curam referenda sunt.

Quo tandem Clyisma *Aegyptiorum* referam, cujus in sua Med. Methodi-

ca *Prosper Alpinus* meminit, compositum ex *Libra Decocti Majoranæ* cum unciiis III. olei laurini, quo sane, inquit, & in aliis, & in me ipso, olim quartana vexato, summa cum utilitate usus sum, & nonnullos quartanarios tribus tantum Clysteribus sanatos vidimus. An clyisma hoc venis cum bibulis, tum paucis Coli lacteis, absorptum, humorum motum auxerit, pepuleritque sudores? Pertineret tunc ad hanc classem.

Quid demum cogitandum de *Decocto Raparum*, quo *Abbatem Guarnerius* curaverat, & quod in *Epistolis* laudat *Crato a Crastheim*? An, quia abjecto cortice, primæque decoctionis aqua, rapæ cum nova aqua coctæ exprimerentur, illeque succus cum butyro infuso, ac saccharo mistus, potui daretur, sumto simul quovis mane pulvere quinque nucleorum *Persicorum*; an,
in-

inquam, ad sudorum referendum Methodum erit?

Celeberrimus *Mead* in *Mon. & Præc. Med.* Quamquam nec illud hic observare alienum erit, inquit, me pluries, cortice ipso votis non respondente; pulvere ex floribus *Chamæmeli*, *Myrrha*, saleque *Absinthii*, adjecto paulo *Aluminis*, composito, febres intermittentes depulisse. An attenuando, disponendoque ad sudores, ad hanc quoque Methodum *Meadii* pulvis referendus?

Pulvis febrilis *Pharmacopææ Viennensis* huc quoque referendus videtur.

Triplici modo vidimus homines a suis Medicis ad sudorem dispositos fuisse: verum quartum multi addebant, eumque efficacissimum. Frictione, balneo, motu, cursu, ante invasionem, imo ipsa, si contingeret, in invasione, homines in profusos sudores solvebant, cum ipsum *Vulgus*, tum quoque Medici-

dici. Hoc sedulo faciamus *Celsus* Auctor est. Quin & frictionem, & motum, & cursum, consulere plures, una cum calidorum remediorum assumptione. Ita *Platerus Tom. 2. Cap. 2.* Simile quid *Boerhaave* quoque suadet. Estque ars curandi frequentissima Plebejorum & Rusticorum.

Cuncta igitur, quæ ad hanc 5. Methodum retulimus, eo collineant, ut corpus disponatur ad sudores, & ut illi maxime eliciantur tunc, quando febrile frigus instat, promoveanturque bihorio ultra consuetum invasionis tempus.

Profuisse pluribus hanc sudatoriam Methodum ultro fatemur; sed & aut non profuisse sæpe, aut multis nocuisse, cum Scriptores Medici notarunt, tum sæpe vidimus. Prudentia igitur, iudicioque in ea adhibenda opus. Si enim febris salutaris, si homini ne-

cess-

cessaria, ut sæpe fit, hac autem arte abigatur; quid non timendum mali a relictis obstructionibus, ad quas solvendas salubrem hunc motum natura excitasset? Nonne juvenem sic demum Hydrope periisse, qui hac arte curatus erat, *Forestus* memoriæ tradidit? In comperto præterea est homines hac arte febres continuas, ardentes, anomalas, malignasque, sibi conscivisse. Unde *Bartholinus* loco superius laudato addit consilium esse, quod & non paucis profuerit, & nocuerit multis.

Non ergo Cortex Peruvianus, quod febres intempestive suffocet, solus accusandus est: violentia descriptæ mox Methodi non minus cortice intempestive curat.

An *Arsenicum*, quod frigus febrile, febrimque totam, præcaveat, huc referam? Præstaret referre non debuisset.

se. Quidquid laudis *Lemmery*, *Wepferus*, *Meyerus*, ex relatu aliorum; quidquid laudis *Friccius*, medicus *Ulmensis*, *Libro de virtute venenorum medica*; & in *Actis Moguntinis* *Joannes Christianus Jacobi* propria, ut ferunt, experientia, *Arsenico* ut specifico febrifugo, tribuant, exemplisque confirmare fatagant; testimonia deleterii, nullaque arte cicurandi, *Veneni*, tot, tantaque *Vienna*, & haud ita pridem *Exercitus*, dederunt, ut cum magnifico *Werlhofio* de *Arsenico* agente *Obs. de Febr. pag. 42.* dicam „Valeant maligna pharmaca, & plena aleæ, cum „ & magis exploratas, & securiores „ medelas, quarum præbia, quoad „ opus sit, augere, & continuare „ possis, benigna largiatur natura. „

Sexta Methodus ea est, quæ per *Epithemata*, eaque ad carpos utrosque potissimum, eorumve alterutrum,

quandoque , sed rarius ad axillas poplitesque , admota , febrim tollere annititur.

Optimus Boerhaave in Mat. Med. duas Formulas dedit , quarum prior magni Boilæi erat , qui in Libro de util. Phil. exp. exert. 5. cap. 7. refert ea se a febre quotidiana violenta , usitatis immorigera præfidiis , liberatum fuisse. Est autem hoc : R. Uvar. Corinth. Summit. Lupuli , Salis marini , 'ā. unc. ij. Contusa in pulvem applica ad Arterias. Addit Boilæus , licet aliquando successu caruerit , plures a quotidiana & tertiana id curavisse. Addidit & aliud hoc : R. Summitat. Rutæ viridis unc. ij. Sem. Sinapi dr. ij. Contusa exhibe ad Epicarpia.

Famosus hic ab omni ævo Ranunculus fuit, maxime pratensis dictus. Præterquam enim quod ad Anthraces Bubblesque pestilenciales , ad omnes Glandularum tumores, Collique præfer-

sertim Scrofulas, hanc plantam contusam Prisci adhiberent, insigni quoque laude eam in cura intermittentium cumularunt. Primam speciem *Ranunculi montani*, quam ob id, *fieberkraut*, appellarunt, contusam adplicabant Carpis; monentes sedulo tamen ne diutius applicatam ægri finerent, cum rodendo ipsos nervos, tendinesque, affecisse, plures ingenti suo damno experti essent. Videatur *Dodonæus* cum additamentis *Lobellii*, *Clusii*, ac *Ravelingii*. *Sennertus* *Libr. 2. de Febris*, *Cap. 20. sub finem*, hominis meminit, qui a diuturna Quartana, Scapulæque dolore acuto, ejusmodi Epicarpio, quod pustulas excitabat, curatus fuit. Pluriesque Epicarpium istud alii Autores referunt ab Agyrtis adplicatum; ut & simile quid refert *Ill. Præses in Comment.*

Rondeletio summis laudibus extollabatur Epicarpium, quod parabatur

ex Foliis Sambuci, Salviæ, Pedis columbini, (id est, Geranii columbini, five Geranii alterius Dioscoridis) Fol. Rutæ, ã. m. β. Flor. Calthæ pauxillo, salis comm. m. j. cum Vino tritis.

Martini Rulandi Epicarpia conficiantur ex foliis Rutæ, Salviæ, Bursæ pastoris, tritis cum aceto.

Felix Platerus sua parabat ex fol. Thlaspi, Plantaginis, Bursa pastoris cum aceto. Vel etiam ex ung. populeo, quocum commistæ telæ Aranearum : cui Lotichius adhuc grana quatuor Opii addebat. Imo solum Acetum, pane bene imbibitum, Plater laudabat.

Heurnius Helleborum, (qualem non addidit) felix Epicarpium dedisse meminit.

Crato ad Camerarium profuisse notat Epithema Spiritus vini linteis excepti ad Ventriculum: additque se haud Carpis duntaxat, verum articulis omnibus,
Ur-

Urticæ radices cum aceto tufas admove-
vere.

Riverius laudat Cataplasma calidum,
aromaticum, Ventriculi admotum re-
gioni.

Borelli affinis legitur feliciter inter-
mittentes febres curasse foliis *Pentaphyl-
li cum sale*, Stratum super Stratum po-
fitis, initio paroxyfmi ad Carpum dex-
trum.

Boyleus loco laudato supra recenset
Fuliginem Caminorum cum Therëbinthina.

Acta Edimburgensia Tomo 2. *Erige-
rum* seu *Senecionem vulgarem*, in pultera
contufum, & *Cardiæ* frigide applica-
tum, referunt.

Apud *Riverium* laudatur *Epicarpi-
um Emplastri Strobelbergici.*

Curatos aliquos ab *Agyrta* vidi *Epi-
carpio*, linteo incluso, quod abiturus
revelavit: erat *Sinapi* paratum, ut in
mensa utimur. Ab alio vidi *Androma-*

chi *Theriacam* admoveri. Vidi quoque febres epicarpiis curatas nonnullis reddisse.

Sed quid his immorer diutius! Finis scribendi non daretur, si memorare vellem *Amuletha* collo, aliisque corporis appensa partibus: ut *Tralliani lapidem ætitem*; ejusdem *Scarabæum* in Linteolo fulvo Collo appensum; *Foresto* commemoratos pilos, de gena deductos *Hircorum*; *Sanguinem* de primis *Virginum Catameniis*; *Lacertam viridem* appensam; *Vermiculos* ex *Dipsaci capite* apud *Dioscoridem*; *Araneam vivam* nucis inclusam putamini, collo donec moriatur appensam, vivamve locustam; *Francisci Jöelis Cantharides*; aut *Nicoli Florentini*, & *Tiengii Amstelodamensis annulum*, qui in auriculari digito gestatus, abigeret *Quartanas*; *Ranam vivam* pugno inclusam donec moriatur, tumentemque manum reddat;

ut

ut silentio præteream adhuc plura, quæ superstitionem sapiant, ut *Scedulas Luæ*, & similia potius tacenda.

An revera omnia hæc *Epicarpia*, *Epithemata*, *Amuleta*, febrium intermittentium absolvere, ut ferunt, curationem? *Boilæi* utique, *Rondeletii*, aliorumque clarorum virorum spectabilior fides, autoritasque est, quam ut illis diffidamus: videturque haud contemnenda ea esse irritatio, quam acres fervidæque res carpis, loco utpote tendines complures, nervosque pene nudos gerenti, inferre queunt. Verum si legamus, audiamusque, horum pleraque tunc admota, quando aut longiore tempore remedia alia bene multa, quæ febrim quidem nondum fugare, ad fugam nihilominus disponere potuere, adhibita sunt; aut una cum reliquis, methodice institutis, conjunguntur: si *secundo* bene perpendamus

monita hinc inde adjuncta de hisce non applicandis, nisi coctionis signa comparuerint, ceteraque artis præsidia fuerint admota: Si tandem tertio horum scriptorum candidiores consulentes, non minus experimenta fefellisse, quam iuvisse, intelligamus; consequitur id, ut 1^{mo} statuamus incertum esse an revera ejusmodi res febrim fugarint: & ut 2^{do} fateamur plura horum ob sui naturam apta videri, qui fugent eandem. Consequitur tertio, si secundum verum sit, ambiguum esse, utrum hæc adplicata externa febrim curent, materiem febrilem excitatis pustulis ex corpore revellendo, an vero motum febrilem turbando confundendoque duntaxat? quo posteriore in casu febrim intempestive tollendo vehementer nocere illa posse, ex præcedentibus patuit.

Septima Methodus comprehendit inunctiones & frictiones thecæ vertebrarum, brevi ante futurum febris insultum. *Guarnerius* laudator extiterat hujus praxeos; ejusque exemplum *Forestus* in recidiva Quartanæ septuagenarii sui Avunculi secutus „ spinam „ dorsi inunxi, inquit, a nucha incipiendo, usque ad clunes descendendo, oleo anethino & chamæmelino simul mistis, & post inunctiones pannos lineos calide apponendo. Cumque ter hanc inunctionem in ipsa accessione absolvissemus, miraculi instar non solum rigor cessavit, verum etiam febris in septuagenario desinit.

Felix Platerus iisdem oleis, quibus *Forestus*, spinam dorsi inungebat, sed simul interna remedia, frictioni soli non físus, dabat.

Cardanus curat. 24. hora frigoris spinam unguente inungebat quod ex *Gentianæ succo, Oleo scorpionum, & Anserina compositum pinguedine erat.*

Riverius valde laudabat talia minus tanquam febrifuga, sed potius tanquam rigorem, febris symptoma molestissimum, mitigantia, ægrisque ad Diaphoresin disponendis apta.

Prosper Alpinus Emplastrum, quod Gallo Medico in secretis erat, ut singulare quid laudat, cujus hæc erat formula: *R. Farinæ tritici cribratæ, thuris masculini, ā. unc. II. f. cum succo Menthæ Emplastrum, quod linea petia exceptum, calidum ante accessionem adhibeatur ad spinam dorsi, ad caudam usque, & quoad sponte decidat teneatur.*

Et profecto confirmat experientia nostra laudes istas. Jam triginta anni sunt, quod summo effectui in quarta-na rebeli has frictiones institui. To-

ta Methodi hujus intentio cum ea methodi sudatoria supra expositæ, parte convenit, quæ frigus præcaveat, eliciat sudorem, sicque totam denique jugulet febrem. Tuto itaque in pertinaciore intermittente, quam fugare & licet, & expedit, adhibetur.

Quæsitum olim fuit an Inunctio & *Friçtio cum Mercurio* fuget Quartanam? Creditum hoc antiquis Medicis fuit, quod viderent homines Lue Venerea vel Quartana laborantes, ab utraque sanari. Immo Decocto saturatissimo *Bar-dannæ*, in Vini & Aquæ a p. æq. facto, cui sub finem addebant *folia sennæ*; quod Decoctum sub stragulis calefactis sudores per horam unam alteram-qua fortissimos eliciebat, postque sudorem purgabat, & 15. aut 20. diebus continuis dabatur; postea vero detra-ctis *foliis Alexandrinis*, & absque regi-mine ad sudores, dabatur adhuc per

30. 40. dies: quo modo a *Petro Pena* Chirurgo, *Henricus III.* Galliarum Rex a Lue celtica curatus legitur apud *Formium*. Hac porro Methodo etiam curari Quartanarios *Velschius* memoria prodidit.

2^{do} Ex *Varandæo*, *Borello*, *Riverio*, usu Decocti saturati Rad. *Chinæ* & *Antimonii*, patet curatam Luem gallicam fuisse: sed & eodem Decocto Quartanas brevi curari memorat *Arcæus* *Libr. 8. de curandarum febrium ratione*.

3^{tio}. *Friktione Mercuriali*, ut in magna collectione de Autoribus Siphylis a *Luisio* edita, patet, Lues venerea curabatur feliciter: sed & simul observaverat *Ballonius* *Libr. 2. Epid.* & Luem, & Quartanam, hac inunctione una curatas esse. Unde eo pervenere nonnulli, notante *Velschio*, ut eodem remedio & Quartanam, & Luem Neapolitanam, indigere crederent: alii ve-

ro id saltem opinarentur, si Venere laborantes homines, simul paterentur Quartanam, eos & ab hac, & ab illa, instituta frictione mercuriali, liberari.

Hanc porro observationem generaliter veram non esse docuit *III. Præses* in Comm. ad §. 9. „ Quartana Pur-
„ gantibus, inquit, Vomitoriis, Sudo-
„ riferis, frustra tentata, imo per me-
„ diam salivationem, ut vidi, constan-
„ ti typo pergens, tollitur Cortice Pe-
„ ruyiano.

Videntur ergo hæc sic concilianda esse, ut Quartana in homine Venereo, non a Lue Venerea, sed a causis communibus, epidemicis, oriunda, Mercurio non curari credatur; Quartana vero, quæ non ab his causis, sed ab ipsa Venere ortum habet, una cum Lue venerea, frictione mercuriali tollatur.

Octavo laudatur & *Adstringentium* usus. Dedit in sua Mat. Med. Boer-
haa-

haavius, duplicem horum formulam, quarum prima est Decoctum admodum saturatum ex herbæ totius *Plantaginis latifolii* unc. X. & Rad. *Tormentillæ* rec. unc. II. Decoctis cum unc. XL. aquæ; cujus æger uncias tres singulo bihorio sumat: altera formula pulveris est, quem Dr. I. Alum. rup. dr. II. Nucis myrist. & gr. XII. Boli armenicæ componunt, hora ante Paroxysmum sumendum.

Fuit etiam Priscis hæc culta Methodus. Expedit in *Libr. 2. de Morbis*. apud *Foësum* pag. 471. 472. videre iustum *Hippocratis*, de aggrediunda *Tertiana* post tertium insultum purgante, si id indicetur: sin vero non indicetur, *Acetabulo Radicis Pentaphylli* in aqua tritæ: febre vero nec sic abeunte, sudorum ope internorum externorumque auxiliorum provocatione.

Dios-

Dioscoridis & Aëtii monumentis constat idem. Laudata hic deprehendimus præter Tormentillam, aliaque, quæ formulæ Boerhaavianæ continent, Agrimoniam, Genicula Verbenæ, Pentaphyllum, Semina Heliotrophii &c.

Prodesse ejusmodi remedia egregie queunt, quando ægri a febre debilitati sunt, aut ex propria Diathesi solida flaccidiora, aquosiores humores, nervosque simul valde irritabiles, habent: roborantur quippe hinc solida, fluida condensantur; hominesque hoc pacto vel febrim melius sustinent, vel irritabilitate imminuta, novo vix afficiuntur insultu. An ideo Cortex *Quercus*, *Tamarisci*, *Capparidum*, febrifuga audierunt? An Cortex *Peruvianus*, licet occulta sua virtute febrim æque in arido, ac in succulento, corpore, curet, tamen etiam in hac Octava Methodorum classe vi sua adstringen-

te febrim abigat? Ruri profecto qui aptis præfidiis carent, vires *Corticis Quercus*, aliorum *Adstringentium* hunc in finem innocue explorare posse videntur.

Ultima tandem Methodus ea est, quæ Cortice Kinæ, seu Peruviano, febrem intermittentem sistit. Longo sermone hic opus non est, quum egregii Viri *Morton*, *Sydenham*, *Richa*, *Torti*, *Collegium Wratislaviense*, *Mead*, *Huxham*, *Pringle*, *Werlhoff*, *Boerhaave*, & cum maxime Ill. L. B. *Van Swieten* in *Comm. ad Cap. de febre intermittente*, nec non in iis, quæ ad *Caput de Hæmoptœe*; & *de Phthisi*, adnotata ab Illo sunt, clara in luce rem collocarint. Quod si quis peculiariora quædam observata adjunxerit, ad quæ colligenda *Nosocomium nostrum* occasionem suppeditavit, clare intelliget:

1^{mo}. Corticem Chinæ saluberri-
mum remedium esse omnium febrium,
quas abigere & licet, & oportet. In-
termittentes igitur hic principio recen-
semus, quæ morbos tales conjunctos
non habent, qui febre, ceu medica-
mine, indigeant.

2^{do}. Febres hemitritæas; quæ
consuetis medicamentis cito non obe-
dientes, in malignas, perniciosasque,
brevis abirent.

3^{tio}. Febres illas, quæ internas
suppurationes, ut puta Pulmonis, He-
patis, Uteri, Renum, aliorumque Vis-
cerum; quæque abscessus Coxæ, alio-
rumque Articulorum, comitantur: eo-
quod humorum corruptioni, a resorp-
to acri nascenti, medeatur Cortex,
pus pro ichore aut sanie bonum con-
ficiat, vires refocillet ægrotantis, &
morbum sic aut diuturniore tempore
tolerabiliorem reddat, aut fortunatio-
re casu integre curet.

4^{to}. In febribus malignis , putridissimis , five continuæ remittentes eadem sint , five etiam continuæ. Ad confirmationem horum vide collectas observationes in *Rat. Med.* 3. pag. 37. ad 70. & ab 182. ad 194. *Tom.* 4. pag. 161. *Tom.* 5. toto capite primo. *Tom.* 6. pag. 199. 208. 209. *Tom.* 7. a pag. 45. ad 58. *Tom.* 9. a pag. 235. ad 240. *Tom.* 10. pag. 180. 181.

In his porro febribus cunctis quantum Kinæ Dosis exhibere oporteat , Medici judicio relinquere , quam definire , malim. Si febris intermittens tam vehemens , diuturnaue sit , ut homo eidem sustinendæ vix ultra videatur ; si sit Apoplexia , Colica , Pleuritis , Nephritis &c. periodica , de natura febrium intermittantium , remittentiumve , qualem *Morton* , *Sydenham* , *Huxham* , *Lautter* graphice descripserunt ; si Malignarum febrium , si Va-
rio-

riolarum, Morbillorum, & malignæ nonnunquam Scarlatinæ, si denique febris Continuæ malignis stipatæ symptomatis, discrimina urgeant; Cortex Kinæ liberaliore dosi, uncia scilicet i. vel iß. tempore aut intermissionis, aut remissionis, exhibendus erit; quo futurus paroxysmus efficaciter præveniatur. Sin autem febris ejusmodi naturæ sit, ut eandem sensim frangi expediat, media uncia, minusque, detur: quamquam & minutiore tali dosi cortex febrim quandoque inopinato demat, ut in historia nostri juvenis p. 34. conspicuum fuit; qui unica media uncia febre exemptus omni erat, & eadem dosi quotidie continuata exemptus mansit; licet in eandem indigestione voluntaria meruisset illabi.

Primo tempore notæ in Europa Kinæ limitatior longe dosis erat: quod utrum præstantiori tunc temporis

transmisso Cortici, an aliis causis tribuendum sit, non inquiram; copiofiore saltem dosi nunc indigemus. Dum autem rite capta sit exhibendi ejusdem indicatio, hæcque indicatio urgeat, consueta dosi haud sufficiente, ad duplicam, triplam, quadruplam, & ultra, dosin adscendamus oportet, ni velimus gangræna & morte ægrum brevi perire.

An quædam cum Cortice mista, vim ejusdem ita intenderent, ut longe minore dosi efficeret id, quod majore, sed solus datus, non præstaret? Necdum mihi experimenta sufficientia sunt, ut affirmare hic tuto quid auserim. Interim abesse nequeo, quin formulæ copiam lectoribus faciam, quam nuper mecum communicavit Vir nobilissimus, & si quispiam mortalium unquam, fide dignissimus, qua ipse in longæva sua vita sæpius sibi febrim
pri-

primo stitit, alterove, paroxysmo; & qua ipse, ejusque Familia, & plures eorum, qui sic curati erant, homines numerosos ab intermittente febre, penitus, ac statim, percuraverunt. Est autem hæc: R. Cort. Peruv. unc. β. Ocul. Cancr. dr. iij. Antimonii diaphoretici, Concharum calcinatarum ā. dr. ij. Rad. Gentianæ albæ dr. j. M. F. inde Pulv. n°. xij. quorum æger mox a cessante paroxysmo unum sumat, & sic unum quovis quadrihorio, donec omnes duodecim absumserit: unde nocte singulo quadrihorio expergefaciendus sit ad capiendum pulverem, eosque etiam debeat assumere qui supersint, licet alter paroxysmus instaret, aut jam sæviret; donec duodecim absumserit. Repetitione nunquam fere opus est. Tantum levissimo purgante opus est lapsis 15. a febre diebus.

Occasionē monitus hujus de levissimo (nam gravius resuscitandæ febre

esse posset) purgante 15. die dando , monere juniores Medicos debeo Sydenhami , aliorumque præstantium Medicorum Præceptum , dandi purgantis aliquo temporis spatio a quiescente febre elapso , salutare , imo fere necessarium esse, ne fiant recidivæ, aut alia mala. An hoc , quod de materie febrili aliquid supersit ? An vero potius ideo , quod renatus a febre nimis sæpe appetitus quid indigesti collegerit , quod , ni blande expellere- tur , aut febrim regeneraret , aut alia incommoda crearet ? Sydenham mens- em expectat , antequam hanc indis- pensabilis necessitatis purgationem det, ne maturius dando febrim resuscita- ret sopitam. In hac formula 15. dies determinantur duntaxat. Ill. Præses duas modo expectat , ternasve septi- manas. Tuto hunc sequimur , modo dies 14. recidivarum adeo ferax , præ- ter-

terierit. Consultumque est idem pluries posthac repetere.

Terminabo hoc caput necessario hoc Corollario. Ex nonnullis supra recensitis, & aliis sæpe numero observatis, Medicinæ Tirones mecum animadverterunt a primo febris intermittentis paroxysmo certam Diagnosin peti non posse. Ad trutinam enim signa omnia revocantes, a quibus *Galenus Libr. 2. de Crisib. cap. 4.* sic interstingui febres intermittentes censuit, ut qui ipsa prima invasionis die ejus determinare speciem nesciat, is nomen Medici non mereatur; ita de exceptione creberrima convicti fuimus, ut certam inde regulam cudere non potuerimus. Quare alienus quidem a sententia *Campegii*, in *Campis Galeni historialibus*, hoc a *Galeno* fuisse arroganter dictum, scribentis; nihilominus ejus sententiæ sum, quod in-

termittentes febres , nostro & tempore , & regione , iis , quæ a Galeno referuntur signis , persæpe interstingui sese non sinant. Contingere equidem potest ; ut certo quodam tempore quævis Quartanæ iisdem ferme symptomatibus , eadem fere diei hora , paroxysmum ordiantur : fieri potest ut omnes Tertianæ in eadem anni constitutione , diversis quidem a Quartana , simillimis vero inter se se , phænomenis inchoent , omnesque eadem præterpropter hora , v. g. vespertina : Quotidianæ omnes suo pariter modo. Verumtamen hæ febres ipsæ observatæ aliis annis , seu epidemice , seu sporadice obtineant , sic in diversis variant , ut nullam certam determinandi suum , ex primo paroxysmo genium , relinquunt legem.

Tandem quod verbo supra jam monui , ex omnibus hisce observationibus

nibus perspicuum fit, intermittentes febres haud ita expertes periculi esse, quam vulgo quidem fertur. Plures Medici cum *Harvæo* notarunt hominem, quem febris intermittens perimat, frigoris tempore mori. Dum anno 1558. paucæ modo Quartanæ, æque facile sanabiles, *Delphis* observarentur, invenit *Forestus Hagæ Batavorum*, scilicet ad unius modo horulæ a *Delphis* distantiam, a Quartana legitima, epidemica, multos mori. Et omnes illæ febres intermittentes, quas vidimus demum in Viscerum indurationes, in extenuationem, in icterum, in hydropem, mortemque demum, commigrantes; tandem & istæ, quarum pag. 93. meminimus, quid aliud clamitant?



CAPUT II.

DE MORBIS ACUTIS.

§. I. *Pleuritis, in qua dolor ab inferioribus ad superiora thoracis transmigrat, nedum morbi cum levamine, sed aggravamine potius. Pathologica discussio de bonitate, aut pravitate hujus transmigrationis. Phænomena sanguinis, aliena a communi observatione, incompletam esse sanguinis historiam docent. Sed & ipsa hæc Pleuritis tota mirabilis; quod nec resoluta, nec intra consuetos dies critice soluta, tamen citra gangrænam, citra suppurationem, scirrhumve, spatio duorum mensium demum sic soluta critice fuerit, quemadmodum alias intra duas septimanas. Remedia adhibita. Laus Olei Lini.* §. II. *Peripneumoniæ historia. Repetitio moniti de incertitudine Phænomenon sanguinis in Acutis; siquidem & dissolutus ille, & compactus, eodem tempore e vena fluxerit. Pulsus Peripneumonicorum durus. Cur Peripneumoniæ factum die 7. judicium dubium esset? Examen practicum sudoris. Sanitas restituta visa per integram septimanam, deinde Recidiva letalis.*

*lis. Mira denuo phænomena sanguinis. Varia de calore hominis viventis, & recens mortui. Singularis lucta mortis. Anatome. Epicrisis morbi. Quid proprie malignitas in morbis acutis? An contra Boerhaavium semper verum, quod lata pulmonum cum omnibus, si-
ve plerisque vicinis, concretio innocue feratur?*

§. I. **A** cutorum morborum complures nos elapso anno exercuerunt, quorum plurimi exacte satis leges Coctionis, Criseos, criticæque Evacuationis, secuti, *Hippocraticarum Observationum, Præceptorumque, & stabilitatem, & æternitatem, abunde nobis confirmarunt; nonnulli vero aut nonnihil, aut notabiliter, a consuetis illis legibus deviantes, deviam quoque naturam, ab Hippocrate Libr. Epid. 1. pag. 941. 945. Epid. 3. pag. 1085. Epid. 7. pag. 1229. quo ultimo in loco Ful-
lonis in Syro, & Nicoxeni in Olyntho hi-*
sto-

istorias refert, descriptam, vivis depinxere coloribus; unus tandem, alterque, quid, Naturam superante morbo, contingere debere *Hippocrates* docuerat, clare demonstrarunt.

De classe priorum non est quod verba faciam; cum certam, & tutam, & felicem Medicinam, *Hippocraticis* deberi præceptis, quivis *Hippocratrice* edocti, norint: utilitatis plus habebitur naturæ deviantis prosequendo errores; ejusdemque, ubi infecuta mors fuerit, succumbentis ruinam speculando, addendoque accuratam eorum historiam, quæ in cadavere detecta fuerint.

Juvenula 20. annorum 5. Aprilis 1766. post insolitam octo dierum lassitudinem, postque debitum Catameniorum absolutum fluxum, sæva pleuritide sinistri lateris correpta, altera necdum finita die in Nosocomio suscepta est. A fine diei secundi, usque
ad

ad quinti fere finem, quinquies secta ipsi vena est. Crustam pleuriticam gravem omnis sanguis habuit.

Ante quartam V.S. dolor fere omnis a latere inferiore ad sinistrum ster-
ni latus, humerumque, transmigraverat.
Clarissimi *Trilleri* observatione, bona metastasis est; sexque suorum eadem evasisse notat: *Ill. Præses* scribit suorum periisse neminem, quibus illa contigisset: *Hippocrates* Libr. de *Victu Acut.* ut malam consideravit eandem. In nostra ægra tam prava erat, ut tussis omnis, ac fere omnis respiratio, cohiberetur. Et bonam, & malam hanc transmigrationem doloris, pluries in praxi observavi.

Quæ causa hujus differentiae? Ex laudatis mox magnis viris *Trillero* & *Ill. B. van Swieten*, bona fuit transmigrationis hæc doloris observata 6^{ta} die; non tollens quidem morbum, sed bonam
crisin

crisin prænuntians: Ægra nostra medio *quinto* die supernos hos est experta dolores. In *Cl. Trilleri*, & *Ill. Præsidis* ægris transmigrationem hanc morbi comitatum levamen videtur, cum post eandem venam ultra non fecerint: Ægra nostra ad doloris ascensum suffocabatur fere. Hinc debui mox largam evacuationem sanguinis facere, ex *Hippocratis* laudati mox textus præcepto: *Neque copiosum sanguinem detrahare cunctandum est*, inquit. Ratio ergo patet diversitatis observationum.

Dolor porro Ægræ nostræ sexto die a superiore parte Thoracis denuo ad ejusdem mediam inferioremque migravit plagam, morbi cum augmento. quare & quinta sanguinis missio institueretur oportuit.

Sanguinem nunquam huic juvenculæ miserant; hinc a prima & altera ejus missione animo linquebatur. Sed

&

& hinc sanguis nonnisi guttatim juxta brachium fluxit. Nihilominus crustam pleuriticam brevi formavit, $\frac{2}{3}$ $\frac{1}{2}$ $\frac{3}{5}$ crassitie totius insulæ habentem.

In tertia V. S. sanguinis continuato jactu exsiliit, donec effluxissent uncie septem: guttatim deinde uncie septem aliæ exstillarunt. Sanguis tamen hic æque densam firmamque crustam, quam ille, formavit. Animo non defecit.

In quartæ V. S. ultimum vasculum jactu veloci sanguis fluxit, in alterum, & primum, guttatim. Attamen vas primum omnium densissimam crustam gessit, fere talem & alterum, longe tenuiorem tertium.

In V. S. quinta omnis sanguis aut guttatim, aut brevi quandoque lentoque jactu effluxit, ut perpetuo brachium lamberet; in vas ultimum omnium lentissime. Intra horam omnis sanguis suam jam formaverat integram
cru-

crustam : eamque omnium densissimam compactissimamque, medietatem totius massæ habentem, ultimo in vase, in quod omnium tardissime erat exceptus.

Observationes Sydenhami & Boerhaavii, de crusta densiore ex velociore jactu cruoris, deque tenuiore exstillante eodem, sunt verissimæ, aliisque etiam practicis confirmatæ: verum ut in femina hac, ita in perplurimis aliis, observationes contrariæ adeo numerosæ sunt, ut neque ex prioribus, neque ex posterioribus, cudi ulla regula possit. Dudum simile quid observaverat Trillerus.

In vase medio sectionis quintæ crassamentum sanguinis, seu insula rubra, vix scissile, in vase tertio facile solubile.

Obscurant hæc omnia sanguinis obscuram historiam; quam inceptam olim, sed abruptam, dato otio retexam.

Calor usque ad 40. morbi diem manē, quam fero, minor: manē quippe fuit 98. 100. 101. graduum; vespere 102. 103. 104. 105. exinde autem mane ac vespere æqualis 98. 99. 100. 101. graduum.

Sputa usque ad 44. morbi diem merē aquosa, & spumosa; exceptis diebus 8. & 9. quando leviter suppurulenti quid habuere; exceptis quoque diebus 18. & 19. in quibus semicocta nonnulla apparuere. Die 44. cepit quotidie plus cocti quid in multis sputis videri; ad 51. semipurulenta jam erant; ex illo die sæpe minus, aliquoties probe, cocta, die 58. 59. 60. 61. copiosa, coctaque: exinde sensim tussis & sputa minuebantur, & cum restituta sanitate optima, die 71. & seq. nihil tussis fere, excretionisve, ultra observabatur.

Alvum coctam die morbi 8. habuit, subinde talem adhuc postea; passim vero tenuem, crudam: ad finem vero morbi, cum sputis coctis, & coctior alvus fuit.

Sudorem nec levantem, nec judicantem, habuit die uno critico, nempe quinto; duobus diebus minime criticis, scilicet 10. & 26.

Quoad urinas; unam bonam hypostaticam habuit die 10. unicam & 14. 16. 17. 18. & 19. quatuor; unam 20. & 21. duas 22. tres 23. quatuor 24. Et excepto die 34. in quo omnes summæ cruditatis erant; excepta quoque una alterave urina per sequentes dies; omnes urinæ pulcras subsidentias exhibuerunt: sabulum rubrum nonnunquam habuerunt.

Igitur nulla critica evacuatio sputorum, quæ morbum solveret; nulla quoque evacuatio critica per alias vias
emunc-

emunctorias: siquidem quomodocunque coctæ adparerent aliæ evacuationes, tussis perpetua ac molesta, pulsus semper naturali major observata celeritas, calorisque justo altior notatus gradus, morbi non evacuatam esse materiem abunde testabantur.

Interim pluries quærebatur Diagnofis & Prognofis; quæfita fane sæpius, inventa tamen non est.

Confulebamus graviffimum longumque *Hippocratis* textum 402. *Coacorum*: addebamus *Boerhaavii* de Pleuritide caput; in quo, quidquid in praxi tota notum est, concinnitate, & perfpicuitate admiranda, collectum reperitur: aft vero nihil ex iis ad cafum nostrum determinabile erat. Pleuritide nec refoluta, nec critice foluta, aut Gangræna, aut Scirrhus, aut prava Metaftafis, aut fuppuratio timenda Phthifisque, est. Sed horum morbo-

rum omnium phænomena ad nostram ægrotam adplicantes, applicationemque hanc crebro, serioque repetentes; non reperiēbamus vel unicum horum morborum, quo eandem laborantem diceremus. Febris enim proprie dicta non adfuit; non ejus post pastum, motumve exacerbatio; non genæ rubentes; nec sudor, nocturnus maxime; nulla major emaciatio, aut hectica dispositio; nulla difficultas cubandi in latus utrumque, dorsumque; hinc nulla timendarum a non soluta Pleuritide ægritudinum inveniri in ea poterat. Dolor, febris, inquietudo, quæ in his morbis augentur, brevi rupturo abscessu, hic ad 40. diem non observabantur, ubi cocti quid prodire cepit.

Igitur Naturam hic multum a consueto suo tramite deviare, in confesso erat; quod enim juxta ordinarias ejusdem leges expectari oportebat, non est

est fecutum. Est certe longe major aberratio nostro in casu, quam in eo *Anaxionis*; qui a Pleuritide, sine alio infecuto morbo, die 34. judicabatur, *Epid. 3. Sect. 3. ægr. 8.* Femina enim nostra, citra ullum nati ex Pleuritide alius morbi signum, cepit ab ipsa Pleuritide judicari die 51. & perfectius circa 60. diem ita ut perfecte sana die 71. domum rediret.

Si quis forsan rogaverit quo genere remediorum usi fuerimus, ut morbus adeo pertinax, & diuturnus, sine alio morbo perfecte judicatus sit? ea ordine dabo. Missus sanguis quinquies fuit, ut enarravi. Optimi *Trilleri* exemplo, præter V. S. ex brachio lateris affecti, eam quoque pedis tentassem: cum vero nostra ægra linqureretur animo prioribus ex brachio V. S.; crebriusque homines animo linqui soleant pede, quam brachio, venam se-

cti; eam brachii perpetuo tudi. Loco dolenti primum fomenta, ac cataplasmata, admota sunt; his minus opitulantis emplastrum, quod ex $\frac{3}{4}$ Meliloti, & $\frac{1}{4}$ Vesicantis compositum, applicabatur; morboque pertinaciter furente, vesicans utrique impositum cruri fuit. Mirum quippe tibias inter pectusque consensum in morbis miratus *Hippocrates* fuerat; confirmaverat *Baglivius*; & celeberrimus *Trillerus* Vesicantia Pleuriticorum admota cruribus prehenderat perquam utilia. Enemata multa pro re nata immissa sunt, laxantia, emollientia, paregorica. Decocta & infusa herbarum, nunc emollientium, nunc attenuantium, expectorantiumque, cum Melle, cum Oxym. aut simplici, aut squillitico, stibioque diaphoretico: numerosæ misturæ ex Aquis pectoralibus, cum eodem stibio: Kermes mineralis ingens quantitas: Mu-

Mucilaginibus paregorica mista adnoctem; aut & bono effectū pilula gr. iiß massæ pil. de Styrace, una, altera, tertiaque: oleosa multa tum ore, anoque corpori ingesta, exteriusque corpori applicata, ac maxime oleum Lini; quod teste *Tournefortio Lettres du Levant* N^o 19. „ Armenii domi perpetuo servant, „ adhibentque, ac propterea Pleuritidem, cui inconstans clima impense „ favet, & qua alii impetuntur; raram „ experiuntur: jamque scripserat *Gesnerus* oleum Lini loco olei amygdalini epotum, egregium remedium in Pleuritide esse. A die morbi 34. ad 71. usque, usa est alternatim Mistura cum oxym. squill. stibioque diaph. non abluto, & Infuso pectorali; paregorico pæne omni nocte, quum alias tussis omnem fugaret ab oculis somnum. Plerumque gr. iiß pil. de Styrace sufficiebat.

Cura autem ventriculi peculiaris habenda erat, qui multis ab annis miserrimo victu depravatus, a principio morbi, etiam jam antequam in Nosocomium inferretur, sæpius de die in vomitum prorumperet. Paregorica juvabant, & post primum morbi impetum repetita sæpe purgatio; quæ sic adornabatur: R. Rhei. dr. ii. Vesperti affunde aquam fervidam, sequenti mane momento coque, colaturæ unc. iv. adde syrupi Melissæ unc. i. Aq. Cinnamonii unc. β. cujus etiam partem ilico; & si non operaretur, trihorio post alteram sumeret.

§. II. Faber lignarius, Bavarus, 45. annos natus, qui multo itinere pedestri; multis aeris, injuriis, sub dio intineribus dormiendo, toleratis; victuque præterea duro, firmam corporis compagem, duratamque reddiderat; citraque morbos notabiliores ad hanc

ætatem pervenerat: id modo in Anamnesi retulit, quod a 20. annis, quavis hyeme, longo laborare catarrho soleret, ab eoque bis ter sic afficeretur, ut duobus tribusve diebus cogeretur lecto inhærere; quodque furdaster a decennio esset.

Cum proxime elapsa die 1. Aprilis ex suburbio in urbem cucurrisset anhelus, tenuissimæ suppellectilis subhastationem deprecaturus, lassitudinem talem in reditu patiebatur, ut in media via paulisper interquiescere, ac considere, cogeretur; vespere tussim solito frequentiore, & cephalalgiam experiretur; noctemque transigeret irrequietam.

Die 2. Aprilis, cunctis subhastatis, nudus cum uxore & infante ædibus expellitur, mendicare coactus: ipsoque hoc die gravi Cephalalgia, frigore, æstuque corripitur: die 3. A-

prilis pariter. Aprilis 4. die remedio quodam sublevatus, gravi demum febre præhenditur sub noctem. Paulo mitius quinto die; 6. autem gravius.

Adiit tunc Nosocomium Hispanicum; unde Gestatorio ad nos delatus est, Peripneumonia laborans. Quintus morbi dies decurrebat.

Consueta Methodo inflammatoria emendatio observata tanta est; ut sexto die humorum coctio, septimoque critica evacuatio, & sudore, & urinis omnibus hypostaticis, iudicium videretur attulisse; ita tamen, ut, ablata febre, tussis quædam sicca perseveraret. Sanitatem cæterum integram septem dierum spatio videbatur adeptus.

Notavimus in hoc morbo *primo* sanguinem de vena dextri brachii die 5. missum, solutum omnino fuisse,

cum

cum crusta subviridescentis coloris , flava , tremula , non coriacea.

Cogitare hic quis posset Peripneumoniam eo usque jam pervenisse , ubi toties eam *Baglivius* miratus erat , cum sanguine scilicet soluto , aquoso : verum eum Peripneumoniam statum negabat pulsus fortis ac durus ; negabat morbi ipsius conditio , ut mox patebit.

Sanguis octo elapsis horis ex lævo brachio detractus , mox a principio habuit & crustam duriores , & firmitus crassamentum , sic ut examinando non , quemadmodum prior , diffunderet.

Incautis ex conspecto priore sanguine contraindicare Morbus & sanguis videri poterant ; hoc incrassantia , attenuantia illo , naturaliter indicante. Nos vero multiplici experimento edocti , ut adhuc nuperrime
in

in relata pag. 96. Pleuriticæ historia, solam morbi indicationem explevimus.

Confirmavitque secundo missus cruor inspissantium indicationem, si eam essemus sequuti, erroneam futuram fuisse.

Monere autem hac occasione debeo, sanguinem primis a missione horis certum de se judicium perpetuo haud præbere : videri quippe principio dissolutum omnino, postmodum vero naturaliter, imo præternaturaliter, incrassari : unde si breviori tempore ante Lectionem sanguis ægrorum fuerit detractus, exhibeo quidem illum Auditoribus, & per pellucida vasa cum ipsis contemplor; nonnunquam vasculum unum vertendo, dividendoque examino; reliqua vero vascula in sequentem servo demonstrationem.

Notavimus *secundo* in hoc morbo^o in quinto Peripneumoniæ die pulsum magnum, fortem, eundemque durum; die sexto debilem, inæqualem omni modo; die autem septimo fere naturalem. Unde confirmatur id, quod *Tomo 9. Cap. 2. §. 9.* tot argumentis urfi; scilicet pulsum debilem in Peripneumoniæ definitione inveniri non oportere.

Advertimus *tertio* coctionem, quæ quocunque morbi die fiat, semper bona est, nostro in ægro die sexto manifestam in humoribus, functionibusque plerisque; pulsus enim debilis & inæqualis, eodem die magis procedente, emendabatur; nullam vero sputorum coctionem vidimus.

Advertimus *quarto* sudoribus universi corporis in die septimo, vere critico, morbum judicatum videri potuisse; maxime cum eodem die, bi-
nis-

nisque sequentibus, urinæ fere omnes hypostaticæ essent.

At vero sudor idem die septimo animadversus, fuerat jam notabili diei sexti parte observatus; unde suspectus ille, infidusque. Quin & aliud quid sudorem hunc reddebat suspectum; Custodes ægrorum hyemalia lectorum tegumenta necdum mutaverant; nec attenderam ego. Cum porro caloris, ineunte Aprili, 63. gradum jam notaret Thermometron, egoque casu tegumenta ægri debito graviora deprehenderem, subdubitare cepi num hisce potius, quam Naturæ, adscribendus sudor non esset? Præcipue cum jam hinc inde quædam Sudamina comparere viderentur.

Hinc stragulorum crassorum alterum auferens, tenuius substitui; sudore autem æque profuso, abstuli & hoc tenuius. Continuabatur sudor
in

in initium usque diei septimi: deinde subsequēbatur mollis aliquot horarum transpiratio; tandem in medio septimo die sudor multus spatio quinque horarum: sub quo sudore, & altero, tertioque die postea, quæ sexto die comparere sudamina ceperant, evanuerunt.

Hinc ad leges *Hippocraticas* omnia examinantes, hærebamus principio ambigui, utrum sudor diei sexti, ut infido die prodeuns, condemnandus esset; an vero minus pravus, utpote eo, quo dixi, modo, genitus, foret habendus? Attamen modicis sub stragulis animadversus die septimo sudor quinque horarum, una cum hypostatica urina, cum absentia febris, cum notabili functionum emendatione, judicatorius haberi posse videbatur. Equidem rigor sudori non præcesserat; sed

sed alvus solutior, Legibus *Hippocratis*, rigoris excluderat necessitatem.

Verum sputorum perseverabat, alvique cruditas. Amamus profecto coctionem, coctique evacuationem, per omnia corporis excretoria loca cernere; aut saltem si per unam, pluresque vias, excretio cocti prodeat, per alias minime, ut per has saltem non prodeant cruda, optamus. Sed in comperto hoc practicus est, & sæpius in Nosocomio demonstratum, quod prægressis signis Coctionis, ac Criseos, evacuationes criticæ notabiles sic emendarent vires, ut & hæ fierent aptæ, quæ paulatim reliquas coquerent, & eliminarent, cruditates.

Ambiguum igitur judicium fuit. Attamen Pulcra fere omnium, ac maxime pectoris, functionum restitutio, continuatio urinarum hypostaticarum
die

die 8. & 9. plus dabat spei, quam metus.

Spem autem dies 14. illudit; in quo febris rediit, mutata quidem a priorē, sed & ideo perniciosior. Incepit pulsu celeri ac duro, cephalalgia valida, siti intensa, lingua arida ac rigida, comate. Tussis increvit, excernens nihil præter quædam tenuia ac spumosa; semel autem quid mucosi, cum lineis sanguinis. Alvus interim cocta prodibat; urinæ etiam copia, odore, colore, bonæ, sed cum pertinaciter suspenso manente enæoremate. Vena secta est ad unc. ix. quantitatem.

Die altero recidivæ, totius morbi 15., aderant vomendi conatus, inquietudo vehemens, febris singulo bihorio sævitie auctior, moderatior: cocta interim alvus.

Die 3. Recidivæ, die 16. Morbi, febris enormis, intensus calor, lingua aridissima, ac rigida. Secta denuo vena effluxere sanguinis unciaë xviii. posteaque vesicantia admota sunt. Expectorantia data, & simul ad æstum vehementem contemperandum copiosum Rob sambuci, ac Nitrum. Tussis, Vomituritio, Febris, ad hæc mitescebant; Alvus vero, quæ ab aliquot diebus cocta fuerat, jam cruda iterum & tenuis. Vespere symptomata omnia graviora, insuper singultus, æstus intolerabilis, pulsus celer, plenus, ac valde durus, calor universus, vires bonæ, tertiam in hac Recidiva sanguinis missionem suaserunt.

Die 4. Recidivæ, morbi 17. inchoante, calor 108. graduum in thermom. *Fahrenreitano*, qui cum 34. in *Reaumuriano* correspondet. Symptomatibus iterum vehementissimis, cum for-

ti duroque pulsu, quarto missimus in hac Recidiva sanguinem, Copia xv. unciarum. Calor quidem inde sex gradibus minor, sed præcordia, quæ eo- usque anxietas tenebat duntaxat, jam dolor vexat, vomitusque. Sic quidem, ut topicam hic suspicaremur phlogosin. Alvus nocte ac mane reddita quinquies est, flava quidem, sed tenuis, nihil mista; cum pluribus massulis viridibus, compactis, quales in Cadorem olei fundo reperire est: oleum porro ore anoque sumserat multum.

Ad finem hujus diei 4. Recidivæ, ad diem 17½ totius morbi, unico quadrante horæ ante mortem, calor 100. graduum erat. Lucta mortis horæ duravit quadrantem. In hac lucta pulsus, non qualis esse solet celerrimus ac debilissimus, verum lentus admodum, nec parvus, & vix inæqualis. Plus quip-

pe decies ego, alique, illum exploravimus. Respiratio autem tam lenta, ut semel alta voce trigesies & ter numeraverim inter duas respirationes. Moriens non convellebatur; brachia tantum in rectitudinem exporrigebat. Oculi bihorio a morte veluti hominis viventis; nihil enim opacati aut corrugati erant. Hoc phænomenon etiam altero die a morte observavimus in aliis.

Iteravimus denuo experimentum mensurandi mox a morte caloris, spatio $2\frac{1}{2}$ horarum, singulis $4\frac{1}{2}$ minutis gradum examinantes, & in charta notantes. Thermometrum nostrum indiget $7\frac{1}{2}$ minutis ut calorem hominis indicet, addendo gradus duos ad notatum in eo gradum. Si 15. minutis applicatum, beneque tectum manet, haud ascendit ultra numerum priorem, cui duo gradus additi fuerant. Notabat

au-

autem gradus hos : 88. 95. 96. 98. 97.
98. 97. 98. 98. 97. 99. 98½. 98. 98. 98.
98. 98. 97. 95. 95.

Supereſt examen ſanguinis in Re-
cidiva miſſi. Sanguis primæ miſſionis,
mox ubi in vaſa exceptus erat, con-
tractam habuit ac denſam cruſtam,
eamque toto in ambitu fimbriatam.

In ſanguine ſecundæ miſſionis cru-
ſta non contracta, non fimbriata, ſed
ut in morbi principio, cruſta, & craſ-
ſamentum, cum omni Vitreæ Scutellæ
ambitu cohærebant. Elapſis horis quin-
que, cepit in vaſe ſecundo cum Cru-
ſta, tum Craſſamentum, ſe ab uno
vaſorum latere ſeparare, ſequē con-
trahendo exprimere ſerum. Elapſis
horis 14. idem obſervari ceptum in vaſ-
culo primo; nondum vero in vaſe ter-
tio & quarto. Cruſta quarti vaſis vi-
rideſcit, fere transparet, craſſitudi-
nemque mediæ totius inſulæ habet.

In sanguine tertiæ missionis, post quietem 10½. horarum, nec contractæ Crustæ, duræve; nec tamen glutinosæ. Crassamentum 1. 3. & 4. vasculi dissolutum; vasculi secundi valde tenax. Passim, quo crusta minus inlardum contracta est, eo minus solet & contractum, & durum, esse ejusdem crassamentum.

Tandem ultimæ venæ sectionis sanguis, post horæ 1½. quietem, tribus in vasis collectus, habuit crustam densitate crassiore quam esset altitudo crassamenti, tremulam vero, nondum consistentem; quomodo posteriore examine habuerit sese, doleo referre non posse, eo quod id chartis mandare neglexerim, nec sat accurate suggerat memoria.

Notavimus itaque primum Recidivæ sanguinem eo prioris morbi magis fuisse phlogisticum: deinde & solutum

lutum sanguinem , & compactum in eadem Venæ tusione prodire : præterea sanguinem unius scutellæ longe plus indiguiffe temporis , quam aliûs , ut se contraheret : denique ab omnibus his V. S. pulsum plenum fortemque permanfisse , ad usque breve mortis luctamen.

Calorem soli attritui non deberi , quod toties urfi , repetita Exploratio cadaveris ultra bihorium producta , confirmavit denuo.

Sed quanta vis in febre caloris ! In hac Recidiva plus quatuor Libris sanguinis detractum est , dum interea Calor , naturali calore humano semper superior , deprehendebatur. Quanta humorum aut copia , aut rarefactio ! Post demtas 50. sanguinis uncias , pulsus ad mortem usque plenus ac fortis fuit.

Anatomen elapsis 23. a morte horis instituiamus. Oculi jam opaci & corrugati. Venter nihil inflatus. Caro musculosa multa, firma, exiguus adeps.

Aperto Ventre Viscera sic sita, ut Hepar ingens, ampliusque Ventriculus, totam anteriorem universi Epigastrii capacitatem explerent; & ut Intestinum Colon, sub his depressum, umbilico fere accumberet. Dolor igitur Colicus fallere nos potest, coli ad umbilicum situm vix suspicatos.

Colum hoc arctum valde, & sub Hepate, & sub Liene, se longa sui parte supra sese reduplicabat: ut causa magnorum morborum existere potuerit, haud extiterit tamen. Vide Tab. I. Fig. F.

Ileum Intestinum semipedis longitudine ex Inflammatione jam purpurascebat, variis præterea in plagis levius inflammatum.

He-

Hepar ingens lobo minore explebat mediam Hypochondrii *sinistri* latitudinem : alteram mediam hujus Hypochondri latitudinem Splen , triplo major solito , occupabat.

Ventriculus duas liquidi mensuras, scil. octo libras medicas, mensura capta, continere valens, suo minore, eaque sinistriore parte supra, seu potius ante, lobum minorem Hepatis, & ante Lienem collocatus, reliqua sui parte eminebat juxta jecinoris crepidinem, suoque Pyloro infra jecur decurrens, abibat in Duodenum : quod quoque digiti dimidii longitudine horizontaliter versus spinam decurrens, descendere demum incepit. Inflammatio aderat in ea omenti portione, quæ Duodeno pro Mesenterio est, uti & in ipso Duodeno.

Idemque Ventriculus a fundi sui parte illa, quæ costis sinistris accum-

bit, per totam fere superficiem externam posteriorem, admodum inflammatus fuit, & magis adhuc in eadem superficiei internæ plaga.

Renes boni, magni. Vesica urinaria lotio turgida.

Pulmones firmissima cellulositate concreta sic cum Pleura, cum Diaphragmate, Mediastino, ac Pericardio; ut multis in locis sine horum, aut Pulmonis laceratione, divelli non possent; hocque æque lævo, quam dextro in latere: in sinistro autem latere tantum modo versus Costarum arcum, spatium duos fere pollices longum, latumque, erat ab accretione liberum.

Cor sinistrum vacuum; dextrum sanguinem, non coagulatum, habuit; sinus dexter polypum album, qui lente extractus, massam polyposam pedis longitudine ex ambabus jugularibus ducebat,

bat, cum rami, quo jugulares inter se communicant, abrupta portione.

Bona dura mater: Pia autem sanguine valde infarcta tota; maxime autem ad lobos cerebri posteriores. Polypus quasi vermis in sinu longitudinali. Ventriculi cerebri superiores ne guttulam aquæ continuerunt; nihil aquæ tertius ventriculus, nihil quartus. Totum cerebrum siccissimum. In capitis detruncatione, nihil ex illo; nihil ex theca vertebrarum; nihil ex cranio, dum ferra dividebatur, extilavit.

Ex quibus omnibus patet infidam, infido in die, crisin fuisse, quæ sudoribus, die sexto inchoantibus, apparuit: partem materiæ morbosæ coctam solummodo fuisse, & crisi evacuatam; at vero magnam crudi copiam alte infixam mansisse, quæ primo alternoque quaternario quieta, sympto-
mata

mata nulla excitavit; inchoante vero tertio quaternario moveri cepta, corpus vehementer turbavit, sanguinem inflammatorie corripit, inflammatione dira affecit Piam Matrem, Ventriculum, Intestinorum varias plagas, quarum una in latam gangrænam versa, inter causas mortis recenferi potuit. Sanguis idem ad mortem usque inflammatorie spissus, per minima vasa impenetrabilis, inter mortis causas certe erit annumerandus.

Hæc demum vere maligna febris fuit, vero sensu eo, quo τὸ κακόντες intellexerit *Hippocrates*, postque eum *Galenus*, omnes *Hippocratis* sectatores, & ex cunctis his compendiose *Boerhaavius* *Inst.* §. 919. Moneo hoc ideo, quod videam a nonnullis eum morbum proprie, uniceque, haberi malignum, qui humores dissolutos habeat, qui varias maculas, papulasque, expellat, qui

qui ab ipso morbi initio notabilem virium projectionem comitem habeat: dum interea vera malignitatis in Acutis significatio denotet causæ morbi vehementiam; graviores functionis ejusque, maxime autem vitalis, læsionem; pertinacem adversus selectissima, optimeque indicata Artis præsidia, resistantiam; ac symptomata non tantum ejus morbi consueta, sed variata, aut omnino alia, aut plane anomala.

Situs magnitudoque Jecoris, moles ingens Lienis, Coli intestini transversus decursus adeo profundus, monitum confirmant, quod toties repetivi de morborum in visceribus sede circumspicte, ac sæpe dubitanter tantummodo, determinanda.

Pulmonis arcta, ac indissolubilis cum omnibus vicinis partibus concretio, malum videtur a longa die natum. Quare & 20. annorum spatium,
præ

præ pectoris affectione; laboriosas hyemes transegisse videtur. Et in ultimo morbo nimis adhærentes pulmones cruori phlogistico suscipiendo, trahiendoque ineptiores, letaliter demum infarcti fuerunt. Centena sane exempla sunt, quæ me impediunt assentiri illis, qui latas hæc pulmonum adhæSIONES inculpate a mortalibus ferri asseruerint.

Siccitas insolita Encephali, an non a defectu secretionis, ad quam phlogisticus sanguis arteriosus plane ineptus fuit?

CAPUT III. DE ILEO MORBO.

§. I. *Ileus morbus 6to. die letalis, cum auxiliorum adhibitorum recensione. Epicripsis morbi. Anatome cujus notabilis pars exhibetur Tab. I. Fig. E. De aqua frigida in Ileo. In Ileo letali etiam alvus reddi potest. Varius*

*rius in hoc morbo Gangranæ gradus. Omenti absentia Colicæ causa. Conspectus a morte haud infrequens thalami cordis utriusque perfecte vacui. §. II. Ileus letalis alius, natus post triennem, & quidem primo periodicam, sub finem autem continuam, Ventriculi Tympaniam. Cum hoc Ileo etiam tenuium Intestinorum & Tympanitis, & Inflammatio. Memorabilis in hoc Ileo Hernia Enteromefocolica, una cum monstroso Ventriculo, Tab. II. Fig. I. II. III. exhibita. Epicrisis totius hujus Historiæ. Viscera a morbis sua sede exturbantur. Gangræna sine signis suis letalis. §. III. Ileus morbus octavo die letalis, assumpto etiam Mercurio. Anacome. Figura exhibens duodecim viros Coli Intestini flexus. Vid. Tab. III. Fig. Epicrisis. Variæ considerationes super causâ proxima mortis in hoc homine, & in aliis hoc morbo detentis. §. IV. Ileus morbus curatus, assumpto Mercurio. Quædam de Fumo Tabaci immisso. Mercurii per 14. dies in corpore mora. §. V. Ileus morbus assumptis vij. unciiis Mercurii curatus. Inquisitio variæ doses Mercurii in hoc morbo a variis exhibitæ. Quæstio agitur num a Mercurio
hic*

hic morbi Nervorum timendi ; eaque occasione de Auro deglutito loco Mercurii. An Mercurius frigore noceat ? demonstratur frigore potius prodesse : & sic convenire cum Methodo altera Hippocratis curandi Tetanum. De acribus umbilico applicandis. De Machina Italica.

§. I. **I**leus frequens morbus, semper terribilis, creberrime letalis, quamvis a me in Tomis prioribus periodici hujus operis sæpius recensitus sit, tamen ob recentiores, eosdemque notabiles admodum casus, de integro me cogit de sua ipsius Tyrannide, deque Homicidiis suis, nonnulla propalare.

Juvenis 19. annorum, ileo morbo elapsa æstate periit. Vivo non adfui: quantum autem expiscari ex illis potui, qui eum & noverant, & amicitiae causa in morbo inviserant, hæcticus ante quadrienium a Medico ha-

habitus fuerat, idque dimidii spatio anni: exinde paulo rectius se habere visus, tussi non frequenti quædam tenuia reddere consuevit, linguam fissam perpetuo conquestus est, ac frequentioribus Colicis doloribus obnoxius vixit.

Anno 1766. Augusti Mensis die 5. consueta sua Colica, & modica febre, nocte corripiebatur. Clysmate mane die 6. Aug. immisso, mitior dolor, vespere denuo sævior fuit. Dato tunc emolliente decocto, cui Chamomillæ flores infusi, principio levare visus est, deinde autem minime.

Die 7. Aug. Medicus ordinarius arcessitus, præscripsit Misturam ex Aq. Flor. Chamomillæ unc. vj. Magnesicæ nitridr. iij. Salis polychr. dr. j. Syr. Althææ unc. 3. cujus sumsit cochlearia tria singulo bihorio. Jussitque Abdomen

Pars XI.

I

inun-

inungi Unguento composito ex *Ung. Dialth. & Flor. Calend. ā unc. ij. Camph. scrup. ij.* Præterea immitti clyisma emolliens præcepit. His non levantibus, decoctum emolliens cum *Tamarindis* bibit ad noctem; postquam alvus, quæ nulla eousque fuerat, liquida copiosa-que prodiit.

Die 8. Aug. Febris magna, duro cum pulsu, fixoque ad latus Ventris dextrum dolore. Mistura dicta *Hoffmanniana* data est; Decoctum *bordei* quoque, cui admistum *Oxymel*; nec non pulvis, quem componebant *Scrup. duo Magn. Nitri, gr. v. Nitri puri, & gr. x. pulv. Haly*: erat mane hic pulvis, & vespere fumendus. Varia insuper & Cataplasmata, & Enemata præscripsit.

Die 9. Aug. æger summo mane frigidam aquam clam bibit, brevi autem post ventre immaniter doluit, vomuit,

muit, contremuit, friguit. Interea dum Medicus expectabatur, sumebat consilio amici *dragmam Rhei*, & *Misturam compositam ex Mentha cum opii granis duobus*; repetivitque clyisma. Tensus jam venter erat ubique; minusque latere dextro, magis in medio, dolebat. Tandem Medicus accedens, primam demum *Venæsectionem* instituit, *Hoffmannianam Misturam* continuaret, suāsit, *Hordei*que *Decoctum*. *Emulsum* præterea dedit, *cujus Libræ dr. vj. Syr. Diacodii additæ*. Repetivit denique *Enemata* & *Cataplasmata*. Nox pessima. Pulsus celerrimus, parvus, durus.

Die 10. Aug. Exp. Medicus *Misturam* dedit compositam ex *Aq. Scorzoneræ unc. vj. Magnes. nitri dr. iij. Salis polychr. Scrup. ij. Nitri puri Scrup. j. Camphor. gr. ij. Syr. Althææ unc. β. cu-*

jus duo cochlearia quovis trihorio sumenda essent.

Deinde \mathcal{R} . *Auri fulminantis gr. vj. Arcani duplic. Scrup. β . Nitri puri gr. v.* Eo die ter hic pulvis sumtus est.

Die II. Aug. pulveres *Auri fulminantis* repetiti. Accessit ad morbum Ventris Peripneumonia. Ad septimam vespertinam moritur, expletis ferme sex morbi diebus.

Cadavere potiri, nonnisi elapsis 42. a morte horis, potui; hinc calida hac tempestate jam fætuit immaniter.

Et in percindendo Abdomine, clauso adhuc Peritonæo, multus, isque fætidissimus, aër, ex tunica adiposa exhalabat, bullasque veluti Emphysematosas formabat; quales alibi, sed longe copiosiores, observasse me retuli Tom. 8. cap. de ileo.

Aper-

Aperto abdomine Omenti longitudo, ut ut explicata, apparuit vix pollicis lati; ita ut nuda hic hæserint Intestina.

Colum Intestinum defiguratum sic, ut verbis describi nequeat: unde Tabula I. Fig. E. idem depinxi.

Ad omnes hæc miras Coli reduplicaciones inflammatio levior detegebatur: materies autem inflammatoria sanguinis transsudando genuerat crustam, qua illæ Coli Reduplicaciones secum mutuo agglutinabantur.

Obex autem durus in hisce Reduplicacionibus nullus est repertus.

Ileum Intestinum duobus potissimum in locis dire inflammatum reperiebatur, ac colore hic purpureo, illic livido, gangrænosum. Scilicet in latere dextro infimo, longitudine duorum pedum; & in eodem latere, sed altius, ac secus umbilicum, lon-

gitudine pedis. Fuerantque ambo hæc loca doloris in ileo morbo sedes. Crusta flava, quæ in Colo, etiam hic, multas tegebat Intestinorum plagas, inflammatas potissimum illas, gangrænosasque: aderatque & ad Mesenterium.

In Plagis Ilei intestini inflammatis nulla inventa coarctatio est, nulla Introsusceptio, nec, quæ transitum denegare potuisset, dura materies: æqualem hic cum cæteris Intestini partibus Intestinum habebat Diametron.

Ventriculus, valde expansus, habebat a facie sua anteriore, pauxillum sinistrorsum, in suæ altitudinis medio, transversam plagam, longitudinis latitudinisque digiti integri, Zonæ instar, inflammata, ut in pulcerrima injectione: in qua & hoc notabile, quod multis valde in locis exiles extravasationes exhiberentur, quæ, inter hæc
pul-

pulcre veluti injecta vasa, plurimas quasi peticulas, seu petechias, referebant.

Hepar ingens lobo suo majore in medio Epigastrio terminatum; minore autem lobo diaphragmatis inferiori laterali regioni, ope ligamenti fortis membranei, versus arcum infimarum costarum, connexum.

Pulmones, utroque pectoris in cavo, ab omni cohæsione cum vicinis liberrimi, cinereo colore in paucis, livido multis in locis, antè ac lateraliter, conspiciebantur: postica vero facie universa ex rubicundo fere nigrescentes, ac facile ad levem contrectationem diffuentes. Quin & Pulmones undique pressi, veluti per poros liquidum transsudabant: hoc præcipue in lobo dextro superiore ac medio: duri autem ab infarctu non erant.

In Pericardio liquor non aquosus, sed obscure ruber, paulo forte solito copiosior.

Cor utrumque perfecte vacuum, ut vix reliquæ tantilli sanguinis versus ejusdem orificia superessent.

Diagnosis morbi Ileus inflammatorius est, ex Colica periodica natus; seu Colica periodica in letalem Ileum versa. Qualisnam autem Colicæ species fuerit, hominem, dum viveret, contuitus nunquam, non ausim determinare.

Quæ causa proxima Ilei letalis? Incertum est utrum hæc in inflammatis, gangrænosisque Ilei plagis, an vero in complicati Coli hæserit locis. Equidem elapsis 42. a morte horis nihil quo intestinum sive coarctaretur, sive obtureretur, inventum est: verum, quamvis non semper, sæpe tamen, relaxantur ejusmodi constrictiones, seu spasmo-

modicæ, seu inflammatoriæ; aut suapte sponte, aut gangræna in morte, imo ante mortem: ut pluries in incarceratis herniis vidi. Sed complicatæ coli superioris ac inferioris partes, dum hoc Intestinum in principio morbitentum repletumque esset, potuere citra spasmos, inflammationesque, viam aëri, fæcibusque, præcludere omnem: si jam, ut multis in Colicis, *Piætonum* maxime, fit, muscoli abdominales convulsiva contractione arctaverint abdomen, in complicatis hisce Coli partibus causa morbi proxima eo facilius locata fuisse intelligitur.

Ex iis, quos a Diro hoc morbo DEO dante, vel curavi, vel hominum illo affectorum interitum procrastina-
vi, didici tutiorem certioreque eam methodum esse, quæ *tempestivis* V. S. quæ multo oleo, quæ purgantibus opio interpolatis, quæ clysmatibus Fumi Ta-

baci mature valde adhibitis, & si opus est, epoto mercurio, instituatur; quam quæ misturis dictis *Hoffmannianis*; quam quæ fera, imo ferissima sanguinis missione, auroque fulminante, tentetur. Aurum fulminans si bene paratum est, nihil agit; non bene paratum, morbum auget. Nec laudavit id, quamvis ab aliis datum, *Cl. Hoffmann Cap. de iliaco dolore*. Clysmata Fumi Tabaci, licet pluries fallant, maxime quando aut causa plane invincibilis obtinet, aut nimis sero ad hoc auxilium confugitur, continuata tamen observatione restituunt multos. Exempla manifesta attuli olim, & in mea vicinia nuperrimum habetur.

An *frigida*, quam æger clam hausit, nocuit? Præstantiam gelidæ aquæ in hoc morbo experimentis evici *Tomo 8. Cap. de Ileo*. Sed sero nimis æger noster eam bibit. Gangræna videtur quarto morbi die in priore loco doloris

ris jam nata fuisse, eo quod, evanescente ibidem dolore, frigus, tremor, pulsusque cum debilitate frequens, observarentur.

An fæces liquidæ ac copiosæ, finire altero morbi die missæ, boni augurii non erant? Et Iliacos, & Herniosos, cum ejusmodi dejectionibus tam servari, quam mori, pluries vidimus. Vel enim obex solutus totus est, redditusque talis peristalticus motus Intestinis, ut antiperistalticum viribus superet; vel prodit tantum vi enematum aut pars, aut totum stercoreum, quod infra locum ubi causa proxima residet, hærebat; morbo nihil indelevato: vel tandem gangræna, partes relaxans, nata est; quæ si parva, inchoataque tantum, aliquando adhuc curabilis est; si magna, atque completa jam est, mortem infert. Vide quæ

Tom. 2. 3. 4. 7. & 9. de Ileo & Hernia

notata sunt; maxime vero *Tomo 7. Capite 4. toto.*

Omenti defectum inter Colicæ causas haud absurde quis memoret. Omenti enim est, Intestinorum respectu, tegere illa; fovere, ac lubrica servare.

Hepar etiam hic totum fere Epigastrium explens, imo sinistro in latere forti ligamento accretum cum Diaphragmate, confirmat toties datum monitum de necessaria prudentia in sede morborum ex solo partium situ determinanda.

Rarior observatio est hominis, pectore olim sic laborantis, ut multo tempore Phthisicus crederetur, posteaque semper tussi aliqua laboraret; cui tamen pulmones ab omni cohæsione perfectissime liberi invenirentur. Cæterum Peripneumonicorum referebant Pulmones: Peripneumonia enim periit,

riit, jam in Gangrænam tendente; ut in Acutis toties. Vi inflammationis sanguis omnis inflammatorie corruptus, ineptus demum fit, qui pulmones permeet; vel & organum Respirationis, debilitate a morbo genita, ineptum fit, quod humores, quamvis per se adhuc permeabiles, sat efficaciter transmittat.

Cordis vacui thalami utriusque sat frequens est observatio, ut in prioribus patuit, ut in hoc casu patet, & in §. seq. patebit; inane ostendens, conamen omne vitales actiones, eas Cordis præcipue, systemate irritabilitatis explicandi.

§. II. Delata in Nosocomium fuit 16. Dec. 1766. vidua 57. annorum, cujus hæc Anamnesis. Ante elapso ab hinc 30. annos viro profectæ ætatis nupsit, ac primo quidem anno peperit, deinceps vero nunquam. Gra-
vida

vida vehementer vexata hæmorrhoidibus fuit; easdemque, post Puerperium adhuc valde molestas, cum Medici consilium de aperiundis illis sprevisset, fistulam ani contraxit: a quo tamen malo operatione fortunata liberabatur.

Sexennium est, quod febre acuta laboraret, in qua integris sex diebus deliravit, & a qua non nisi post quatuor ærumnarum exactas septimanas emerfit. Meminit sitis, eodem in morbo inextinguibilis, ut a continuo potu temperare sibi non posset, quantumcunque ne sibi irreparabile forte damnum inferret, assiduo moneretur. Quare etiam ex acuto hoc morbo in Hydropem intercutem brachiorum, crurum, ventris, lumbique, incidit. Ab illo tamen quopiam, quod ignorat, infuso, brevi curata fuit; ac sana

na integro postmodum triennio, flatu incommodo excepto, vixit.

Vitam sedentariam perpetuo, & hucusque, egit. Menses semper regulares in 45. ætatis annum habuit.

Triennium est, ex quo singulo fere sesquialtero mense latus abdominis lævum, mox sub costis, intumesceret sibi, tumore paulatim ultra medium ventrem porrecto, ibidemque veluti in acumen assurgente. Non doluit tumor, sed dum femina jocando ventrem tumentem sæpe percuteret, resonuit. Perstabat tumor tres quatuorve septimanas, perque alias duas tresve subsidebat. Disparente tumore copiosos commodosque emittere flatus potuit; eodem vero redeunte, nullos.

A medio pene elapso abhinc anno, urinam reddere cepit adeo acrem, ut
sibi

sibi inde pudenda roderentur ; copiosam quidem , sed frequenter urgentem , cum sedimento copioso , alboque ; in medio limpidam , & quid crassi in superficie gerentem.

Medius quoque annus erat , ex quo in deglutiendo id incommodi pati cepit , ut deglutita ad certum quendam locum hæerent , quem nos conjectabamur eum esse , in quo OEsophagus Diaphragmatis fissuram transiturus est : sic ut nonnunquam ipsi per aliquot minutorum spatium interquiescendum esset , antequamingere quidquam de integro auderet.

Octiduo ante morbum , de quo mox , tristis , præterque morem morosa , levi quoque ac continua tussi , vexata fuerat.

Tandem 12. Dec. tota die inhorruit , citra vel intermissum , vel subsequutum , æstum. Appetitu caruit.

Quo

Quo eodem modo & die 13. Dec. se habuit.

Die autem 14. Dec. hora noctis prima Ventris ipsi tormina oriebantur, haud eo, quo solebant loco, verum in Ventre medio, ita ut centrum doloris umbilicus esset, una cum ructibus nauseisque. Prælo quasi sibi præcordia premi, ac contorqueri, conquerebatur, & ex ventre quidpiam versus pectus conscendere, a quo Singultus primo, deinde Vomitus. Toto hoc die Vomitus cum reliquis symptomatibus continuavit, nec minus nocte. Quid vomitu reddidisset rogata; tenuem, regessit, aquosamque materiem.

Die 15. Dec. omnia hæc continuaverunt. A biduo alvo carenti immissum Clyisma fuerat, quod duram eduxit materiem: repetivissentque, ait, idem, ni a priore Clysmate male habuisset.

Die 16. vomens in Nosocomium Hispanicum invec̃ta Carpentō est, moxque inde ad nos, gestatorio.

Auditis feminæ quærelis, mox Ventrem examinavimus. Dolebat ille & in loco antiquo, a margine sinistrarum costarum, jamque adusque Ilei ossis cavum; & in plaga nova, medio nempe ventre: qui dolor ab umbilico, ceu centro, ad semipedis in ambitu latitudinem diffundebatur; centro veluti acuminato.

Nullam aquæ fluctuationem, *tactū* deprehendimus; sed potius, non quidem *sonitu*, sed *adspectu* tumoris inæqualis, ac divisi, adesse Tympaniam judicavimus. Dolor ab attactu augebatur.

Principio quo apud nos fuit, haud vomuit, sed exprobravit; nec singultivit vere, sed eructavit. Febricitantem acute a die 12. Dec. conclusimus ex inflammatione ventris. Cumque febris

cum

cum pulſu duro, eoque pleno increſceret, uncias xiv. ſanguinis de brachio dextro miſimus. In vaſculum primum ſanguis optime fluxit, levem duntaxat cruſtam formans : in alterum vas lente fluxit, & cruſtam modicam, prior tamen denſiorem; in vas tertium celerrime fluxit, & denſiorem prioribus cruſtam exhibuit.

Enema ex emolliente Decocto, cum mellis & olei Lini à unc. ij. & Nitri dragma, injiciebatur; unde alvus poſt horam, cum multis parvis ſcybalis, & portione una majore. Emulſi Libra cum uncia Syrupi Diacodii dabatur, molliens Cataplaſma toti Ventri circumdatum eſt, & Scutum ſtomachicum, ex Uncia Empl. de Labdano, granis xij. Camphoræ & totidem Opii crudi, & Bals. peruv. q. s. compoſitum, regioni Ventriculi admotum eſt.

Post hæc omnia, Symptomata, dolore excepto, mitigabantur, appetitus aliquis nascebatur, & absque insequente Vomitu comedit, quod petierat, jus carnis cum panis tantillo.

Venter ad noctem tumidior quidem, sed mollior. Cepitque frigus conqueri internum, cum tepore extremorum; quamobrem plura stragula coniecimus in illam. An frigore hoc nascens ab inflammatione Gangræna notabatur? Sed ipsa febris bidui frigore inceperat, & cum præfenti frigore pulsus parum modo celer, plenusque ille, Gangrænam negabat.

Sitis interim magna continuat. Mala nox fuit ob Vomitus continuos, Ructus, Singultus, Anxietates. Urina tamen, quæ prioribus diebus vix prodierat, hac nocte ultra Libram prodiit, bene colorata, cum crassio-

re-

re enæoremate, brevi subsidente; adeoque nullatenus gāngrænosa.

Die 17. Decembris ad 6. matutinam reperi calorem ejus ad Therm. Fahr. 98. gr. pulsūque & fortem, & durum, & celerem. Calor ergo naturalem fere superans, pulsusque talis, metum removebant gangrænæ; licet quid adhuc superesset hesterni frigoris internarum partium.

Cum ergo ex enarratis febris aucta videretur, & dolor perseveraret, aliam Venæ sectionem tentavi, quam jacens probe sustinuisset; sed dolorum immanitate, & anxietate victa, subito erexit sese, erecta autem animo linqui cepit: hinc mox destiti captis sanguinis unciiis quinque. Sanguis hic, qui bene fluxerat, non crustam, sed optimæ consistentiæ crassamentum exhibuit.

Sitis multa perseverat. Enema, heri secundo immissum, hodie ad 5. matutinam cum paucis scybalis; & ad 6. cum materia flava, pulvem referente, exivit.

Calor postmodum hominis fani, graduum 96. scilicet; pulsus fortior, durior, frequentior; Respiratio difficilior. Venter tamen mollior, in medio minus, sed per totum æquabilius expansus; in Epigastrio autem plus, quam heri, tumefactus.

Ambiguum profecto morbi statum esse nemo non videbat. Etenim ab una parte inflammationis augmentum in Sextum diem jam continuabat, internumque jam ultra 20. horarum frigus, quod necdum omnino disparuerat, metum faciebant gangrænæ ingentem: ab altera tamen parte Calor, Color, Pulsus, suspicionem hanc penitus fugare videbantur,

Ad

Ad Ileum igitur solvendum, al-
laborandum fuit: quæ enim ab ene-
mate materies iterato prodierat, ex
solo Intestino Colo, haudquaquam a
loco inflammato, videbatur prodire;
siquidem nec pulsus, nec dolor, mi-
tigarentur; quæque pridie siluerant
symptomata, Vomitus, Singultus,
Ructus, de nocte repetivissent.

Purgante itaque Chyli, Fæcum-
que, tentandum transitum ratus, pri-
mo Vomitum opiato sopire debui,
Sydenhami, & *Hoffmanni* experientiam,
mea pluries confirmatam, religiose se-
quutus.

Cepit itaque quovis horæ qua-
drante Cochleare hujus Misturæ uti.
℞. Laud. Liq. Syd. gtt. xxx. Syrupi
Menthæ unc. jβ. Aq. *Melissæ simpl.* unc.
iij. & propter casus ambiguitatem,
Extracti Cort. peruv. dr. ij.

Mistura hæc, mirum dictu, quam mox ab initio, perque diem totam, cuncta pacaret; Vomitum, Singultum, Anxietatem, Dolorem! Sic ut ægra exclamaret præstantiorem nunquam in vita sua sibi datam Medicinam fuisse, deque universo morbo unicam superesse lassitudinem.

Minus igitur de Gangræna cogitatum est: quippe in qua pacantur quidem symptomata, sed dum pacantur, simul virium imminutio atque projectio advertitur, celerrimusque cum parvitate & inæqualitate pulsus, vultus præterea oculorumque collapsus, ac frigus: hic vero tota diè pulsus decies, pluriesque, & a me, & ab aliis, exploratus, subdurus deprehensus est, & plenus, æqualis, & modice tantum celer: nec in vultu, oculisque, quid pravi cernebatur; extremaque calebant.

Toto

Toto antemeridiano , totoque pomeridiano tempore , læta ægra fuit , quod tam bene se haberet , quodque eousque , citra periculum suffocationis , citraque Vomitum & Singultum , dextrum in latus cubare non potis , comode jam cubaret in illud ; petivitque iterato suam ne auferrem , mutaremeve medicinam. Mutandi profecto illam non fuit mihi animus ; a qua tam bene se habebat , & quæ spem dabat fore ut pacatis symptomatibus , viribusque adeo constantibus , alvus demum resolveretur , præsertim si molliore frequentique Clysmate sollicitare pergeremus eandem. Poteramus eandem felicem , subitumque ab Opio sperare effectum , quem *Riverius* lætabatur *Cent. I. No. 12.* in suo juvene , cui in ventris acerbissimo dolore , a datis *Laudani opiat* sex granis , tanta rerum mutatio fuit , ut intra bihorium dolor

omnis cum cessaret, tum non rediret: poteramus sperare, ita fortunatam ægram nostram fore, quemadmodum laudatus mox Autor ibidem No. 86. refert Sexagenariam fuisse, quæ in dirissimum hunc morbum tertio relapsa, ceterisque haud relevanda artis auxiliis, *granis Opii quinque* a dolore, & reliquis symptomatibus convalesceret, nec relaberetur.

Sed ô vanas mortalium spes! ô fallacias! Dum ad vespertinam horam feminonam clyfma, cum pauca flava, ac pultem referente materia, ægrota animose deponeret, anxia reddi cepta est, lævumque reclinata in latus oculos in altum defigere, petere qui assisteret Sacerdotem, ac voce demum destitui. Pulsus interea bonus esse perseveravit, Respiratio vix læsa, Extrema quidem tepida, Vultus autem calidus mansit. Interim nihil eorum, quæ

quæ circa se gerebantur, gnara erat, neque ad validiores clamores vel minimum dedit mentis præsentis indicium. Brevi inde algere cepit, anxie respirare, inæqualem habere, parvumque, & celerimum pulsum, pauloque ante decimam animam efflavit.

Toto hoc tempore me, lecto adstantem, respirationis occupabat modus. Irregularis illa fuit, sed adeo lenta, ut inter singulas respirationes alta ego voce numerarem unum, duo, tria, & sic porro ad 20. usque, iterum ad 30. ad 34. ad 50. & semel ad 60. quod minuti circiter spatium explet. Inter antepenultimam & penultimam 60. iterum numeravi, inter penultimam & ultimam 30.

Animus fuit thermometro explorare corporis mox a morte calorem; quia vero id ilico ad manum non erat, quinto tantum a morte minuto fere exple-

to,

to, admotum est: quovis semiquadrante horæ, adeoque per integram horam octies, idem gradus hofce, hoc ordine notavit. 92. 92. 94. 96. 97. 97. 96. 95. Nec suspicetur quis thermometron continuata applicatione debito plus incaluisse, altioresque proinde notavisse gradus; nam nec in homine sano, quotiescunque ultra quadrantem horæ admoveatur, etiam bihorii ac trihorii spatio, vix altius unquam, quam spatio quadrantis adscenderat, adscendit: deinde, dum sensim cadaver ad calorem Atmosphæræ reducitur, calentis thermometri gradus sensim quoque diminuuntur, ad eumque Atmosphæræ reducuntur: ita ut perpetuo verus ejus, quod exploratur, corporis, gradus notetur caloris.

Dives profecto doctrinæ clinicæ hic casus est: quo autem ad illam contemplandam aptiores accedamus,

Ana-

Anatomen præmisit: expediet, quæ horis 35. a morte expletis publice facta est.

Oculi utriusque corrugata cornea, & opaca; dextri autem minus.

Rigiditas infernorum supernorumque artuum ea major multo, quæ Cadaveris esse solet. Forti tamen ac lenta flexione Brachia, quæ angulum rectum cum Humero faciebant, in rectitudinem porrigebantur, rectaque manebant. Hæc in præcedentibus sæpius ideo notata vides, quod clari Viri certas veræ mortis determinandæ regulas exinde cudere tentarint, frequentiore examine haud sufficienter instructi. Cum oculis veluti vivis, cum Artuum vel nulla, vel maxima rigiditate, certam mortem adesse pluribus demonstrationibus evici.

Panniculus adiposus digiti lati crassitiem habuit. Venter minus acumin-

na-

natus in medio, minusque tumidus; ita ut corrugata jam cutis, fulcataque, conspiceretur.

Peritonæo aperto, Tympanites & Ventriculi & Intestinorum omnium, manifesta fuit, excepta duarum Spithamarum portione in fine Ilei. Hoc & cetera omnia, quo clarius capiantur, inspiciatur Tab. II.

F I G. I. II. III.

A. Ventriculus tympaniticus.

B. Ejus os superius.

C. Totum id, quod de Hepate sub costis visibile fuit.

D. Fundus Vesiculæ felleæ.

E. Os Ventriculi inferius, seu Pylorus. In cadavere Ventriculus totum contexit sub se Pylorum: unde hic Ventriculum minus, quam
par

par est, turgidum delineare debui, quo & Pylori sedem, & a Duodeni principio ortam jam Tympaniam, ostenderem. Una patet ad D. plica Ventriculi, ut & alia ejus plica, antequam Pylorum formet: nam ad usque F. Ventriculus est.

F. Angustatio corporis Ventriculi ad fundum Vesiculæ fellis, ex vesicula transfudantis, colore longe lateque tincta profundissime.

G. Locus designans umbilicum cada-veris, infra quem Colon Intestinum protrusum inveniebatur.

NB. Post Pylorum, mox tympaniticum Duodenum apparet; cui Literam, ne figuram obscuraret, non apposui.

H. Saccus Cæci parvus valde, cum processu suo vermiculari; qui processus hic neutiquam vermicularis, sed

sed digiti instar in rectitudinem por-
rigitur.

I. Ilei Intestini finis, quo in Cæcum
se inserit, angustus admodum,
complanatus, & in sua compla-
natione vix digitum latus. Melius
conspicitur in fig. II. & III. ab S.
ad X.

K. Flexus Coli Hepaticus, seu dexter.

L. Humilis Coli situs in Abdomine,
qui ut melius conspiciatur, locus
umbilici ad G notatus est. Coli
quoque hic apparet amplitudo.

M. Colon subito vehementerque inter
duos flexus arctatum.

N. Flexus Coli Lienaris, qui altior
fuit quam in figura exhiberi po-
tuit, sub Ventriculo quippe deli-
tescens.

OO. Colon valde angustum.

P. Iterum triplo amplius.

Q. Coli flexus ultimus, ubi in Rectum
abit,

abit, cum relicta ea tantummodo
sui Mesocoli portione, quæ ad in-
telligenda sequentia requirebatur.

F I G. II. & III.

*Fig. II. anteriorem, Fig. III. posteriorem
faciem exhibet. Literæ duplices ad
utrasque pertinent.*

RR. Cæci Saccus.

SS. Angustum ileum a sua in Cæcum
infertione, ad X. usque, spatio
duarum spithamarum.

TT. Ileum Intestinum hic Tympaniti-
cum, ut etiam erant Intestina te-
nuia omnia, ad Pylorum usque.

VV. Extremum Coli, cum relicta Me-
socoli portione.

W. Locus ubi Ileum ex tympanitico
arctum fieri incipit.

Pars XI.

L

XX.

XX. Plaga in Mesocolo , in fig. II. notata , designat locum , ubi Intestinum ileum suo in Mesocolon ingressu Herniam facit. In Fig. III. inversa, Litera X. Herniam indigitat: utraque autem figura tenuitatem indicat Intestini ilei, Herniam inter, Cæcumque constrictum hic valdopere intestinum fuit, sic ut eo educto vix minimi digiti apex per sacci herniosi collum potuerit transire.

In Pericardio vix aqua inerat. Magnum Cor. Sanguis multus grumofus in thalamo ejus sinistro; in dextro autem & copiosior, & polyposior. Pulmo dexter nullibi, sinister inferius superiusque, levi adhæsione cum Pleura nexus: uterque ab anteriore parte colore obscurior, a posteriore solito rubicundior.

Re-

Renes parvi, boni : bona Pelvis,
Ureteres, Vesica.

Hepar universum sub Costis reconditum, eam lobi majoris si exceperis portiunculam, quæ ad Lit. C. sistitur.

Vesicula fellea ingens, cum hepate sub costis recondita, fundo suo prominebat infra costas, supra monstrosi Ventriculi plicam, ut ad Lit. D. pingitur. In mundando, dum collum ejus sauciaretur, bilis bene multa effluxit in ventrem; nihilominus adhuc ultra uncias duas ex vesicula eduximus bilis fere nigræ, solitæ spissitudinis.

Plica quam Ventriculus in F formabat, transsudante bile profundissime tincta erat, ad duos in latitudine, ad tres in longitudine, pollices. An sic bilis intra sanguinem resorberi, hocque pacto Icterus creare possit?

Intestinum Ileum pluribus in locis leviter, propius ad Herniam multum, inflammatum fuit.

Atque hæc de visis & repertis in Cadavere sufficiant; ut ad morbi pathologicam discussionem, Anamnesi in memoriam revocata, accingamur.

In Anamnesi ea coram stitimus, quæ ab annis retro 30. contigerint. Nemo anamnesticam nostram prolixitatem quærat. Solemus enim ægrorum anteaactam vitam scrupulose semper inquirere, ne quid nos fugiat, quod ad determinandas mali causas, naturamque, facere utcunque possit. Ea intentione responsa illorum Literis mandamus, atque bis, ter, pluriesque, examen repetentes, non pauca sæpe corrigimus, desiderata complemus, ac sic perficimus totum.

Quæ ab annis 30. contigisse femina narravit, ad rem præsentem facere

re

re non arbitror; sed quidem illa, quæ a Sexennio. Etenim valida febris acuta, in qua, ad sitim inextinguibilem enormem aquæ copiam fatetur abliguriisse sese, monitisque, ne ita ageret, iteratis, ob sitis intolerabilitatem non obtemperasse; videtur corpus vehementer debilitasse, intercutem creasse Hydropem, tardam reduxisse salutem, nec vires ad illibatam sanitatem requisitas post se reliquisse; præsertim cum sedentaria vita, quam coluit femina perpetuo, corpus ab ægritudine infirmatum non roboret, sed debile, & iners, & flaccidum, relinquat.

Fundamentum itaque morbi, seu causam prædisponentem, vita sedentaria una cum superstite hac debilitate posuit: Flatus ac Borborygmi, quibus femina post acutum illum morbum obnoxiam se fuisse narrabat, hanc Ventriculi Intestinorumque, inertiam

probant; huic deinde dispositio tympanitica in sinistra, eaque superiore abdominis parte, se adjunxit: causa suscitans prædisponentem, ut cum eadem morbum, seu causam proximam, constituat, forte haud e longinquo quærenda illi erit, qui perpendit secum viscera cava illuvie nimia sic extendi, ut multam faciant suæ contractilitatis jacturam: qua ex re consequitur id, ut iterata sæpius distendente causa, interea dum ipse vitæ modus corpus debilitat, hæc ipsa viscera vix ultra propellant contenta, hinc distendantur immaniter; &, cum propulsis contentis aer semper præsto est, qui in loco calido occlusus vehementer rarefcit, hinc in Tympaniam incidant.

Hæc porro Tympania Ventriculum præcipue occupasse videtur, siquidem tumor sinistro in latere mox sub costis,

costis, ad usque medium Epigastrium, resedisse fertur.

Itaque Ventriculus flatu turgens, videtur primum fuisse ab Hepate, ne dextrorsum extenderetur, præpeditus, unde tanto magis anteriora corporis extendit: & quia observaverat femina a superioribus paulatim ad umbilicum se extendisse tumorem, patet etiam ventriculum hunc debilitatum magis magisque, tandem ab aere ita expansum fuisse, ut totam hanc plagam occuparet.

Sed demum mulier ajebat tumorem dextrum quoque implevisse latus. Scilicet Tympanites ita crevit, ut pedetentim pepulerit sua de sede Jecur, inque superiora truserit; unde sic Hepar se sub costis recondere cogebatur.

Porro cum id lente admodum factum sit, Bilis excretio in Intestina

inde multum passa non est; eo quod Ductus communis, Ductus Cysticus, & Hepaticus, sensim elongati, sine notabili turbatione pervii manserint: nisi postremo forte vitæ tempore, dum Vesicula bile tanta tureret.

Ultimo in morbo haud Epigastrii, sed & Hypogastrii est tumor conspectus; Hypogastrii tamen maxime in sinistro latere; quia prope herniam credibile est maximam Ilei expansionem contigisse.

Intestinorum ultimo in morbo nata Tympanites, [Herniæ effectusne fuerit, an ejusdem causa?

Pro utraque sententia militat ratio. Primo namque Hernia omnem ex Ileo Intestino transitum negans, in causa fuit, ut hoc Intestinum ab aëre, & alimentis, medicamentisque, vehementer expanderetur. Et confir-

ma-

mari hæc sententia videtur, eo quod inferioris ventris tumor nonnisi cum signis Ilei morbi, sive Herniæ, comparuerit.

Ab altera parte, si a Tympania Ventriculi sensim, ut fit, Intestina Tympaniam quoque sibi contrahant, causæ Volvulorum, & Herniarum habebuntur in multis locis, iisque potissimum, ubi Intestinorum gyri supra se se mutuo reduplicantur. Ponamus Intestini Ilei ejusmodi plicam in pelvi fuisse, & vācuatis Intestinis Colo ac Recto, evacuataque Vesica urinaria, Ileum ante hanc plicam plurimo aëre tumuisse: si Coli finis, si Rectum Intestinum, si Vesica urinaria de integro sua quæque materia amplificentur, utique turgens Intestinum Mesocolon remove, in eoque, non satis retrocedente, Herniam generare potuit.

Notat autem Anamnesis Tympaniam non fuisse perpetuam, sed quovis fefquimenſe rediiſſe, ſic ut una alterave ſeptimana ſileret. Quæ cauſa hujus? Si Catameniis ſuis, hiſque quolibet fefqui altero menſe redeuntibus, eo tempore adhuc ægra gaviſa eſſet, quæpiam ratio phænomeni haberetur: imo ſi Menſibus ceſſantibus ſuperveniiſſet hæc Tympanites periodica, cauſam hujus nonnullam ex menſtruorum continuante niſu explicare forſitan anniteremur: Sed novem anni a menſium defectu ad principium Tympanias decurſi, non admittunt ejuſmodi explicationem.

Nunquid *Sanctorii* obſervatio de menſtrua hominum Plethora lucis hic afferat quidquam? Quippe quæ hujuscemodi irregularitatibus aliquando ſubjecta ſit, quibus ea Feminarum menſes qualibet 4^{ta}. 5^{ta}. 6^{ta}. 8^{va}. ſeptima-

timana habentium Plethora, seu universa, seu uteri saltem topica, obnoxia est? Hac ratione causam quandam insultus hujus Periodici caperemus, modo constaret *annosiores* viros, feminasque, ejusmodi Sanctorianam Plethoram menstruatim pati. Verum quidquid de hac excitante causa sit, de eademque conjecturemur, veram certamque definire eam cum non valeamus, quæstionem totam in medio relinqueamus. Cogimur in similibus ignorantiam nostram candidi fateri. Hodie vir sexagenario major, convenit me, qui calculum non mediocrem, eumque asperum valde, in Vesica habet; ut quatuor Medici, unusque Chirurgus, absque ulla difficultate, primo Catheteris tentamine deteximus; interea dum a longo admodum tempore calculi cruciatus triduo tantum patiatur, triduoque denuo, nullo adhibito auxilio,

liber-

liberrimus sit. Multa similia in *Rat. Med.* exempla protuli.

Duos autem veluti alios, novosque morbos, mulier nostra interea tolerare, medio ante mortem anno, debuit; quorum alter urinæ rodens acrimonia fuit, alter difficultas deglutiendi. Cum neutrius mechanicam in cadavere causam detexerimus, Priorem ab humorum Cacochymia mucosa, acri, ad europoieticum systema determinata; alterum a portentosa Ventriculi expansione, in anteriora vehementer assurgentis, Oesophagique proinde finem distrahentis, vel Diaphragma quo loco Oesophagum transmittit comprimentis, suam duxisse arbitror originem.

Tandem Febris videtur duorum dierum frigore, die 12. Decembris incepisse, tertioque ejus die vel Hernia entero-mesocolica accessisse, quæ Intestini

testini Ilei inflammationem, tympaniam, gangrænamque genuerit; vel Hernia talis ex Tympanitide Intestinorum genita accesserit: quæ ipsa Hernia tam sua constrictione, quam nata Intestini Ilei ante Herniam Gangræna, mortem 4^{to}. die intulit.

Sed quæstio gravis ex eo nascitur, quod femina gangræna periisse videatur, interea dum in vita pulsus, pluraque alia phænomena, longe abesse gangrænam clamitarent. Quippe defuerunt hic, quæ in Gangræna provecta eousque, ut mortem & minetur, & inferat, signa enarrantur: Virium projectio, Pulsuum cum celeritate parvitas, Frigus extremorum, Oculorum collapsus, Faciei, Labiorumque præcipue, livor &c. Utique si cum omnibus hisce, aut saltem præcipuis, videatur æger quisquam sibi de futura salute blandiri, non est, quod

quod propterea Medicus fallatur , indolentiæ partium , olim dolentium , causam ex Gangræna , eaque letifera , oriundam ratus : at vero nullo pravorum signorum præsentē , cessante etiam , quod affuerat , frigore , ægrotam nostram Gangræna interfectam esse , ut & ultima vitæ horula , & anatomicus docuit conspectus ; res profecto est , quæ , ut ut illam hinc stupemus , illinc subtiliore ratiocinio quadantenus explicare periclitamur , novum saltem hunc medendi Canonem cudere jubet , ut , quantumvis disparentibus Gangrænæ signis , fallacem , infidamque quamcumque emendationem esse statuamus , quamdiu haud redierit perfecta salus.

Exp. D. De Knobloch , natione Russus , qui biennii , ni fallor , spatio , indefessa diligentia Collegia mea omnia frequentavit , hujusque feminæ & morbo

bo

bo adstitit, & Anatomæ, Dissertationis suæ inauguralis (quam laudatissimam fuisse, licet necdum acceperim, reor,) materiem, me annuente, inde sumsit, dum æstate elapsa in Alma & Inclyta Universitate *Leydensi* gradum Doctoratus acciperet.

§. III. Sartor 73. annos natus, plurima æstatis & autumnii parte anni 1766. Diarhœa, ac subinde Dysenteria laboraverat, incassum numerosis Medicamentis assumtis. Emollientia dein imminuere dejectiones, sed non stiterunt. Agyrta demum arcanis suis pessumdedit hominem, sic ut 19. Dec. inflammatione Intestinorum laborare ceperit, quam biduo neglexit; dein antiphlogistica methodo, purgantibus, oleo multo, opio, mercurio crudo, ter ad libram mediam assumpto, vindicari a morte non potuit, quæ contigit initio diei 27.

Dec.

Dec. Cadaver 30. horis a morte, ejus in ædibus, nonnullis Studiosis, & Medicis, adstantibus, aperui.

In Abdomine aliquot unciaë aquæ rubellæ inerant.

Intestina conspiciuntur in Tab. III. Tenuia erant inflata valde; Crassa autem valde tympanitica. Inflammatio multa iis non aderat, præterquam ad finem Coli, in quo Obstructio notabilis mox enarranda.

A. Intestinum Cæcum in dextra pelvi.

B. Flexus Coli Imus.

C. Flexus Coli II^{us}.

D. Reflexus Coli versus superiora, quam removi parum, quo clarius conspiceretur. In cadavere enim pars D. & E. fere omnino latebat sub B. & C.

E. Flexus Coli, isque iterum sub Hepate III^{tus}.

F. Flexus Coli IV^{tus}. isque Lienaris.

Tur.

Turgens hic Intestinum valde ,
Diaphragma vehementer trude-
bat in altum ; ut Cordis actio hinc
quoque multum perturbaretur ,
oportuerit.

G. Descensus Coli ab hoc suo lienari
flexu.

H. Flexus Vtus.

I. Flexus Coli VI^{tus}.

K. Flexus VII^{mus}.

L. Flexus VIII^{vus}.

M. Flexus IX^{nus}

N. Flexus X^{mus}.

O. Flexus XI^{mus}.

P. Flexus XII^{mus}.

Q. Intestinum Rectum.

Maxime notabamus flexus M. N.
O. quos usque ad P. aperuimus. In-
testinum sub hoc loco toto M. N. O.
complanatum fuit , ut in eo cavitas
deesset. Pars ejus M. N. L. K. tympa-
nitica compressit hos subjectos flexus.

Pars XI.

M

Ex-

Expeditum fuit Iter ex Ileo in Cæcum.

Mercurium splendidissimi falis instar invenimus stercoribus mollibus, non formatis, iisque copiosis, mistum, 1^{mo} in Ileo prope Cæcum, 2^{do} in Cæco ipso. Sed homini dragmam Mercurii dulcis, cum aliis purgantibus, datam in hoc morbo fuisse inaudivi: unde forte qui hic ita splendidus inventus Mercurius fuit, Mercurius ille dulcis fuerit.

Dum circa hæc invicem colloquebamur, & Mercurium hunc eluebamus, chirurgi interea cadaver ob immanem foetorem consuebant; absque examine facto necessario Intestini tumentissimi ad C. quo constitisset an forte ibi maxima Mercurii moles non hæreret.

Ventriculus parvus.

Pulmo sublividus uterque; anteriorius firmiter, laxius in latere, laxissime

me in dorso, cum pleura connatus.

Cor utrumque ita vacuum sanguine, ut veluti elotum esset. Grumofus sanguis utriusque in sinu, in dextro magis.

Quæritur utrum solo in abdomine an vero etiam in Thorace, morti sit quærenda statuendaque causa?

Profecto in solo intestino Colo XII. flexus reperti sunt, quorum plerique ad letalem obstructionem sufficiant. Et ut Colon, ita quoque intestina tenuia tympanitica erant. Sic ut & crassa & tenuia Intestina, longe amplius, quo apte continerentur, spatium exigent. Ut ut enim Diaphragma & Peritonæum cedunt, tandem resistunt: si nunc totus hic tubus adeo immaniter expansus Clysmatibus hinc, Medicamentis, Alimentis, Potulentis illinc, assiduo adhuc magis repletur; si aër, in eodem tubo adeo multus, mora vehementer

rarefcat; aër, inquam, qui in Physicis demonstratur decies & sexies amplius, quam primo spatium occupare posse; necesse est omnia hæc tumentissima Intestina inter se se vehementer compressa fuisse, viamque sibi mutuo præclusisse: Hinc ad omnes duodecim plicas, in Colo intestino; ad plicas Tenuium longe numerosiores; letalis obstructio nasci potuisset.

Si præterea vim Mesenterii, quam ex eodem vulnerato, Ruifchius didicit in vitam humanam ingentem esse, perpendamus; an non ab ejus in casu nostro compressione, vellicatione, contorsione, ac fere dilaceratione, horrenda phænomena, ipsumque consequi letum possint?

Gangræna equidem aut Mesenterii, ac Mesocoli, aut Intestinorum, nondum vera aderat: verum & hæc, & illa; quando eorundem Arteriarum,

Ve-

Venarum, Nervorumque interceptiones, Nervorum præterea vellicationes, attente recogitemus; universum systema arteriosum, venosum, ac nervosum commovere, Sensorium commune, Vitalesque turbare Actiones, vitam demum sufflaminare, possunt.

Sed Vitales actiones lædere, ac sic sufflaminare, ut Cor vacuum utrumque repertum fuerit, & Hepar potuit, & flexus Coli superior, in sinistro latere: valida quippe horum in Diaphragma appensione, Cor cum suo Pericardio complanari, sicque basi sua flecti potuit, ut sanguis omnis in sinibus colligeretur, hincque vacuus reperiretur uterque cordis thalamus.

Quin & hæc Jecinoris in alta protrusio sola, forte necare hominem posset. Cogita eidem Venam cavam accrescere, hanc una cum illo attolli, violente distrahi, comprimique; cellu-

lofitatem fortem qua vena eadem cum omnibus vicinis colligatur, vellicari, lacerari; Nervos in vicinia decurrentes, ac cellulofitate eadem implicitos, una cum Vena cava distendi, convellique; an non præter pessima alia symptomata, capiamus sanguinem venosum, ab inferioribus refluxum, hac lege præpediri ne in cor dextrum fluat? Idemque Hepar, si latum crassumque est, interea dum Diaphragma violente attollit, an simul non comprimit subjectam Aortam, Venamque cavam, quo universus sanguinis circulus perturbetur?

§. IV. Quinquagenaria Matrona, Cacochymica, Hydropis nonnunquam experta primordia, duro tumore in medio Hypogastrio laborans, frequenterque Colicam clausam, a qua enematibus plerumque liberabatur, perpessa, tandem elapsa hac æstate, dum sat bene se habens aura rurali *Petersdorfsiensi*,
frue-

frueretur, fumfit, suadentibus in prophylaxin Amicis, lagenam Aquæ Sedlicensis. Vix vero epota illa, ventrem tormina vexant, nec solvitur alvus.

Auctis cum anxietate doloribus, injici jubet clysterem. Sed nec eo prodeunte, in urbem defertur. Clarus ejus Medicus, postquam multa auxilia artis frustra tentasset, Auri fulminantis vires explorare contendebat; sed nec sex ejus doses quid opis attulerunt. Vocatus fui die quarto in consilium. Conclufum fuit fumi Tabaci experiri Clysteres; hisque non opitulantibus, vivum Mercurium cum multo oleo amygdalino propinare.

Injecto porro hoc fumo, fæcum quidem aliquid prodiit, sed morbi interim increvere symptomata. An Tabacum nostrum vilius fuerit, ideoque non profuerit; eo quod clarus *Heysterrus*, qui hæc enemata tanti fecit, op-

timum ad id commendet Tabacum? Præstantissimum profecto mihi in posterum comparabo.

Igitur die morbi 5^{to} Mercurii vivi libra data est, qui cum Oleo amygdalino, trino haustu, assumptus mox omnem, ut solet, vomitum stitit, Ileumque morbum copiosa alvo brevi solvit. Rescivi postmodum ab illa, nobilissimoque marito, primis ab assumpto hoc remedio diebus Mercurium alvo liberaliter prodiisse, deinde vero parcius: sic quidem, ut 14. ab ejus assumptione die adhuc globuli Mercurii cum fæcibus conspicerentur. Ex illo tempore & bona, & quotidiana Alvus est. Reliqua ejus incommoda perseverabant, & Hydrops crurum, femorumque: sed perseverante tumore Hypogastrii, atque Hydrope intercute artuum inferiorum, redeunte, viribus sensim defecit, ac trimestri spatio a curato

to

to Ileo elapso periit. Inspectione cadaveris, ut audio, constitit corpus durum, atque ingens, ex Uteri substantia genitum esse. Forte id annorum aliquot spatio dolorem & obstructionem, Intestini sive Ilei, sive Coli, partem plus minus premendo, creavit, ipsumque demum Ileum: ita tamen, ut Mercurii pondus Intestinum compressum dilatare, reddereque potuerit permeabile. Optimus Hofmanus notavit quoque, *Capite de dolore & spasmo iliaco*, a sex Mercurii unciiis assumptis intra 5. horas a vum prodiisse, & cum illa hujus semimetalli unciam, ultraque duas hebdomadas semper ejusdem quidquam in sæcibus conspectum fuisse. Causam hunc post sequentem historiam commentabor.

§. V. Anno 1752. vocabar ad Coquum Ileo morbo laborantem, a *Colica pictaviensi*, ut videbatur, orto. Ple-

raque auxilia frustra adhibita erant. Etiam autoritate *Galen*i ingens Cucurbita admota umbilico fuerat; postquam non modo non levatus fuit, sed in tantas convulsionem incidit, horæ quadrantem durantes, ut a tribus robustis viris vix teneri, vix gubernari, ne sibi noceret, lectove excideret, posset: ex convulsionibus autem, Epilepticorum instar in somnum stertorosum incidit, algido cum sudore, & omni modo pulsu inæquali. Cum autem æger pridie furibunde delirasset; validissimaque convulsione totus quantus in altum esset sublatus, perfectaue Amaurosi affici cepisset; non est cur convulsionem post Cucurbitam natam, Cucurbitæ adscribamus. Amaurosis hæc, ut &, quæ affuit, Ischuria, Ileum, ex Pictaviensium Colica ortum, designabant.

Post hanc convulsionem vomitus continuus fuit potus, alimenti, & medi-

dicamenti. Id autem constanter observatum est, quod cerevisiam, quam clam subinde frigidam hauserat, non evomisset.

Quarto die sumsit unc. iii. Mercurii crudi cum unc. ii. Olei Amygd. Eo non agente, dedi sequenti mane, scilicet die morbi quinto, unc. iv. verum duas tantum deglutire voluit; duas reliquas sumsit die sexto.

Ut *Celeberr. Hoffmannus*, loco infra citando, in sua Matrona magnam ab assumpto Mercurio tranquillitatem observaverat, ita quoque in meo Coquo, a tribus hisce singulis Mercurii dosibus, tres noctes longe tranquilliores sequebantur. Alvus tamen nondum solvebatur, nisi repetito enemate. Ab hoc demum Alvus copiosa, sed absque ullo Mercurio. Nihilominus vomitus redibat cunctorum, præterquam frigida cerevisiæ. Altero enemate injecto modica

dica prodiit, citra Mercurium, Alvus ;
ut & post tertium enema, quod elap-
so trihorio ab ultima alvo injectum
erat. Doloribus inde crudelissimis ob-
ortis, insedit calido molliente balneo
ad jugulum fere usque $\frac{1}{4}$ horæ. Quar-
tum postea enema, idque purgans, in-
jectum est ; unde alvus quidem prodiit,
sed nullus cum ea Mercurius. Dolo-
rum ferocitas & quintum clyisma, id-
que oleosum ; & olei cum opio potum ;
poposcit. Septimo morbi die, post to-
lerabiliorem ab opio oleoque noctem,
sextum Clyisma injectum est, ab eoque
cum fæcibus copiosis pars Mercurii pro-
diit. A septimo & octavo clysmate,
sine Mercurio alvus. Die octavo post
nonum clyisma aliquid Mercurii fæces
habent. Jam demum ad se rediit mens,
gutta serena ablata est, appetitus ad-
fuit, pulsusque omni modo bonus.
Nona die spontanea Alvus prima, cum
plu-

plurima veluti corrosi, ac nigricantis, Mercurii parte. Diebus aliquot subsequenter examinatae faeces, naturali modo quotidie redditae, nullum amplius Mercurium habuerunt. Gravissimo hoc morbo soluto, nulla secuta Paralyfis est; quod in eos noto, qui Paralyfin, a Colica Pictonum oriundam, dato adscribant opio. Sed hos refutare non est opus, cum experientia abunde evicerit 1^{mo}. non raro Paralyfin jam cum morbi principio nasci; dum de opio aut dando, aut non dando, nulla adhuc quaestio sit. 2^{do}. Nervorum vellicationibus, & distractionibus, prudenti opii usu mitigatis, rariorem longe a Colica Pictonum Paralyfin observari, quam quando falso praëconcepta de Opio opinio usum ejus in hoc morbo damnat.

Refractam valde Mercurii dosin dedi, cum quod summopere reniteretur

æger, ut ex historia patuit; tum quod eandem, eave minorem, sufficere clari Viri censuerint. *Riverius*, 1. 2. uncias sibi scribit suffecisse. *Sylvius De Le Boe*, *idea prax. med. Libr. 1. cap. 15. §. 53.* idem confirmat. *Paræus Libr. 21. uncias iii. sufficere testatur.* Alias majorem dosin Medici exhibere solent. *Rhodi- Cent. 2. No. 80.* scribit unc. v. mel- le rosaceo mistis, Iliacum deploratum se curavisse. Celeberrimus *Hoffmannus Tom. 4. part. 2. Sect. 2. cap. 4. obs. 4.* Ma- tronam unciis vi. sanavit. Et *Paræus*, qui tres modo uncias dedit, plus da- ri posse censuit, laudando *Marinum san- ctum Paralitenum*, qui plus simplici vice Libram, imo Libram seiquialteram, mulieri dederit, eamque citra noxam alvo viderit brevi ejectam. *Zacutus Lu- sitanus Prax. adm. Libr. 2. observ. 35.* stre- nuissimo Duci Libram optimo cum eventu propinavit. Imo *Libr. 2. de Princ. med.*

med. hist. scribit multos in Ileo concla-
mato Mercurii librā, cum aqua calida
hausta, ab imminente morte libera-
tos esse. *Kalschmidi* in *Actis N. C.*
Libram quoque dedit. Et Matronæ
nostræ §. IV. Libram generose dedi-
mus, 1^{mo}. quia, non ut Coquus, ter-
giversabatur, sed ad omnia paratam
se exhibebat. 2^{do}. quia metus mortis
in procinctu erat, ni extemplo levare-
tur. 3^{tio}. quia cum insons esse reme-
dium constiterit, tutior magna, quam
parva, dosis esse videtur.

Verumtamen obstat *Hoffmanni* au-
toritas, qui caute mercandum esse sua-
det, eo quod ægri a Mercurio epoto
non minus iis, qui Mercurium fodiunt,
depurant, aut quomodocunque tra-
ctant, Nervorum sibi contrahere mor-
bos possint; idque videtur feminæ de-
monstrare exemplo, cui ultra 14. dies
quid hydrargyrii alvo prodiret: „ ul-
ti-

„ timo vero loco, inquit, id non præ-
„ mittendum esse censeo, quod col-
„ lectis licet viribus, somnoque & ap-
„ petitu redeunte, tremorem in artu-
„ bus, atque vacillationem & impo-
„ tentiam in pedibus, ultra mensis ad-
„ huc spatium, perceperit: quæ per-
„ molestæ affectiones dextro nihilo-
„ minus Balneorum usu prorsus de-
„ mum sublatae, & discussæ fuerunt.

Negari utique non potest Mercu-
rium, licet in sanis mox alvo elabatur;
licet etiam in Ileo morbo sæpe cito
pertranseat, tamen in Ileo, obstru-
ctis admodum Intestinis, diuturnio-
rem aliquando moram trahere. Co-
quus noster eum sex diebus ventre con-
tinuit; Matrona nostra, & ea *Hoff-*
manni, 14. diebus, licet copiosa quo-
tidie alyus prodiret. Utrum duriore
fæce, crassove muco, involutus, in
Coli cellulis demoretur, an in Cæci
de-

delapsus Appendiculum fit, quibus a locis partitim lenteque depellatur, determinare non ausim. An in hisce Latetris moratus ab acrimonia quadam erodi possit? Sicque Nervos non tantum crudus, sed & acer factus, lædere queat?

Quodsi hæc ita se haberent, annon præstaret aureos globos deglutire? Aurum enim Mercurio tanto gravius, videretur esse quoque tanto ad fæces depellendas potentius; & si diutius in corpore moraretur, non foret Nervis inimicum ita, ut Mercurius. In Ileo, datum fuerat frustra horrendum purgans ex granis. iv. Mercur. Vitæ, cum x. gran. Troch. Alhandal. Deglutitis tandem globulis aureis duobus, sequenti die copiosissimæ fæces prodire, & globuli aurei post 36. horas: vide *Burneti Thes. part. j. pag. 357.*

Pars XI.

N

Sed

Sed contra: illustr. *Hoffmannus* unicum modo proferre potuit, quo hanc assertionem probaret, exemplum: deinde merito quæritur, num hoc exemplo id, quod probare conabatur, vere probaverit? 1^{mo}. enim Paralytici morbi centies observantur curatos Iliacos a tergo sequi, si Colica Pictonum in causa fuerit, licet Hydrargyron non potaverint. 2^{do}. *Winklerus* apud *Bonetum*, *Med. Sept. Lib. 3. cap. 30.* exhibet hominem nobis, qui ope fucci Librarum sex putridorum pomorum *Borstorfsiensium* ab Ileo liberatus, nihilominus contractura membrorum, spatio 18. septimanarum laboraverit. Et 3^{tio}. ægri mei, Mercurio ab Ileo curati, nullos passi sunt Nervorum morbos.

Sed aliud quid timetur, ne scilicet frigore noceat. Unde & nonnullos id calide cum potu, aut jure car-nium,

nium, ut mox ex *Zacuto* discebamus, ingessisse videmus: & *Henricum ab Heers Lib. 1. obs. 2.*, ne Mercurius frigore suo interranea lædere posset, statim clysterem ex puro cretico vino injecisse, legimus. Hoc autem experimenta docere debent, quæ an adsint, videamus.

1^{mo}. In *Iliaca clari Hoffmanni*, & in meis, Mercurius Vomitum aut omnino, aut ad tempus, stitit; & symptomata plus minus pacavit.

2^{do}. *Hoffmannus* ibidem casu V. ægræ suæ iliacæ dedit pro omni potu, aquam fontanam frigidam puram, aqua *Menthæ* correctam, cuius *Libræ salis Absinthii dr. j.* & *succi citrei unc. β.* adjecerat, more *Riveriano*.

3^{tio}. Idem magnus Autor gelidæ usum cum Collega *Naboth*, testatur

egregium ejusmodi in morbis se observasse.

4^{to}. Experimenta, *Tom. IX. Rat. Med. Cap. V.* relata, docent Ileum morbum *Neapoli* aqua gelida curatum; potum frigidum eidem ægro postmodum, *Viennæ* eundem in morbum relapso, unice proficuum; Herniamque incarceratam gelidæ admotu fuisse sanatam.

5^{to}. Illustris *Hoffmanni* Oenepola vomitu cuncta rejecit, præter aquam gelidam, cui quidem calentis frustulum panis injectum erat, calorem vero ab illo servare non poterat.

6^{to}. Idem in *Epicrifi* ad hunc *Iliacum* morbum, hanc suam frigidam aquam laudat impense, testimoniumque *Antati Lusitani* affert, asserentis, „ se atrocem Intestinorum dolorem „ aquæ frigidæ exhibitione subito, „ & incantamenti instar, sustulisse.

7^{mo}.

7^{mo}. Idem Autor præterea *Tom. IV. sect. 2. cap. 5.* laudat utrosque *Lusitanos Zacutum, Amatumque*, ut „ qui „ *Colicam Biliosam*, (nobis dictam „ *Pictavensem*) cum aquæ frigidæ potu, tum nivis usu, curatam ministrassent.

8^{vo}. Adjungit ad hæc *Hoffmannus* observasse se se „ *Paralysin*, hac de „ *Colica natam*, frigidioribus, quam „ *calidis Balneis*, magis auscultasse.

9^{no}. *Petrus Forestus Lib. 21. in Schol. ad Obs. 12.* mire quoque utrosque *Lusitanos* laudat „ quod aquæ frigidæ interno, externoque usu, complures „ & a *Colicis*, & ab *Iliacis morbis*, „ curavissent.

10^{mo}. *Joannes Crato Lib. 3. cons. 13.* Medicos magnos existere ait „ qui frigidissimam aquam adhibeant in hisce Morbis.

11^{mo}. *Burnetus in Thesauro Lib. I. pag. 315.* scribit Franciscum Gautier nonnisi frigidissimis tantum & exhibitis, & admotis, ab hoc morbo curari potuisse.

12^{mo}. *Septalius Lib. 7. animadv. pag. 248.* Hominem ventris dolore ad omnia rebeli fere enectum, ut algidus sudor jam adesset, nullusque ultra percipiendus pulsus; aqua multa, etiam nive frigefacta, sic mutavit, ut mox in somnum 4. horarum incideret, ab eoque somno alvum copiosissimam deponeret, ac integræ restitueretur sanitati.

Ex quibus omnibus, ni fallor, conficitur id, ut Mercurius frigoris causa non modo non vituperandus, sed potius laudandus sit; ut cuncta in genere frigida actu, motum convulsivum a loco affecto Intestini versus superiora moderando, sedandoque, efficiant, ut
mo-

motus peristalticus ab irritante in affecto Intestini loco causa exsuscitetur, animetur, solusque nunc agens, materiæ obstruentis determinationem versus inferiora promoveat.

Num forsitan, cum *Hippocratis* Tetani frigidaë aquæ affusione curandi Methodo, hujusmodi convenirent Observata? Profecto si toties, aut totus Ileus convulsivus est, aut convulsio aliunde accedens, hunc morbum alias fors solubilem, jam irresolubilem reddit, gelidorum Nervis applicatorum efficacia, videretur ex Methodo *Hippocratis* explicanda: & esset quoque huc referenda Historia, quam *Ill. Præses* ex *Act. Edimb. Tom. 5.* profert, in qua ad morem Hippocraticum prudens gelidaë affusio Ileum morbum, qui consuetæ Methodo, calentibusque fomentis, minime obaudiverat, feliciter sanavit: quo eo-

dem modo illustris *Westerhoff*, *Rat. Med. Tom. IX. pag. 211.* incarceratam Veturæ Herniam, calidis fomentis immorigeram, aquæ gelidæ applicatione sanavit.

Est tamen Methodus Tetanum curandi *Hippocrati* duplex: altera quidem frigidis, calidis altera admotis; ut demonstravi *Tom. X. Rat. Med. a pag. 149. ad 153.* Eodemque plane modo duplex & nostra est: plures enim & calidis epotis, & calidis percuramus fomentis; nec, nisi his irritis, ad frigida audacter confugere solemus.

Quæstio superest an tuto in hoc morbo violenta & acria remedia Umbilico adplicentur?

Varia argumenta videntur huic applicationi patrocinari. Imo. *Galenum* novimus ingentem Cucurbitam Umbilico admovisse, idque plures laudasse Practicos.

2^{do}. *Ballonius Epid. I.* „ Vidimus,
„ inquit, cuidam acerbitate doloris
„ colici detento, placatos esse dolores,
„ adhibito Umbilico modico empla-
„ stro caustico, & veluti Escharam
„ faciente, & intus foras evocante.
Sic refert ille, licet haud omnino id
approbare videatur, sed, ad affinia
effectu remedia, aliquanto autem tu-
tiora, ut confugiamus, hortetur.

3^{tio}. *D. Sennertus Lib. 3. part 2. Sect.*
2. Cap. 2. & quoque Lib. 5. part. 3.
Sect. 3. Cap. 6. „ Efficax est ad Co-
„ licam Oleum Saponis, quod sic
„ paratur: R. Sap. Hispan. part. I. Cal-
„ cis vivæ part. II. Destill. per alemb.
„ vel retort. Oleum ab aqua sepa-
„ retur, cujus gtt. 6. vel 7. Umbili-
„ co cum gossypio imponantur.

4^{to}. *Dissertatio Duisburgi ad Rhe-*
num prodiit, anno 1763. Autore Ma-
thæo Bruckner, de Colica Pictonum, cu-

jus in cura commendatur lati, fortif-
que Emplastri Vesicantis, cum Cantha-
ridibus parati, applicatio, ad locum
Ventris plurimum dolentem. „ Hoc,
„ inquit, ita agit per Nervos in Emis-
„ saria organorum excretoriorum,
„ ut disponantur ad transmittendum
„ recrementum. Non extimescen-
„ dus est ille dolor levis, inde excita-
„ tus, ac si dolorem dolori addere-
„ mus. Nec volumus inquirere, an
„ revellendo, an attrahendo, an sti-
„ mulando, agat illud? Scire suffi-
„ ciat optatum impetrari effectum,
„ puto doloris colici imminutionem
„ ex topico tali, anodyno hic om-
„ nium summo. „ Sed cum in Coli-
ca Pictonum præcipuus dolor ad um-
bilicum sævit, videtur Autor ille Ve-
sicantis ad Umbilicum intelligere ad-
plicatum: imo posthac id videtur ju-
bere, siquidem addit: „ Interea dum,
„ hæc

„ hæc aguntur, nempe cum Vesica
„ elevatur in regione umbilicali &c.
„ Ergo umbilico applicandum jubet,
idque diu tenere apertum; sin minus,
a latere alterum imponendum esse. „
Ac demum addit: „ curam tutissimam,
„ citissimam, jucundissimam, *methodo*
„ *nostra constanter observavi succedere,*
„ qua *Paresis* arceri & præcaveri po-
„ test, & debet: & quo citius his suc-
„ curritur, eo minus periculi.

Non video cur minus in despera-
to hoc morbo uteremur Vesicantibus,
quam in sæva Pleuritide, postquam
debitæ & evacuationes, & applica-
tiones, vehementiam non moderan-
tur doloris: unde cum Vesicans in
Pleuritide sæpe miranda præstet; cum
& Acria, & Vesicantia, Autores in Ileo
morbo tantopere laudent; tuto nos
in hoc morbo vesicantibus uti posse
arbitror; postquam, ut in pleuritide,
con-

consueta artis adminicula incassum adhibita fuerint. Etquemadmodum haud in laterum dolore Inflammatorio duntaxat, sed & in Rheumatico, atque Spasmodico, Vesicantium laudamus, extollimusque effectum, ita quoque in varia Ileii natura eadem confore reor.

Est autem aliquid, hac occasione monendum. Oleum Lini clysmate frequentius injectum, Oleum amygd. recentiss. ore assumtum, morbo huic egregie mederi non semel vidi; ipsum autem Lini oleum, cum nauseosum sit, ægrique hi continue fere vomant, raro ore sumendum dedi: cum tamen idipsum nunc percipiam ab exp. Viro *Gallesky*, *Tilsitsensi Medico*, tot tantisque effferri encomiis, dum unum ejus, alterumve cochleare, quavis hora in potu aliquo calido exhibetur; ita quidem, ut etiam post stercoreum vom-

mi-

mitum salutem afferret; tuto quoque in posterum explorare expedit.

Machinam Italicam, de qua *Tom.* 8. & 9. egi, in hoc morbo tantopere laudatam, Brutis tantum applicui, non applicaturus hominibus, donec numerosa *Italorum* exempla majorem ingerant fiduciam audaciamque: tum quod semel iterumque sese obtulerit experimentum in Cadaveribus humanis, tantam esse nonnunquam Valvulæ Coli resistantiam, ut ne ingens quidem hujus Machinæ potentia eam potuerit superare; tum præsertim, quod mirandus ac formidandus ille casus, quem *Rat. Med. Tom. 9. a pag. 221. ad 229.* retuli, homini profecto, si contingeret, letum indubitato esset illaturus.

CAPUT IV.

DE VARIO HYDROPE.

§. I. *Paracentesis Abdominis fortunata, quam Lympha educta sperabilem non fecerat.*

Laus Cordicis Peruviani hoc in casu. Phænomena Lymphæ eductæ, & facta cum eadem experimenta.

§. II. *Alteræ Paracentesis Octennis puellæ. Aliquid circa requisitam corporis in Paracentesi positionem.*

Remediorum a Paracentesi datorum, Chinæ potissimum, recensio.

Experimenta cum Lympha facta.

§. III. *Paracentesis tertiæ feminae 28. annorum. Et quoque optimos a Cortice peruviano hæc est experia effectus.*

Occasione experimentorum, de Lympha captorum, quædam de Lithiasi.

Explicatio Textus prognostici ex Hipp. Libr. ij. Prorrh. Quædam de Hydrope Peritonæali.

§. IV. *Paracentesis quartæ. Phænomena Lymphæ. Duplex in hac femina morbus, Pectoris, Ventrisque.*

Incertitudo utrum cum Ascite Cysticus, an solus adesset Ascites? Reditus Ascitis post Paracentesin, & tandem Mors.

Anatome.
Epi.

Epicripsis. Tumor in Vita manifestus, in Cadavere non invenitur; ad quod explicandum §. sequens adornatur. §. V. Tumor Epigastrii mobilis; tumor profundior Ventris veluti emphysematicus, in vita percepti, citra eorundem in Cadavere vestigia. Ascites adfuit. Cur haud instituta in illo Paracentesis? Anatome mirabilis. Epicripsis. Phænomena Lymphæ. Curiosa Membrana inventa in Ventre. Ventriculi degeneraciones frequenter prope Pylorum inveniuntur. Quid demum fuerit id, quod nobis tumoris dederit perceptionem? De interna externaque sanguinis transsudatione. De judicatoriis nihil judicantibus. §. VI. Cysticus Hydrops, in quo octies est instituta Paracentesis. Enarrantur auxilia, quæ interne externeque admota sunt. Mors. Inspectio Cadaveris. Multa in eodem maxime notanda. Et Virgines quoque uterinos quosdam morbos, quos alias viro usæ, pati possunt. De Vermibus quædam. §. VII. Pathologica discussio quintuplicis nobis noti Hydropis, una cum serio examine Imo Diagnosticorum, singuli signorum; 2^{do} Auxiliorum, quæ peti ad singulum ex Medicina, Chirurgia-

giague, soleant; 3^{tio}. ex demonstratione incertitudinis Diagnoseos, tutior medendi Methodus proponitur.

§. I. **F**emina 25. annorum, convenit medie 15. Maji anni 1766. referens elapso abhinc sesquianno se, in quintum mensem gravidam, febre intermittente correptam fuisse, ab eaque non liberatam, nisi sexta demum a Partu septimana. Lochia parcissime fluxisse; vix detumuisse a partu ventrem; & in octavam usque septimanam sese macram, debilemque, lactasse infantem: febre autem sexta a partu septimana exulante, tumidiorrem ventrem sibi redditum fuisse, cruraque tumere cepta: hæc tamen postmodum, non illum, detumuisse.

Deprehendimus manifestam in Ventre fluctuationem. Nonnullis Medicamentis frustra usa erat: & licet a
sex

sex retro septimanis Baccarum Juniperi Infusum, quod sæpe confert, largiter bibisset, paucam tamen admodum urinam reddebat, multaque siti vexabatur. Menses tamen sub hujus infusi usu redierant, appetitus aderat, & quotidiana Alvus.

Dedi ipsi salem Alcalinum in Vino; Vinum squilliticum, aromaticum, &c. a quibus dum nihil omnino levaretur, ad Paracentesin obeundam in Nosocomio mansit.

Paracentesi 28. Maji instituta, prodire 68. Libræ aquæ, non fætentis quidem, sed subrubellæ, grumoso sanguine in Vasorum fundo paulatim collecto. Lympha ad ignem parte multa avolabat, parte aliqua coagulabatur; admistu syrapi Violarum colorem non mutabat.

Emulsio leviter paregorica mox dabatur, admista uncia unica Aquæ

Cinamomi simplicis, a qua molesti post operationem flatus commode discutiebantur. Pressione Aquarum ablata, promota mox urinarum secretio & excretio est: sic ut decima postea hora urinæ libram mingeret, deque die in diem copiosius, cum crasso sæpe sedimento.

Et hoc die, & toto tempore, quo in Nosocomio fuit, calor 96. 97. graduum, calor utique hominis sani, fuit. Mox bonus ab operatione appetitus, quamque passa inexplibilem erat, sedata sitis fuit. Intra 15. dies adeo convaluit, ut repeteret pagum suum.

Eventum adeo felicem Aqua, ventre educta, sperare vetuerat. Copia namque magna cruoris singulo in vase, quo eam effluentem exceperamus, subsedebat. Hinc partis cujusdam Diabrosin, facileque insequuturam Gangræ-

grænain, similes olim captæ observationes vereri jubebant.

Ut autem, quoad ejus fieri posset, hanc infaustam Prognosin averrunca-remus, dedimus feminæ mox a conspecta postridie hac Lympha, unciam integram Corticis Kinæ quotidie; domumque redeunti semilibram ejus procuravimus illi, ut unciam mediam quotidie adhuc fumeret.

§. II. Octennis Puella, parvæ valde staturæ, rachitica, Variolas quinquennis passa, sana exinde, ceperat ineunte Octobri 1766. abdomine tumescere, & intra 14. dies ejus esse molis, quam nobis medio Januario 1767. in Nosocomio, cum manifesta fluctuatione, monstravit. Cum ab egregio solertissimoque Medico *S. Rathberger* optima ac selectissima remedia, summa quidem cum prudentia, incassum vero, exhibita essent, autor Matri fui, ne inani me-

dicatione vires ultra dilapidarentur, ut paracentesi aquam extrahi sineret. Annuit. Jan. 21. eam instituimus.

Instrumentum triquetrum difficulter intravit, nec sine dolore solito majore. Causam rimati, deprehendimus eam hic esse, quod jacente corpore Lympha minus in pubem gravitans, superiora versus fugiat, si Venter totus Lympha non expandatur. Unde si quis postmodum evacuandus Hydrops est, qui universum ventrem non tendat, corpore erecto puncturam faciemus; ut a gravitante aquarum in Epigastrio mole tendatur maxume is, qui pertundendus est, locus.

Libræ duntaxat sex effluxere Lymphæ; nihil fætentis, ad ignem coagulabilis, ex flavo viridescentis, turbidioris, ac sensim ejusmodi floccos suspensaque filamenta contrahentis, ac si serum, aut lympa, in filamenta jam
coa-

coagulata, in reliquo humore fluctuaret. Alvus, & urina, quæ pigres antea, ac parcæ fuerant, mox liberæ, copioseque, fluxerunt. Dedi illi libram Emulsi cum uncia Syrupi Althææ de die, similemque nocte cum uncia Syr. Diacodii. Nulla sitis. Appetitus, somnus, pulsus, vires, bona. Urinæ plerumque major, quam assumti liquidi copia; sic ut videretur, liberatis ab aquæ compressione visceribus ouropoieticis, id, quod reliquum lymphæ, infimo in ventre fuisset, & absorptum, & renibus feliciter excretum fuisse.

Decima exinde die, quo restaurarentur omnia, & Recidiva averruncaretur, Cortex Peruvianus ipsi datus, eoque 3. septimanarum spatio sic usa puella est, ut decoctum uncix mediæ Corticis absumeret quotidie. Convaleuit egregie, ita ut Matri brevi resti-

tueretur ; ac medio ab illinc elapso anno sese nobis belle valentem stiterit.

Lympham Paracentesi eductam, in tribus majoribus vitris servatam, quotidie examinavimus, & necdum putrem eam 4. Febr., die post operationem 15., invenimus. Quin denuo hoc 15. die lympham nitido in cochleari igni exponentes, more feri sanguinis, & fani, & recens educti, in massam scissilem, albuminis ovi instar, coagulari deprehendimus. Cum Syrupo Violarum tamen viridescebat ; virore post biduum evanido toto. An signum alcali hæc viridescencia? Flavi colores solent hunc syrupum viridem reddere perpetuo. Sed & serum non, aut vix, flavum, quod quorundam hominum sanguini misso adest, syrupum viridem reddere vidimus. Et ovi albumen, minime coloratum, syrupi viridem reddit colorem. An igitur cuncti humo-

res

res animales latens quoddam Alkali possiderent, quod syrupus violarum præprimis indicaret? Attamen serum hydropicum §. i. hujus capitis syrupi haud mutavit colorem: an hoc, quia pauca tantummodo parte coagulabile erat? Verum cur omnis ab hac miscella viror natus, intra biduum evanuit? Sed quoque in Misturis color, eidem a syrupo hoc conciliatus, brevi mutatur.

Die 12. Febr. qui a Paracentesi 23. erat, ipsa hæc Lympha, eousque conservata, manifesto efferbuit cum aceto. Alia ejus portio ad ignem coagulata fuit: indurescebatque præterea in scissilem massam glutinosa illa materies, quæ in Lympha hac primo diu suspensa, ad fundum denique subsederat. Liquor proinde animalis, qui quiete, in aere aperto, 23. dierum spatio, & putrefactus, & alcalinus erat, vim adhuc plasticam suam, seu coagulabi-

lem, servat; ubi tamen humores putredine resolvi, ac sua coagulabilitate privari, vulgo creditur. Doleo mententamen cum syrupo Violarum hoc tempore neglexisse.

§. III. Femina 28. ann. procera, torosa, venusta, convenit nos die 25. Octobr. 1765. enarrans sequentia.

Decennium erat ex quo nupserat. Vix nupta autem, dolore, atque ardore Abdominis immani, cepit torqueri spatio nocturno; qui, ut alvo pertinaciter clausa ceptus, ita quoque enemate passim solvi solitus est. Quotannis hucusque idem malum repetivit, semper autem ad enema consuetum conticuit. Quinquennium numerat ex quo intumescere cepit Abdomen, paulatimque sibi visum est augescere. Passa quoque totis hisce annis Cephalæam gravem, frequentemque, est. Gravida nunquam fuit. Catameniorum

per-

perpetuo ordinatum fluxum habet. Album fluorem primo sex menses passa, citra ullum ardorem, doloremque, postmodum vero tantum circa menstruum tempus. Mane solet tussire, crassamque ejicere, glutinis instar, materiem. Alvus bona. Facies sana, pulcra. Nullus unquam crurum pedumque tumor. Decies & octies, dierum 9. spatio, *Baadensi* balneo usa citra levamen est; nisi quod recuperaverit, quem amiserat, appetitum: attamen angi a pastu solita, appetitum explere non audet. Non fitit unquam fere in vita sua. Sedentaria est.

Ex observationibus, quas occasione alia §. VI. recensebo, Hydropem aut saccatum, aut peculiarem inter Peritonæum ac Musculos abdominales locatum, suspicari quis posset; sed manifesta fluctuatio arguebat Ascitem. Quamobrem remediis in Ascite pluri-

mum laudatis, ac potissimum Vino, Bulbo recenti Squillæ, Aromatibusque, medicato, morbum debellare ultra duos menses annifus, spem aliquando magnam fovi salutis; verum malo rursus increfcente, Paracentesin suasi; quam cum repudiaret, rem commisit naturæ, nec rediit.

Tandem die 29. Julii hujus, quem vivimus, anni, se rursus stitit, monstrofe tumens, maxime hypogastrio, Paracentesin subitura: quam elotis pridie intestinis, die 3. Augusti perfecimus. Ascites enim haud minus jam, quam olim, ex fluctuatione manifestus apparuit: quin & nunc raram Alvum, ac paucam conquerebatur urinam.

Figura hæc abdominis, monstrosius nunc ad Hypochondrium penduli, atque ad media femora descendentis, revocabat nobis in memoriam Ventris effigiem, quam *Job van Mekerem in*

suis

suis Observationibus dederat, una cum phænomenis, eorum, quæ femina nostra patiebatur, consimilibus : circa quæ egregius vir *J. B. Morgagni* haud minore cum judicio, quam experientia, commentatus est : & circa quæ ipse postmodum fusius disseram.

In Paracentesi ægra doluit transeunte instrumento, minus principio, quam fine, antequam totus venter esset penetratus.

Aqua limpida, inodora, non colorata, Librarum 54. pondere effluxit; ultimo in vase leviter tincta cruore, eo quod aquam omnem vacuare conati, vix nus utcumque irritassemus.

Ut omnes, ita hæc femina, nullam debilitatem, nullam anxietatem, nullam vultus mutationem passa est. Quippe causa horum incommodorum prævenitur, hodierno more adaptando machinam Aqualiculo, quæ illum tor-

tum

tum pro ratione eductæ Lymphæ mol-
liter, æquabiliterque, stringat. Et quod
omnes passim numerosi flatus ac bor-
borygmi torquent, nostra non est pas-
sa, cujus rei mox forte ratio patebit.

Cum nunquam sitiret, vix bibit
die Libram emulsi, & Panadellam in
nutrimentum sumsit. Nihilominus
sex & ultra libras urinæ misit. Pul-
sus, somnus, optimi. Atque ita
a principio operationis bene se
habens, domum rediit 13. Augusti.

Verum quemadmodum prioribus,
sic & huic mulieri, Corticem Peruvia-
num dare cepimus jam tertio ab ope-
ratione die, mediæ unciae quantitate
spatio nocturni; ne scilicet ope-
rationem Gangræna sequeretur, ut vi-
res conservarentur, fluida compinge-
rentur, ac deinum adstringerentur,
roborarenturque sic Solida, ut omnis
recidiva, quoad ejus fieri posset, aver-
runcaretur. An igitur quod ægri no-
stri

stri tam belle se se post Paracentesin, habeant; quod quovis pravo Symptomate careant; quodque tam cito ad negotia sua redeant; Corticis Peruviani usui magnam partem adscribendum est?

Lympha asservata in spatioso cubiculo, in quo, ope venti admissi, calor Atmosphæræ, foras calidissimæ, vix 70. gradum excederet, ut non in educatione fætuerat, ita nec toto quatuor dierum spatio fætorem ullum contraxit: his demum elapsis sensim fætore cepit; omnium vero primum illa, quæ ultimoeducta, sanguinis id pauculum, cujus memini, gerebat. Porro idem ille sanguis pauxillatim disparebat, atque Lympham pellucidam relinquebat, minimeque coloratam: hæcque iterum Lympha, corrupta demum penitus, exhibuit nobis copiosam arenam, ad latera vasis affixam,

xam, eodem plane modo, quo toties in Urinus ægrotantium contemplamur.

Confirmatur inde Lithiasin haud unice ab urina, verum etiam ab aliis generari humoribus; mirumque propterea non esse, quod quocumque humani corporis in loco calculos Medici, atque Anatomici, invenerint. Nec minus capitur causa, ob quam ruber noster sanguis rubedinem pedetentim amittere possit; sicut demum pallidus humor, vix coloratus, in internis palpebris, labiis, internis naribus, totoque ore interno, appareat.

Lympha hæc & principio, & post quatrimum, & cum demum foetebat, in pure cochleari igni imposita in massam scissilem coibat. Confirmatur hinc observatio §. præcedentis.

Redeamus paulisper ad Diagnosin nostram, quæ vel cum Hydrope asciti-

te Cysticum, vel Hydropem peculiar-
rem, Peritonæum inter Musculosque
abdominales, designare videbatur;
eoquod in utraque hac specie, col-
lectis sententiis Nuckii in *Adænographia*,
Gullmanni Tom. 3. actor. C. N. Obs. 105.,
Maucharti Eph. N. C. Cent. 8. Obs. 14.,
Drelincurtii in Resp. ad Epist. de rec.
med. st. Littræi Acad. Sc. Reg. Par. 1707.
pluriumque aliorum Autorum, id evi-
denter constat, quod mensium natu-
ralis fluor, faciei nativus color, ap-
petitus, vix fitis, crura non tumida,
virium integritas, priore saltem tem-
pore, observari soleant: quæ profe-
cto omnia in nostra femina aderant.
Sed dubium brevi solvebatur; ut mox
patebit. Eductis Paracentesi aquis,
Venter quidem nobis minus justo con-
cidisse videbatur, verum cum Machi-
na quæ, suppositis hinc inde pulvi-
narculis, abdomen arcte constringe-
re

re debebat, conveniens ejusdem impediret examen, nostrum suspendimus eodem tempore judicium; donec post Octiduum, machina ablata, tumor ventris appareret, & quidem Cysticus ille, & magnus, & fere medio in abdomine, sub umbilico sinistrorsum locatus, quoque corporis situ vario volubilis in omnem, maxime in sinistram, partem. Sic quidem ut Hydropem cum Cysticum, tum Asciten, una in ventre femina gereret; & hoc punctura ablato, illum adhuc pateretur.

Hæc data a claris Scriptoribus signa Hydropis, five Cystici, five inter Musculos abdominales, Peritonæumque locati, ea ipsa sunt, quæ magnus *Hippocrates*, diffuso suo textu *Prophet. Lib. II.* ad felicem in Hydrope Prognosin absolute requirebat. Eadem signa nostræ ægræ in Hydrope & Ascite aderant, & Cystico. Ascites
hinc

hinc bonum exitum per Paracentesin habebat: sed Hydrops cysticus, si ex bonis istis signis internoscatur, non sustinet tamen bonam Hydropis, quam *Hippocrates* curabilem facile existimabat, prognosin; utpote quæ serius ocyus in interitum vergat. Neque etiam bona eadem signa bonam sæpe Prognosin in ea Hydropis specie formant, quæ Peritonæum inter Musculosque est: quandoquidem distinctos prope Umbilicum tumores crebro habet, a quibus degenerascentibus ejusmodi Hydrops sæpe nascitur, & a quorum malignitate mortem inferre solet. Ergo bona hæc signa faustam quidem prognosin & in Hydrope ἀνὰ σάγνα, & in Ascite formare sæpe solent; rarius vero in Hydrope Cystico, & eo, qui musculos abdominales inter & Peritonæum fit.

Mulier nostra, quæ, ut retuli, Corticem Kinæ mox a principio sumfit, sumere illum ad medium Augustum, summo emolumento, optimisque cum excretionibus, continuavit. Dolore Colico tunc, cum modica admodum fæcum urinarumque excretionem laborans, purgante *Aq. Lax. Vienn.* bis sumto, datisque Paregoricis ac Mulcentibus, brevi convaluit: ita tamen, ut novi Ascitis post hanc Colicam Principia iterum animadverti videantur. Vt autem urinæ fluor, qui post hanc ultimam Colicam parvus erat, promoveretur, sumsit Remedii compositi ex Bals. peruviani dr. jß. Vitelli ovi n. i. & syrupi Glycyrrhizæ unc. iij. cochleare parvum omni trihorio: hujus auxilio urinæ laudabilissimæ, cum virium, cunctarumque functionum restitutione, tumorisque decremento, hucusque profluunt.

§. IV.

§. IV. Convenit me in Nosocomio femina 33. annos nata, die 26. Nov. 1766. narrans ab ipsa sua infantia difficiliore respiratione se laborasse; sanam cæterum ac vegetam octo infantes se feliciter enixam esse, atque lactasse; ita tamen, ut dum infantem octavum lactaret, nonnihil sanguinis cum sputis redidisset. Elapsis autem 15. ab hinc mensibus, se passam esse abortum, ac sanguinis octo integris septimanis perseverantem fluxum: quo vix cessante, denuo concepisse se, ventremque in eadem graviditate præter consuetum graviditatis morem intumuisse; tussi deinde, ac vomitu, floridique expuitione cruoris laboranti sibi, Venam tussam esse; quo effectum, ut sputi sanguinis cessaret quidem violentia, sed idem tamen cum glutine nonnunquam adhuc prodiret. Nec ventrem solum præ-

ter graviditatis morem extumuisse, sed tribus ante partum septimanis & crura tumida fieri cepta. Medio demum Septembri se peperisse quidem feliciter, vix vero ventrem concidisse: octiduo primo infantem lactasse se se, monente autem Medico, ablactasse. Die a partu octavo, more vulgi Austriaci, Templum se adiisse, recrecentibusque brevi viribus, & ventrem sic a data medicina collabi cepisse, ut jam durum quoddam in eodem corpus, cum a se se, tum a medico, deprehenderetur: verum triduo post in molem priore duplo majorem extumuisse abdomen, idque ita pertinaciter, ut nec priora, nec alia selectissima remedia, nec ipsa, quæ diu affuisset Diarrhœa, quidquam profuissent. Respirationem laboriosam nunc sibi esse, Tussim acrem, noctes insomnes.

Hac

Hac facta ab illa, maritoque, Anamnesi, ad formandam Diagnosin, & Prognosin, multo non erat labore, opus: ex enarratis quippe facile constabat, quemadmodum in casu proxime priori, Ascitem, & simul aut Cysticum esse Hydropem, aut alius generis tumorem; defectu autem bonorum signorum, quæ supra recensuimus, ambiguum valde esse Hydropis utriusque Prognosin.

Cum manifesta perciperetur Lymphæ fluctuatio, cum vita feminae miseranda, ac fere intolerabilis esset, Viresque palliantem saltem admitterent Paracentesin, quin & eandem expeteret ægra; 27. Nov. instituimus illam. Haud ultra 30. Libras educere potuimus. His eductis, mox durum corpus, & inæquale, dextro in latere, pone Umbilicum, deprehendi. Thermometrum in oblongo vitro Lymphæ, mox

eductæ, immerfum totum, notavit gradus 99. quos eosdem ipfa mulier paulo ante operationem notaverat.

Lympha educta flava, & limpida, dum & mox a Paracentesi, & octiduo post, igni imponeretur, sic disparuit, ut levis modo, ac tenuis, pellicula relinqueretur. Conservabatur omnis Lympha in 15. vitris majoribus, quorum in uno alterove subaciduli quid odore advertebatur die 8^{vo}., die vero primo quid putridi, absque ulla tamen cum aceto effervescentia. Cubiculum in quo servabatur hæc Lympha gradus caloris 62. 64. perpetuo notabat, nisi forte semel iterumque paulo vehementius accensa fornace.

Urinam, post Operationem, paucam semper ægra reddidit; &, contra id, quod cum in nostris urinis fanis, tum in iis febricitantium, quotidie ob-

fer-

fervamus, urinæ ejus, in 12. diem as-
servatæ omnes, nec mihi, nec mecum
examinantibus multis aliis, vel mini-
mum exhibuere fætoris; quamvis in-
dies magis fuscescerent, sedimen for-
marent, imo situm quendam, eæ prio-
rum dierum saltem, contraherent. Se-
dimen urinarum quatuor priorum die-
rum lateri contrito, ut Hydropicorum
sæpe est, simile fuit; reliquorum au-
tem dierum subflavum.

Quo tempore urinæ sedimen late-
ri trito simile, eodem tempore feбри-
cula adfuit. Cortice actutum tunc da-
to, & febris cessavit brevi, & sedimen
ruffum. Febriculam hanc pulsu, haud
vero thermometro, cognovimus: hoc
enim perpetuo calorem signavit natu-
ralem.

Flatus post operationem affuere
quidem, sed haud molesti. Dolorem a

die quarto a Lumbis ad inguina tendentem quæsta est.

Quæ præcedentibus, & huic data emulsa sunt. Miscui cum Cortice Peruviano diuretica: hæc nihil operabantur; illius vero ope & febris flebat, & renascebatur appetitus, somnusque, & pectus liberum fuit, & cessantibus antiquis torminibus Ventrís, alvus quater, quinquies quotidie, cum levamine, commodeque, posita fuit; vires tandem eo creverunt, ut tota fere die extra lectum esse amaret.

Cum omnibus hisce emendationibus, Lymphæ die 7^{mo}. reditum percepimus, ita ut tamen durum corpus, de quo supra, adhuc deprehenderemus.

Itaque duo morbi principes videntur adfuisse: alter pulmo debilis, ac, cum tussi, sæpius quid sanguinis sputis commisti, semel sanguinem purum floridumque, ejiciens: id quod a diathe-

si jam infantiae, a repetita toties graviditate, partuque; nec minus a tot infantum lactatione, oriri potuisse facile capimus. Alter morbus, Ascites; quem in graviditate nona, a nimia per abortum hæmorrhagia eam reor contraxisse: qui & ipse Hydrops ascites, utrum a tumore quopiam præternaturali cujusquam in ventre Visceris originem duxerit; an vero præter Asciten verus Hydrops Cysticus adesset, coram Auditoribus determinare non potui.

Crescente immaniter Ventrìs tumore, Paracentesi alteram suasi, viribus egregie constantibus: maluit vero illa proprios repetere Lares, aptisque ibidem medicamentis uti.

Posthac sæpius se stitit coram, statum exhibitura suum, auxiliumque petitura: hyeme vero asperiore solus maritus venit. Tandem vi morbi vi-

cta maritum urfit, ut in fella gestatoria in urbem, & Nosocomium, se se ferret; quo a me examinari, & five medicamentis, five altera Paracentesi, suis levari miseriis posset. Marito id renuncianti præ letali ejus debilitate dissuasi. Dies 17. Martii calamitatum finis fuit.

Die 18. Martii, elapsis 30. a morte horis, cadaver examinaturus accessi, non modicam Medicorum ac Studioforum inveniens catervam. A diuturna ponderosi corporis decubitu, ab humorum putredine, vitæque diu minima, consumferat Gangræna Lumbos, Femora, Nates: purpureusque color crura, ventremque, deturpabat.

Tumidissimus fane ac monstrosus Aqualiculus fuit: extantibus cum Sterno costarum infimarum cartilaginibus plurimum extrorsum. Eratque adhuc ita tumidus tunc Venter, licet non in

Pa-

Paracenteseos loco, sed pone illum, facta sponte apertura inveniretur, qua liquor de ventre extillasset, jamque, moto pauxillum cadavere, ingenti jactu erumperet.

Spontanea hac apertura cultro dilatata, aqua copiosissima profiliit, eaque limpida, subflava, fætida admodum. Mensurare eandem, ac ponderare, defectus in his ædibus vasorum, instrumentorumque, vetabat.

Evacuatis illis, animus erat tumoris duri, quem in vita toties deprehendebamus, examinare originem, naturamque; verum nihil ei simile reperimus. Quid ergo Mulier, quid nos, dum videbamur ingens ibidem corpus toties deprehendere, revera deprehendimus?

Cunctorum Intestinatorum superficies gangrænosa apparuit. Ipsa vero Intestina, in hoc spatiosissimo ventre,
spa-

spatium haud majus, quam in parva puella expleffent, occuparunt: Aquarum quippe prodigiosa moles Intestina omni ex parte in parvam compegerat massam.

Sed antequam loco quidquam moveremus, obstupefebamus eam gibbi Diaphragmatis altitudinem; quæ Thoraci, pro corde pulmonibusque locandis, vix spatium relinqueret. Haud enim, ut sæpe, gibba Diaphragmatis pars mammarum æquabat altitudinem, verum una costa in sinistro latere, duabus costis in dextro, altior fuit: Sic ut Cor ad jugulum fere hæreret, Diaphragmate æque altissimo, quo loco ad Pericardium connascitur, quam a-
libi.

Aqua haud Intestina duntaxat, sed & Ventriculum, & Jecur, & Splenem, versus dorsum compresserat sic, ut ipsa hæc aqua ante omnia hæc compressa
vis-

viscera, interque eadem & trufas extrorfum infimarum Costarum Cartilagineſ, Muſculos abdominales monſtroſe expansos, elatumque valde diaphragma, ampliffimum ſane ſpatium occuparet.

Quamvis brevis adeo Thorax, inferius ſcilicet plurimum repandus, nihilominus præ Diaphragmatis altitudine jecur totum intra Thoracem delituit; lobo majore dextrum, mediaque parte ſiniſtrum, non dico Epigaſtrii, aut Hypochondriorum, verum ingentis illius Cavi, ab elato Diaphragmate formati, omnino explens. Vid. Tab. II. Fig. IV. Lit. H.

Hepar pallidum totum; & dum diſcinderetur, non tactu, ſed viſu, apparuit granulofum.

Modice plena veſicula fellea duriusculi quid intra ſe gerere credebatur; perſciſſa autem bilem exhibuit, non ſpiſ-

spissam modo, sed & grumolam, & ut *Hippocrates* Bilem atram depinxerat, foeci olei similem.

Splen magnus valde ab aqua quoque versus postica pressus, pro maxima parte infra lobum sinistrum Jecino-
ris locatus erat; mollioris ille substan-
tiæ, digitisque in pulvem facile con-
terendæ. Lit. G.

Ventriculus magnus sub conspe-
ctum non venit, nisi Colo Intestino re-
moto; sic ut oblique deorsum tende-
ret inferiore valde abdominis loco: id
quod facile ibi fieri potuit, ubi Ven-
triculus Diaphragma, hic non elatum,
pertransit, Oesophago pollicem & ul-
tra infra Diaphragma elongato; ut plu-
ries in cadaveribus observamus, & ut
clarus Vir *Morgagni* haud raro obser-
vavit. Lit. F.

Colon, cæteraque Intestina, in lo-
cum, id quod mox monui, longe ar-
ctio-

ctiorem, collecta erant, cunctaque livebant: tenuia parum, imo solito minus, expansa; Colon vero valde amplissimum a Cæco usque ad plexum in sinistro latere ad C.; ubi vero de suo plexu devolvebatur, ad D. angustius inaniusque fuit: Nec flexum Hepaticum, nec Lienarem fecit, at vero sic decurrebat, ut ad A. ex Cæco Intestino oblique ascenderet ad B. inde oblique sinistrorsum ad C. quo in loco supra se se reduplicatum erat: emersumque inde ad D, non ad latus lævum abdominis extremum, sed secundum Lumborum spinam deorsum tendebat, formatum ad E Intestinum Rectum.

Boni Renes: Ureteres solito multo ampliores.

Uterus feminæ, quæ decies pepererat, illo Virginum haud major erat: Ovaria bona. Monstruosum sane
fac-

faccum apertus totus Aqualiculus referebat:& moles omnium Intestinorum ad sese mutuo compactorum, vix molem intestinorum pueri æquabat. Laminæ percissi crucialiter Peritonæi, in latera reflexæ, explebant fere totam latam va de Tabulam, in qua Cadaver repositum erat; quod, quoad ejus facere potui, in Figura exhibui. Quamobrem eo magis doleo nos, præ vasorum defectu, effluentium aquarum mensuram, quæ omnem forte fidem superasset, capere non potuisse. Vide Lit. KKKK. Quæ autem Literis II. notantur, sunt oblongæ ac leves eminentiæ, quæ a retroflexis eum Peri onæo integumentis formabantur, formantes quasi latera abdominis.

Atque hucusque Diaphragma insolitam suam servabat, quam prius mirati fueramus, altitudinem: dum vero Thorax incidebatur, mox idem quadam veluti vi deprimebatur: quin

&

& albidi valde Pulmones spatiosiores longe locum mox occupabant. An pulmonibus in statum violentum compressione redactis, ea infedit, superfuitque, expandendi se, atque naturalem in molem se ampliandi, potentia?

Numquid atmosphæricus aër, glottide in Pulmonem illapsus, mox ab ablata externa pressione, eousque extendit eundem?

Modica sinistri Pulmonis cum Pleura cohæsiō, dextri nulla; id quod in compressione adeo forti, & diuturna, vix expectari potuisset.

Paucæ guttulæ rubellæ in toto Pericardio.

Cor dextrum primo incisum, congrumato sanguine plenum fuit; lævum quoque, sed dextro minus.

Hydrops igitur fuit Ascites, a nimia quidem cruoris in Abortu jactura ortus, qui una cum insequente mox

graviditate inchoans, cum graviditate aliquantum, post partum vehementer auctus, remediisque haud auscultans, Paracentesi evacuatus quidem, sed, causa remanente, renatus fuit. Aqua hæc, Paracentesi educta, non plastica, ad ignem fere evanescens tota in auras, haud tamen putrida, putredinem valde fero contraxit; quemadmodum & Urinæ, post Paracentesin missæ, solito tardiores contraxere putredinem. Ipsa hæc Hæmorrhagia ut causa, quemadmodum vitalem liquorem ita profundit, ut demum sensorio communi deficere videatur id, quod Nervorum prospiciat actionibus; sic quoque vasa eandem ob causam debilitat, redditque desidia in agendo. Unde humorum tenuium, haud compactorum, pars aquosa per flaccida, desidiaque vasorum oscula, in cava Corporis effunditur; ibidemque, quod vasa inhalantia

ad

ad resorbendum inepta sint, colligitur, ac Ventrem explet. Eductis his Paracentesi aquis, defuit tamen Sanguini id, quod Cerebro debuisset dare: mansit flacciditas vasorum, inertiaque talis, ut ne optima quidem Cardiaca & replentia, & adstringendo roborantia, apta hisce vitiis reparandis eousque fuerint. Unde mox novus oriretur tumor necesse fuit. Hunc forsitan altera, tertia, compluresque Paracenteses, sustulissent; ita ut sic vel mors procrastinata fuisset, vel etiam, auxiliis aptis solida fors restaurata, inque sua fluida rite agentia, penitus hanc Hydropis causam delevissent. Jam vero Paracentesi neglecta, Aquæ eousque Ventrem inundarunt, omniaque impleverunt, ut Viscera vitalia ad suam functionem redderentur inepta; ut Intestina compressione fierent gangrænosa; ut gangræna etiam a defectu

Circulationis oborta, corporis extrema corrumperet, & sic denique ægra summis pectoris anxietatibus, viriumque defectu, suffocaretur.

Supereſt ad duri tumoris, & ab ægra, & a nobis, toties percepti, ac nulla fui in Cadavere veſtigia relinquentis, examen nos convertamus. Poſſibilene eſt molis corpora tantæ, ſponte ſcilicet ſua, fatiſcere ſic, ut nullæ eorum reliquiæ, nulla omnino veſtigia, poſtmodum advertantur?

Ad hanc quæſtionem ut reſpondeam, Hiſtoria enarranda alia eſt; poſtquam duos hoſce parietes una fidelia dealbare conabor.

§. V. Mulier a die 17. Maij, anni 1757. ad medium fere annum 1759. nos ſæpe convenerat, varia variis conqueſta diebus, dolorem autem præcipue, pondusque in medio Epigaſtrio perpetuum; poſtquam pluribus

an-

antea annis eodem in loco non, nisi imminente Mensium fluxu, doluisset: pondus hoc durum sibi videri, tendi nonnunquam, volvi, moverique, aliquando in duos tresve globulos divisum sibi visum esse, &c. Gravida interim facta, ultimoque graviditatis tempore miserrime habens, die 17. Jul. 1759. in Nosocomio peperit: qua occasione de morbis gravidarum, parturientium, puerperarum, atque infantum, publice egi. Tempore postremo graviditatis, ipso in puerperio, postque idem, dum illam propter infantis incommoda aliquot septimanis in Nosocomio detineremus, hoc de pondere, atque dolore, vix conquesta est. Brevis autem postea, siquidem lactare infantem non posset, cum redeuntibus mensibus periodicum hoc pondus, atque dolor redierunt, & cessantibus tandem, præ an-

norum L. ætatem, Catameniis, de-
nuo affligere perpetui.

Tandem anno 1764. mense Sep-
tembri, gravi ex alto in Ventrem ca-
su, validam Hypogastrii contusio-
nem passa est, enormemque dolorem;
ad quem non modo nullum auxilium
adhibuit, sed &, ad quem summa
paupertas cogebat, laborem, ligna in
5^{ta}m. contegnationem quotidie ferē-
di, perrexit. Victa demum morbo,
lecto commisit se, alvo ab octiduo
carens, quam demum sale amaro sol-
visse se ait. Conquerebatur per Epi-
gastrium tubera nodosque, veluti con-
catenatos, initio percepisse se; in
Hypogastrio autem, quo tempore aut
alvum, aut urinam, aut flatum, emissu-
ra esset, adeo vehementes dolores ex-
pertam esse, ut quos toties enormes
passa erat partus dolores, eosdem lon-
ge superarent. Ad hæc omnia tan-
dem

dem universi Abdominis tumor accessit. Totoque hoc tempore somnum vix oculis viderat, vix appetiverat, nec nisi urinam paucissimam crudelissimo cum dolore miserat unquam.

Duodecim diebus a lapsu exactis, venit demum Maritus in Nosocomium, petiturus auxilium. Vix rem ex illo capiens, palliantia quædam præscripsi, & omnem operam navavi, ut in urbem ac nosocomium deferretur. Die 4. Nov. huc delata est. An motu currus effectum id, ut urinam, quam toto hoc tempore nonnisi guttatim, dolentissimeque reddiderat, copiosam nunc, minusque dolorificam, ac pleno jactu, ex quo in Nosocomium suscepta esset, emitteret?

Ventrem examinavimus actutum. Conspectu ille externo, tactuque, tubera & inæqualitates duras, Tympanias in morem, nobis exhibuit;

sonitum vero Tympanias non dedit, sed obscuram potius Ascitis fluctuantis ideam. Non sitiebat, nec cruribus tumebat. Itaque Ascitis atque Tympanitidis suspicio erat; ast dolor tantus, & ante casum ab alto, & post eundem, perceptus, non solet horum alterutrum aut a principio, aut perpetuo, concomitari; præcipue ad Vesicæ, Rectique Intestini, excretionem. Anxia quoque pectore perpetuo fuit, nec lecto decumbere unquam, nisi elatiore pectore & capite, potuit. Tussis frequens aderat, sputaque glutinosa. Alvus perpetuo dolorifica & dysenterica; flava quidem ac pultiformis, posthac vero tenesmoidæa, cum mucro non pellucido, sed lineis sanguineis notato, quibus Recti successit Prolapsus. Frequenter nauseat. Aquarum fluctuatio sensim manifestior fit.

Ex

Ex principiis artis de Paracentesi hic cogitandum non erat, sed pro crebritate ac varietate symptomatum, sæpe contraindicantium, agendum. Varia dedimus ad ea quæ potissimum urgerent, iisque solamen multum, instabile tamen, conciliavimus. Et cum in Hydropis cura tantopere laudaverint cum Prisci, tum Recentiores Medici, Clysmata urinæ five Ovium, & Asinorum, ut *Avincenna*; five Vaccarum, ut plures Moderni; five etiam hominum, ut *Valeriola*; qui Lib. 1. Obs. 2. „ enema ex impube-
„ ris pueri urina parabat, cocta cum
„ tantillo fermento panis, feminis
„ Carthami, cum melle despumato,
„ eoque mirifice Hydropem allevari
„ testatur: nullo enim magis, quam
„ hoc, detumescere Ventrem, aquosa
„ excerni, & flatuosa discuti, æger
„ sentiebat: estque hic, inquit, Cly-

„ster mihi in ejusmodi affectibus fa-
„miliaris, atque probatus. Et in
Actis Acad. Reg. Sc. Paris. anni 1707.
clarus Lemmery multa de Juvencae
urina commentatus est, variasque at-
tulit ad hujus usum conditiones. *Mi-*
chelottus quoque apud ill. *Morgagni*
afferebat „Juvencae urinam sibi felici-
„ter, nec semel, adversus Anasarka
cessisse. Et ipse *Morgagni Epist. Anat.*
Med. 38. „hanc medicinam animale
„petenti ægro concessit, & ore qui-
„dem assumendam, quæ principio
„quandam ipsi ebrietatem concita-
„vit, sed non, quam prioribus,
„utilitatem. „

Duo præterea Viri expertissimi ex-
tranei, hanc nostram ægram invisen-
tes, Vaccinae urinæ enemata summo-
pere commendabant, pulcerrimis id
experimentis edocti. Unde intra oc-
tiduum quater ejusmodi clyisma injici

cu-

curavi; sed destiti, cum nullam evacuationem notabilem promoveret, & singula vice vehementer dolorem augeret. An forsitan malum provectius, quam ut admitteret medelam?

Mense Januario 1765. major, quam unquam, ventris tumor, ambitu quidem mollior, in medio vero longe durior, & quidem sic, ut in hoc medio durum corpus inesse perciperetur, quod dextrorsum sinistrorsumque extendens sese, in dextro tandem Hypochondrio terminabatur. Ardor illum ac dolor comitabantur. Sed jam cum tumore strepitum validum plures Medici, ac Medicinæ Studiosi, mecum integro adverterunt octiduo; quo elapso, ultra perceptum hujus nihil. Accessit Hydrops intercus. Pectore quoque dolens ac tussiculosa toto quidem morbi tempore, circa vitæ vero finem cum maxime fuit. Gangrænam Intesti-

testini elapsi, eamque natium, lumborum ac scapularum, licet tribus ultimis vitae septimanis ægra nunc inscia, nunc involuntaria, lectum putridis fecibus continuo conspurcaret; nos tamen, mutato lecto creberrime; inungendo bis die cunctas, in quas decumbebat, partes unguento, quod ex albumine ovorum cum spiritu Vini paratur; & admoto ad Intestinatorum prolapsum Decocto corticis Peruviani; feliciter præcavimus. 20. Martii obiit.

De morte certi Anatomen, transactis 16. ab illa horis, fecimus; mirati externum Corporis, internumque Viscerum abdominalium calorem; quamvis cadaver mox a morte in frigida admodum cavea depositum fuisset. Doleo me antea non explorasse cadaveris ope Thermometri calorem, nec illum, aperto ventre, Viscerum: unde forte detexissemus, quo usque
calor,

calor, quem sæpius fere naturalem, bihorio post mortem, deprehenderamus, etiam hic sedecim a morte horis cadaveri, saltem Visceribus ventris, perseverasset.

Libras xiv. Lymphæ ex ventre eduximus, quæ ex albo fufcescebat, ac plures fufcas pseudomeningas gerebat; ubi autem aliquantisper steterat, gelati quid in superficie sua habebat: In portione Libr. V. postremo educta, separatis vasis excepta, inerat multum gelati, ei confimilis, quod in educto de venis sanguine, dum in compactam crustam non formatur, semipellucidum, ac sæpe copiosum, contegit crassamentum sanguinis.

Sed Pseudomeninx alia nostram mentem figebat. Non enim, ut assolet, flava erat, sed plane rubra, tenuia intestina tegens, extendens sese supra Colon, ipsumque Jecur, quo usque

que hoc viscus, ut mox patebit, non erat cum vicinis partibus connatum: mittebatque de sese Processum, qui ad Mesenterii centrum; & alium, qui ad Lienem sese affigens, secundum posticum coli latus in pelvim descendebat.

Hepar concretum undique cum Diaphragmate fursum, & a posticis, anterieus cum Peritonæo, deinde cum Colo, ipsoque cum Ventriculo; excepta plaga quadam in ipsius, nempe Jecinoris, dextra parte, aliaque sub Cartilagine mucronata. Concretio hæc fortis, ac membranacea fuit, hinc vi, illinc non nisi visceris dilaceratione, solvenda. Ruffum Jecur erat, totumque granulosum.

Ventriculus ab Hepate connato solutus, ad Pylorum duos in ambitu pollices durus erat, tuberosus, scirrhusus;
hic

hic tres, ibi quatuor, alio iterum in loco sex lineas crassius.

Coli fusco-purpureus color.

Ren sinister durus; dexter tota sua corticali substantia cartilagineus.

In Vesicula fellea pauca flava bilis, & calculus unicus, asper, fere rotundus.

Uterus exiguæ admodum cavittis, substantia sua nonnisi durum cartilagineum corpus.

Circa pelvim Intestinum Colon firmissima, ac membranacea concretione cum Intestino Recto coaluerat, & contractum glomerem cum omnibus, quibus adjacebat, partibus, referebat, sic ut hic omnino immobile hæreret.

Pulmones ambo cum Pleura, cum Diaphragmate, cum Pericardio, Mediastino, mutuisque inter sese lobis, firma ac membranacea concretione, unicum veluti corpus componebant:

sinister postica parte gangrænosus totus. In una aliave non connata plaga Thorax uncias aliquot Lymphæ collectas gerebat. Modica in Pericardio aqua. Cor suo apice cum Pericardio connatum erat ope processus ferre cartilaginei, tres lineas crassi, digitis non dilacerandi. Cordis dextri substantia tenuis, ac flaccida; sinistri digitum crassa, atque ita compacta ac solida, ut absolute non videatur contrahi potuisse: massam quippe referebat præ duritie vix flexibilem. Sanguis grumofus in eodem, quam in dextro, multo copiosior.

Igitur Hydropem Ascitem invenimus, adeo vero mediocrem, ut ventri admodum extendendo par non fuerit; ita ut alias causas inquirere tanti debeamus tumoris, tantorumque phænomenon, quæ cum in Viva, tum in
De-

Denata, circa ventrem animadvertimus.

Ac primo quidem ex tota historia Morbi evidens fit Ventriculum omnium primum se male habuisse, & ex obstructione, vel ex rosione acrium lenta, in enormem hanc crassitiem, perfectumque denique scirrhum degenerasse.

Sed hujus mali sedes prope Pylo-
rum inventa est. Notemus hic 1^{mo}.
Ill. Hoffmannum ejus sententiæ fuisse, ut
in Cardialgiis Pylorus & potius, &
primario, afficeretur. 2^{do}. Optimum
Morgagni censere haud quidem omnes,
sed plerasque chronicas Ventriculi de-
generationes, exulcerationes, indura-
tiones, atque scirrhus, in ea ejusdem
parte reperiri solere, quæ pone Pylo-
rum est. *Epist. Anat. med.* 29. Quare a
vero haud alienam esse *Hoffmanni* censet
sententiam. Multa quoque nobis sua-

dent duros pendulosque tumores in Cadaveribus prope Pylorum inventos, plerumque oriri a laceris, & calloforum ibidem ulcerum membranis, eorumve reliquiis degenerascentibus.

Porro aiebat femina a decennio se in medio Epigastrio pati: ac primum quidem periodice ad mensium tempora: sic ut bene fluentibus illis, dolore, tumore, pondere, anxietate, flatu, nausea, careret; menstruis vero propter ætatem cessantibus, se hisce incommodis perpetuo excruciarī. Prava Ventriculi conditio principio exigua, atque paulatim duntaxat aucta, ad menstruam plethoram, motumve, potissimum irritata fuit, eaque soluta, quievit: at vero malum indies crescens deficientium Catameniorum tulit omne pondus; eo profecto modo, quo aliis atque aliis feminis, aut Caput, aut Pectus, aut Lumbus, aut Intestinum, aut Uterus.

Uterus, aut Vefica, a cefante motu menftruo potiffimum afficitur. Eamque ob caufam, & antequam illa ad nos veniret, & quamdiu apud nos fuerit, ac præfertim poftquam lapfus in ventrem violentus hanc partem gravius affecerit, dolor haud ultra periodicus, fed continuus fuerit, oportuit. Atque hæc fi fic fiunt, fecundum leges ordinarias, fecundum communes fiunt obfervationes. Quod ideo noto, quia lege plane extraordinariaprehendimus homines nunquam aut hæc, aut fimilia, in vita effe conquæftos, quorum tamen cadavera & has, & his deteriores degenerationes, feu in Ventriculo, feu prope eundem, feu in Vifceribus aliis, dudum habuiffe, pluries demonftravi.

2^{do}. Caufam aliam capimus, ob quam mulier dolorem dolentem in medio Epigaftrio primum periodice,

tandem continuo, perpeti debuerit. Actionem Ventriculi, contenta versus Pylorum promovendi, perturbari magis oportuit magisque, partis hujus indies augescente rigiditate, atque crassitudine, ab accedente primum plethora menstrua, seu universali, seu saltem uterina, postmodum ab eadem plethora jam continua. Mirum proinde hoc non est, quod amplificaretur Ventriculus, quodque magis indurefceret; eo quod contenta in se edulia, potum, aeremque, diutius longe debuerit retinere, antequam per eam induratum sui partem, perque arctatum transmittere potuerit Pylorum. Nausearum hinc intelligimus, molestorumque flatuum, quos conquesta toties fuit, originem.

3^{tio}. Ab ejusdem Ventriculi cum Jecore & Colo, cohæsione, actio ejusdem digerens, miscens, movens, compingens,

gens, atque ad Pylorum determinans, vehementer impedita, exposita mox symptomata multum augere debuit.

4^{to}. Sed cur plures nonnunquam tumores, catenatim veluti invicem nexos, loco instabiles, & conquesta illa est, & nos aliquando tactu percepimus?

Tactu, visuque, Tympanitidem sæpe videre videbamus, eo tantummodo desiderato, qui Tympanitidis est, sonitu. Sed Lympha, cum Tympanitide præsens, sui que præsentiam fluctuando notans, an non sua interpositione suffocavit sonitum? Credibile. Itaque cum Intestinum Colon, prout in Cadavere patuit, ea emetitur spatia sit, in quibus duri illi tumores observabantur, merito credimus Colon hoc sæpe in globos tympaniticos, & quidem nunc in medio ventre superiore, nunc dextrorsum, deorsumque expansum fuisse, sicque concatenatorum globo-

rum perceptionem creasse tangentibus: idque profecto eo magis, quo hoc ipsum Colon cum Ventriculo & Hepate firmitus esset connatum, hincque sua in actione plurimum turbatum.

5^{to}. A casu in Ventrem gravissimo, Contusio, & Inflammatio ejus Coli partis, qua in gyros convolutum supra principium Recti inventum fuit, immanem illum effecit, quem Anamnesis refert, dolorem: & quia inflammata pars, quod non perspiret, cum vicina coalescit, ac fortiter cohæret, actio omnium harum partium læsa fuit. Inde ea dolorum sævities, quando tanta vi Diaphragmatis, & Abdominalium Musculorum, ad exitum fæcum, flatuum, & urinarum, per coalitas hæc partes promovendum, opus erat; & quando Colum in sua actione Rectum, hocque vicissim illud, in expulsionem suæ materiæ distrahebat,

bat, ac vellicabat. Quippe dilaceratione sæpe proximas fuisse hæc, mutuo adeo coalitas, partes, in egerendo necesse est. Præterea externa Recti Intestini tunica cum illa Coli con-nata cum esset, interior ejusdem tunica cedere impetui debuit, anoque prolabi: unde etiam, dum nonnunquam alvus & urina & flatus commodius redderentur, intestinum hoc non prolabebatur. Quoad dolorem autem in reddenda urina, licet cum ceteris Vesica haud coaluisset, actio tamen respirationis ad mingendum necessaria, dum æque in Intestinorum concretorum glomerem pressit, quam in Vesicam, etiam mictus creavit dolorem.

6^{to}. Undenam strepitus ille, quem tangendo toties, primum ad Coli principium, deinde paulo elevatius; idque non externe, sed profundius in abdomine; clare percepimus?

Strepitum ejusmodi raro, nisi ab aëre in crassa alicubi materie, aut in cellulositate, diffuso, percipere solemus; non enim memini me aut proprio experimento, aut lectis didicisse Autoribus, aëra in cavo Intestino tympanitico, aliove cavo majore, strepitum edidisse: Non enim strepitum vocamus Borborygmorem murmur. Unde credibile est Emphysema tunc temporis inter varias Intestini membranas adfuisse; idque vel ideo a morte non patuisse, quod diu ante mortem cessante strepitu, Intestinatorum membranæ, abeunte aëre, iterum collapsæ essent, & sic ne aëris quidem vestigia servare potuerint.

7^{mo} Quid de mira illa Pseudomeninge cogitandum?

Si revocemus nobis in memoriam, quo pacto omnes illæ Pseudomeninges, a transpresso sero sanguinis Vis-

ceribus atque Membranis circumfusæ, nascantur, haud multum laboris hæc explicatio habebit. Notavi suo loco in Lympha, ventre educta, gelatam materiem, eamque copiosam, apparuisse: videtur proinde ex arteriis Viscerum abdominalium exhalantibus multa materies, ejus, quæ alias crustam inflammatoriam facit, simillima, exhalasse; visceribus autem pro more minime concrevisse, quod aqua undique alluens, concretionem ad viscerum superficies prohiberet. Igitur exhalans hoc inflammatorium serum in Lympha fluitavit; eodemque modo, quo eadem Lympha in vitris nostris quiescendo collectum hoc serum exhibebat, etiam idem serum, in vita feminae in aqua fluitans, videtur in diuturno decubitu fundum Lymphae petiisse, visceribus incubuisse,

& sic Pseudomeningem illam cum omnibus suis processibus genuisse.

Regeres cum Pseudomeningibus ad Viscera, Membranasque adnatis, non inveniri commistum cruorem; adeoque, quæ data fuerit, solutionem, non satisfacere: respondeo quemadmodum Viscerum exhalantia vasa, ut pro rore serum sanguinis inflammatum transsudent, multum dilatentur sit necesse; ita eadem, gradu dilatationis uno majoris, globulos sanguineos transmittere: qua unica ratione explicatur quoque fudor sanguineus, quo nonnulli in plena sanitate ad axillas laborent, & quo quosdam a metu ingenti, hosque inter Sanctimonialem, ab invadente milite stuprum metuentem, toto corpore perfusos fuisse, Historia refert. Vide Schenkium, aliosque. An non Peripneumonicorum, Pleuriticorumque Sputa, lineis san-

sanguineis notata, eodem modo explicari queant? Unde neutiquam miror amplæ huic Pseudomeningi tantam adfuisse cum flavo rubedinem.

Instabis ultra consideratione mulieris temperamenti, quod a tot tantisque chronicis ærumnis in Hydropem quidem conversum, a statu autem inflammatorio alienissimum fuerit. Sed refero in majoribus obstructionibus, Viscerumque compressionibus, sanguinem liberis in vasis comprimi, densari, compingi, disponique ad inflammationem: qualem inflammationem videre quandoque est in Sanguine Hydropicorum, qui vel secta imprudenter Vena, vel narium profunditur fluxu; vel Ventriculo, Pulmonibusve, eructatur.

Confirmavit hanc experientiam meam ipsa hæc nostra Mulier; dum, nona & octava Septimana ante mortem,

tem, ab ingente febre, eademque continua, & ab intolerabili anxietate, præsentissimo in mortis periculo verfans, nec alio sublevanda auxilio, terrena sanguinis missione modica ab interitu veluti resurgeret. Sanguis enim singula missione crasse compactus, crustam nobis exhibuit duram admodum, ac flavam, valdeque contractam. Tandem sputa, quovis die, pluribus ante interitum septimanis, nonnunquam partim, nonnunquam tota quanta puriformia, absque ullis Pulmonum Vomitis, Tuberculisque, inventis, hanc perennem Diathesin Sanguinis inflammatoriam ostendunt, evincunt. Verbo, membranas densas, ac flavas, fero coagulabili inflammato genitas, haud secius eorum in Cadaveribus invenimus, quos lenti, quam quos acuti morbi, sustulerint.

At-

Attentionem autem nostram excitat Sputorum, Alvi, atque Urinæ, pluribus ante obitum septimanis, quotidiana Coctio, ac veluti Critica evacuatio; dum interim, in pejus labente de die in diem ægra, cunctæ hæ evacuationes veræ Coctionis, Criseosque, notis caruerint. Profecto in morbis acutis, atque in inflammatoriis, hæc *κρίσιμα μὴ κείνοντα*, ut ea Galenus vocabat, ne tuta crederemus, toties nos monuit *Hippocrates*, nisi reliqua bona signa una adessent. Videtur autem sic cum hac re comparatum esse: Inflammatoria sanguinis Diathesis, nata a morbo acuto, morbo coquitur, vinciturque sic, ut ultra non adsit. Diathesis eadem nonnullis sanis naturalis, morbo acuto aucta, vi acuti morbi eatenus aut resolvitur, aut critice expellitur, ut id, quod ab acuto morbo antiquæ Diathesi adjectum fuerat, de-

deleatur; ea ejus portione superstita, quacum olim in *ιδιουσυνερασία* tali affuerat sanitas. Nata tandem in corpore eadem Diathesis tota præternaturalis, sed ita abundans, ut, quantumvis sputorum, aliarumve excretionum, ope evacuetur, nihilofecius inexhausta persistat; nihil emendationis affert, & demum corpus pessumdat. Exemplis pluribus *Ratio medendi* hoc demonstravit.

Atque ita Problemati §. proxime præcedentis, cui post relatam hanc morbi, atque Anatomes, Historiam, responsum distuleram, abunde me respondisse reor. Causa nimirum intelligitur, cur Tumores, iique & majores, & plures, ita disparere, suapte sponte, queant, ut postliminio sive in Vita multos annos sana, sive etiam perpetuante se morbo, sive denique in denatis corporibus, nullum sui vestigium

gium exhibeant. Unaque ex hisce liquet, haudquaquam omnem esse insanabilem Tympaniam; quandoquidem in utraque hac ægra, in utriusque miserabili, brevique perituro corporis tabernaculo, sponte concidit.

§. VI. Anno 1765. medio Augusto Puellam 16. annorum examinaui, torosam, optimi coloris, rite menstruantem; quæ ab aliquot retro mensibus, in plena sanitate, paulatim tumefierior, plurimum jam tumebat. Tumentis abdominis expansio inæqualis Tympanitidem quidem referebat, ast, qui Tympanitidis indicium est, sonitus deficiebat. Desiderabatur quoque ea, quæ Hydropem Ascitem designare solet, Fluctuatio. Tribus postmodum Medicis, præclaris in arte Viris, mihi, Puellæ repetentibus examen, obscurior quædam animadversa Fluctuatio est. Dixi Hydrops si sit, cum
cy-

cysticum esse; quam Diagnosin dudum ex ejusmodi ægris, quorum Cadavera postmodum incideram, didici; quamque postmodum a Cl. *Morgagni Epist. anat. med.* 38. §. 67. 68. 69. 70. 71. multiplici observatione confirmare vidi. Nullum enim hic dubium, utrum Cysticus esset Hydrops, si revera Hydrops esset, an vero illa Hydropis rarioris species, quæ inter Abdominis musculos, atque Peritonæum fit: ut seq. §. §. clare patebit.

Fluctuatione manifestiore indies percepta, Paracentesis decreta in consilio fuit, ac die 29. Augusti instituta, sinistro in latere, in sacci cujusdam majoris veluti fundo: dixi enim supra, Ventrem inæquali extensione loca eminentiora, ac depressiora exhibuisse.

Prodiit aquæ fuscæ, turbidæ, non fætentis, copia mensurarum quinque, 20. Librarum medicarum. Nihil ultra educi

educi potuit. Neque subsedisse Venter nobis visus est. Nullus unquam fætor in singulæ Paracenteseos Lympha, spatio 24. horarum conservata, observatus est.

Die 1. Septembris similem copiam ex prominente loco lateris dextri eduximus : inodora lympa fuit, sed minime turbida.

Finiente septembri in sinistri lateris prominentia facta paracentesis, haud ultra tres mensuras evacuare potuit aquæ turbidæ valde, inodoræ.

Cum altero die Epigastrium univsum vehementer turgescere deprehenderetur; quamvis visu, tactuque, communicare inter sese utriusque lateris aquæ viderentur; instituta quarta Paracentesis est in dextro latere, paulo altius, plusque versus lineam albam, quam antea. Educere non potuimus plusquam tres Lymphæ ino-

doræ , pellucidissimæ , ac straminei coloris , mensuras.

Iterata sic quater Operatione, Lymphæ, dextro de latere semper limpidaæ, de sinistro perpetuo turbidaæ, Libræ 64. cum aliqua confidentia Ventris evacuatæ sunt. Color interim, vires, appetitusque, boni.

Sensim tamen urina inquietudinem pariebat. Toto tempore morbi in Septembrim usque, urina copia debita, conditione sana, reddita erat; jamque cum dato Vino squillitico & longe profusior urina prodiret, & longe prominentius abdomen redderetur, conclusimus Diuretica attenuando & ad renes determinando agentia, in hydropicas Cystides, veluti Legibus vix ultra subjectas Circulationis, non agere ultra; agere in humores corporis sanos, in quos solos agere non debuissent: valedicendum

ita-

itaque esse hisce, quæ quo operantur potentius, eo plus, humores dissolvendo, augent Hydropem. Neglectus hujus observationis innumeros ægros ante diem, humano more loquendo, perdidit.

Dixi mox Cystides hydropicas legibus Circulationis vix ultra subjectas esse; aliquem tamen locum adhuc superesse, unde sanies, ichorve, intra sanguinem absorberetur, urina indicavit: hæc enim Septembri mense, eoque fere integro, turbida fuit, ac crassa, opaca, ex albo quandoque leviter subcærulescente pellicula tegebatur, sedimentumque deponebat furfureum: medio autem septembri factor, isque ingens sæpe, adjunxit sese; ita ut urina quo missa momento erat, cum aceto effervesceret. Qua de causa conclusum est Corpus potu *Limonda* dicto, quem ægra vehementer amabat, implere; Kinamque porrigere.

Parciori Corticis dosi minime auscultans fætor, tandem mense Octobri liberaliori ejus dosi disparuit omnis.

Interea totus venter tumidior fit, absque ulla, hucusque imminuta Ventriculi, Pectoris, Viriumque integritate. Vide hic iterum *Epist. 38. Morgagnianam.*

Ventre igitur longe tumidiore, ex sacco eminentiore lateris dextri eductæ sunt XI. Libræ aquæ limpidæ, atque inodoræ: biduoque post de lævo latere aquæ fuscæ & turbidæ Libræ XIV. Posterioris Paracentesos hujus vitrum prius nonnihil fætebat, reliqua minime. Ventre æque turgescente, Puella omnes functiones comedendo, respirando, gradiendo, optime perficere pergebat.

Die 4. Jan. 1766. in consilio decretum fuit septimam instituere Paracentesin, in eoque eorum opinio prævaluit

luit ut , lymphæ educæta , fæccus injectione aquæ hordei mellitæ elueretur , & ab adhærente ad ejusdem parietes muco vel fanie detergeretur ; ut optimis Parisiensibus Chirurgis moris esse *Tomus secundus Acad. R. Ch.* fidem facit. Utque etiam cannula bene adaptata , & firmata , qua lymphæ & muco jugiter extillare posset , in vulnere maneret. Hoc ipso die hæc omnia tentabantur : quin & vacuo Siphone aërem sæpius ex vacuo aquis facco extrahere tentatum est.

At vero , quod ab illis , qui non abiverant in hanc sententiam , prævisum erat , ilico contigit. Elapso scilicet trihorio dolor ingens oboriebatur , ac Febris valida. Hinc protinus educæta cannula est. Febrimque , quæ perseverabat , deinde Cortice peruviano , qui una posset metuendæ

Gangrænæ prospicere, abigere conabamur.

Die 14. Jan. Ventre ubique, ac superius maxime, turgente, Octava paracentesis facta est sinistri lateris; qua non plus tribus libris turbidæ, multumque mucaginosæ materiæ, educi potuit. Tentata iterum facci detersio, aërisque eductio.

Ex septima autem Paracentesi dolor Ventris, febrisque continua remittens, ægrotam perpetuo vexarunt, quamvis continuo Kinauteretur. Pauca urinas minxit, easque cum copioso ruffo, rubro, sedimento; appetitu plane destituta, noctes insomnes, anxiasque transigens, quantumvis paregoricis usa, & inexplēbiler sitiens. Ita ut, febre, bis ad 10. matutinam, tertio die ad meridiem, cum horrore, ac vomitione, in-

gra-

gravefcente , demum die 27. Jan. piam animam creatori redderet.

Elapsis 24. horis , Cadaver aperuimus. Inducto instrumento per cicatricem Paracenteseos , aut prope illum , materiem partim purulentam , partim glutinosam , eduximus. Aperientes hunc sinistri Hypogastrii faccum secundum ejus longitudinem , deprehendimus eundem omni ex parte liberum , præterquam ad Peritonæum , quocum vagis , fortibusque Fibris , cohærebat. Quibus fibris , ut & iis aliorum faccorum , dissolutis , universum abdomen denudavimus , quo conspectui omnia paterent.

Sed turbatum parumper examen fuit. Quo expeditior Anatome fieret , abdomen Chirurgi perforaverant , ut eductis aquis mox paterent contenta ventris. Animus autem mihi fuerat accurate explorare , utrum Hydrops

Cysticus solus, an quoque Ascites adesset? quod haud inepte quis ex aqua limpida, quam ex dextro latere semper eduxeramus, suspicari posset. Jam vero elabente ex sacco pertuso aqua, corpore simul in latus, anterioraque, reclinato, incertum plane fuit, utrum aqua, quæ paracente si cadaveris prodierat, effluxisset per cannulam omnis; an vero etiam faccum inter Peritonæumque, quocum sacci laxè tantum cohærebant, furtim sese insinuasset. Impediebamur inde quoque examinare num injectio detergens non etiam parte sui effusa in Ventrem esset.

Peritonæo toto usque ad margines costarum ablato, nihil ab ima pelvi, ad diaphragma usque, excepto eo, quod primo intuitu credebatur Hepar esse, nisi unicus, ast tumore vario inæqualis sacculus, Ventrem vide-

debatur explere : quæ inæqualitates in vivente nobis veluti totidem facci esse apparuerant : videbaturque totus ille, ingensque faccus, suam ducere ab uno Hepate originem.

At vero propius omnia intuiti, reperiēbamus rem longe alio modo se habere : Hepar nempe intra Costas delitescere totum; quodque Hepar credideramus, esse peculiarem facci tumorem.

Saccus porro qui, ut supra relatū, vagis productionibus, potissimum prope umbilicum, pauloque altius, cum Peritonæo concreverat, lata valde basi versus pelvim cohærebat cum uterino systemate.

Unde faccum universum cum Utero, Tubis, Ovariis, e ventre solvimus. Apparuit tunc evidenter adhæSIONIS facci principium ad mediam fundi uteri partem inchoare, cohære-

re deinde cum Mesenterio, cum Peritonæo ad ossa pubis, ad muscolum Psoam & Iliacum internum, ad Nervum, Vasaque cruralia; terminari tandem digito lato a dictis musculis, dextrosum.

Uteri collum oblongum admodum; sinistra ejus cavitas naturalis capacitatis; dextra in parte, concretis parietibus, cavitas nulla: quam ob rem nec ibi vestigia tubæ. Sed neque sinistro in latere, ubi uterus ceterum naturaliter se habebat, tuba patebat.

Ovarium sinistrum naturali duplo majus, cartilagineum, scabrum, scirrhosum, una denique insigniore, pluribusque exilioribus Hydatidibus, plenum.

De Tuba dextra tota, deque dextro Ovario, nulla vestigia: lata modo membrana a medio uteri fundo ad inguen sese fortiter affigebat.

Por-

Porro crassa hæc membrana tres quatuorve latos digitos lata, a fundo uteri & inguine adscendens, mox expandebatur in faccum inæqualem, tuberosum, integrum abdomen replens, atque inferiore sui parte extuberante universam quoque pelvim explens, protuberantia sua inferiore obvelans crassam illam, unde originem ducebat, membranam.

Veri simile itaque fit, ipsum Ovarium dextrum in hunc immanem faccum degenerasse: cujusmodi Ovarii degeneraciones superioribus in tomis retuli complures; maxime *Tomo V. Cap. II. §. III.* ubi eodem modo, quam hic, Ovarii faccus accumbendo cum utero concrefcens, æque latam in origine basim referebat.

Saccus ipse hic lineam, ibi duas, alibi digitum, pollicemque crassus, hinc inde mollis, nonnullis in locis

cartilagineus, in aliis scirrhusus, in tria potissimum tubera dispescebatur, quorum sinistrum maximum erat; inferius, minus; dextrum, minimum; sed omnium solidissimum: qua de causa, uti etiam ob figuram situmque, principio nobis imposuerat ac si Hepar esset, a quo saccus ipse nasceretur: color autem eo Hepatis albidior, ipsumque demum altius inventum Hepar, revelarunt errorem.

Notavi supra Chirurgos, ante adventum meum pungendo ventrem, magnam contenti in eo liquidi copiam profudisse. Quamobrem non potui in sacco tali loculamentum invenire, ex quo 20. Libras aquæ unica vice eduxeramus; collapsa enim omnia erant. Neque in dextri lateris cavitatibus eam limpidam Lympham reperii, cujusmodi olim in singula evacuatione prodierat. Forte
tem-

tempore postremo limpidam haud amplius, sed turbidam, sed mucaginosam, dexter hic Saccus continuit aquam; vel forte, ut supra innui, limpida illa aqua ascitica fuit.

Ipse saccus, qui hucusque nobis in tres divisus apparuerat, hoc modo se habuit: quocunque in loco incidetur, membranaceis sepimentis in varia variæ amplitudinis loculamenta divisus erat. Loculamentorum horum majora, tubercula continebant, quæ aut scirrhus inæquales, politasve cartilagine, referrent; aut hic aquam, ibi pus, alibi mucaginem, continebant. Pus enim, mucusve tenax, aut aqua, cavitates omnes sive majores, sive minores, explebat. Singularis autem nigredo, seu ex atro profunde fuscescens color, majoribus inerat cavitatibus, haud a Gangræna, sed eo modo ubique apparens, uti ille,
qui

qui in oculo Retinam, Uveam, ciliarisque Processus, convestit.

Itaque Ovarium dextrum, paulatim degenerascens, in tantæ molis faccum excreverat; ovulaque cum calicibus suis in tot loculamenta mutata erant. Hæc porro ovula scirrhusa, cartilaginea, hydatica, facta sic erant in hoc monstroso Ovario, quemadmodum mutata reperiiebantur proportionem minore, (*en miniature*) in Ovario sinistro: perinde ac Ovarium sinistrum, in sua parvitate, veluti Prototypon esset monstrofi Ovarii dextri.

Membrana autem sacci universi, membranæ cunctorum loculamentorum, tumorumque, rubris vasis, iisque permultis, scatebant; diametro auctis cum ovarii incremento. Non referebant ergo hydaticas membranas, quæ vasis carentes, coagulato albumini ovi, in planum effuso, similes, & æque

que lacerabiles, esse solent. *Vid. Tom. 7. cap. 3.*

His patienter lustratis, ad contemplanda reliqua viscera nos convertabamus. Hepar jam dixi sic intra costas delituisse, ut certo sensu pateret haud errasse *Hippocratem*, Hepar visceribus annumerando Thoracis. Permagnum autem ita erat, ut lobo majore cavum dextrum, a marginibus costarum infimarum, ad altitudinem costæ octavæ, numero ab inferioribus inito, partemque cavi sinistri, expleret; minore vero lobo Hypochondrium sinistrum ad arcum costarum usque, occuparet. Bilem Vesicula copiosam satis, probeque tinctam, continebat.

Sub lobo minore Jecoris Ventriculus, integræ manus magnitudine, a sacco duro complicabatur, ut modica tantum cavitate gauderet. Postque, & sub eodem, Lien non magnus, spi-

næ dorsi, quam arcui costarum, proximior. Lienem hoc loco sæpe invenit ut dolores tumoresque lateris sinistri externo tactu patentes, perceptive, sæpe perversè Lieni adscribantur.

Intestina omnia ab incumbente facco compressa valde. Colon ab origine arctum, parvis scybalis plenum, sinistro in Hypochondrio ante Ventriculum triplo amplius, denuo valde contractum inferiora petebat. Nulli in Intestinis Vermes.

Cor cum Pericardio bonum. Nunquam vidi Pericardii extimam membranam pluribus majoribusque scatentem vasis. Cor sinistrum grumosi sanguinis multum, dextrum plurimum habuit.

Pulmo dexter omni ex parte a Pleura liber: sinister undique membranaceis productionibus, haud facile dilacerandis, cum Pleura connascebatur.

Ita-

Itaque vidimus Puellam tantis cum malis, vultu, oculis, viribus, respiratione, appetitu, catameniis, optima sanitatis indicia præbuisse, ad Paracentesin septimam usque. *Clariss. Bianchi, Taurinensis Professor*, ejusmodi in morbis bilem scripserat aut nullam esse, aut aquosam inertemque. Hic non ita; nec ita in pluribus Hydropicorum cadaveribus deprehendi; ut saltem Viri clarissimi non sit universalis observatio. An bona Puellæ bilis ad tantam tot functionum contulit præstantiam? Plausibile hoc foret, nisi prioribus hujus operis Tomis cum bona copiosaque bile, has functiones languidissimas esse deprehendissemus. Vide de his plura *Tom. 4. cap. 3. a pag. 119. ad 125.*

Familiare est in feminis, quæ peperere, systema uteri universum hujusmodi morbis affici: incommoda

graviditatis, inflammationes a difficili partu, a lochiis retentis, generare talia solent; sed in innuptis, in honestis, castisque puellis, rariora longeprehenduntur: fieri tamen quoque in hisce, & præfenti exemplo, & aliis in *Tomo hujus Operis sexto, pag. 41. & 48. relatis, constat.*

Vermium Symptomata in vita passa puella non est: Vermem unicum in morbo excrevit, postea nullum; quod, propter conspecta, & accurate examinata a Medico excrementa, certo novimus: nec vermis ullus in cadavere reperiendus fuit. Exemplum sic haberetur *Solitarii Lumbrici teretis, ut datur Tenia Solitaria.* At vero ut terecium raro solitarium esse numerum novimus, ita & Teniarum non solitaria-
rum, sed complurium, exempla nobis ex variis Autoribus collegit *Ill. L. B. van Swieten Tom. 4. com. Cap. de morb. infant.*

infant. Et in cane Auditoribus meis illos numero xii. demonstravi. Et proferam deinde Historiam integrarum Teniarum numero Octodecim, quam femina emisit, necdum a symptomatibus Vermium immunis; imo adhuc particulas Teniæ excernens.

Sed putridum urinarum, verumque earundem alcali, qua cretum origine, qua arte ablatum est? Putrida materies ex facci plaga quadam resorpta intra sanguinem, olim mox a bona Natura ad Renes demandabatur: ita ut sanguis continuo se per Renes expurgaret ab eo, quod esset resorptum. Hinc eodem tempore appetitus, vires, menses, somnus, motus, veluti illibatae sanitatis. Præstitisset nihilominus putridam non adfuisse fomitem, qui metum perpetuum incuteret, ne, aucta ea, penitus corrumperentur dissolverenturque humores. Interim Corticis Kinæ

requisita dosis, una cum acido potu, videtur progressum corruptionis stitisse, eandemque jam factam minuisse sic, ut posthac multa de se signa præbere, nisi vita ad metam properante, non potuerit. Egregia exempla Nosocomium vidit putredinis humorum in maculis rubris, purpureisque, cutis; & in mictu cruento malignorum morborum; quam feliciter stiterit, Cortex. Videtur sane in hac morborum malignitate putridum omne ex ignoto fomite sic a sanguine versus Cutem, Renesve, determinari, ut primo saltem tempore, humores universos corrumpere nequeat: ne autem corrumpat demum, Medici Peruviano cortice prævertere conantur.

§. VII. Longus fui, sed longus esse debui, in referenda varii Hydropis historia; morbi quippe formidolosi, ac toties eo citius letiferi, quo studiosius

ei-

eidem medicari fueris annisus. Equidem ego in eodem pertractando semper multus, communemque olim Praxin secutus, in specie morbi quacunque, quibuslibet selectioribus remediis, & si mitiora haud opitularentur, generosioribus, aquas pellere conatus sum: hoc vero incassum tentato, ad Paracentesin, ægris si vires necdum contractæ essent, tandem confugi. Quin etiam ipsam hanc Paracentesin, etsi hominem non curaret, nihilofecius laudabam, ut quæ alias imminuentem brevi interitum procrastinaret. Nunc vero in Praxi me quodammodo confescentem, ipsoque propterea usu rerum tutiora edoctum, Palinodiam canere, ac vulgari praxi renuntiare, monet, jubet, urgetque, proximi salus. Porro ut hujus mutatæ sententiæ rationes exponam, necesse erit omnes Hydropis species, seorsim singulas, suo

in ortu, suo in progressu, suo denique in fine, mature examinare.

Quinque Hydropis species enumerare Medicina solet. 1^{am} Hydropem intercutem, quem & ἀνὰ σάραϊ vocant. 2^{dam} Hydropem Asciten. 3^{tiam} Peritonæalem. 4^{tam} Cysticum, seu faccatum. 5^{tam} Tympanitidem.

I. Hydrops intercus, qui aquam, aliquando gelatam materiem, imo & nonnunquam quid aërei intermistum habet, cum consuetis artis auxiliis semper tractandus sit, nos hic morari non debet.

Altera species, Ascites, nos aliquantisper detineat oportet. Aquarum moles est, in Ventris, seu Peritonæi, cavo collecta. Hanc adesse novimus, causarum præcedentium primo gnari, Hæmorrhagiæ; Potuum aquosorum ingluviei; Spirituum abusus; Colicæ Pictonum; Acutorum morborum

rum male curatorum, aut non rite judicatorum; Februm intermittentium, similiter se habentium; Urinæ parcius, non auctis excretionibus aliis; Coloris, oculorumque, a priore statu sano mutationis; Chloroseos; &c. si deinde cum hisce tumor in Hypogastrio, & ad Ilia; si a Venarum Iliacarum inde nata compressione nonnullus observatur crurum tumor; si variato corporis situ fluctuationem quandam observat æger; si moles corporis sensim inde crescit; si Vires, si Vultus, si Appetitus, si Urinæ excretio, si Mensium in feminis profluvium, quocunque modo vitiantur, Asciten agnoscimus.

Si semper hi Ascitici se nobis principio examinandos sisterent, morbum paulo facilius sæpe agnosceremus, nascentemque felicius, atque crebrius, persanaremus. Cum vero annosi, atque inveterati, sæpe nos primum a-

deant, fere immemores modi, quo ceptus morbus, quo cretus fuerit, minus profecto certam, minusque tutam formare Diagnosin possumus.

2^{do}. Si jam Venter primo examine distentior est, frustra sæpe expectamus fluctuationem, Ascitis testem: Advertit jam *Duverneyus* junior hic, veluti in Vesica aqua distenta nimis, fluctuationem non percipi.

3^{tio}. Idem clarus autor, &, si quis unquam, in Diagnosi Hydropis cujuscumque sagax, & exercitatus, pro suo, quo erat, candore fatetur, se aliquoties in Diagnosi deceptum fuisse, dum fluctuationem percepisse se ratus, nullam in cadavere aquam, verum Intestina mucos & aere plena, prehenderet.

4^{to}. *Sydenhamus* in suo de *Hydrope* tractatu testatur nobis & Asciten adesse suis ex signis creditum fuisse, & vel
me-

meras excrescentias carnosas, vel flatu adfuisse, qui mentirentur Asciten.

5^{to}. *Sepulcreti T. Boneti Tomus alter* plurima nobis exhibet variorum exempla morborum, quos exercitati etiam Medici falso salutassent asciticos; ipsiusque graviditatis: quam ego quoque a celebrioribus Artis Antistitibus pro Ascite eousque tractatam vidi, donec in lucem prodiret vivus Hydrops.

6^{to}. *Refert Acad. Reg. Sc. Par. anni 1732.* & Hydropem salutatum quandam Ventris tumentis morbum fuisse, & institutam quater, licet nullus unquam humor prodiret, Paracentesin: tumore interim universo a Rene sinistro 35. Librarum pondere gallico, & paucula aqua, quæ fluctuationis sensu Medicis imposuerat, oriundo. Similem utcumque Historiam Renis prioribus in Tomis retuli.

Tertia Hydropis species ea est, quæ inter Peritonæum, & Abdominales musculos colligitur; & *Hydropis Peritonæalis* nomine venit. Hujus signa Diagnostica minus evidentia esse apparent, quam vulgo credunt, & statuunt.

Egregius *Littræus*, cui in hisce, aliisque, multa debemus, Regulas quasdam *Ac. R. Sc. Par. an. 1707.* condidit, quo fiamus præsentiae hujus morbi certiores. *Imo. Si Hydropis hæc species non nisi plurium annorum spatio (plusieurs années) formata fuerit, & progressum, maxime in initio, lentissimum fecerit.*

Sed & *Cystici Hydropis* lentissimum incrementum quandoque est. *Mulier, §. III. hujus ejusdem Capitis, quinquennium numerabat, ex quo intumescere cepit Abdomen, paulatimque sibi augescere visum fuit. Constitit autem manifesto eandem non Perito-*

rito-

ritonæali, sed Cystico laborasse hyprope: e contrario *Chomel*, *Acad. R. Sc. P. anni 1707*. Peritonæalem Hydropem Puerperæ refert, intra 15. dies, a suo principio numeratos, ita crevisse, ut venter æque jam esset, quam ante partum, tumidus. Ergo Regula fallit, cum idem lentoris incrementum morbi & in quarta ejus specie obtineat, & ipsum hoc signum in eadem specie desit.

2.^{do} Si & circumscriptus tumor est, & tumoris figura mutato corporis situ, vix mutetur. *Camerarius Pater* tamen, & *Drelincurtius*, & alii complures, tumorem circumscriptum, acuminatum, divisumque, suis in ægris non invenerunt, sed ventrem æqualiter tumidum. Præterea Ovarii cysticus Hydrops, dum Ventrem nondum integrum mole sua explet, circumscripti tumoris externi figuram habet, tactuque per-

ci-

capitur circumscriptus : quod si simul Peritonæo accreverit , ut pluries vidi , situ corporis mutato , non ipse mutatur. Ergo & hoc alterum signum Hydropis Peritonæalis fallit.

3.^{to} *Littræus* vult ut in conscripto tumore fluctuatio ; extra limites vero ejusdem nulla perceptio fluctuationis sit.

Attamen Nuck , Hochstetter , Camerarius Pater , negant omnem Peritonæalis Hydropis fluctuationem ; saltem *Nuckius* absentiam fluctuationis inter bona signa connumerat.

4.^{to} Si crura aliæve corporis partes non extumescant , nisi provento jam multum morbo. Quamquam plures ita censeant , dico tamen primo *Gabrilpii* feminam ab initio tumidis extitisse cruribus : secundo , saltem hanc 3. speciem a subsequente 4.^{ta} non discriminari , in qua idem signum habetur.

5.^{to} *Si præter ponderis molestiam vix quid incommodi toleret ægrotans.* Pariter, ut ad præcedens, respondeo, & Nuckii feminam vehementer sitivisse, vehementerque potantem, urinam parce misisse; & iterum ob idem signum hanc speciem morbi non interstingui a specie sequenti, qui idem signum scribitur habere.

6.^{to} *Si mox a punctura, antequam aqua emittitur, sonda longa, per Cannulam inducta, per omnem Ventris capacitatem duci nequeat.* Verum idem vidi Chirurgos experiri in tumore quocunque Cystico, sive minore, sive etiam ventrem explente totum, quando divisus in partes, variaque loculamentata est. Dices forte Instrumentum triquetrum in Hydrope Peritonæali mox penetrare in cavum; in Hydrope vero saccato longum emetiri debere spatium, antequam integumenta, mus-

culos , peritonæum , ipsumque penetraverit faccum ; adeoque vel sic distinctionis haberi notam. Sed regero, experientia edoctus , instrumentum in gracili ventre , & sæpe gracili Cystidis plaga , mox penetrare ; adeoque hoc ad distinctionem non sufficere. Vide quam tenuis cystidis membrana esset in *Historia Morandi* Ac. R. Sc. Par. anni 1719.

7.^{mo} *Si per eandem Sondam non eas percipiamus inæqualitates , quas Intestina , cæteræque formant Abdominis partes. Hoc signum aliquid probaret , nisi Saccos inveniremus tenues , ac fere politos interna sua superficie , in quibus proinde idem Sonda doceret.*

8.^{vo} *Si post Paracentesin paucum admodum aquæ in cavo restitaverit. Sed vix remanere quidquam in Ascite , & in Cystico , aliquando deprehendimus.*

9.^{no} Si post eductas aquas resupinato corpore liquor per cannulum injectus, per eandem extemplo exsiliat. Idem in Cystico adverti.

Cum præter hæc novem, alia signa apud Autores non enumerentur, hæcque ipsa fallacia esse demonstrentur, imo hanc speciem morbi cum subsequente confundant, concludi fas est, Diagnosin Hydropis Peritonæalis incertam admodum esse.

Quamquam autem novem tantummodo signa, ut mox dixi, eaque incerta valde, enumerari soleant, an decimi signi loco numeranda non esset iniqua Sexus feminei Sors, in quem fere unicum hæc Hydropis species cadat? Quantum enim pro mea virili Historiam medicam discusserim, necdum plus unico viro, quem invaserit, se obviam mihi fecit; scilicet *Abor-*

nii Adolefcens , cujus etiam meminit laudata toties *Morgagni* Epiftola.

Hoc fic fe habente , haud effct , Viro tumidum gerente abdomen , ulla fere unquam de Peritonæali Hydrope formanda fufpicio. Sed undenam folis feminis familiaris ? Legendus hic omnino eft incomparabilis *Winslow* in *Acad. Reg. Sc. Par. an. 1741. a pag. 76. ad 80. & a pag. 234. ad 250. Edit. in 8^{vo}* fuper durioribus atque rigidioribus Thoracibus , qui inferiores feminarum coftas deprimendo , comprimendoque Hypochondria , ad hæcce , & alia peffima mala generanda , apti nati effe videntur. Sive enim inde compreffa vafa lymphatica in nodulos , quos detexit *Anatome* , primo affurgunt , ac dein crepando hunc Hydropem generant ; five potius a tumorigibus præ Thoracum compreffione in cellulofitate natis , tandemque fic au-
ctis ,

ētis , ut a Peritonæo Musculi abdominales secedant ; Vasa lymphatica , a Peritonæo ad hos Musculos pertinentia , rumpuntur , & sic Lympha in hanc intercapedinem illapsa , eandem auget : abunde intelligimus Thoracum pressione gigni hanc Hydropis speciem sæpe & posse , & debere. Præterquam quod , præter alias *Cysticorum* tumorum , de quibus mox , causas , etiam hac Thoracum pressione eorundem ortus , atque progressus , haud difficulter intelligatur : qua de re legi meretur *Targioni Tozzetti prima raccolta di osserv. mediche.*

Describitur 4.^{ta} *Hydropis species* , *cystica* , seu *saccata* , dicta , quæ a variis Ventris Visceribus , partibusque , originem trahere suam potest.

Ac imo. quidem ex Ovario alterutro , quod , quemadmodum pluries demonstravi , & in variis hujus operis

tomis descripsi, vel magnam ventris partem explere, vel totum, potest.

Secundo, a Tuba alterutra; quemadmodum quoque antea descripsi.

Tertio, ab ipso utero, ut observarunt Autores.

Quarta ab Hydatidibus natis in Hepate insignioribus, Hepatis molem monstrose extendentibus; quales Auditoribus meis publice demonstravi: vel etiam ab Hydatidibus numerosissimis ex Hepate, ex Liene, ex Utero, alioque quocumque viscere propullulantibus, vel & inter Omenti laminas, in Peritonæo, aut quoque in Cavo Omentum inter, Peritonæumque, formato, inventis.

Signa Hydropis Cystidis nunc investigemus accurate. Ore omnium veluti Scriptorum, *Mauchartus*, *Eph. N. C. Cent. 8. Obs. 14.* & *Nuckius in Aden:* hæc signa collecta dederunt.

„ Quæ

„ Quæ Hydropicæ, scribit *Mau-*
 „ *chartus*, nec pallent, sed roseum po-
 „ tius genarum servant decorem, nec
 „ pedes habent tumidos; ut potius,
 „ aucto licet indies abdomine, graci-
 „ lescent cum reliquis artubus & cor-
 „ pore: hæ si diu, absque notabi-
 „ li actionum læsione farcinam hanc
 „ circumferant, appetitum habeant bo-
 „ num, non admodum sitiant, nec
 „ tussiant, alvus autem faciat officium,
 „ urina naturalis sit, & moles abdo-
 „ minis nec purgantibus, nec diureti-
 „ cis obediat, & præcipue malum a
 „ partu difficili, puerperio infelici,
 „ molæ gestatione, aut abortu ducat
 „ originem, nec signa Cachexiæ con-
 „ currant, Hydrope ovarii, seu Sac-
 „ cato, vel Cystico dicto, sæpe tenen-
 „ tur.

Et *Nuckius*: „ Ego, inquit, expe-
 „ rientia didici illas, quarum facies co-

„lore grato est rosea, quæ fatis bene
„comedunt, bibunt, alvum deponunt,
„urinamque sine notabili molestia ex-
„cernunt, quarum corpora nec pur-
„gantibus, nec diureticis, nec dia-
„phoreticis, multum auscultant, illas,
„inquam, ordinario affectu Uteri,
„Tubarum, vel Ovariorum, laborare
„hydropico, Lymphamque peculiari
„sacculo inclusam nulla arte curari
„posse.

Obiter advertamus Scriptorum ho-
rum priorem de solo Ovarii hydrope
agere, posteriorem de eo, & Ovarii,
& Tubæ, & Uteri: priorem malum de-
ducere a partu difficili, puerperio in-
felici, mole gestatione, aut abortu;
non excludere tamen ab hoc morbo
virgines bene menstruantes, quales
vidimus, cum non dicat has *solas* af-
fici, sed *præcipue*.

Ad-

Advertamus secundo nullam in utraque hac descriptione fluctuationis fieri mentionem, quam, ut ut sæpe abest, obscuriorem ego deprehendi tamen, & *Clar. Targionius* in sua Matrona invenit manifestam. Ergone & abest & adest, ut in Peritonæali? ob idque nihil in Diagnosi juvat?

Si nunc animo perpendamus pleraque signa in hoc Cystico Hydrope veluti Diagnostica, imo Pathognomica tradita, convenire cum iis, quæ in Hydrope Peritonæali signorum Diagnosticatorum, atque Pathognomicorum nomine cluebant, convincimur præter conjecturam, aut saltem præter probabilitatem, nihil reliqui fieri.

Sed ad alia quam plura attendamus oportet. Dantur *veri* Cystici tumores, dantur & *spurii*; & sic quidem, ut crebro signa nobis desint, quibus verum a spurio discriminemus, spuriumque

a vero. Neque veluti gratis me hæc afferentem ii incusabunt, qui hac in re pluries se sua in praxi norint esse deceptos. Videantur quæ celeberrimum *Valsalvam* observasse *Clarus* per omnia referat *Morgagnus*. Tumido in vita existente abdomine, a morte tumor invenitur pondere 25. Librarum, e Mesenterio enatus, processibus suis Jecur & Lienem premens, infra cum tumido teste sinistro communicans; substantiæ cancrisæ.

Mulieri adest in vita ingens medio in Ventre tumor: in denata illius basis invenitur ad Mesenterium, ipseque cum colo unitus; hic firma, ibi mollior. *Marcellus Donatus* ejusmodi tumoris meminit, pure repleti.

Post tumidum admodum in Vita ventrem, tumorem cadaver exhibuit prægrande hominis caput æquans, natus ex uteri postica parte, carnosâ substan-

stantia durior, duos in faccos divisus, quorum alter vacuus, sevo alter plenus. Primum liber tumor, postmodum utpote cum vicinis concreescens, immobilis fuerat.

Tumor ingens, immanis, totius non Epigastrii, quod notandum, sed Hypogastrii, sæpius de die variæ magnitudinis, diu ægrum torquet. Invenit *Valsalva* molis ingentis Ventriculum locatum in Hypogastrio. Similem refert *Mangetus* anatomen. *Illms Morgagni* immensum talem Ventriculum deprehendit, qui etiam vacuus, vix a pubis distaret ossibus. *Illms Macneven* & *Kelly ab Agrim* in *Diff. de raro Ventriculi casu*, 1760. edita, Ventriculum demonstravit, Scirrho Pylorum fere obturante, eam in molem amplificatum, ut, sacci instar, universum abdomen expleret, suoque fundo inter Rectum atque Vesicam sese insinuans, causam

tenefmi extitiffet, frequentisque ftran-
guriæ. Ingens adeo hic Ventriculus
erat, ut, referente Clariffimo Autore,
„ filum arcui majori circumductum, an-
„ tequam evacuaretur, ulnam *Bohemi-*
„ *cam*, cum tribus quadrantibus & duo-
„ bus pollicibus, æquaret: minor ar-
„ cus tres daret ulnæ quadrantes
„ cum uno Pollice. Et, quem apud
Riverium Antiffiodorenfis Medicus *Jodon*
defcribit, Ventriculus, quantane mole
ventrem extenderit, qui nonaginta
Librarum pondere liquidum intra feſe
comprehendere, inventus eſt? *Moini-*
chenius Ventriculum vidit fic univer-
ſum explentem abdomen, ut coope-
raret Inteftina omnia. Profecto ſimi-
les tumores, antequam ventrem peni-
tus impleant, Cyticorum more ſe ha-
bere, nobisque imponere poſſunt; &
grandefcentes demum fic, ut & ex-
pleant totum ventris cavum, & li-
quo.

quore turgeant, fluctuatione sua Asciten mentiri queunt.

Intestina concreta mutuo inter sese, ac conglobata, sensum tumoris inæqualis faccati Medicis exhibuerunt. Monachus creditur Ascite mediocri laborare, una cum tumore forte cystico, quo presso flatus per inferiora excludabantur. In Cadavere invenitur tumor a conglobatis Intestinis tenuibus & partim quoque crassis, ope crassorum atque cartilagineorum ligamentorum. Qui hanc Historiam refert *Morgagnus*, addit se in alio principium huius tumoris una cum Ascite invenisse. Anni sunt 23. quod publicæ lucis fecerim Historiam feminæ, cui Paracentesin tres Medici feceramus, veluti Hydrope Cystico laboranti; in cadavere invenimus ope Omenti monstruosi, geminos digitos crassi, Ventriculum, Jecur, Colon, Jejunum, Duo-

denum, in unam veluti fasciam coivisse & concrevisse. Rubellus liquor, quem pondere 16. vel 17. Librarum Paracentesi eduxeramus, & qui integro triduo post hanc foramine extillaverat, in unico ventris cavo, quod in sinistro latere inveniebatur, non saccato, hæserat.

Cysticum tumorem mentita Vesica urinaria est, quam *Ill. Morgagni* invenit immensam in bursam esse amplificatam, ac Peritonæo connatam: ex Vesicæ quippe orificio corpora quædam alba excreverant in Vesicam; unde perpetuum quidem urinæ stillicidium, sed etiam urinæ plurimæ diuturnior in eadem mora: quo sensim factum, ut in stupendam hanc molem Vesica excrevisset, in parietibus suis digito crassior. In *Boneti Sepulcreto* tumor ventris ingens, isque Cysticus, re-

reperitur, ab abscessu ingenti, inter Vesicæ tunicas anteriores oriundo.

Tom. IV. Rat. Med. demonstratio-
nem publicam communicavi Jecinoris
atque Lienis, substantiæ quidem opti-
mæ, sed molis adeo incredibilis, ut
viscera hæc utraque universum Ven-
trem, Hydropis fæccati modo exple-
rent, parva modo parte versus pubem
excepta.

Tom. VI. exhibui immensæ molis
Omentum, omnia explens, & uni-
versa Abdominis viscera fere obve-
lans. Similia & *Ruischius* descripsit.

Ren invenitur apud celebr. *Morga-
gni* cujus portentosa mole cuncta ven-
tris viscera premerentur in Peritonæ-
um. Medici *Parisienses* homini cui-
quam tentaverant quater Ventris aquas
paracentesi educere; nec eduxerant
quidquam. Ren demum in cadavere
invenitur 35. Librarum Gallicarum.

Se.

Semel quoque ejusmodi Renem publice demonstravi.

Uterus, vel in cavo suo hydropicus; vel pure, ichore, scirrhus, in substantia sua horrendæ molis; aut graviditatem mentitus sæpe est, aut Hydropem. Omitto tumidos Ventres a Vermibus, ab Aneurismate, a Systemate Venæ Portarum obstructo, &c.

Sed & ipsa Ovaria, ut ut Hydropem cysticum verum formant, ita non minus frequenter spurium, ut ante jam monui; utpote aut pro maiore parte, aut tota, sive atheromatosa, sive steatomatosa, sive cartilaginea, sive scirrhusa, sive cancrosa, &c.

Ex quibus omnibus mature consideratis sponte, opinor, liquet, & Diagnosin 3. & 4. speciei Hydropis plerumque dubiam haberi, & Paracentesin, rariore quidem casu proficuum, ple-

plerumque vero aut periculofam, aut letalem eſſe.

Quinta Hydropis Species eſt Tympania. Tumor ſcilicet Ventris natus ut plurimum ab aëre & materia chyloſa, mucoſa, ſtercorea, Ventriculum & Inteftina vehementer extendente. Negandum tamen non eſt conſtituiſſe experimentis, quæ rite capta ſuppono, rariffimis tamen, Tympanitidem naſci poſſe, ſi aër Peritonæum inter Ventrisque viſcera contineatur; aut ſi aër & Inteftina diſtendat, & ventris cavum; aut ſi & aër ſimul & aqua cavo in ventre reperitur; aut denique aër Inteftina tumefaciat, & aqua Abdomen.

Signum 1.^{um} Tympanias Medici ponunt Ventris minorem, quam in Aſcite, tumorem: hoc ſignum fallax eſſe demonſtravit Tympaniticus, cujus Hiſtoriam dedi Tom. 2. Rat. Med.

2.^{do} Ajunt fluctuationem non percipi. Hoc certe non ita generale signum est, quin candidus *Duverneyus* junior fateatur se aliquoties deceptum fuisse, dum fluctuationem se percipere credidisset, & postliminioprehendisset, loco Lymphæ, aëre, ac multa glutinosa materie, repleta Intestina fuisse.

3.^{tio} Sonitum Tympani madentis, aut obducti, statuunt Tympanitidis signum esse. Quanquam sæpe numero id verum est, fateri tamen debemus hunc sonitum, neque perraro, adeo esse obscurum, ut utrum adsit, nec ne, jure dubites. Symbolam tamen hæc tria enumerata signa conferunt, si cum hisce homo est ad Stateram levis; cum e contrario in Ascite, & Hydrope quocunque alio, ponderis insignis ægri sint ob colluviem aquæ.

Verum neque hoc quidem ultimum citra exceptionem in diuturniore Tympanitide admittebat Vir præstantissimus, hac elapsa æstate nobis morte ereptus, *Werlhofius*. Et dum amplissima Tympaniticorum Intestina *Duverneyus* crassa materie mediam partem repleta videret, an hoc signum levitatis ponderis admittere potuit? Ad rem hic *Morgagni*, „ *Hurterus*, „ inquit, in Tympanitico puero cum „ miraretur crassa præprimis intestina „ distenta adeo, ut Colon sua mole Je- „ cinori vim attulisset, & sinistrorsum „ compulisset; materiem intus invenit „ tanta copia, quanta id facere potuerat, „ pultiformem, spumescen- „ tem, & ex albo flavescentem: quæ „ res in morbo, quem adstricta al- „ vus comitatur, tunc, opinor, ma- „ xime conjicienda est, cum aut pau- „ lo antequam morbus evidenter in- „ „ ci-

„ ciperet , multa ægri ingesserunt ,
 „ aut non perpauca , postquam ince-
 „ pit , porro ingerere perrexerunt. „
 Adeoque non erunt tales , ratione suæ
 molis , pondere leviores.

Et quoad penultimum , de Ven-
 tre resonante ; in *Casparo Lombria* ,
Patricio Veneto , Ill. *Morgagni* descri-
 bit Ventrem tumidum *Tympani instar*
resonasse , dum tamen in Anatome

„ Venter aquæ foetidæ , ex viridi fla-
 „ væ , copiam habuit , quantam ma-
 „ ximam præter omnem modum di-
 „ stentus habere potuit „ Nec modo
 aliquando deest hoc signum in Tym-
 pania , verum etiam adest in Opisto-
 tono sic ut *Arætæus Cappadox Lib. I.*

de C. & S. Ac. Cap. VI. illud inter
 signa hujus morbi Diagnostica ponat

προπετέες κοιλίην καὶ θώρηκα . . . ἐπιγά-
 στριον ἐπιτεταμένον , καὶ εἰ ἐπικρῆοις , ἐνῆχῃ.

Opistotonos autem nihil commune

cum

cum Tympanitide habet. Sic ut etiam resonantia Tympani non monstret perpetuo Tympanias præsentiam.

Atque ita demum Hydropis, singulas suas in species divisi, signa tantum probabilia invenimus: quæ sane. & alterum, & tertium poscunt, antequam quid certi aut statuamus, aut pronuntiemus, examen: quamquam & aliquando tunc adhuc hæsitare Medici prudentis sit. Quod enim centies olim, quod nostris toties contigit temporibus, ut Viris, vere in arte præclaris, hæc res turpiter imposuerit, idem & aliis, & nobis omnibus, potest contingere. Quare nihil indecentius turpiusque in Medicorum consilio est, quam quod suam quisque sententiam acriter, crebroque in aliter sentientes ignominiose, proferat ea in re, de qua nemo certitudinem, ad summum vero meram ha-

beat probabilitatem. Exemplo nobis hic ipse sit præclarus *Morgagni* qui *Ep. A. M. 39.* in referenda consultatione quinque Medicorum, super tumido *Ventre Revmi Brixiani* Antistitis habitata, vel ob id solito longe diffusior esse videtur, quo discerent Medici omnes & in ægrorum salutem, & in mutui tutamen honoris, suam quique mentem, suam quique proferre sententiam. Dum ipse quartus perorans, suam sententiam dixerat, „ Verun-
„ tamen, addebat, non hæc a me di-
„ ci, quasi aliorum sententiæ conje-
„ cturam præferrem meam, quam om-
„ nium judicio subjicerem, nihil ip-
„ se ut in re ardua, & præobscura,
„ definiens, ideoque, nec quod aliis
„ visum esset, contemnens.

Diagnosi variarum Hydropis specierum plerumque incerta, incerta sæpe quoque prognosis erit; minus

ta-

tamen crebro, quam Diagnofis: sæpe enim calamitatem ægrotantium, vitæque difcrimen, agnofcimus ex functionum læfione, cæterisque prognofticis fignis, licet genuinam necdum capiamus naturam fpeciemque morbi.

De curatione nunc pauca videamus.

Ac primo quidem in ejus Hydro-
pis cura, qui confultis cunctis experientiae regulis nobis Afцитes effe appareat, ifque verus, cum alia quacunque fpecie non confufus; in hujus, inquam, cura, Indicans, Indicatio, & Indicata, omnium optime invenientur in Immortalis Boerhaavii *Capite de Hydrope*: potiffimum fi una conferantur, quæ ex numerosis Autoribus, ac multiplici fua praxi & experientia, ad hoc Caput, pulchro concinnoque ordine, Ill. L. B. van Swie-

ten commentatus est : ea tamen lege, ut si æger ab auxiliis selectissimis non emendetur, imo pejoretur potius, ferio perpendamus, num forsitan Hydrops hic aut non complicatus sit, cum alia ejus specie; aut inveteratior, quam ut solis internis levetur, abigaturque auxiliis.

De Paracentesi tunc deliberandum est, ne, si sit instituenda, ea demum ægro incurabili facto, in artis vituperium instituatur. Quæ si levet ægrum, rarius unica vice salutem affert; unde pluries repetenda est.

Novi equidem claros in *Anglia* Viros conatos fuisse, injectione in Ventrem adstringente ac roborante, composita ex Aqua *Bristolensi* & Vino rubro, calide injecta, reditum præcavere aquarum post Paracentesin; sed cum bona illorum venia necdum imitari illos ausus sum. In sua enim Hi-

sto-

istoria candide enarrant, ægram sub ipsa injectione, pungentes pectore percepisse dolores, perque omnia viscera lancinationes, habuisse respirationem difficilem, pulsum vacillantem, redeuntem Syncopen, aphoniam: quæ profecto, licet ægra reconvaluerit, quam parum a vera morte abfuerint, cuique liquet. Quantane hinc inquietudo! Quanta, si mors sequeretur, Artis nostræ exsurgeret infamia! Si tamen exempla complura hanc curam confirmarent abunde, sequeremur eam audaciores. Solemus autem curarum eximiarum posteriores, quæ priores confirment, sæpe frustra desiderare repetitiones, ac si quapiam duntaxat fortuna prima vice contigissent: ad quod credendum eo magis adducor, quo crebrius viderim, quanti laboris sæpe sit in locis externis, v.g. in Tibia, sic vasa lymphatica constrin-

gere, ut nunquam ultra suam lympham effundant.

Quæ porro reliqua de Ascitis cura monenda sint, hæc in curatione cæterarum specierum sponte patebunt.

Quæritur igitur quænam curatio 2^{dæ} speciei Hydropis sit, scil. Hydropis Peritonæalis?

Viri doctissimi, *Tulp*, *Van Mekeren*, *Nuck*, *Coster*, *Walæus*, commendarunt Paracentesin. Censet *Nuckius* Peritonæum, Lympha educta, brevi cum abdominalibus musculis coalescere, & ora vasorum lymphaticorum, Ductuumque glandularum excretoriorum, olim abrupta, jam hoc coalitu Peritonæi cum Musculis sic claudi, ut omnis sit ablata Hydropis causa.

Et hanc curam se se ab ipsa didicisse natura quidam scribunt; contemplati in *Abornii* historia, *Eph. N. C. Cent. 9. Obs. 100.* quo pacto Natura bis ex-
iguo

iguo a se foramine facto levamen attulerit, felicem tertio sanationem: & quo pacto in femina, cujus causa *Cl. Chomel Act. Ac. Reg. Sc. ann. 1728.* suam dissertationem adornavit, Natura aperiundo Umbilicum, Medicis ostenderit viam salutis: quomodo præterea *Doctiss. Brehm. Act. N. C. Tom. IX. Obs. 79.* feminam solo per umbilicum facto sponte, die alterno, sub alvi exoneratione, aquarum copiosissimarum effluvio, Natura curaverit.

Verum enim vero licet Natura aliquoties hac via attulerit salutem, intulit quandoque via eadem interitum; ut *Hagedorn in N. C. Cent. 2.* demonstravit.

Secundo, in laudatis hisce historiis, ita fortunatis, dubitatur, num revera Peritonæalis Hydrops adesset?

Tertio, licet Natura sic revera hunc morbum curasse statuatur, hoc non im-

pedit, quo minus Paracenteseos negotium magnis implicitum difficultatibus agnoscamus. Si præter aquam nihil vitii locus habet, fortunata aquarum eductio esse potest. Verum Cadavera toties, post eductas aquas, tumores nobis revelant pravos, ulcerosos, canerosos; quos occultaverat Lymphæ moles. Hinc *Perill. Morgagni Ep. A. M. 38.* „Ac priusquam, ait, a te
„ suscipiatur æger, exquiras diligenter
„ velim, num durities, aut tumor a-
„ liquis antea fuerit, quem nunc ma-
„ gna abdominis extensio occultet:
„ præterea num dolor, non eum dico,
„ quem ipsa illa distensio parit, sed
„ ulcerosus, testis erosionis, ægrum
„ torqueat, aut certa aliqua in parte
„ arctius a te contrectati abdominis
„ excitetur. Ratio cur Paracentesis
tunc nedum juvet, sed mortem præcipitet, Aër est, qui putredinem acces-
su

fu suo exulceratis affert partibus: imo & absque accessu aëris Paracentesis non levat, eo quod exulceratæ partes pergant more suo corrumpi, augeri; quodque ex erosio, apertisque lymphaticis vasis, scaturigine scilicet prioris Hydropis, novus Hydrops regeneretur. Equidem Autores nonnulli Methodum commendarunt ejusmodi exulcerationes depurandi & curandi, verum quid de ea cogitandum sit, mox patebit in sequentibus.

Profecto si ab una parte cum tentatæ curationis periculum, tum acceleratam ab illa mortem, intueamur; ab altera vero parte morbi sibi demissi cum tolerabilitatem, tum etiam diuturnitatem; ne quam curam unquam, siue in hac, siue in sequenti specie, suscipiamus, facile persuademur. *Tulpii* femina, cujus mortuæ venter 110. Libras aquæ inter Peritonæum & Mus.

culos gerebat, tulit hoc malum integro generosa septennio; sic, ut potuerit, perinde atque sanissima, deambulare, peregre proficisci, imo & *Clivien-sium* conscendere turrim. Femina *Breb-mii* morbum tulit 14. annis. Virgo *Mun-nickii* annorum 18. spatio. In *Actis Anglicanis* mulier alia morbum 30. annis tulit, alia annis 44.

Consideranda 3^{tio}. Hydropis, quem faccatum ajunt, Cura. Et Paracente-si hanc perficiendam esse Medici arbitrantur: quin & nonnullæ enarrantur, paucae tamen, curationes ejusmodi fortunatae. Vid. laud. mox *Act. Ac. Reg. Sc. an. 1728.*

Verum enim vero, cum antea constiterit, quam difficulter Diagnofis vera hujus morbi capiatur; cumque ab altera parte laudatae Curationes sanitatem reddentes, num res ita se habuerit, anatomica demonstratione
haud

haud potuerint evincere , curationes eædem id non probant , quod earum intendunt Autores.

Alios proinde consulamus. Egre-
gius *Duverney junior* , in *Actis iisdem*
anni 1707. multus est in docenda ar-
te ea , qua , post *Paracentesin* , ope
injectionum , faccorum exulceratio-
nes depurentur ; postea etiam com-
primantur ac vinciantur ; ipsique si
adsint tumores , incidantur , suppu-
randoque consumantur. *Acad. Chir.*
Reg. Par. in suo altero tomo consimilia
suadet.

E contrario 1^{mo} Innumera exem-
pla monstrant , præter eum , quem
pertuderis , faccos dari plures : sic ut
vel aqua , vel pure , vel glutine , ex
facco uno educto , & alii & complu-
res , facci adsint , qui nihil commu-
nicantes cum priore , minime conci-
dunt ;

dunt ; interea dum aër in aperto prior omnia disponat ad corruptionem.

2.^{do} Plures etiam si pertundantur Cystides , quid demum id proderit ? Scimus enim sepimentis , inter se se neutiquam communicantibus , suam singulo in sacco contineri , ut plurimum , materiem : unde non raro a Paracentesi vel nullus , vel parvus admodum materiei effluxus.

3.^{tio} Et unicus modo Saccus sit , isque Sepimentis non divisus , quid inde ? Certine fumus , si ille aut nihil , aut partim tantum , cum Peritonæo concrevit , nec Omentum interesse , nec Intestinum , quod infelicer forte pertundatur ? Aut possumusne asseverare de aperto sacco non effluxuram in cavum Ventrem materiæ corruptæ portionem , quæ letum inferat brevi ?

Imo

Imo evitari se hoc ajunt posse, feminam locando in ventrem pronam, quo totum Cystidis pondus in Peritonæum gravitet. Verum *Ill. Morgagni* id principio possibile quidem esse concedit, minus vero, quando faccus nunc ab evacuatione flaccidior, minus apprimitur ad Peritonæum: neque etiam hunc effluxum tunc impediri, quando filamenta in liquore natantia cannulam obturaverint; liquore tunc juxta cannulam in Ventrem transsudante. Et demum aër, quacunque adhibita cura furtive intrans, Sacco minabitur gangrænam. Quotiesne præterea faccus pauculorum spatiorum dierum æque, atque antea turget, & pejorem sequenti Paracentesi materiem fundit? Frequenti enim Cadaverum apertura didicimus collabentis facci aperturam coire, ut ex eodem denuo repleto nihil in ventrem effundatur: sin autem quandoque
non

non coiverit, ut perpetuum fiat corruptæ materiæ in Ventrem stillicidium, sicque iterum ob aliam, quam hucusque exposui, causam ægra pereat necesse est.

Sed Cannulam, inquiunt, in apertura relinquemus, ut faccus continua novæ materie evacuatione concidat tandem, materieque, sacci collapsu, coalituque, scaturigo annihiletur. Respondeo, ut olim, ita & nunc, cannulam irritando, aeremque continuo admittendo, gangrænam mortemque accelerare; ut allato superius exemplo in nostra Puella constitit.

Hinc necesse foret faccum posse consumi. *Littræus* quædam hunc in finem proposuit: *Cyprianus* etiam aliquid tentare ausus fuit; sed in occasione tam rarissima, ut mille, milleque Medici, eandem nunquam aut fuerint adepti, aut adepturi sint. Vide ejus tractatum impressum post Librum, cui titulus:

Bel-

Belloste Chirurgien de l' Hopital. Chirurgi Parisienses in Actis Acad. suæ, Ovarii extirpationem audacter proposuerunt, eo quo brutæ femellæ castrantur modo; hæc autem, speculatione ingeniosa genita, non videntur per tot annos, qui exsequerentur, habuisse. Vide quæ Tom. IV. de hac re differui.

Duverneyus tamen judicabat, educata materia, collabi faccum, collapsosque inter sese coire parietes; eoque modo par feminarum se integræ reddidisse sanitati. Cum vero vixerint postmodum ambæ, neque apertæ a morte fuerint, de natura illarum morbi, incertam adeo Diagnosin habentis, jure merito dubitamus.

Et quidni dubitemus? Ipso scilicet hoc claro Autore sponte, & ingenuè, fatente: „ Je n'en ai point vu „ guerir: au contraire plusieurs fem-

„ mes

„ mes, qui jouissoient d'une assez bon-
„ ne santé, & qui n' avoient point
„ d'autre incommodité, que celle de
„ porter un gros ventre, ont péri en
„ peu de tems, pour avoir voulu s'en
„ defaire.

Nec *Nuckii*, licet speculative Paracentesin proposuisset, alia sententia fuit; eas nempe, quæ Cystico Hydrope laborarent, nulla arte curari posse, candide asserentis. Adstipulatur *Targionius*.

Nullane igitur in Cystico Hydrope Paracentesis locum habet? Nullane auxilia alia? Quod *Duverneyus*, & *Nuckius*, & *Targionius* mox, idem ego, idem mecum complures testantur; omnes scilicet feminas, quibus, in hac morbi specie, aut instituta Paracentesis fuerit, aut multa antihydrica remedia exhibita, morbum brevi habuisse calamitosiorem, citiusque letalem.

In-

Interim bonum vitæ regimen , nimique qui nocere posset , motus , nec non violentarum animæ passionum , sollicita evitatio ; Diæta quoque salutaris , aërque salubris , conferent multum. Rifu crepuit Cystis in *Cl. Morgagni* Matrona , unde pessimus natus Ascites. Feminæ meæ , de qua *Tomo IV.* a motu nimio per plateas , faccus crevit , & funestus quoque sequutus est Hydrops.

Quid si probabilitas magna est & Cysticum Hydropem adesse , & Asciten ? Servatis regulis generalibus , Paracentesis profutura videtur , ut saltem faccus , eductis aquis majore libertate gaudeat. Quid de remediis demum internis ? Si ceterum femina valet , abstineat ab illis ; cum sive per diuresin , sive per alvum , sive per sudores , hæc agant , semper turbabunt corpus , alias bene se habens ;

& citra ullam facci, extra leges circulationis hærentis, emendationem, vires ægræ frustra dilapidabuntur. Sin vero femina male habeat, palliative, pro re nata, adjuvetur.

Quintæ denique speciei Hydropis, Tympanitidis dictæ, curam, moderata frictione, medicamine atque alimonia vires restaurantibus, inertesque intestinorum fibras apte extimulantibus, tentare solemus: interpolamusque purgantia, quæ, dum in morbo nondum conclamato, desides Intestinorum fibras in actionem cieant, aërem, contentamque in Intestinis materiem eliminando efficiunt, ut area morbi finibus conscribatur arctioribus, atque ita morbi causa minatur, ac forte tollatur. Cortex Peruvianus, qui multos haud minus alvo laxat, quam viribus restaurat, addita frictione, affert aliquando plurimum boni.

CA-

CAPUT V.

ANATOMICA QUÆDAM,
ET EXPOSITIO TABULARUM.

Viscerum, ac potissimum abdominalium, situm, configurationemque, in singula cadaverum apertura, ut Auditores mei accurate notent, hortari soleo; ut exinde intelligant, quam crebro 1^{mo} viscera hæc eum non occupent locum, quem vulgo credimus eadem occupare. 2^{do} Quam sæpe contingat, ut eorundem moles, longitudine, latitudine, amplitudine, capacitate, connexione, vel partim, vel integre, aucta, imminutave, reperiatur. 3^{tio} Quam fallax nostrum iudicium sæpe in morbis sit, dum v. g. Hepar in dextro Hypochondrio quærimus, ubi idem in-

tra costas totum delitescit : dum Hepar in dextro tantummodo latere locari arbitrati , non raro idem vel totum Hypochondrium sinistrum , vel magnam ejusdem occupare partem reperimus : dum Hepar solito in loco esse creditur , idque tamen invenitur a Diaphragmate ad Umbilicum , imo & ad longe inferiora , ventrem occupare : dum Splen in extrema parte sinistri Hypochondrii , sub arcu Costarum , quæritur ; ubi interea sæpe aut nihil omnino infra costas eminet , aut versus dorsi spinam locatur , aut in abdomine infra Hepar depressus invenitur , aut intra lobum minorem Hepatis , jam maximum , involutus : dum dolente ægro in læva , atque media Epigastrii plaga , ventriculus accusatur ; isque interea sæpe aut post jecur dorsum versus , aut post tympaniticum Colon , aut totus fere in
de-

dextro Hypochondrio ; aut elongato Oesophago infra crassum Jecur ad umbilicum protrusus sive horizontaliter, sive etiam perpendiculariter locatus est; aut mole ingens totum sæpe Epigastrium sic implet, ut tangat utrinque infimarum costarum arcus ; aut totus deprimatur infra umbilicum ; aut tandem explet sic universum ventrem, ut aperto Peritonæo omnia viscera a Diaphragmate adusque pubem contegat : quam e contrario autem aliquando adeo parvus sit, ut vix uncias quatuor, tres, imo duas, capiat ; & parvi contracti Intestinuli formam habeat : dum Intestinum Colon in Colica accusamus, ubi illud in loco dolente minime jacet ; & e contrario veri colici dolores iis in plagis hominem torquent, in quibus nemo fere Colon quæreret : dum ipsum hoc Intestinum supra Jecur, Ventriculum, ac Lie-

nem decurrens, imo cartilaginibus costarum spuriarum ac mucronata cartilagine tectum, aliarum potius partium morbos refert, quam suos.

Ipsa autem prava conformatio; quam pro parte jam in recensione loci, quem occupant, alieni, magnitudine aucta, minutave, vidimus; mirificum sæpe adspectum præbet, docetque homines multas causas proegumenas morborum intra se se gerere, ut puta, Colicæ variæ, imo etiam Pictaviensis; Ileï, Tympanitidis, &c. quorum alii ejusmodi morbos pluries in vita vario perpetiuntur insultu, alii rarius, alii vero nihil omnino: docet præterea Morbos complures immedicabiles sæpenu-mero esse, quia eorumdem causa prædisponens tolli nequit; Medici tunc esse, ut in causas evigilet excitantes: quibus averruncatis, haud raro Diathesis sopietur sic, ac si corpori non inesset.

Tan-

Tandem dum partium degenerationes, sæpe enormes, obfirmatas, ac proinde antiquas, eorum cadavera revelant, qui in vita sua signa harum degenerationum præ se se non tulissent, docet hæc eadem Denatorum inspectio aut 1^{mo}. partes misere affectas, non quo loco hæreant, gignereque morbos debeant, sed in dissitis multum plagis seu Nervorum commercio, seu quadam arcana lege, corpora lacefcere: aut 2^{do}. grandes morborum causas Mortalium inesse Visceribus, quæ in actum prorumpant nunquam.

Discimus igitur ex his omnibus prudentiam in Diagnosi formanda; discimus cur sæpe eandem deprehendamus fallacem; discimus Prognosin majoris quandoque non esse certitudinis; & proinde curam ea prudentia & cautela incipiendam, promovendamque esse, ut, quando auxiliorum ad-

motorum effectus intentioni non respondent, imo morbum exasperant, serio inquiramus, an forsan causa in his, de quibus hic sermo est, quaerenda, reperiundaque non sit?

Tabulae hic adpositae multa eorum, quae dixi, explanabunt. Sunt in iis, quae ad varias historias hujus *Tomi XI.* pertinent; sunt quae minime: haec prout sunt, repraesentabuntur, & explicabuntur; illa paginam Libri notabunt, in qua historia eorundem enarratur.

T A B U L A I.

F I G U R A A.

Intestinum Colon juvenis 18. ann. qui Hydrope Ascite, sed potissimum Pectoris, & Pericardii periit.

A. Cæci amplus fæccus.

B. Flexus Hepaticus.

C. Reflexus supra se.

D. Tertius flexus.

E.

E. Quartus flexus.

F. Quintus.

G. Hucusque Intestinum tympaniticum, jam post volvulum suum gracilescit, & format flexum Lienalem, flexum scilicet sextum.

H. Flexus septimus, ab eoque ad renem pergit.

I. Flexus octavus a rene ad latus abdominis.

K. Flexus nonus.

L. Flexus decimus.

M. Saccus magnus tympaniticus.

N. Principium Recti.

Juvenis hic triennio ante mortem Dyfenteria laboraverat. An infirmatum inde Colon, in hæcce degeneraciones abiverat? Intestinum, quo loco contractum, in eo crassum valde sua in substantia erat. Historiam reliquam ob sui mirabilitatem in aliam occasionem reservo. Cæterum morbi

ex hac mala conformatione non extiterunt.

FIGURA B.

Viri 26. annorum est, qui sex subsequentium sibi annorum spatio febre, partim tertiana, partim quartana, laboraverat; a septem autem ultimis vitæ annis non amplius; sed quidem tussi frequentiore, ac semel Hæmoptoe; jam vero præter tussim quandam a biennio sanus, demum in febrim ardentem incidit, ejusque 21. die periit.

A. Flexus coli hepaticus.

B. Flexus lienaris; a quo usque ad C. tympanitica expansio.

C. Subita Coli contractio usque ad D.

D. Flexus iliacus, mox abeuns in tympaniticum saccum.

E. Subita & priore arctior contractio ad F. usque.

F. Tertius saccus tympaniticus.

G.

G. Contractio Coli tertia brevissima.

H. Quartus tympaniticus faccus.

I. Contractio quarta.

K. Rectum Intestinum dilatatius.

Homo hic nunquam ventris incommodis, quantum ex tota anamnestica historia sciri potuit, laboravit. An forte puerorum juvenumque consuetudo, alvum cohibendi, occasionem formandorum ejusmodi faccorum præbere possit? Sic ut loca fæcibus aereque repleta, expandantur, & irritatio inde nata contrahat loca intermedia, non expansa?

F I G. C.

Colon Intestinum pueri novennis; spina ventosa pessima mortui.

A. Intestinum Cæcum profundis cellulis a parte externa incisum ita, ut fæces per angusta admodum spatia se penetrare debuerint.

B.

B. Appendiculus Cæci.

C. Flexus primus Coli sub Hepate.

D. Flexus levis alter.

E. Flexus tertius. Tumor Intestini hic loci inter Hepar & Peritonæum extabat ; & potuerat in vivente puero, ceu tumore magno Hepatis existente, imponere, & pro dolore colico, Hepatis fingere dolorem. Præterea Colon hic sæpe turgens, & Hepar fricans, comprimens, ac veluti contundens, potuisset Inflammationem, Indurationem, Scirrhum, Hepatis efficere.

F. Flexus Coli quartus. Locus, quem hic sub Hepate ad usque F. & ab F. ad mediam partem spatii F. P. Colon occupat, cum sit Intestinorum tenuium consueta sedes, imponere posset pro dolore colico iliacum mentiendo.

G. Coli flexus quintus admodum altus.

H.

H. Sextus & septimus flexus parvus Coli.

I. Octavus flexus.

K. Nonus ubi Rectum L. format.

M. N. P. Hepar magnum, ad umbilicum fere pertingens, magnam quoque sinistri Hypochondrii explens partem. Igitur cum hoc frequenter Jecur faciat, erramus dum Hepatis morbos in dextro duntaxat Hypochondrio quærimus. Lien, qui hic apte exhiberi non potuit, ingens quoque erat, & digitum latum infra arcum costæ ultimæ prominebat. Utriusque autem Visceris bona substantia fuit.

O. Ventriculus sub Hepate, infraque idem, fere perpendicularis, & ultra umbilicum extensus, si doluisset parte dextra sua, non fui, sed tenuium potius Intestinorum dolorem mentitus fuisset.

FIG.

FIG. D.

Intestinum Colon Hominis sexagenarii, qui Asthmate pessimo diu laborans, de futuro mox Paroxysmo, ex anxietate & dolore ventris, præmoneri solitus erat. Sed quod in ventre præsentiebat, nonnisi causa excitans Asthmatis fuit, causa prædisponente in Thorace abundanter inventa, de qua alia occasione.

- A. Cæcum Intestinum tympaniticum.
- B. Intestinum Ileum contractissimum antequam in Cæcum abiret.
- C. Processus Vermicularis ad Lacunar tympanitici Cæci.
- D. Coli principium angustum, ad E. angustius, ubi sub sui portione F. G. decurrit.
- F. Circumflexio Coli hic iterum dilatati.
- G. Reflexum colum angustissimum.
- H.

H. Flexus Coli Hepaticus, qui jam tertius est.

I. Brevi ultra I. Contractio firma Coli notabilis. Ab I. ad O. Colon est naturaliter expansum.

K. Levis ejusdem descensus.

L. Flexus Lienaris.

M. Flexus quintus.

N. Flexus sextus.

O. Contractio magna Coli, brevis tamen.

P. Dilatatio ejusdem. Q. Angustatio. R. Dilatatio. S. Angustatio. T. Dilatatio. V. Ejusdem denuo angustatio antequam in Rectum abeat.

Notemus hic maxime Coli a K. ad L. adscensum supra jecur, id est inter jecur & Peritonæum; Ileique Intestini ad B. coarctationem; & Coli quoque universi vicissitudinariam expansionem, & coarctationem. Cum enim

enim æger futurum paroxysmum dolore & anxietate ventris præsentiret, eumque non eodem semper in loco; cum præterea æger nunquam diutius liber ab Asthmate esset, quam alvo per epicrasin perpetuo soluta; an ergo colo toties a materia fæcali ad omnes has angustias irritato & convulso, Asthma Nervorum iterasset consensu? An idem irritatum ac tumidum, interque K. & L. inter Peritonæum & Hepar locatum, Hepar irritavit, quod certe *Doeberiano* experimento irritabile Viscus est; Hepar autem, Diaphragmati connatum, ipsum Diaphragma irritando paroxysmum genuerit? Aut potius Colon inter K. & L. Hepati vim inferens, illud sursum trahit, sic ut Diaphragmate irritato, & sursum pulso, cor & pulmones misere affecti redintegrarent paroxysmum?

FIG.

F I G. E.

Exhibet Ventriculum , & Intestinum Colon , Juvenis, Ileo morbo defuncti : vide Cap. III. §. I. ubi Morbus & Anatome describuntur.

A. Cæcum valde tumidum.

B. Colon a principio valde amplum , levem contractionem ad B. habet , ac toto suo transverso cursu Ventriculi basi incumbens.

C. Colon adscendens circum Ventriculum.

D. Colon hic sub-Ventriculo ad Oesophagum pertingit.

E. Idem a D. & ultra E. sub ejusdem portione C. D. comprimitur. In ipso cadavere C. D. multo magis supra D. E. extensum erat, & Ventriculus magis supra C. D. incubebat.

F. Angustius Colon.

G. Flexus paulo amplioris coli iliacus, isque totius Coli tertius.

H. Flexus quartus.

I. Quintus.

K. Sextus.

Hi tres flexus a se se versus latera reclinati repræsentantur, quo distinctius appareant; cæterum in cadavere supra se invicem positi erant, & crusta crassa flava inter se mutuo connexi; quæ eadem crusta partes C. D. & D. E. inter se se conglutinabat. De causa Ileï morbi vide textum ipsum, Cap. III. §. I.

F I G. F.

Intestinum Colon hominis, cujus morbus & Anatome, Cap. II. §. II. habetur.

A. Cæcum Intestinum.

B. Flexus Coli primus.

C.

- C. Colon compressum valde sub portione ejus E.
- D. Flexus Coli secundus.
- E. Flexus tertius.
- F. Compressum iterum Colon sub flexu D.
- H. Colon prope umbilicum, una cum Ventriculo, hærebat; arctius autem multo contractum, quam vitiosa hic figura exhibet.
- G. Flexus quartus.
- I. Flexus quintus.
- K. Flexus sextus. Causæ hic apparent multorum in Intestinis morborum, qui tamen in homine non affuerunt.

T A B U L A II.

F I G. I. II. III.

Notas hic adjicio nullas, siquidem
 cæ insertæ sunt in Historia ipsa Capit-
 tis III. §. II.

Z 2

FIG.

FIG. IV.

Exhibet ventrem Hydropicæ feminae Cap. IV. §. IV. cujus notas quoque singulas Historia continet.

TABULA III.

FIG. I.

Exhibet Jecur, Splenem, & Colum Intestinum Juvenculæ 28. annorum, ab ipsis incunabulis per omnem vitam valetudinariæ; quæ demum in sua secunda Hæmoptoë in Nosocomium deferrebat. Ab altera Hæmoptoës die dira Ophthalmia 67. diebus laboravit: a die 52. morbi, quem a secunda Hæmoptoë numero, usque ad 67. diem, cordis passa est Palpitationes: a die 22. morbi, usque ad 93. diem febrim fere quotidianam, cum frigore diuturno incipientem: ab hoc vero die usque ad 154. diem, qui & mortis fuit, febrim hecticam quotidie exacerb-

ban-

bantem, fere sine frigore: a frigore, die morbi 93. cessante, Diarrhœam; quæ ad mortem, 15. diebus exceptis, duravit: a die 108. morbi, ad ipsam usque mortem, sputa aut semipurulenta, aut purulenta. Digna est historia, quæ integra alia occasione referatur, nunc tantum quæ ad rem præsentem.

- A. Hepatis lobus major.
- B. Lobus ejus minor.
- C. Lien parvus seminudus hic sub margine Costarum conspicuus.
- D. Hepatis lobus minor, ab arcu lævarum Costarum retroflexus & Lienem intra se se comprehendens, atque ad medium sub Ventriculo Epigastrium denuo pertingens.
- E. Lien involutus totus reflexo Jecinis minori lobo.
- F. Arcus punctis notatus, quo quidquid Jecoris ac Splenis infra mar-

ginem Costarum eminuerit, notatur.

G. Intestinum Cæcum, in sinistro Hypogastrio, eoque medio, locatum, quod fæcibus, flatibusque turgens, alvum cohibere potuit; potuit & Vaginam uteri, Uterum, & Vesicam urinariam sæpe turbare. Potest Recti, Vesicæque, dolores, validosque creare tenesmos, qui huic forsitan causæ minus adscriberentur. Equidem vix ejusmodi effectus inde ægra nostra passa est, ut sæpius malorum in corpore causæ existunt, quæ raro, aut nunquam, in effectum prorumpunt; prorumpere tamen possunt, ac sæpe prorumpunt.

H. Flexus Coli primus. Notemus hic Coli longitudinem, quod jam pedis, & ultra, absolvit longitudinem, antequam in aliis nasci soleat;

leat; quodque præterea duodecim suis flexibus multum percurrit spatium. Sic ut, mensura capta, inventum fuerit hoc Colon dupla fere parte consuetam excedere longitudinem. Potuisset tardior hinc alvus nasci; potuisset Colica frequens, eaque flatulenta, stercorea, pictonica; potuisset Ileus in longo atque adeo tortuoso Intestino facile oriri.

I. Flexus Hepaticus.

K. Umbilicus hic notatur, ut iterum pateat colicos dolores ibi nasci, ubi colum adesse minime creditur.

L. Colon hic præter naturam expansum, ut alibi præternaturaliter tenue.

M. Flexus lienaris.

N. Flexus quintus.

O. Flexus sextus.

P. Septimus.

Q. Octavus.

R. Nonus.

S. Decimus.

T. Undecimus.

U. Duodecimus.

W. Intestinum Rectum.

FIG. II. TAB. III.

Exposita hæc est suo loco Cap. III.

§. III.

FIG. III.

Est Intestinum Colon hominis quadragenarii, qui laborans carie Antri Higmoriani, ex corrupto dente nata, quæ fundum Orbitæ jam excederat, oculumque totum de Orbita extruserat, demum in Nosocomium venit, in eoque anno 1760. obiit. Notandum hic est virum hunc nulla incommoda ventris sustinuisse, alvum autem per omnem fere vitam singulo 3. aut 4. aut ultra die, eamque duram, scybalo-

losam, tantum deponere potuisse; eo-
que modo eandem, Mensis spatio,
quo apud nos fuit, deposuisse.

AA. Inter duo AA. solum Cæcum In-
testinum est hic adeo dilatatum,
& elongatum. Situs Cæci usque in
sinistrum Hypogastrium productus,
ut in Fig. I. hujus Tabulæ; verum
non ita noxius Intestino Recto &c.
quia eo altior.

B. Processus Cæci vermiformis.

C. Principium Coli intestini, ubi in-
gressus Intestini Ileii in Colon &
Cæcum.

D. Alter flexus crassorum Intestinorum
seu primus Coli, Hepaticus.

E. Flexus lienaris.

F. Reflexus in dextrum Hypochon-
drium usque.

G. Flexus lienaris alter sub priore com-
pressus.

H. Reflexus in superiora sub parte F.G., ut punctis notatur, ab eodemque valde compressus. Cellulositate fortissima ubique, & undique, hic flexus accretus erat; maxime autem ad superiora & latus externum Renis.

I. Reflexus Coli versus inferiora.

K. Flexus ejusdem iliacus.

L. Flexus exiguus in superiora.

M. Ultimus flexus Rectum formans.

N. Rectum. Decem flexus numeravimus.

Thoracem primo aperiunt, mirabamur Diaphragma plurimum in sinistro thorace protuberare; sed postmodum tantam Intestini reflexi toties molem intuiti, mirari destitimus. Ipsum hoc causâ morborum in vitalibus partibus multiplicium existere posset, quos protopathicos falso crederemus. An morbus aliquando incurabilis, in quo cum fervore quasi aquæ ebullientis,

tis, borborygmorumque sonorum,
simili quandoque causæ tribuendus?

F I G. IV.

Ventriculus, Cæcum, & Colon,
mulieris, cujus historia data *Rat. Med.*
Tom. VII. cap. II. §. I.

A. Ventriculus media sua sinistiore
parte magnus.

B. Idem ex magna amplitudine mox
contractissimus.

C. Pylorus, Via inter B. & C. pauxil-
lum aperta duntaxat, præ corruga-
tione villosæ maxime tunicæ,

D. Duodeni principium.

E. Cæcum Intestinum cum inserto I-
leo, & cum suo vermiculari pro-
cessu: Amplissimum hoc, ut & co-
li principium,

f. Flexus Coli primus.

F. Flexus ejus alter, hepaticus,

G. Flexus tertius.

H.

H. Quartus.

I. Quintus, Lienalis.

K.L.M. Ne figuram literæ turbarent, has tres a latere interno adscripti: ab I. ad K. flexus sextus: ad L hoc sic flexum Intestinum, flexum suum, eumque septimum, continuando, sub se ipso decurrit, & ad M. emergit; & format mox flexum octavum.

N. Flexus nonus.

O. Flexus decimus.

P. Ultimus.

Hic verum volvulum intestinale videmus, cujus tamen symptomata in vita non apparuerunt: quin imo laxior feminae alvus, pluriesque, etiam sub vitæ finem, diarrhoeica diu fuit. Ubi tamen Ileus letalis inde natus est, videmus fidem adhibendam Autoribus, qui tale quid se invenisse scripserint. Cur in cunctis his figuris, quasque
ha-

habeo, aliis, longe frequentius est Coli intestini adaucta moles & altitudo, quam in latere dextro? An impediente magna mole Hepatis, Intestinum hoc flatu distentum, adeoque & ampliare, & elongare se se annitens, locum aptiorem nanciscitur, Liene sæpe ab arcu costarum sinistrarum remoto, & Ventriculo in sua inanitate minus hoc quasi vacuum replente? An ideo in sinistro Hypochondrio illa incommoda frequentiora, de quibus in Fig. mox hanc præcedente, sub finem, egi?

T A B U L A I V.

Intestinum Cæcum, cum Coli principio, hominis, cujus Tympanitidis atque Ilei morbi historiam dedi *Tomo II. Cap. V.* Ob rei mirabilitatem totam Intestinorum cum tenuium tum crassorum, molem servavi: cum autem in hoc *XI. Tomo* toties de Tympania &

& Ileo fermo sit, addo hic effigiem Coli, & principii Ilei, eadem exacte magnitudine, non qua olim fuit; nam indies magis corrugatur, & plicatur; sed qua nunc est.

Quo quis de hac Figura rite judicet, oportet cum recenti Intestino eandem conferre; exsiccatione enim multa mutantur. Figura *Tulpii*, & *Heisteri*, & *Morgagni*, exhibent Intestinum recens; ut & illa magni *Albini Exerc. Acad. Tom. III. Tab. V.* quæ instar omnium est. *Bidloi* autem Figura de inflato atque exsiccato Intestino desumpta est. Mea est Intestinorum morbo inflatorum, dein post exsiccationem cum spiritu *Thereb.* sæpe illitorum, contra teredinem, quæ nihilominus pluribus in partibus hæc Intestina jam corrodit.

In recenti Intestino quævis statu naturali se habentes conspiciuntur partes:

tes : in inflato , atque exsiccatō, plus minus degenerascunt. Sed ipsæ hæ degenerascentes partes rerum intellectum faciunt , illustrantque , Ortum exhibendo , & nexum Valvulæ , habenarumque ejus , & modum quo Coli cellulæ formentur , Ligamentorum rationem , decursumque : ac tandem machinæ hujus admirandæ structuram , usumque capiemus , quando nihil ex recenti citra exsiccatam , nihilque ex hac absque illa , concluderimus. Sed & ipsa , quam exhibeo , figura , in Pathologicis conferet ad explicandum Vomitum , haud sæcundumtaxat , quæ , ut vidimus , ex ipso Intestino Ileo prodire queunt , verum etiam Clysmatum , atque Suppositoriorum , quæ in Rectum Intestinum immissa impositæ fuerant : tympanica scilicet Intestinatorum dispositione , Valvularum rictum ita distrahente , ut
quæ-

quæcumque in Intestinis crassis hospitabantur, commode nunc in Tenuia transeant. Quapropter haud absque ratione celeb. *Haguenotus Acad. Reg. Sc. Par. anni 1713.* censuit iteratis nimium Clysteribus, vix effluentibus, Colon, Cæcumque dilatari, sicut Valvulæ ora diducantur, formentque hiatum: id quod profecto in hujus morbi pertractatione summopere est attendendum. An in omni stercoreum cum Clysmatibus vomitu quid simile contingeret? Nunquid Vomitus Enematum, Colique fæcum, non fieret, minus expanso Cæco, adeoque Valvula se naturali modo claudente? Verum contra, Coli Valvulam, non expanso multum Cæco, superavit Aqua in humano Cadavere in anum injecta per Machinam Italicam. *Rat. Med. Tom. VIII. Cap. V.* Ergone Violentia jactus per hanc Machinam ex-

er-

ercitata , ea longe superior , quæ ab Enemate , inverſoque Periftaltico motu fit , Valvulam cedere cogit ? Et an Valvulæ reſiſtentia tanta eſt , ut , ſine violenta expansione Cæci ac Colli Inteftini , vi enormi hujus Machinæ , ut cedat , indiget ? Imo ut etiam bis validiſſimam ejusdem potentiam eluſerit ? Cæterum ut quæcumque partes muſculoſæ duplo , decuplo , uno , quam alio in homine valentiores ad agendum , reſiſtendumque ſunt , idem de noſtra Valvula ſtatuamus oportet. Superari autem cum vitæ integritate poſſe , & exemplo eorum , qui olim poſt Enematum vomitum in ſanitatem redierint , & eorum hominum , canumque , qui aquam in anum injectam vomitu reddiderint , conſtat.

Explicatio Figuræ.

A. Fundus ſacci Cæci.

Pars XI.

A a

B. B.

B. B. Sacci dilatatio , cuius in maxima amplitudine diameter sex pollicum *Viennensium* est , qui faciunt *Rhenolandicæ* pollices sex , cum Linea una & duabus tertiis ; pollices *Parisienses* sex , minus duabus lineis ; *Londinenses* sex cum tribus lineis ; *Palma di Roma* octo & fere dimidium. Utor porro pede *Vienensi* perpetuo.

C. C. C. C. Ligamentum primum , & alterum , quod proprie unicum origine est , una cum tertio ligamento , dicto *Mesocolico* : etenim in parte averfa sacci *Cæci* , quæ hic demonstrari non potest , tria hæc ligamenta in hoc intestini *Cæci* sacco una nascuntur , inque tria tunc dividuntur , quorum primum & alterum conspectui hic se offerunt , tertium *Mesocolicum* eadem , qua duo priora , origine
na-

natum , solitarium decurrit antequam Mesocolon Intestino adnascitur , & non modo contrahit, sed efficit ut in interna Coli parte stria appareat , quæ ad Lit. D. visitur.

D. Ad hoc ligamentum valvula terminatur.

E E E E. Fenestra excissa ex Coeco & Colo , ut interiora pateant.

e e e e e e e e. Circumferentia Valvulæ Coli magnitudinem , adeoque & veram amplitudinem Intestini Ilei , cujus unius proles Valvula est, determinans. Summa inferioris Valvulæ partis altitudo est pollicis cum quatuor lineis ; superioris autem est undecim linearum.

f f f f f f f f. Totidem frœna, seu habenæ, quæ valvulam moderantur.

G. Valvula ordinaria Coli, quales numerosas , & aliquas hac duplo eminentiores , tria Coli ligamenta , Intestinum contrahendo , formant.

H. Hiatus tympaniticus valvulæ, dextra aspicientium parte paulo rotundior ; læva , paulo acutior : in latitudine pollicis & octo cum dimidia Linearum , in majore altitudine Linearum septem.

I. Apertura Appendiculi vermiformis.

KKKKK. Colon Intestinum hic adeo leviter contractum , ut inter primum alterumque ligamentum fere Vesicam repræsentet , cum relictis tantummodo contractionis vestigiis. Cur tamen longe contractius est versus BB ? Ill. Vir *Hallerus Elem. Phys. Tom. VI. pag. 143.* „ Major , inquit , solet „ esse Cellula , quæ inter nudum „ anterius Ligamentum est , & „ Mesocolicum. „ Sed hic etiam inter ligamentum alterum, Omentale Illustri *Hallero* dictum , & Mesocolicum , sic se habet.



Errata

Pag.	Lin.		Lege
10.	7.	Cap. 2.	Cap. 4.
17.	1.	rustico, labore,	rustico labore,
19.	18.	tempus	initium
25.	15.	ὀλέθρεια	ὀλέθρεια.
30.	5.	quotidiana	quotidianæ
45.	15.	καττ'	κατ'
66.	8.	Ranun.	Ranun-
83.	19.	illabi	relabi
93.	6.	transmigrauerat	transmigrauerat.
98.	11.	unicam	unicam,
104.	13.	ediam	mediam
104.	18.	njuriis	injuriis
118.	12.	erustam	crustam
141.	20.	profectæ	profectæ
142.	3.	molestas,	molestas experta,
155.	6.	celerimum	celerrimum
157.	7.	quæ	quam quæ
168.	8.	Epigastrii,	Epigastrii tantum,
176.	16.	quam	quem
177.	3.	aitum	altum
206.	5.	cordicis	corticis
218.	2.	squiila	squilla
222.	18.	pure	puro
229.	3.	labore, opus:	labore opus:
230.	17.	accensa	accenso
243.	14.	fors	fors
257.	7.	hance	hancce
260.	9.	eontinua	continua
261.	17.	bant	ban-
270.	2.	ἰδιόσυνη ἀδία	ἰδιόσχηνη ἀδία
282.	6.	dextrosum	dextrosum.

307.	8.	qui	quæ
307.	13.	purgantibus	purgantibus
320.	17.	Arætæus	Arætæus.
338.	18.	minatur	minuatur
362.	21.	lege sic; An morbus sinistri hypochondrii, non raro incurabilis, in quo fervor quasi aquæ ebullientis, borborygmorumque sonorum mugitus, observantur, simili causæ tribuendus? An non inde horum ægrorum cordis palpitatio, insultusque asthmatici, dum aut fece, aut flatu, aut utroque, colon turgescit, intelliguntur?	
369.	6.	indiget?	indigeat?



TABULA I.



TABULA II.

Fig: I.




Fig: II.




Fig: III.




Fig: IV.




Fig: I.

TABULA III.




Fig: II.




Fig: III.





Fig: IV.



TABULA IV.

K

K

K

K

K

E

e

D

E

e

e

E

E

C

C

A

B

B

